

**De anima brutorum commentaria / [Francesco Maria Soldini].**

**Contributors**

Soldini, Francesco Maria.

**Publication/Creation**

Florentiae : Cajetan. Cambiagi, 1776.

**Persistent URL**

<https://wellcomecollection.org/works/ct9znzuf>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>





Chas<sup>s</sup>. F. Crawford D.D.



48952/B


M.XII.P  
18

SOLDINUS  
2

SOLDINI, FM

Occult  
Soldini  
21

267






Digitized by the Internet Archive  
in 2019 with funding from  
Wellcome Library

<https://archive.org/details/b30515816>

49072





NOBILISSIMO VIRO FLORENTIAE PATRICIO  
STEPHANIANI ORDINIS EQVITI BAJVLIVO  
DE MARCH. CALCIONIS TITVLO NVNCVPATIS  
SIGISMVNDO LOTTERINGHAE GENTIS  
CVI VETVS A TRAMITE CONTERMINO  
DALLA STVFA  
AVITVMQ. COGNOMEN VBIQVE PERCREBRESCIT  
REGIAE CONSULTATIONIS PRO HETRVRIAEC  
PRINCIP  
EX OPTIMIS DELECTO A SECRETIS  
GERMANAE PIETATIS VIRTVTVMQVE CVLTORI  
ET EXIMIO PATRIAE ORNAMENTO  
P. FRANCISCVS M. SOLDINI A. S. T.  
EX ORDINE CARMELITAR. DISCALCEATOR.  
FLORENTINVS COMMENTARIORVM AUCTOR  
PRO MERITIS DOMINO SVO DEVINCTISSIMVS  
DEVOVET, OFFERT, INSCRIBIT

INSCRIBITIS ADO FLORENTIAE TATIUS  
ESTINNAMI OGDENS DUDITI TATIUS  
DE MARE CALCIOSITATIS NUNCATATIS  
SICISUMDO GOTTERINGAE CENITIS  
CAY AVTA A TRAMITA CONTRARIIS  
DALEA STAB  
AVITAE COGENOMEN AVNOAE PERGRERESSIO  
MICHAE CONSULTATIONIS PRO HISTORIA  
TRIUMPHI  
EX OUTLINE OF THE HISTORY OF SCIENCE  
CIRCA MILETUS AVTUTA MIGE CAVO  
ET EXIMIO TATIUS AVN  
R PRINCIPES AC SOLINI A E T  
IN QDINCE COMMUNICAR DISCVRSEATOR  
PROFESSIONIS COMMUNICARIONI A MOTOR  
PRO MELITIS DOMINO SVO DEVENTUARIVS  
DEVOVET, OLLERI, INSCRIBIT

COMMENTARIORUM  
RATIO  
ATQUE CONSILII.



Aciliè nemo est, qui in rebus a se scribendis, atque in vulgus etiam edendis non eum velit accurate morem consecitari, quem ratio, & ad litterarum disciplinam mens probe instituta cuique persuaserit,

& doctorum hominum consuetudo consecraverit. Etenim quicquidunque est, cuius ingenii vis & perspicuitas illud non studeat reliquis anteferri, cuius veluti ductu multò facilius haec percepta teneantur? Itaque non rerum ordo solum, quum inter homines colloquimur, aut animi sensus scribendo pandimus servetur oportet, verum etiam quis

a

qua-

qualisve ordo ipse futurus sit patefacere jure optimo debemus; nisi omnem rationis decorisque curam a nobis metipsis abjecisse videamur. Quapropter cogitanti mihi saepenumero de Brutorum anima elucubrandis Commentariis otio aliquatenus sedulo interesse, haud abs re profecto videri poterat aliquid seriò praefari; unde Operis pertractandi methodus luculenter constaret, & quod illius condendi fuisset consilium maxime unicuique innocesceret. Utrumque sanè appositè concinneque factum! Attamen quod postremum est caput multò uberioris pretii atque sermonis mihi diù multumque deliberanti continuò fore persensi, ut primum litteris hisce exarandis manus, & ingenium admoveare decrevi; & alterum minus habendum esse sum ratus. Itaque Operis rationem multò breviori primum sermone versabimus; deinde praeorceptum illius scopum fusori dissertatione, ut par est, absolvemus.

Optimae methodi laudem nihil certè aptius conciliat; quum synthesim adhibent rerum difficillimarum tractatores; quām si ad topica quaedam veritatis inveniendae genera confugiant, unde verum ex veris rite pressèque inferatur, & eadem inter se arcto vinculo catenae instar nequantur. Porrò hujusce Problematis, quod solvendum sumus adgressi, statum (ut vulgo dicitant inveteratae Scholae sectatores), quaedam inconcussa principia a dubitatione ad certitudinem transferunt, eique clarissimam lucem conciliare valent, quae praetermitti a nobis nullatenus debent. Horum primum quod ad caetera invicem inferenda viam quodammodo sternit, totum in eo situm est, ut ostendat generis humani omnium gentium, & temporum consensum

sum

sum evidentissimè suffragari, quùm de immateriali Brutorum omnium sensu, & cogitatione res est, & disputatio. Verum hujusmodi sermoninandi materia, quùm amplissima per se se sit, neque facili negocio, omni procul confusione semota, intra breviores fines coercenda, hunc idcirco supremum Commentariorum nostrorum locum in tria priora eorumdem Capita satis aptè partiemur. Quod prius occurret, Philosophorum omnium dicta & sententias de belluarum anima sincera fide complectetur: secundum perspicua exhibebit demonstratiōne deinde omnium populorum doctorum indoctorumque firmam, & in omnes aetates pervagatam opinionem; unde superiora magis magisque firmentur: tertium denique acrem ubermque proferet ratiocinationem, ex qua pateat quid illis Brutorum adversariis esset praestandum, qui eorum animam omni sensu, & cognitione carere conantur adstruere, aut verbis potius imperito cuivis fucum facere.

Ad veritatis nexum non minus pertinere posse existimavimus, quae quarto hujusce Operis Capite fuimus solerter, quantum ex Physiologia potuimus, persequuti. In eo videlicet animae sentientis vim, & quid sensus nomine intelligi debeat enucleavimus: atque huc spectare opus esse duximus irritabilitatis leges, earumque ad sensum generandum relationes, quae ut in humana sic & in brutali machina quapiam obtemperantes mirum in modum inveniuntur. Concors preeterea esse ea conspicitur doctrina omnis, quae quinto comprehensa Capite fuit, quùm nempè ex Brutorum vocibus, ejulatu, aliisque doloris aut voluptatis argumentis veram illo-

rum sensationem manifestò evinci posse statuimus. Pro sensationis ejusdem in belluis omnibus veritate admodum facere ostendit quod sexto demùm Capite elucubravimus; illarum videlicet phantasiam, memoriam, judicium, ratiocinationem; quae sane ad postremi Capitis materialm, atque ad totius Operis complementum veluti manuducunt. Igitur illud tandem veras probat in belluis appetitiones, easque reipsa antequam velint quidpiam, aut nolint, deliberationem, ac consilium adhibere suadet.

Hisce itaque pro eorum dignitate expletis topico-  
rum generibus, & veritatis referatis fontibus, satis su-  
perque muneri imposito me demum fecisse jure laetabor,  
atque animam Brutorum contra eorum oppugnatores suo  
me nativo honori reddidisse quisquis existimabit, postea-  
quam adornatas hafce vindicias lexitare, & serio ani-  
madvertere non fuerit deditnatus. Atque haec pro Bru-  
torum genere universo innuisse sufficient: deinde vero  
de nostrorum Commentariorum peculiari consilio uberiori  
ratione quae hic consequuntur.

Inanis fermè meo iudicio fuissest quaecumque, ut ut  
expolitor, de Brutorum anima disceptatio, nisi quid  
amplius, & ponderis multò gravioris additum eruditis  
philosophis visum esset, quam tot tantaeque illae fue-  
rint haec tenus concertationes initae, cæque certè absque  
cumulata gloria confectae. Hujuscem incommodi caussa;  
quae dubio procul in Philosophia maximi est momenti;  
quae sit, & huic demum qua sit ratione medendum, pro-  
posita nobis bina illa sunt, quae circum tota modò ver-  
sabitur oratio. Porro plura obrepunt disputantium ani-  
mis, a quibus nisi accuratissimè caveant, equidem non

sen-

sentio quid homini praestantis ingenii, & rerum magnarum & sublimium contemplatione distento deterius possit accidere. Aut enim Tullii monito (*a*): *Opinionibus vulgi rapimur in errorem, nec vera cernimus*; aut pa- thematibus aditum non interclusum fortè patimur, atque ea amore, aut odio preeconcepto potius, quam germano in veritatem candore decernimus, quae non affectu unquam, sed preeclara tantum mente forent absolvenda. Hinc inanissima illa, & pessima omnino Philosophorum aemulatio; hinc tenax invicem contradicendi & calumniandi ingenium; inde etiam mentis perperam institutae in plerisque imbecillitas cuiuslibet audacter adsentiendi, & absque ullo rationis examine, tanquam rato & probato, plaudendi; dummodo inconsulta quaedam philosophandi male vigeat institutio, quam ineunte aetate suscepere, neque ab eorum animis aboleverunt: quae profectò omnia ad vires mentibus veritatem inquirentibus submini strandas augendasque imparia esse prorsus, temperantiorum Criticorum fancivit consensus. Ab utroque ergo hujusmodi rationis veluti morbo, tanquam ex Equo Trojano prodiisse visae sunt tam dispare de Belluarum na tura sententiae, & tam effraeni libertate disputatum huic usque fuit, ut merito philosophia; quae per se se sublimis, & egregia maiestate pollet; sub hac tamen larvata futilis sapientiae forma pudere debeat turpitudinis suae, quam eamentito solum nomine aperire nonnulli contendunt, & temere Philosophiae ipsi adjudicare alii non timent. Isti ergo qui de animantium indole universa dissidiis & quaestionibus impleverunt, & pro uno con-

tra-

(*a*) *De Legibus lib. II.*

tradicendi lubito adversas invicem commenti sunt opiniones, & academias, tantum abest, ut philosophorum appellatione digni habeantur re ipsa, ut contra maxima etiam eripuerint instrumenta, vel ornamenta Philosophiae, vel potius totam Philosophiam everterint funditus, ipsumque hominem ( si fieri potuisse) orbassent animo; adeo ut difficile sit de temeritate eorum, perinde ut causa postulat, dicere.

Attamen etsi quamp plures veterum Philosophorum errasse turpiter constet, eorumque absurdia de animalium natura quae tradiderunt placita, ut rationi, sic etiam Religioni Christianae adversari plurimi invicem ostenderint celeberrimi impugnatores, nulli vero pejus in litterarum Republica turbas excitasse novimus, & Viros insuper eruditos aequi bonique consulentes in terribilium maximumque discrimen adduxisse legimus, quam qui cum falsa philosophorum glotia, seu mavis stulta plane jactantia, floruere olim Aristotelis sectatores; quo tempore litterae in Europa e barbarorum coeno in pristinum decus a Monachorum coetibus habitae dictaeque sunt restitutae. Inde vero, favente praesertim universali pene retum meliorum ignorantie, caepta est agrestis illa philosophandi in scholis ratio ( a qua Scholasticorum nomen deinde manavit) cuius latissima lapsu temporum propago, & incrementa cum nostra ferme aetate coaequantur. Praeter infinita; quae recensere hic a nostro abest quam longissime instituto; incongrua, ridicula, obscura, atque vulgaria, haud infimum locum occupat quae ab iis ( perbelle quidem!) recens inventa, & acute detecta prodiit de Brutis Philosophia, cuius in primi Capit

tis

tis limine notionem explanabimus. Quamvis autem neque ipsos quid dicerent intelligere gravis suspicio subsit; aut saltem pleraque ea demum debuisse animo tenere probe concepta ( si hominum cum ratione consentientium munus vellent obire ) quae superiorum temporum Philosophi omnes excogitarant, validis utique persuadeamur argumentis; quae tempestive nobis erunt expendenda; datum nihilominus fuit, ut dominante rerum annorumque vicissitudine ab uno Cartesio acutissimo caeteroquin Gallicarum philosopho, ut vulgo etiam innotescit, novissimi Systematis sui circa belluarum animam propagatione Peripatetici omnes ab immerita philosophicae laudis possessione aut dejicerentur omnino, aut non parum deterrentur.

Eidem nihilominus fortunae, cui Peripatetici antea, obnoxiam fuisse Cartesianorum sententiam facile est enarrare; quemadmodum, si quae alia etiam inconsulto ex cogitata hypothesis in litterarum lucem deinde advenisset, disparem casum haudquaquam fuisse experta. Equidem affirmare jure non vereor, quod unanimi Criticorum sensu jamdiu est probatissimum, non id plausibile nec unquam fore iateriturum, quod imperitorum adclamationibus, & vulgi voluntate, aut furore faventibus in aliquam umbratilem veri dignitatem attollitur. Vulgi autem appellatione non eos solum hominum coetus mente persequimur, qui ab omnibus rudiorum etiam litterarum elementis remoti, atque egestatibus faevientibus consilitati id tantum perpetuo cogitant, aut quod suarum illiberalium artium opera ad famem depellendam maxime conferat, aut quod caeteri similes, quibuscum

fac-

saepe versantur, stupida fide a majoribus acceptum, atque inter ipsos late pervagatum invicem sibi periuadeant: non hujus generis inquam homines tantummodo, verum etiam ad ejusdem vulgi rationem eos merito pertinere juxta sapientiorum suffragium existimavimus, quorum characterem preesse paucis fuius paulo ante complexi. Verum ne haec forte tanquam a mea privata opinione prodire videantur, atque ut magis recentium Commentariorum scopus legenti pateat, en quae brevioribus animadversionibus exponi necesse fuerant.

Neminem refragari posse ambigimus, virum philosophum atque in ratione utenda castigatum, temperantem ex iis unumquemque debere philosophari notionibus, quas plerumque circumscriptis naturae viribus sapientiores valeant comparare. Tota quippe, quanta late patet, ea quae omni aetate humano potita est ingenio, sive sapientia, sive eruditio, idearum praesentium e sensibus profluentium ambitu continentur: ac quisquis propterea in scientiis persequendis excellere jure optimo cupiat, & nova in dies sibi eruditionis incrementa conciliare, contentus is esse debet ita mentem excolere, ut tamen idearum eorumdem fines haudquaquam temere audeat transilire. Quapropter, quum Brutorum indolem expendendam suscepimus, nemo eorum, qui philosophorum nomine diu indecisim posuit, & ab ipsarum notionum terminis simul digressus saepe hac in re est, ea nobis poterit proponere, quae omnem humanarum cognitionum praesentium veluti circulum libere nimis transgrediuntur, nisi pro impostore a sapientioribus sit traducendus.

Qui-

Quicumque ergo lascivientia in Philosophia ingenia, & nimium phanatissimi aestu ferventia jure meritoque, ut philosophum decet, adsperratur, universos illos perinde. Auctores praecipitur a se repellere, qui de Brutorum anima admodum fidenter differuisse, nec juxta idearum praesentium lumen philosophandi rationem metiri visi sunt; cuiusmodi fuisse ad nostra usque tempora constabit opportunius quotquot historice fuimus alibi perse- quuti, qui animantium naturam pro corum lubito, & novitatis amore potius, quam inquirendae veritatis zelo, futilibus disputationibus exhibuere. Quamvis autem igno- ret nemo quot litteris incommoda attulerit novae hu- jusmodi, & mortalibus omnibus incomprehensibilis sapientiae evulgandae ambitio; nisi qui in litteraria histo- ria hespes plane sit atque jejonus; attamen non idcirco putandum est, eruditos homines, & in scientia adsequen- da sobrios non continuo novitatibus ejus generis totam obsistendi eorum vim opposuisse. Esto commenta supra memorata de Brutorum nostrorum anima sub inventionis initium cum plausu aliquo fuerint excepta: verum quum falsa, & inania quaelibet temporum lapsu deleantur, & per se se pereant, mirum haud esse fatendum nobis est, totidem ipsa modo ab omnibus despectui habita, & uno annorum transitu elanguisse.

Haec profecto cum aliis pluribus comparari rite possunt, quae a Pythagora de Numeris, & Metempyscosi; quae a Platone de Ideis aeternis; quae a Scholasticis de Forma substantiali; quae a Fluddo atque Cudworthio aliisque de Anima mundana; quae a Mallebranchio de Causis occasionalibus; quae a Leibnitio de Harmonia pre-

sta-

stabilita; & quae demum a Veteribus simul, & Recentioribus Philosophis incredibili pene opinionum varietate, & magna inter eos contentione scripta & posteritati commendata fuisse memoriae proditum est vulgatissimae. Quis vero tandem ex sapientioribus haec omnia nostra tempestate in pretio habeat, aut quis modo suorum Auctorum vesaniam potius non doleat? Quis sane mentis miserandam eorum Philosophorum vicissitudinem ideo non admiretur, quod ex tot tantisque systematum casibus facili negocio queat inferri; quidquid nimicum a definita perceptionum humanarum serie abest peritus, id ipsum sponte veluti sua concidat, & pereat necesse fore?

Quisquis propterea pecudum animas philosophice expendere molitur, ac rite argumentari cogitat non solum perperam praecognitum se se debet expoliare judiciis, & vulgarium Philosophorum absque sufficienti fundamento placita ab se abjicere, verum etiam juxta praesentium cognitionum lumen rationem ita temperare, ut ex iisdem bene compertis caussis, aut ex similibus, eisdem aut similes effectus inter argendum scite derivet; quemadmodum ex iisdem aut similibus, qui in natura patent, effectibus eadem aut similes causae ab illo inferantur oportet.

Itaque illa nobis de animantium omnium natura Commentariis hisce fuse differentibus tanquam indubia, & certissima haberi necesse erit; quae clara demonstrazione ex ideis praesentibus ducta ita ab omnibus intelligenti posse confidimus, ut nemo futurus sit iisdem refractarius; nisi forte qui prima Litterariae Reipublicae fundamenta subvertere conatur, aut in sua obfirmatus

sen-

sententia ob mentis præoccupationem argumentationis nostrae vim sentire detrectet. Vel ipse Cartesius animæ belluarum infensissimus hostis perspicuum distinctamque rerum perceptionem , tanquam tutissimum comparatae veritatis argumentum , habendum fore , valida ratiocinatione conficit (a). Utrum vero inter innumeros ferme de intima Brutorum substantia Scriptores ; qui sibi blanditi fortasse fuerint , eorum operationum omnium statuisse principium ; extiterint nec ne ulli , qui eam veritatis tessera in suis disputationibus protulisse dici jure valeant , cuilibet locus est ambigendi , neque inde omnes de eadem veritate scrupulos abstulisse visi sunt. Porro quotquot Veterum , ac Recentiorum fuerint hue usque circa animantium naturam opiniones ad tria genera referri , & cohiberi tandem posse mihi videor . Scholastici alibi commemorati belluas ad tenuissimum quoddam substantiae genus attinere , qua eorum anima constaret , quaeque medium inter crassiora corpora ac spiritus locum tenebat , omni dubio procul sunt opinati ; quibus etiam acesere deinde Claudio Berigardus (b) , Cardofus (c) , Baco de Verulanio (d) , Petrus Gassendus (e) , Maignanus (f) ; quam deinceps opinionem paullo verosimiliorem effecisse sibi commentus est Andreas Rudigerus (g) , qui sub initio

tium

(a) *Meditat. IV. prope finem.*(b) *In Circulo Pisano pag. 602.*(c) *Philosoph. liber. Lib. V. quæst. 5.*(d) *De augmentis scient. Lib. IV. cap. 3.*(e) *Physic. Sect. 3. Lib. 3. cap.*(f) *Philosoph. naturae cap. 20.*(g) *Apud Buddeum in Hist. Philosoph. pag. 5.*

tium saeculi hujus res philosophicas novo ausu pertractavit. Hic potissimum in ea fuit persuasione, distinguendam esse nimirum Materiam a Corpore: Corpus enim esse hoc contrectabile, solidum, iners, caeterisque affectum qualitatibus autumavit; illam vero puram putamque esse extentionem, primumque, ut ajunt, substramen quum corporum, tum spirituum, & animorum. Ex quo tamen pervium est eruere, pecudum nempe animas, quemadmodum & humanas, suam habere re ipsa extentionem, quacum vires activae atque vitales conjunctae in animantibus omnibus vigeant. Cartesiani deinde omnem a belluis animam abstulere, easque machinas tantum decrevere, eo naturali instructas artificio, ut absque ulla cognitione motus suos persolverent universos. Placitum hujusmodi, ut constat, primus, post Antonianam Pereiri celeberrimam Margharitam anno 1554. in vulgus editam, propagasse dicitur Cartesius; in cujus opinionis foedere postmodum se se obstrinxere Le Grandius (a), Condemojus (b), Dillyus (c), aliique silentio pro brevitate praetereundi. Qui vero demum uberrima laudandi undique gentium eruditione a nobis erunt, isti profecto pro ea pecudum, quae dicitur, *Spiritualitate* stetisse luctucentissime patebit. Haec tria igitur disputantium genera cuique debent sapienti viro, nullaque affectum dominatione preoccupato, videri sane vulgaria, neque inconsulto probanda rei ciendave, antequam singula examini subjicerit acerrimo, & ad veritatis leges conformato.

Quid-

(a) *De privatione sens. & cognit. in Brutis.*

(b) *Epist. ad Vir. Relig.*

(c) *De Anima Brutorum.*

Quidquid itaque a nobis ingenti studio , semperque haud in ancipi constitutis, absolutum denique fuit, ad gravissimum hocce Commentariorum consilium referri debere censuimus ; ut nimirum ea tantum ad rem deligerentur , & opera etiam nostra fierent meliora , quae sanioris judicii legibus , & philosophicae methodo magis essent consentanea . Totum ergo suscepit Operis momentum praepositis haetenus Critices animadversionibus inniti videbitur : quippe Brutorum anima immaterialis , spiritualisque substantiae definitur : quod etsi ab aliis praestitum fuisse laudatissimis Philosophis non ignoremus , attamen ex iisdem fontibus eos non usque adeo suum provexisse opus , quemadmodum a nobis erit perficiendum , causa ipsa , quam illico defendendam aggredimur , satis superque monstrabit .

Neminem vero arbitratum vellemus , a nobis de postremis scriptoribus illa dicentibus iis idcirco aliquid famae aut promeritae sibi gloriae detractum forte fuisse . Sua namque quibusque laus , sua unicuique sapientia per nos illaesa tutaque perseverat ; neque facile iis sumus profecto , quos vesana carpendi honoris ambitio ita perperam fallat , fascinet , atque depravet , ut ex aliorum contemptu , casibus , aut patefacta imperitia nosmetipsos attollere iniquo plane consilio cupiamus . Sane quicumque belluarum ingenium eousque magnificere studuerunt , ut quidquid ipsi elucubraverint cum nostra opinione sit omnino conferendum , satis eos perfecisse affirmamus , unde a doctis discretisque hominibus tributam pro meritis commendationem nobiscum ex aequo divisam sibi vendicent , ac tueantur . Caeterum eorum nullus

nobis perinde succensere merito debet , si quae in una docentur disciplina aut jejune , aut neque tam luculenter , quantum a nonnullis deinde fieri quandoque potest , & fuse , & graviter , & perspicue multo magis , sive a nobis , sive ab aliis permultis disputata litteris consignentur , quae ampliorem dubio procul efflagitant per se doctorum virorum solertiam , aciem , atque sedulitatem . Quisquis igitur placita in philosophia omnium prior acute excogitat , & scite tanquam unicuique sapienti probanda demonstrat , sua quidem laude non caret ; qui vero eadem illustrare , atque in praeclarius veritatis lumen erigere oititur , multo magis expectare ipse valet sibi plaudentes philosophos , ac de omnigenz scientiarum copia optime meritos .



## CAPUT X\*

*Peripateticorum circa Belluarum animam sententia cum unanimi omnium Philosophorum consensu comparatur, qui eam spiritalem esse constanter fassi sunt.*



*Ubitare, ne quimus, neminem esse in historia Philosophiae, quae non mediocriter aetate nostra colitur, versatum hominem, & eruditum, cui non aequa de anima Brutorum sensitivatantum competta jam-*

*diu fuerint quorumdam Philosophorum; Peripateticorum autem prae reliquis; dogmata, & quid animo iis vocibus ipsi opinarentur haud probe resciverint. Hoc ipsum nihilominus methodi nostrae ratio sibi vendicat haud esse in praefens nobis tacitis praetereundum, contractaque saltem definita oratione illius historiam efflagitare jure videtur. Ea enim belluarum animae est natura, sensu*

*dum-*

dumtaxat praedita , atque omni rerum cognitione , quae rationalis dicitur , orbata ab eaque penitus seposita , ut materialem ipsam vocarent , atque tuerentur , ejusque functiones occulti nescio cuius conatus impulsu , quem instinctum appellabant , mira peragerentur constantia . Ea nimicum necessitatis lege Bruta innato pondere in invariabilem operationum seriem eorum Philosophorum placito ferebantur , ut ejusdem instinctus ductu , non libera voluntate , seu electione , quid cujusquam esset accommodatum ingenio , & voluptati appeterent , & quod sibi ex adverso noxiū atque molestum repudiarent . Mira profecto ad subtilia invenienda ingeniorum feracitas , unde in rebus ad decernendum multo difficilibus aliquem sibi , caeterisque eius aetatis philosophandi aditum , rite nec ne , patefacerent ! Caeterum ipsam sensitivae animae naturam , quam in belluis cujusque generis latentem omniumque operationum ministram ducemque adstruebant , exquisito idcirco doloris voluptatique sensu donari profitebantur , quod in eadem princeps existeret terminus , non omnis quidem corporeae concretionis expers , ad quem tamen infinita pene membrorum irritamenta , nervorum convulsiones , sanguinis , aliorumque excurrentium spirituum circuli perniciissimo motu perciti , & si quae sunt alia ad sensum generandum Anatomicorum solertia , & judicio proposita , constanter referrentur . Unus pro omnibus Peripateticis D. Thomas dictis fidem faciet , qui pluribus (a) utitur ad illud ipsum suadendum argumentis ; quae certe nec magni sunt momenti ut Bruta ab Automatis natura vindicentur ( quo-

mo-

(a) *Lib. II. contra Gentes cap. 63. & seq.*

modo Recentiores nonnulli deinde sunt opinati ), neque verum tanti sunt profecto facienda , quanti haec tenus causa atque inconsulta philosophandi ratione fecisse visi sunt quotquot , tanquam pro aris , & focis pugnaturi , sensitivam animantium vim absque ratione , & consilio , acie veluti instruta , in scholas , & in vulgus utut ab eftissimum tumenti magisterio sparserunt . Quapropter decepti potius sunt , & falluntur etiam , si qui adhuc è veteris Philosophiae coeno supersunt , in re gravissima , nec eos ab errore valet revocare nisi castigatior , magisque ad discernendum & ad probe arguendum composita methodus , cujus legibus modo tota animi contentionе aggressi sumus obtemperare . Aquinatis testimonia ad verbum , aliorumque Peripateticae Sectae Scriptorum dicta ad sensum in Belluis decernendum facientia , non lubet exscribere : celebre namque , atque evulgatum est adeo quid laudati omnes senserint perpetuę Philosophi , ut supervacaneum vere sit verbis ei placito robur addere , quo nihil inter Scholasticos viguit antiquius , magisque inconsumum .

§ 2. Casterum , si vera sancte fateri debeamus , iniuria , & quidem ingens , venerandae philosophorum antiquitati irrogatur , si Peripateticis solum , ceu primis rei inventoribus , de anima sensitiva doctrinam velimus adjudicare , & alias caecutiisse hac de re Sapientes omni aetate arbitremur ; aut ea saltem minime in Brutis pervidisse miranda plane , quae ubique facti evidentiam efficiunt , unde pro ingenioso , & subtili corom more apodictica argumenta conflarent , de quibus nefas esset , atque irrationalē prorsus dubitare .

§. 3. Neque de vetustioribus solum multo ante institutum Peripatit philosophis res est nobis , & inquisitio postmodum attenta cura facienda, verum etiam licet hic potius animadvertere obiter, Brutorum animas sentiendi facultate instructas, quum nostri tradiderint maiores in philosophia praceptorēs, non id tam dissertationum vi , quam ab ea, quae semper manserat insederatque firmissime omnium gentium animis de iisdem belluis opinione, firmasse . Attamen longioris otii , & sedulitatis momentum ista requirunt, quae propterea in alium sermocinandi locum opportunius remeare curabimus : quare nunc venio ad antiquorum nostrorum scripta evolvenda, unde longe meliorem, quam quae Scholaſtici olim , & quae contra alii nonnulli docuerint hoc saeculo Philosophi, sensum explicari valeamus.

§ 4. Quae itaque modo a summis ingenii exquisitaque doctrina philosophis de Brutorum natura rectius ( quam plures alii ) promoventur, litterisque consignantur, eadem pene , licet suboscura , & aliquatenus contorta, plerisque ex vetustis sapientibus innotuere , quibus & magnum fuit ingenium , & magnaruci rerum scientia comparata . Iſti itaque consulendi , expendendique attente nobis erunt in præsens , qui quum liberales artes , ipsamque liberalium atrium procreatricem quamdam , atque parentem philosophiam impense coluerint, tum vero germanam eruditionem , elegantiamque doctrinæ cum solida, ac dilucida differendi subtilitate conjunxerunt,

§ 5. Inter hosce igitur , qui eandem de belluarum indole perdifficilem sibi spartam adornandam suscepere ,

quan-

quantum memoriae proditum est , princeps habetur , omniumque sapientum Scriptorum non aetate solum , verum etiam tum divina , tum humana Aegyptiorum sapientia celebratissimus Moses , Penitenteuchi Auctor ; cui deinde alii adjungendi sunt veteris praesertim Testamenti Auctores Supremo Numine afflati . Horum tamen luculentissima testimonia ita mihi probata , & multorum & magnorum virorum elucubrationibus optime comperta adeo sunt , ut in alienum a veritate sensum nequeam studio partium lubens sciensque pertrahere : nisi per summam injuriam iis refragari velim praeclarissimis Scripturarum Interpretibus , qui de rebus Ecclesiasticis multum benemereri studuerunt .

§ 6. Itaque Moses , quum exorditur totius orbis alluvionem , quae universis , quum primum vero viventibus , perniiciem allatura erat extremam , Deum ita Noemum allocutum inducit (a) : *Ecce ego adducam aquas diluvii super terram , & interficiam omnem carnem , in qua spiritus vitae est subter coelum .* Porro morosi , & nimium cavillosi ingenii haberetur argumentum , si Mosaica ea verba *omnem carnem ad soles homines , seclusis animantibus Brutis , contra apertam Scriptoris mentem coarctarentur :* alia quippe Capitis eiusdem initio pronunciata omnem ablegat sophisticem , atque decernit , omnis carnis vocibus tam belluas , quam homines fuisse comprehensa : *Delebo hominem ; inquit Deus , quem creavi a facie terrae , ab homine usque ad animantia , a reptili usque ad volucres coeli ; poenitet enim me fecisse eos .*

(a) *Geneseos cap. 6. vers. 17.*

Patet igitur evidentissime, vitae spiritum, ut in hominibus, ita & in Brutis omnibus ex aequo vigere.

§ 7 Aliam insuper, & quidem multiplicem ejus nominis *spiritus* potestatem inter Scripturae Sacrae peritos circumferri solere, non me utique latet; quemodo inter caetera *spiritus* legitur *procellarum* (*a*); qui profecto substantias spectat omni vita carentes, quae animantium solum propria sit, & aliud ab hac longe discrepans innuit. Attamen intolens non esse norunt omnes Ecclesiastici id genus Tractatores, aequivocas saepe Scripturae voces a contextus examine omnino pendere, ut quis unicuique loco sensus accommodari legitime valeat, optimè percipiatur. Recordare praeterita, ita ad rem monet Origenes (*b*), audi *praesentia*, quae sequuntur adverte. Confer *priora posterioribus*, & *divinarum virtutum magnificentiam contemplare*. Quare Sacrarum Literarum cultoribus necessum esse docent Ecclesiae Patres tum in legendo prudentiam adhibere; quae nonnisi ingenti studio, & labore comparatur; ut sensum a sensu tempestive discernant, tum pervium illum semper (quem litteralem, & proprium vocant) caeteris praeferre interpretationibus, quae etsi a scribentium mente non fuerint alienae, illo tamen posteriores fuere, quem primo animo & cogitatione versabant, quam suo, & ab aliis recepto idiomate dicta fuderunt. Atque postremum hocce, quod ex Patrum praecripto monitum tradimus, eo tutius excipi ab omnibus debet, quo magis absunt incommoda quaedam Catholicae Veritati pernicioса ni-

mium

(a) *Psalms. 16.*(b) *Homil. 25. in cap. 13. Numer.*

miam; si nempe ex litterali Scripturae expositione aliqua nihil exurgat, quod vel ipsi Scripturae contradicat, vel senioris aethices dogmatibus sit repugnans, vel Ecclesiae sanctionibus aduersetur, vel naturali demum ratione sit indignum. Atqui vitae spiritum tam belluis, quam rationabilibus communem illum esse, cuius ope respiramus, movemur, percipimus, atque sentimus bina, quae paulo ante retulimus, testimonia consentiunt, & quae sequenti Geneseos capite verba exarata leguntur consona sunt omnino; haec namque extant ibi: *In articulo dici illius... universae aves omnesque volucres ingres-  
sae sunt ad Noe in arcam bina, & bina, ex omni car-  
ne in qua erat spiritus vitae. Quaecumque igitur vin-  
dice Dei justitia aquis diluvii delenda erant, omnem com-  
pletebantur carnem, in qua spiritus vitae vigebat. Vi-  
tae ergo spiritus, quemadmodum in hominibus animam  
sensus rationisque capacem juxta naturalem, ac per vium  
Scripturarum Sensum declarat, ita quum de Brutis res  
est, eamdem loquendi rationem si facer Textus adhi-  
beat, legenti unus, idemque sensus se debet offerre,  
neque ullo possumus pacto ab eodem tenendo dimoveri.*  
Recte propterea laudatus paulo ante Origenes (*a*) praec-  
ceptum reliquerat: *Facilius in Scriptura cognoscitur  
quod queritur, si ex pluribus locis, quae de eadem re  
scripta sunt, exempla proferantur. Quamobrem non nisi  
temere a Mosis mente recedere conantur quicumque ex  
arbitrio tantum suo praepositis Geneseos locis exceptio-  
nes afferunt; quum nulla deinde, aequa cum hominibus  
animae belluarum natura constituta, exurgant vel Fidei*

di-

(a) *Orig. Tom. I.*

discrimina, vel alia quae piam cum ratione ipsa pugnantia; quemadmodum opportunius nobis erit alibi liquida demonstratione suadendum.

§ 8 Jam si teneamus ea, quae de animantium natura modo ex Geneseos Auctore diximus, proclive erit proinde ut reliqua plura totius Scripturae dicta juxta obvium illius sensum intelligamus, quum illorum spiritum in medium proferunt, sive eorumdem cognitio, prudentia, & sapientia expressis ubique vocibus praedicantur. *Quis novit*, inquit sapiens (a) si *spiritus filiorum Adam ascendat sursum*, & *spiritus jumentorum descendat deorsum?* & alibi scribit (b) *Vade ad formicam o piger*, & considera vias ejus, & disce sapientiam, quum non habeat ducem, nec praceptor, nec principem: parat in aestate cibum, & congregat in messe quod comedat. *Milous in coelo cognovit tempus suum*. *Turtur*, & *Hirundo*, & *Ciconia* custodierunt tempus adventus sui (c). *Quis posuit in visceribus hominis sapientiam?* vel quis dedit *Gallo intelligentiam* (d)? *Estate ergo prudentes sicut Serpentes* (e).

§ 9. Quid igitur, inquieris, an ea tanquam sana doctrina erit habenda, quae mentis rationisque profus incorporeae ac spiritualis tantumdem belluis attribuit, quanta esse potest hominum excellentia, & divina ferme in agendo substantia? *Est haeresis*, monebat olim Philastrius (f), quae pecudes, & serpentes, & aves rationabiles arbi-

tran-

(a) *Ecclesiasticus. cap. 3.* (b) *Proverb. cap. 6.*(c) *Jerem. cap. 8.* (d) *Job. cap. 38. vers. 36.*(e) *Matth. cap. 10.*(f) *Lib. de Haeresib. haeres. 52.*

trantur esse ut homines. Verum haud satis efficax est hujusmodi argumentum, quod fortassis a praeoccupato ingenio, aut meticuloso philosopho obiici posset; et si tamen occurtere pro viribus tempestive curabimus, posteaquam omnium temporum de belluis opiniones in examen advocaverimus. Interim vero nemo nos jure reprehenderit, si primum ex Lamindi Pritanii animadversionibus (a) detectum satis fuerit, unde levissimae suspicções, & querimoniae id genus manaverint, & hactenus nullo fultaे solidō principiō doctorum indoctorumque aures moleste nimium impleverint. Ita ergo rem aperuit Vir Clarissimus: *Profecto quum praeteritis temporibus, tum nostris potissimum non defuere, nec defunt homines, quibus familiare est prophanas disciplinas, atque sententias saeculi, quasi verbis divinis infestas, atque contrarias infectari, & proscindere interneccino odio perpetuis clamoribus, si quid novi Physica, aut astrorum scientia, aut ars medica, aut eruditio prophana adfert: istud hominum genus mille pericula continuo timet sanctissimae Religioni, & certis Fidei decretis.* Solliciti ergo nullum non movent lapidem, quo Auctores novarum opinionum, licet nihil rei cum Sancta Religione habentium, infament, eorumque libros dilacerent, proscribant, & Supremis Ecclesiae Tribunalibus configendos exhibeant: & eorum zelus utique laudandus, modo tamen sit secundum scientiam, & cautis gressibus procedat. Deplorandum enim est, si errores ubi non erant somniet; si illic pericula consingat, ubi nihil mali affluere potest, & injustos, atque necessarios

com-

(a) *De Ingenior. moderat. Lib. I. cap. 21.*

*compedes iniicere velit naturali humanarum mentium libertati.* Harum ergo animadversionum indicato veluti lumine supereft modo, ut reliquos posteriorum saeculorum, temperis habita ratione, Scriptores singillatim percurramus, qui rem nostram, sive obiter, sive fusiori calamo probare, & quoquomedo versare non dubitarunt.

§ 10. Inter ethnicos philosophos, quantum temporum antiquorum tenebrae, & vicissitudines patiuntur, a suo veluti primatu deturbari non debet Pythagorica Schola, celeberrima olim, quae Italicae quamplurium philosophorum Sectae instituto, Aegiptiorum, Haebreorum, Chaldeorum, atque Persarum mysteria omnia in se una, Auditoris, Conditorisque sui Pythagorae invictissimo studio, collegisse vila est; ideoque, *Animae Universalis mundi*, ac *Metemphysicoeos* supremis dogmatibus constitutis, easdem esse hominum Brutorumque animas constantissime ubique earum gentium docuit, inter quas fuit proinde propagata. Innumeros autem, ex Asia, atque Europa praesertim, sectatores habuit Pythagoras ipse, quorum cura ejusmodi Philosophia longe lateque est amplificata. Hacce singillatim recenset Stanlejus in sua, quam Laertii more edidit, Philosophica Historia (a), quam demum consulere cuique fas erit.

§ 11. Nunc deinde inquirendum sequitur quid alii Graeciae Philosophi ratum habuerint, quum ingenii vires ad Brutorum animam investigandam applicuisse noverimus. Porro Stratonis opinio obtinuit; qui Laertio teste Theophras-

(a) *Part. VIII. cap. 23. 24.*

phrasti auditor fuit (a); ita belluis sentiendi vim, homini parem prorsus praefato adesse, ut ab intelligendi potestate sejungi reapse non posset. Huius placito adhaesisse item Aenensidemum quemdam secta Pyrrhonicum, praefatus fidem facit Laertius (b): ac de utriusque sententia demum Sextus Empiricus auctor est omni exceptione major adversus Mathematicos (c). Quamobrem haud incongruum, vel absurdum fore putarunt ultro fateri, animantia universa sensu donata rationis simul, rerumque percipiendarum muneribus aucta exornataque a natura fuisse, atque hoc ipsum scriptis consignare. Notissimum eiusdem Sexti Empirici dogma fuit (d), quod ipse ita decernit: *Nullum est animal rationis expers; sed omnia sunt intelligentiae, & scientiae capacia.* Idem placuisse Parnienidi, Empedocli, & Democrito expresse Stobaeus prodit in Eclogis Physicis (e); illudque etiam adrisisse Anaxagorae, Aristoteles enarrat (f); ubi ex illius proposito tradit; *idem esse mentem & animam: mentem enim omnibus inesse animalibus, tam parvis, quam magnis, tam vilioribus, quam honestioribus.*

§ 12. Plutarchus eo quod inscribit Opusculo *quod Bruta animalia ratione utantur*; posteaquam colloquentes interf se induxerat personatos quosdam, Ulissem videlicet Circem, atque Gryllum; in hanc sententiam descendit, quum ita eumdem Gryllum loquentem exponit: *Mi Ulysses,*

*ex*

(a) *Lib. V.* (b) *In Pyrrho.*

(c) *Cap. de homine pag. 201. Edition. Aurelian.*

(d) *Pyrrhoniarum Hypotypos. Lib. II. cap. 5.*

(e) *Pag. 93. edition. Plantin.*

(f) *Lib. I. de Anima cap. 2.*

ex his omnibus colligere par est, bestiarum naturam non esse mentis, atque intelligentiae expertem. Sicut enim non est stirps alia stirpe magis exsors sentientis animae, sed eodem omnes modo destituuntur sentiendi facultate, quia nihil eorum, quorum stirpes terra continentur anima est praeditum; ita animalium quoque nullum alterum ignavius, aut ad discendum ineptius diceretur, nisi universa rationem, atque intelligentiam, sed alia minus vel amplius, haberent insitam. Atque mihi hoc considera, stupiditatem, ac fatuitatem quarumdam bestiarum acumine, & versutia aliarum demonstrari; verb. gr. si compares cum Vulpe, Lupo, aut Ape Asynum, vel Ovem, perinde est ac si tecum componas Polyphemum, aut cum Avo tuo Autolico Glaucum illum Corinthium, de quo est apud Homerum. Non enim existimo tanto differre bestiam a bestia intervallo, quanto homo ab homine distinguitur, quod ad intelligendum, ratiocinandum, memoriaque tenendum attinet.

§ 13. Huic, quem pro animantium cognitione aliqua citavimus testem, adde Galenum, qui & ipse in ea sententia fuit, quae belluis percipiendi facultatem concedit; quamvis nonnisi aliquantulum haesitabundus eidem assenti videatur: *An*, inquit ille animantium generi, quod irrationale appellatur, nulla omnino data ratio sit, sane dubium est. Nam et si caret ea, quae in voce versatur, quam sermonem nominant, quae tamen animo concipitur, quam ratiocinium dicunt, ejus fortasse particeps omne genus animalium est, quamquam aliis parcius, aliis liberalius tributa sit (a).

satur

(a) *Oratione suasori. Ad Artes. cap. 1.*

§ 14. Tantam cum vera intellectus indole affinitatem agnovit in beluis patientissimus rerum naturalium scrutator Plinius, ut propterea ex earum operibus simil collectis animoque rite connexis non dubitaverit rerum etiam futuratum praescientiam earumdem pluribus adjudicare. Praesagiant & animalia, inquit ipse, atque huic firmundae sanctioni exempla verissima congerit haud pauca. *Delphini* (supple praenunciant) *tranquillo mari lascivientes* flatum ex qua veniunt parte; item *spargentes aquam turbato tranquillitatem*. *Loligo volitans*, *conchae adhaerentes*, *echini effigentes se se*, aut *arena faburrantes*, tempestatis signa sunt. *Ranae quoque ultra solitam vocales*; & *fulicae maturino clangore*. Item *mergi anatesque pennas rostro purgantes*, *ventum*; *caeteraque aquaticae aves concursantes*, *grues silentio per sublime volantes*, *serenitatem*. Sic noctua in imbre garrula, at sereno tempestatem; corvique singultu quodam latrantes, seque concutientes, si continuabunt, *ventos*; si vero carptim vocem resorbebunt, *ventosum imbre*. *Graculi sero a pabulis recedentes*, *hyemem*; & *albae aves* quum congregabuntur, & quum terrestres *volucres contra aquam clangores dabunt*, perfundentes *se se*, sed maxime cornix. *Hirundo tam juxta aquam volitans*, ut *penna saepe percutiat*, quaeque in arboribus habitant, fugitantes in *nidis suis*; *anseres continuo clangore intempestivi*; *ardea in mediis arenis tristis*; nec mirum *aquaticas*, aut in totum *volucres praesagia aeris sentire*. *Pecora exultantia*, & indecora *lascivia luidentia*, eamdem significationem habent. Et *boves coelum olfactantes*, seque *lambentes contra pilum*; *turpesque porci*

*porci alieni sibi manipulos foeni lacerantes ; segniterque ,  
& contra industriam suam absconditae formicæ , vel  
concurfantes , aut ova progerentes ; item vermes terreni  
erumpentes . . . diras tempestates praenunciant (a) .*

§ 15. Quæ de peculiaribus nonnullis Brutorum gene-  
ribus mira , atque ingeniosa a vetustis non paucis Graecis  
Scriptoribus relata fuere , & quæ ex Latinis etiam nebris  
erunt tradenda , ea ipsa sunt quidem , quæ si sibi recte  
consentiant , generale veluti axioma persuadere debent ,  
atque illa ab immateriali principio fuisse profecta , iisdem  
probatum manere necesse est . Porro quod animantium  
vel uni solum convenire rite est constitutum , idipsum  
omnibus & singulis fore adjudicandum luculenta ratio  
satis superque indociles etiam coarguit . Aut enim pro-  
bable aliiquid , & philosopho non indignum proferre ex-  
pedit , quod aliquibus dumtaxat Brutis sapientiam alias  
que selectas animi dotes convenire iisdemque decorari  
liquido evincat ; reliqua autem ab hujusmodi nobilitate  
arceri , atque in materia omnino consistere ; aut animan-  
tium neminem , cujuscumque sit generis , corporeis viri-  
bus , veluti machinae inanimis , omnia peragere , quæ  
illorum propria esse videntur , affirmare necesse est ; sed  
spiritus immaterialis ductu alicujus , hominum more ,  
prudentiam in agendo , in discernendo vim , in arguendo  
idearum ordinem , præclaramque carum assequitionem  
adhibere . Pervagata omnium ferme scientia Tullii illud  
est effatum (b) , quo de Elephantis ingenio , & sagacitate

ita

(a) *Lib. XIX. històr. natural. cap. 35.*

(b) *Lib. III. de Natura Deorum.*

ita testatur: *Elephanto belluarum nulla prudentior*; de quo etiam alibi dixerat (a): *Est illi belluae quaedam cum humano genere societas*: quemadmodum hisce laudibus eamdem extulerat Philostratus (b): *Animal ab homine secundum, ac proximum & prudentia, & cunctio*. Plura & admiranda insuper ad hujus animantis indolem pertinentia ex veteribus Auctoriis fuse admodum decerpta, atque in unicum scopum collecta tradit Wofsius (c), quae ipsum non sinunt homine inferiorem dexteritate, providentia, aliisque rationalis substantiae munera appellare.

§ 16. Leonis vero prudentiam, magnanimitatem, sagacitatemque abunde commendant quotquot afferri valent ex Plinio (d), Aristotele (e), Aeliano (f), Oppiano (g), illustria testimonia. Illius autem amorem, odium, atque pavorem pluribus enarrant ex Eudemo Aelianus (h), nec non Seneca (i), aliquique superius laudati Scriptores.

§ 17. Rhinocerotis deinde, paucis saltet, astutia pretermittenda haudquaquam est, quum bellum cum Elephante parat, & strenue quandoque conficit. Praeter Plinii verba certamen referentis; quae paulo inferius exscripta

no-

(a) *Ibidem Lib. VII.*

(b) *De vita Apollonii Tyanei cap. 7.*

(c) *De Origine & progressu idolatriae Lib. III.*  
*cap. 50.* (d) *Lib. VIII. cap. 16.*

(e) *Histor. Animal. lib. VIII cap. 5.*

(f) *Lib. III. de Animalibus cap. 21.*

(g) *De Venatione lib. III.*

(h) *Lib. IV. ejusdem Operis*

(i) *Lib. II. de Ira cap. 12.*

nobis addere libuit; consuli quoque potest Agatharchides (*a*), atque ex eo Photius (*b*); cui etiam consentit Diodorus Siculus disertissime (*c*). *Rhinoceros unius in nare cornu* (en Plinii ejusdem brevis historia): alter hic genitus hostiſ elephanto; cornu ad saxa limato præparat ſe pugnae in dimicacione glvum maxime petens, quem ſcit eſſe molliorem: longitudo ei par, crura multo breviora, color buxeus.

§ 18. Quis praeterea quantusque Cervorum in Venerem fit furor, aliis tractatoribus praetermissis, unum Budacum expendere ſufficiat (*d*): *Ad decimum octavum Kal. Octobris cervas libidinari incipientes, catulientium cervarum conciliabula quaerere, & velut ad forum Veneris undique convenire.* Quo tempore ſi cervum venandum quis duxerit, indagandi ratio venanda eſt. Neque enim a circumscripta indagine venandi initium faciunt, ut folemni tempore; quoniam rabie pruriginis admissarii effaerați & canes, & homines atrociter invaaunt, quum primum adſpexerunt. Paucis autem deinde interpositis ſubdit; libidine autem flagrantissima admissarii ad menſem agitantur; deinde paulatim desaevientes, alterum paullo minus menſem abſumunt.

§ 19. Neminem latere potest quo uſque Simiarum verſutia, & promptiſſima rerum humanarum, quas ſemel conſpexerunt, imitatio pertingat. Quare earum natura, quae noſtriſ etiam temporibus & quotidiana experientia pluriſ

(a) *De Mari rubro Lib. I. cap. 36.*

(b) *Codic. CCL.* (c) *Bibliotbecae lib. IV.*

(d) *De Philologia lib. Posteriori pag. 81. Edition. Basileens. an. 1557.*

ribus ingeniose assuescere cernitur, cum Simiarum sagacitate a veteribus philosophis spectata quippe concors quum sit prorsus, ii quidem acri praestantes judicio, non levia reipsa mentis solertissimae praebere argumenta animantium genus illud prodidere, si quando eorum acta singillatim attente perlustrassent. Simias capellae inequitare, atque inde jacula emittere, bellatorum more testas armatasque, tum ex superiorum suorumque temporum historia, tum ex Physicorum summorum scriptis testatum reliquit Iuvenalis (a).

*Qui tegitur parma, & galea, metuensque flagelli  
Discit ab hirsuta jaculum torquere capella.*

§ 20. Illustria aliquot de Canum sagacitate & amicitia exempla; praeter Plinium, atque Oppianum; quae satis abunde congerunt Iustus Lipsius (b), aliique ex omni aetate Scriptores, & ipsa frequens eorum consuetudo; eo non nisi spectare videntur, ut illos revera singulari memoria, imaginandi vi, atque ingenio demum mirum in modum pollere dicamus.

§ 21. Caprearum sylvestrium genus, caeteris huc usque memoratis, non minus sagax, & ad agendum animi prudens, tum ex Pliniana narratione (c), tum oculari animadversione affirmat Julius Caesar Scaliger (d): *Mira Caprearum comperta nobis prudentia. Ubi errabundae quaerunt novas sedes, aut pascua, prospecta proxima*

ru-

(a) *Satyr. VII. vers. 154.*

(b) *Epist. X. ad Contubernales.* (c) *Lib. VIII. c. 50.*

(d) *Exercitat CCVII.*

*rupe, projecto pede saepe pericitantur ejus fidem; nempe mobilis ne sit, an fortasse lubrica.*

§ 22. Nihil vero aequ<sup>e</sup> mirandum in omnibus singulisque Brutorum generibus sp<sup>e</sup>ctare, atque animadvertere licuit omni Philosophorum antiquitati, ac quin eorumdem vires expendere illi caeperunt, atque animantium cunctorum prudentiam; ne videlicet si forte eas adhibere cogantur, ultra intimum sensum abutantur, atque ex adverso, pro eorum necessitate, incredibili judicij discre<sup>t</sup>ione. Scite propterea de exquisita hujusmodi cognitione Lucretius (*a*).

*Sentit enim vim quisque suam, qua possit abiuri.  
Cornua nata prius vitulo, quam frontibus existant:  
Illi iratus petit, atque infensus inuiget,  
At catuli pantherarum, scymnique leonum  
Ungibus, & pedibus jam tum, morsuque repugnant,  
Vix dum etiam sunt dentes unguesque creati.*

§ 23. Hujus etiam roboris, atque ad connitendum momenta aequ<sup>e</sup> ad discernendum quid eorum cuique pro remedio & medela conveniat, extendi jure debent; ac ita conferunt, ut eodem sensu belluae pro re nata docceantur, illudque diligentissime inquirant. Illustris attendi debet Tullii locus (*b*); ut quid de pantheris ex communī historicorum opinione suo tempore diceretur, habeamus: *Auditum est pantheras, quae in Barbaria venenata carne caperentur, remedium quodam habere, hominis nempe excrementa.*

Sed

(a) *De Natur. Deor. lib. II.* (b) *Lib. V.*

§ 24. Sed inter illos, quos testes pro sensu & cognitione Brutorum adduximus, ii nullo pacto debent praeteriti silentio, qui de eorum sermocinantur passionibus, ira scilicet, amore, odio, furore, atque concupiscentia, quibus belluae, ferme atque homines, obnoxiae deprehenduntur. Porro horum Scriptorum iudicio, iisdem idcirco pathematibus affecta animantia cuncta afferuntur, perinde ac rationale animal, propterea quia ulla excitari in anima passio nequeat, quin sensibile aliquod gratum molestumque in ea praecesserit, quod probe perceptum, & cum aliis collatum, aut in iracundiam efferatam impulerit, aut ad amorem desideriumque pelleixerit. Non vides, inquit Seneca ad Novatum scribens, ut omnium animalium, simul ad nocendum insurrexerunt, praecurrant notae, ac tota corpora solitum quietumque egrediantur habitum, & feritatem suam exasperent? Spumant apries ora, dentes accuntur attritus; taurorum cornua jactantur in vacuum, & arena pulsu pedum spargitur; leones fremunt; inflantur iratis colla serpentibus; rabidorum canum tristis adspectus est. Nullum est animal tam horrendum, tamque perniciōsum natura, ut non appareat in illo, ubi ira invadat, nova feritatis occasio.

§ 25. Praeterire ad brevitatem conciliandam nobis adridet solemnem Iudei Philonis Scriptoris celeberrimi de Brutorum intellectu rationisque usu sententiam, pro quo peculiarem confecisse librum Eusebius (a) testis est locupletissimus; in eaque amplificanda eo usque progre-

c

quo

(a) *Histor. Ecclesiast. Lib. II. cap. 18.*

ditur, ut mente atque ingenio animantia ipsa ne minimum ab hominibus discrepare arbitretur.

§ 26. Attamen Celsi audacior censeri debet, & adversus Christianam Religionem opinio multo illa deterior, cuius tamen impietatem quibusdam capitibus Origenes distincte complectitur, acriterque refellit. Infensissimus nempe Fidei nostrae ethnicus ille hostis blaterabat primum, *bestias hominibus non solum sapientiores, sed etiam Deo chariores esse: praeterea prudentiores bestias habere inter se colloquia, eaque sanctiora nostris; intelligere se quae illae dicunt, & ea sibi nota esse persuadere; quum postquam praemonuerunt aves dixisse, se aliquoabituras, aut hoc illudve facturas, ostendunt eas illo abeuntes aut facientes, quae praedixerant: elephantos jurare, erga Deum fideliores esse nobis, habere Dei notitiam.* Verum isthec Religioni esto perniciem aperte inferant, ea tamen indubia argumentatione evincunt quid Celsus, pluresque suorum temporum philosophi in Brutorum gratiam dignitatemque sentirent (a).

§ 27. Neque vero putandum est, Ecclesiae Patres, qui hoc idem tractarunt argumenti genus, moderatius agere consueuisse: est enim in ipsis aperta adeo atque decretoria scribendi ratio, quum de animantium ingenio, solertia, ac intelligendi vi obiter plerumque agunt, ut inde paria omnino pro re nostra, ac ab ethnicis philosophis, erui valeant apodictica testimonia. Quae D. Ambrosius (b) haud inconcinne naturalem agens Philosophum docet, illud acumen spectat belluarum, quo ipse discernunt op-

ti.

(a) *Origen. cont. Celsum lib. IV.*

(b) *Lil. VI. Hexameron Cap. 4.*

time quibus sibi mederi valeant dum morbo laborant, & a quibus simul, tanquam supervacaneis aut noxiis, cave-re debeant: *Ursa*, inquit, *gravi affecta caede, & consueta vulneribus, mederi sibi novit, herbae, cui nomen est phlomos, ut Graeci appellant, vulnera subjiciens sua, ut solo carentur attractu.* Serpens quoque pastu foeniculi caecitatem repellit exceptam. Itaque ubi oculos obduci sibi senserit, nota remedia petit, nec fraudatur effectu. *Testudo visceribus pasta serpentis, quum venenum adverterit sibi serpere, origano medicinam suae salutis exercet..... Capra vulnerata dictum petit, & de vulnere excludit sagittas.* Leo aeger simiam quaerit, ut devoret, qua possit sanari. *Leopardus capreae agrestis sanguinem bibit, & vim languoris evitat.* Omnis fera aegra canis hausto curatur sanguine. Ursus aeger formicas devorat: *Cervus oleae ramulos mandit.*

§ 28. At ad hosce praesertim antiquiores Ecclesiae Scriptores accedere optimum factu ideo censui, quod ab iis potissimum ethnicae philosophiae mysteria melius detecta fuissent tunc temporis, quo ipsi magno zelo, exquisito ingenio, & amplissimo doctrinae apparatu humanae sapientiae errores convellere, & pro Christianae Religionis veritate strenue dimicare, & pro illa lueulentissimas apologetias adornare aggrediebantur. Illustris Arnobii locus (*a*) illud ipsum de Brutorum excellenti natura nobis probatum tradit, quod tum superioribus aetatis, tum eo quo scribebat facculo inter sapientiores ferebatur. Ille nimirum animantia inter, & homines

colloquutione instituta id perperuo legentium oculis  
 subjicit, quod in iisdem Brutis nihil aut parum diver-  
 sum a rationalium hominum conditione, & consuetudine  
 diversum apparet. *Vultis favore deposito;* inquit ipse;  
*cognitionibus tacitis pervidere animantia nos esse, aut*  
*consimilia caetera, aut non plurima differitare distan-*  
*tia? Quid est enim, quod nos ab eorum indicet simili-*  
*tudine discrepare; vel quae in nobis eminentia tanta*  
*est, ut animantium numero dignemur adscribi? Ex*  
*oibus illis fundata sunt corpora, & nervorum colli-*  
*gatione devincta. Auras accipiunt naribus, & per an-*  
*helitum reciprocatas reddunt; & nos spiritum consimi-*  
*liter ducimus, & respiramus commeatibus crebris.*  
*Foemininis generibus, masculinisque distincta sunt; in*  
*totidem & nos sexus nostro sumus ab Auctore formati.*  
*Edunt per uteros foetus, & corporalibus conciliis pro-*  
*creant; & nos corporum conjugationibus nascimur, &*  
*ex alvis fundimur, atque emittimur matrum. Cibo su-*  
*stentantur & potu, & superfluas foeditates inferioribus*  
*egerunt abiiciuntque posticis; & nos cibo sustentamur*  
*& potu, & quod natura jam respuit, per eosdem ef-*  
*fundimus tramites. Cura illis est omniibus famem pro-*  
*hibere mortiferam, & necessario invigilare pro victu;*  
*quid aliud nos tantis agimus in occupationibus vitae,*  
*nisi ut ea quaeramus, quibus famis periculum devite-*  
*tur, & infelix sollicitudo ponatur? Morbos illa, &*  
*inedias sentiunt, & ad ultimum senectute solvuntur:*  
*quid enim? Nos immunes malis ab his sumus, & non*  
*eadem ratione morborum incommoditatibus frangimur,*  
*& senectutis destruimur tabe? Quod si & illud est ve-*

rum

rum, quod in mysteriis secretioribus dicitur; in pecudes atque alias belluas ire animas improborum, postquam sunt humanis corporibus sumptae; manifestius comprobatur vicinos nos esse, neque intervallis longioribus disparatos: siquidem res eadem nobis & illis est una, per quam esse animantia dicimus, & motum agitare vitalem. Sed rationales nos sumus, & intelligentia vincimus genus omne mutorum. Crederem istud verissime dici, si cum ratione, & consilio cuncti homines viverent, servarent officiorum tenorem, abstinerent ab illicitis, & si negotia turpia non adirent, neque quisquam pravitate consilii, atque ignorantiae caecitate contraria fibimet atque inimica depositerent. Velle tamen scire quanam sit haec ratio, per quam sumus potiores animalium generibus cunctis: quia nobis domicilia fecimus, quibus possimus hyemalia frigora, & aequalis fragrantias evitare? Quid animantia caetera hujus rei providentiam non habent? Nonne alia cernimus opportunissimis sedibus nidolorum sibi construere mansiones; alia saxis, & rupibus tegere, & communire suspensis; excavare alia telluris sola, & in fossilibus foveis tutamina fibimet, & cubilia praeparare? Quod si ministras manus illis etiam donare parens natura voluisse, dubitabile non foret, quin & ipsa construerent moenium alta vestigia, & artificiosa excuderent novitate. Tamen in his ipsis, quae rostris atque unguibus faciant multa inesse conspicimus rationis, & sapientiae simulacra; quae homines imitari nulla meditatione possumus, quamvis sint nobis opifex manus, atque omni genere perfectionis artifices.

§ 29. Parum ab Arnobii placitis verba, & scita Laetantij gravissima (a) distare leguntur, cuius in philologicis rebus, & in omni eruditionis praestantia tanta vis est, amplitudo, atque integritas, ut de illorum veritate pene nefas sit aut cavillantis causam invenire, aut etiam nos haerere suspensos. Haud aequo ipse gradu, sive cognitionis natura statuere Bruta hominesque contendit; atque horum propterea generosiores posteaquam dotes recensuerat, magnam nihilominus illis earum rerum copiam voluit attributam, quae nihil sane habent cum materia commune. *Etsi non sint talia in Brutis* (ea videlicet quae postremò conceptis repetit verbis), *tamen similia videri posse*. Proprius homini sermo est, tamen & in illis quaedam similitudo sermonis: nam & dignoscunt invicem se vocibus, & quum irascuntur edunt sonum jurgio similem, & quum se ex intervallo vident, gratulandi officium voce declarant. Nobis quidem voces eorum videntur inconditae, sicut illis fortasse nostrae; sed ipsis, qui se intelligunt, verba sunt. Denique in omni affectu certas vocis notas exprimunt, quibus habitum mentis ostendunt. Risus quoque est hominini proprius; & tamen videmus in aliis animalibus quaedam figura laetitiae, quum ad ludum gestiunt, aures demulcent, rictum contrahunt, frontem serenant, oculos in lasciviam resolvunt. Quid tam proprius homini, quam ratio, & providentia futuri? Atqui sunt animalia, quae latibulis suis diversos, & plures exitus pandant, ut si quod periculum inciderit, fuga pateat obcessis; quod

non

(a) *De ira Dei cap. 7.*

*non facerent, nisi inesset illis intelligentia, & cogitatio.  
Alia provident in futurum, ut*

*. . . . . ingentem formicae farris acervum  
Comportant, hyemis memores, tectoque reponunt.  
Ut Apes,  
Quae patriam solae, & certos novere penates  
Venturaeque hyemis memores, aestate labore  
Experiuntur, & in medium quaesita reponunt.*

*Longum esset, si exequi velim; quae a singulis generibus  
animalium fieri soleant humanae solertiae simillima.  
Quod si horum omnium, quae adscribi homini solent,  
in Brutis quoque deprehenditur similitudo, appareat, so-  
lam esse Religionem, cuius in Brutis nec vestigium ali-  
quod, nec ulla suspicio inveniri potest.*

§ 30. Ad spirituum classem luculentius duabus definitionibus ex vocum potestate petitis Brutorum animas refert Isidorus (a), cuius verba illico recitantur. Earum prior ita exhibetur: *Latine autem animalia, sive animantia dicta, quod animantur vita, & moveantur spiritu: al-  
tera vero magis decretoria, & rei nostrae accommoda-  
tior hac ratione legerida preponitur: Ferae appellatae, eo  
quod naturali utantur libertate earum voluntates, &  
huc atque illuc vagantur, & quo animus duxerit eo  
feruntur.*

§ 31. Ecclesiae Patrum numero adiiciendus est D. Epi-  
phanius, cuius tota late distenditur de animantium ingenio,  
astu, & solertia in eo quod inscribitur *Physiologus Ope-  
re,*

(a) *Etymolog. lib. XII. cap. 1. & 2.*

re, eruditio atque doctrina. Ubi de vulpis agit versutia (a) pro re nostra testem appello: *Vulpes versutum est animal.* Quum enim esurit, & cibo caret, aprica loca adit, & humi strata animamque continens, ac simulans se mortuam supina jacet oculis & pedibus sursum erectis. Aves itaque delabuntur, ut ipsa vescantur: illa vero arripit eas subito, ac pro libito devorat. Attamen etsi hocce aliis pluribus Epiphanii de vulpis astutia praetulerim testimonium adeo perspicuum, haud ipsum idcirco praecipuum censeri debet, cui uni ex Graeco Doctorate causae vim fidere cogitaverim. Etenim tam multa ibi, & tam mira praeterea de Leone (b), de Uro (c), de Elephante (d), de Aquila (e), de Perdice (f), de Turture (g), de Serpente (h), de Formica (i), aliisque animantibus non minus sedulo, quam verissime scribit, ut nihil magis ab intentissimo hac super re philosopho expeti potuerit, quod Brutorum in intelligendo deliberrandoque viribus consonum sit, ac vere respondeat.

§ 32. De Porphyrio celeberrima Christianae fidei adversario nihil attinet dicere quid, & quantum de spirituali animantium natura disputaverit. Unus profecto, aut saltem omnium princeps existimari merito debet, qui pro dignitate, & fuse admodum nostrum videtur pertractasse argumentum, quum Opus illud, inter alia plura, est aggressus, quo ab animalium carnibus abstinentium unicuique demonstrat; ac piaculare fore probat, si ea consulto interficiantur, sive mactentur. Ipse nimis

rum

- |                           |                     |                     |
|---------------------------|---------------------|---------------------|
| (a) <i>Ibid. cap. 19.</i> | (b) <i>Cap. 2.</i>  | (c) <i>Cap. 3.</i>  |
| (d) <i>Cap. 4.</i>        | (e) <i>Cap. 6.</i>  | (f) <i>Cap. 9.</i>  |
| (g) <i>Cap. 10.</i>       | (h) <i>Cap. 13.</i> | (i) <i>Cap. 18.</i> |

rum tam rigidus Brutorum custos tutorque videri, & esse revera propterea contendit, quod illis animam inesse putet immaterialem, quae humani spiritus instar, sensu & ratione sit praedita; atque ad hunc Operis scopum momenta disputationis perpetuo urget validissima.

§ 33. Qui vero posteriorum temporum extitere cum non mediocri laude Philosophi aequam Brutis cogitandi vim concessere, quam a vetustioribus, ut satis hucusque vidimus, tributam fuisse modò jam inficiari non possumus. Fracastorius enim (*a*) amorem pecudibus omnibus expresse adjudicans, discernendi facultatem, & quae ad mentis opera exercenda necessaria sunt reliqua, ipsi opus erat perinde largiri: *Quem amorem*; ita idem scribit; *non solus homo, sed & alia animalia habent, quibus phantasia, & memoria inest; nam & filios ea tueri videntur, & iis escas parare.*

§ 34. Caeteris autem antiquorum temporum Disputatoribus, antequam progrediamur, qui pro Brutorum spiritualitate stetisse leguntur, praehabendus meritò est celebris ille Hieronymus Rorarius; de quo Baelius (*Artic. Rorarius*) plura enarrat; & ipse potissimum duabus ad spectatissimos Viros datis Epistolis exponit quid pro belluarum anima vere sentiret (*b*). Rorarii autem tota in eo versabatur doctrina, & Operis a se editi consilium ut ostendere conaretur, animalia Bruta ita astu, & cognitione pollere, ut in hisce exercendis hominibus saepe praestare videantur.

Post-

(a) *De Sympathia, & Antipathia cap. 17.*

(b) *Epist. Dedic. ad Madrutium Card., & in altera Epist. Dedic. ad Episc. Atrebatenf. 1. Martii 1547.*

§ 35. Postquam paucis Roratii aliquantulum audax in scribendo propositum attigimus eadem Commentariorum brevitate quid alii etiam circa ea tempora autumaverint extra Italiam Philosophi pro belluis assertores operae pretium est ut dicamus. Daniel Sennertus, Baelio teste, & Brutorum vindice (a), quippe Philosophus sua aetate praeclarus, ac in Vittembergensi Academia Medicinae Professor, pecudum animas non immateriales solum, & rationales tueri voluit, verum etiam per se immortales ita defendendas fore statuit, ut totum hasce inter atque humanas discrimen *ad magis & minus*, ut vulgo dicitur, solum spectare dixerit. Sive liberior opinionis novitas, quam ejus aevi caligo, & late patens in Academias celebriores etiam ignoratio, sive nimius in Religionem zelus (ni forte preecepis in eam furor) in quibusdam nihilominus contradicendi, atque ejus etiam acriter insimulandi stimulos excitavit; quos inter crebris eum lacescivit de blasphemiae, ac haereseos criminis apud Ecclesiae Praesides accusationibus Johannes Freitagius; perinde ac si tam probrofa, & impia ex Sennerti placitis liquido consequerentur. Attamen inconsulti hujuscemodi adversarii criminationes non tam facili negocio Sennertus ipse declinasse fertur, quam in adornanda apologia ita se temperasse visus est, ut dum a sceleris stulta fide impositi suspicione se proorsus absolvit, belluarum naturam, qua ratione primum putabat, iterum iterumque confirmat. (Opuscul. consule, cui titulus: *De origine & natura animorum in Brutis sententiae Clarissim. Teologorum in aliquot Germaniae*

Aca-

(a) *Diction. Articul. Sennert.*

*Academiis, quibus simul Daniel Sennertus a crimine blasphemiae, & haereseos a Johanne Freitagio sibi intentato absolvitur.)* Quamobrem nulli prefecto mirum obiici poterit quod Johannes Cyprianus affirmat (*a*), tum apposite Sennerti casibus animadvertis; Theologos scilicet Lipsienses, Rostochienses, Basileenses, Regiomontanos de belluarum anima interrogatos juxta Sennerti ipsius opinionem unanimi sensu perpetuo respondisse.

§ 36. Dicere praeterimus, ne aequo longiores esse videamur, quae de simili aliorum Scriptorum, qui deinde eodem saeculo floruerent, sententia idem Johannes Cyprianus refert (*b*); nempe de Johanne Scoto Erigena (*c*), Johanne Lipsio (*d*), Henrico Moro (*e*), Johanne Taurello (*f*), deque aliis non paucis quidem, quos pecundum spiritualitati luculeriter favisse non dubitat. Huic demum, quem nuperrime commendatus terum animalium historiographus contexuit Scriptorum immateriali animantium naturae suffragantium catalogo adjicere mihi fas sit Guillelmum Parisiensem, eumque propterea interfautores nostros recensere, quod pecudibus ipsis ullo absque discrimine, aut exceptione ulla, spiritalem animam diserte adjudicaverit (*g*).

## § 35. Nunc

(*a*) *Histor. Animal. continuat. pag. 27.*

(*b*) *Ibid. pag. 24.*

(*c*) *Lib. II. de division. natur. num. 41.*

(*d*) *In Metaphys. Magna lib. II. cap. 1.*

(*e*) *De Anima lib. II. cap. 6.*

(*f*) *In libello de Vita, & morte: Quaest. altera, Proposit. IV.*

(*g*) *Vide Journal des Savans. 18. Janvier 1677.*

§ 37. Nunc vero ad ea, quae nostra dicam, tempora invisenda descendam, quorum initium figere circa elapsi saeculi finem ad hosce usque annos non absque ratione decrevi. Quos autem horum temporum Philosophos pro immateriali Brutorum principio differentes recensuero haud ita accurate persequar, ut semper chronologiae rationem p̄ae oculis sim habiturus. Itaque celeberrimus primum Marchio d' Argens (*a*) commemorandus inter quamplures Recentiores hac de re Scriptores nunc mihi sese offert, cūjus scribendi circuitus, eo tandem vergit, ut, comparatis simul hominum belluarumque operationibus haud quidam paucis, hasce humanis multum praecellere asseveret. Qua Vir ipse Clarissimus a nobis aequa censura sit dignus, ad praesens non adtinet dicendi propositum: ab ejus tamen de pecudibus doctrina mihi demum fas erit assertum eruere, quod cum caeteris superiorum aetatum & gentium sapientibus sit omnino consentiens.

§ 38. Eadem cum laudato Marchione de spiritali Brutorum anima concordia sentire visus est praeclarus vir, & peracutus D. de la Montagne (*b*), cūjus etsi; ut omnium fama est; magna fuerit in pyrrhonismum propensio; quum de re varia disputaret, ipsi tamen de natura, & conditione animantium differenti constanter adrisisse liquet illa totis viribus humanae dignitati coaequare: quippe libertatem abunde quantum homini appetit, clementiam, aequitatem, virtutes omnes, ipsamque

(a) *Lettres Cabalistiques Tom. IV. Lettre 10.*

(b) *Essais lib. II. cap. 12.*

que Religionem belluis nititur, non permettere solum dubitanter, verum etiam prudens sciensque largiri.

§ 39. Montaignio consequitur pro re nostra laudandus D. Boullierius, quem novum de Brutorum anima systema excogitasse, eamque spiritalem, immaterialemque dixisse, editum a se Opus (*a*) anno primum 1728., ipsumque anno 1737. deinde recusum auctius locupletatum, & D. Fontanellio inscriptum, fuse admodum prodit. Hujuscetamen operis; cuius omnem sibi Boullierius ipse laudem semel iterumque vendicat; explorata jam res est unde initia fluxerint, & quantum D. de la Chambre acceptum referre Auctor debuerit quidquid, tanquam novissimum, de belluarum indole profert; cuius systematis nihilominus fundamenta jaeta multo ante fuisse in eo quem anno 1664. Typis Parisiensibus ipse de la Chambre evulgaverat Tractatu (*b*), nemo in hisce litteris eruditus ignorat. Verum utut critica hujusmodi se res habeat, illud profecto extra omnem dubitationis aleam ad propositum nostrum maxime pertinet, utrumque vide licet de animantium natura Scriptorem ad immateriale substantiae genu illa perpetuo retulisse.

§ 40. Quo tempore Boullierii Tractatus omnium manibus ferebatur, aliud eodem anno excusum prodiit Opus ex Anglico D. Ditton idiomate in gallicam linguam conversum (*La Religion Chretienne démontrée par la Resurrection de notre Seigneur Jesus Christ &c. avec un supplément, où l'on développe les principaux points de la Religion naturelle. Par Mr. Homfroi Ditton*), in quo

(a) *Essai Philosophique sur l'Ame des Bêtes.*

(b) *Traité de la connoissance des animaux.*

quo eruditissimus Auctor Bruta omnia contemplati ad-  
greditur, eaque propterea immateriali ad agendum prin-  
cipio a supremo viventium Conditore instruta decer-  
nit, quod evidentissime illis undique inspectis, appareant  
vi cogitandi pollutia. Plura Britannicus ipse Philo-  
phus scite expendit, atque ad suum studet scopum ae-  
quabiliter ut probe colliment, quae a nobis erunt per-  
inde suo loco demum accommodanda.

§ 41. Non minus contra male differentes Scholasti-  
cos in aciem venit Clarissimus Lochius, quum Bruta con-  
templatur (a), quam fuerint quotquot huc usque ex Re-  
centibus commendavimus Auctores. Si Bestiae (inquit  
ipse) ideas habent alias, & mentes non sunt machi-  
nae, ut aliqui volunt, negare nesciemus, easdem ra-  
tione etiam aliqua ad certos limites donari. Et qui-  
dem id mibi ita est evidens, Bruta ratiocinari, ac evi-  
dens mibi est, eadem sentire: quamquam vero non ra-  
tiocinentur, nisi super ideas particulares, quae ipsis per  
corporeas sensus exhibentur.

§ 42. Mirum tamen, quomodo ipse Cartesius bellui-  
nae cognitionis, & immaterialis animae in Brutis acer-  
rimus inimicus, ex organicae corporum structurae con-  
templatione; quae similis admodum animantia inter, &  
homines sibi perspicue videbatur; in aliquam dubitatio-  
nem adduci passus est, num pecudes re ipsa hominum  
ritu cogitarent: a qua nihilominus suspicione in veram  
sapientum sententiam idcirco non transiit, quod infirmo  
sane judicio cogitationem cum animae immortalitate in-

iif-

(a) *Essai Philosophique concern. l'entendement hum.*  
*Lib. II. cap. 11.*

iisdem Brutis conciliare pertimesceret. En itaque verba, ejusque sermo (*a*); qui dubio procul tanti Viri celebritati atque ingenio cunctis caeteroqui comperto, haud quaquam respondet: *Hoc ergo solum dici possit, quod licet Bruta nihil agant, quod probet illa cogitare, tamen quia corporis illorum organa a nostris valde diversa non sunt, conjicere licet, aliquam esse cogitationem hinc organis adjunctam, quemadmodum in nobis experimur; licet illorum cogitatio sit imperfectior nostra; ad quod nihil est quod respondeam, nisi quod, si illa cogitarent, ut nos, animam etiam, ut & nos immortalem haberent; quod non est verisimile: nam nulla est ratio, cur de quibusdam Brutis potius, quam de omnibus id credam: permulta autem, ut ex. grat. ostrea, spongiae &c. nimis imperfecta sunt, quam ut hoc de iis judicari queat.*

§ 43. Quum vero magis propiusque nostrae accedimus aetati, aequa etiam philosophorum copia contra Peripateticorum sensum nobis praesto adest; quibus duabus atque magistris eam assequimur scribentium seriem, quae vel immateriale, vel spirituale prorsus animalium in agendo principium apertissime adstruat. Itaque Leibnitius de omni philosophia tam benemeritus, cui Septentrioni decus; quo antea nemo illustrius unquam; maximum attulisse contigit, novo quodam sistente Brutorum animas incorporeas simplicesque constituit (*b*), quas insuper natura numquam interituras esse autumavit; neque vero absolutè, ut ajunt immortales esse

in-

(a) *Epist. ad Vir. Magnat.*

(b) *Epist. 194. Lipsiae 1734.*

incongrua quidem ratiocinatione, fateti patiebatur. Brutorum eorumdem omnia demum celeberrimis suae Harmoniae praestabilitae ipsorum corpus inter, & animam legibus se explanare ex more gloriatur.

§ 44. Christianus Wolfius Leibnitianis dogmatibus addic<sup>t</sup>issimus affecta belluas esse quidem incorporeas simplicesque, quantum ad earum animam spectat, mathematica eaque dilucida methodo ostendit; attamen spiritus habere rationem non diffitetur solum, verum etiam adversam instituit demonstrationem, propterea quia eas intellectu, ac libera voluntate carere arbitretur (a). Existimabat nimirum Vir fatis superque acutus, spiritus a substantia, quae dicitur incorporea, discrimen intercedere ingens, nec utraque nomina pro synonymis in philosophico foro posse usurpati (b): quare pro adhibita distinctione hujusmodi pecudum substantiis caeteroqui immaterialibus rerum perceptiones, intimam earum conscientiam, phantasiam, memoriam, & ea quaecumque tandem largiebatur libens, quae vitam animalem constituere praedicantur.

§ 45. Post Leibnitianam Wolfianamque hoc super negocio philosophiam, differendi semitam persequutus est Clariss. Kantius; verum feliori, quantum mihi fas est existimare, disputationis exitu: quippe ex concessis ab ipso Wolfio animabus pecudum proprietatibus non ipsas immateriales solum fore persuasum habere testatum scriptis reliquit, verum etiam spiritualis esse naturae decrevit,

quin

(a) *Psycholog. rational. Sect. IV. cap. 3. §. 749. 752. 753. 764.*

(b) *Ibid. Sect. IV. cap. 1. §. 643.*

quin circa earumdem immortalitatem inde absurdum sequi ullum posse formidaret, quod Religionis jura labe-factaret. (a) Tantam autem ex adverso cum sacrosanctae Fidei dogmatibus concordiam, spiritualitate hujusmodi po-sita, intercedere arbitratus est ipse Kantius, quantum de-inceps cum Religione, & seniori Philosophia reipsa de-texit celeberrimus Laurentius Magalottus, insigne olim Florentinarum Litterarum decus; quem utinam scien-tiae amoenitate profunditateque ex nostratis pauci sal-tem simili rerum inquirendarum studio hodierna tem-pestate aemularentur! Sibi vero obiciendi belluarum ani-mam immortalis proinde vitae munere fore amplifican-dam, appellandamque; quamprimum incorporea adstrue-retur, aut spiritualis; sedulus, doctus recteque ingenio-sus Comes continuo respondet, nullum a se jure posse incommodum pvideri, quod ut quisque sublimi doctri-na excultus debeat comperire, ita Brutorum animas im-mortales dicere tuto etiam prohibeat (b).

§ 46. Tametsi vero alii deinde non minus praeclati Tractatores de germana Brutorum spiritualitate disputave-int, iisque rationem in rebus eorum gerendis amplissime fuerint impertiti, ab illorum tamen immortalitate edicenda, tanquam a scopulo maximopere periculoso se se omnino temperatunt. Ad hosce tam formidolosos spe-stant eruditissimus Ansaldus, nec non Maupertuisius; quo-rum prior ita aperte rem legitur definire; nempe uni-versis animantibus esse datam rationem; sed mutis tan-

d

tum-

(a) *Philosophiae Leibnitian. & Wolfian. usus in Theolog. Cap. 2. Sect. IV. §. 18.*

(b) *Lettera scientif. XI. Famigl. XXIV.*

tummodo ad vitam tuendam, homini autem ad propagandam scilicet per immortalitatem (a) : alter vero eorum nihil a belluis removendum esse diserte sancit; immortalitate tamen seclusa; quae hominum animabus, universis temperatioribus Philosophis suffragantibus, tribuntur (b). A qua etiam philosophandi ratione nec hilum quidem distare visus est Sherlokius; cui pecudum animas ad spirituum classem referre ita quidem libuit, ut tamen (utpote necessario quodam conjunctionis cum eorum corporibus nexus pendentes viventesque arbitraretur) hisce semel interitu dissolutis, simili illae fortuna interirent. (c)

§ 47. Susceptae a nobis Philosophorum omnium pugrandae hujusmodi historiae amplitudo efflagitat, ne ab hujusmodi censu eos forte repellamus, qui Alphonso Nicolajo Lucensi testante (d), pecudes ad agendum activo, ut ajunt, principio aliquo certi quidem fatentur, quod spiritale dicere formidant, at neque corporeum unquam decernere audent. Ita nempe istiusmodi disputationes in ancipi cogitatione versari videntur, ut verbis solum, non re a caeterorum sapientum pro animantibus sensu haec tenus explanato ullatenus discrepent. Inter utramque sententiam, inani fortassis violandae Religionis formidine distrahi patiebantur ineptissimi nonnulli etiam Ephemeridum in re Litteraria consarcinatores, dicam ne potius, quam acres, ut par erat, insti-

tuto-

- (a) *De princip. legis natural. tradit. Lib. II. §. 13.*  
& seq. (b) *Lettre V.*
- (c) *De l'Immortalité de l'ame Sect. II. cap. 2.*
- (d) *Lezione XIII. del Genesi pag. 222.*

tutores (a) : quippe belluis cognitionis sensusque operosum aliquod inesse principium, nihil autem de hujus natura novisse libere testabantur ; adeoque in illo sistendum, desperandumque ultra progreedi homines posse monebant. Maestri ingenii acie Scriptores ! Scilicet ipsi illud omnino idem Brutis reipsa largiebantur, quod materies esse non potest, ac quod in homine perinde cognitionum suarum principium, & vivida nuncupatur origo ; et si hoc ipsius funditus animo & meditatione nostra haudquaquam revera adsequi posse speremus : namque aequa utroque, nemine contradicente, rei perscrutandae aduersatur cuique serio contemplanti difficultas. Quidni ergo erunt propterea hominum animae aut immateriales, aut spirituales ? Non id sane sapientiores, sed mediocres dumtaxat homines desiriant, qui nedum forte altioribus dialectices mysteriis sunt iniciati. Sed ad eundem scribendae historiae ordinem, unde paulisper fuimus pro renata digressi, illico regrediamur.

§ 48. Inter eos vero, qui luculenter Brutorum animam spiritalem esse sibi caeterisque persuaserunt, princeps jure meritoque est habendus doctissimus ille rerum cumprimis metaphysicarum Auctor, atque Amplificator Antonius Genuensis, qui elegantissimam ea de causa Disputationem adornasse fama ubique constat pervagata (b); cuius hic verba exscribere absque supetyacanea prolixitatis censura tamen non possumus. Non ipse autem Genuensis unus extitit, quemodo nuper expressam

(a) *Memoir. de Trevoux* 1737. Octob. artic. 102.  
pag. 1856.

(b) *Elem. Metaphys.* Tom. II. par. II. pag. 273.

Brutorum spiritualitatem demonstrasse commendavimus. Quippe celebratissimus Physices italice scriptae gloria Iacobus Maria della Torre non hujus solum sententiam suffragio, argumentisque suis auctam confirmavit, verum hanc etiam tanquam verosimiliorem caeteris antistare debere pronunciavit (*a*). Quantum praeterea Poësis Musarumque præcepta patiuntur, ab eodem, quo isti elucubrarunt, scopo nequaquam digressus est, eo quod in Brutorum causam conflavit suo elegantissimo Poemate ingeniosus non minus, quam doctus Benedictus Stay Cassinensis; cui item amplificando, illustrandoque accessere postmodum Clarissimi Boscovichii opportuna identidem Commentaria, quae pari cum Vatis mente gressu poetam orationem persequuntur (*b*).

§ 49. Pro belluarum spirituali anima differuerunt praeterea alii non pauci inter Orthodoxos Philosophi sequioris temporis decursu, e quibus exhibere possumus præ cæteris afferendis celebratissimum illum de rebus præsertim Biblicis Scriptorem Augustinum Calmetum (*c*), qui sua in omnigenas disciplinas amplitudine eadem de Brutis quoque docuisse, paucis immutatis, visus est, quae a superioribus mox laudatis Auctoriibus Leibnitio, & Wolfio uberioris fuerant elucubrata. Non deest quoque alter Calmeti locus (*d*), ubi Auctor eruditissimus quae

&amp;

(*a*) *Scienza della Natura particolare num. 711.*

(*b*) *Philosoph. Recen. Bened. Stay versibus tradita Suppl. ad Lib. I. §. 1.*

(*c*) *In Dictionario Artic. Bestia.*

(*d*) *Dictionar. Verbo Samaritan.*

& quot animantia inter Deorum apud Samaritanos symbola recenserentur, quibus Religionis opera ii devo- verent, fuse prosequitur, aeneisque Tabulis exhibit. Ad rem insuper nostam, & juxta Scriptoris ejusdem mentem celeberrima illa conferret Dracoris ejus histo- ria, quem Babylonii omnes Daniele testante (*a*), sacris ut Numen colebant, ipsumque a Daniele adipe, pice, pilisque invicem in massam commixtis interfectum non ignoramus, ut illius superstitionae Gentis animum a tam nefario cultu removeret. Attamen isthaec, ne hoc impertinens nostra videri possit oratio ipsa, longiorem per se se efflagitant dicendorum copiam, quae profecto nec praetemmenda ullo paecto sunt, neque parum sco- po prodesse nostro censeri ipsa debent. Itaque eadem in proximum Commentariorum Caput compellenda esse & Operis ratio, & traditae superius pollicitationes modo suadent, quemadmodum paucis deinceps hocce in Capite exactis solerter, quantum nostra patietur exi- litas, absolvemus.

§ 50. De piscibus autem scribentem deinde con- sulamus D. Kleinium (*b*), quos industrios, sagaces, acutis sensatorum ictibus obnoxios, ac cognitionis ejus demum capaces fore decernit, quam hominibus etiam adjudicare possemus. Tantundem vero expressum col- ligere cuique fas erit ex selectissimis adnotationibus, quas D. Lionnet Insectorum Theologiae admoveat ma- gna

(*a*) *Bibliotheca Raisonnee Tom. XLIV. Part: 2:*  
pag. 386.

(*b*) *Cap. XIV.*

gna conatus est sedulitate, & judicio (a). De eadem cum Lionnetto opinione adversus Buffonum, caetero- qui eruditissimum deque rerum naturalium scientia amplissime meritum, opinione scribentem Dom. de Condillac adire non pigeat (b), eumque perinde revol- vere, Abbatem scilicet de Lignac, qui sub Epistolarum ad Americanum schemate ejusdem Buffonii circa pecu- dum animas philosophiam e putidis Peripateticorum fontibus (proh dolor!) haustam evertit, easque non mi- nus, ac homines spiritales esse egregiis invictisque ser- monibus assertit (c).

§ 51. Juxta temporum rationem consulendi modo consequuntur alii nonnulli Philosophi de Brutorum ani- ma differentes, qui iisdem suarum operationum praesi- dem moderatoremque spiritum a corporis natura diffi- milem prorsus attribuisse ex aequo leguntur. Horum itaque Scriptorum prior celebratissimus non minus quam impiissimus ille nobis occurrit Anglicus Humie, qui ex maxima hominum inter belluarumque corpora analogia si- militudinem causae in utrisque alicujus arguit, apposite quidem & acute; a qua effectum operationumque iti- dem similius ratio in ambobus animantium genetibus

to-

(a) *Theologie des Insectes avec des remarques de Mr. P. Lionnet Tom. I. Part. 3.*

(b) *Traite des Animaux.*

(c) *Suite des Lettres ad un Americain sur le 4. & 5. Volumes de l'Histoire Naturelle de Mr. de Buffon, & sur le Traite des Animaux de Mr. de Condillac Lettre 30. & seq.*

tota dependeat. Omnia pecudibus Hume ipse concedit, quae hominis naturae suae jure sunt propria; si tamen ratiocinationum seriem, & systematum inventionem excipias, quibus condendis imparem esse omnino animalem decernit naturam. Quamplura in conslato a se Opere (*a*) legentium oculis ac meditationi obversantur, quae tum non satis constantia inter se apparent, tum falsa, impia, atque ad arbitrium confusa cernuntur: attamen utut de hujusmodi vitiis sit definiendum; quae certe nec levia sunt, nec probo temperantique philosopho dissimulanda; illud quidem indubitatum existit Humio probatum, atque sanctum, quod potissimum causae spiritualium Brutorum admodum favet. Extra rationis limites abiisse vi-  
sus est Britannicus alter stylo nativo Auctor eo quem inscripsit Opere (*b*); neque minus ibi sacratissimo Tri-  
nitatis mysterio infensus, atque blasphemus apertissime constat. Verum nostra in praesens haud interest errorum monstra ex depravatis operibus decerpta notare, eaque singillatim refellere. Quoniam vero permulta ibi pertra-  
stantur vera non minus, quam rei nostre admodum ap-  
posita, ad hujusmodi opus propterea convertimur, unde,  
sacra teataque Religione Catholica, argumenta a nobis suscepiti vim magis magisque augeamus. Silentio niki-  
lominus praeterire debemus quotquot inveniuntur ab

Ano-

(a) *Essai Philosophique sur l'entendement humain,*  
*traduit de l'Anglois Tom. II.*

(b) *An Essay on spirit, Wherein the doctrine of the  
Trinity is considered in the light of nature and rea-  
son &c. &c.*

Anonymo Philosopho pro animantium spiritualitate subtiliter disputata, ne totius Operis specimen Ephemeridum Scriptorum more contra institutum nostrum adornare velle videamur.

§ 52. Antequam vero in philosophorum serie texenda ad nostra pene usque tempora extremum Capitis hujusce complementum, & coronidem imponamus, operae pretium fore existimo alios recentiores duos afferre Scriptores, qui conceptis verbis se pro Brutorum spiritu firma persuasione stetisse fatentur. Horum unus est ingeniosus ille Bougeantius ejus, quae olim, & paucos ante annos florebat, & ubique gentium magno dominabatur fastu, & potentia, Societatis Scriptor (*a*); cuius certe a se conflati Operis consilium haud illud, ut fas erat, Auctori suo obversatus serio fuit, quemadmodum cupiam de re hujusmodi gravissima disputatori objiceretur; nisi forte ludicra oratione atque intemperantissimo calamo eruditis omnibus tituli praepositi specie deceptis abuti voluisset. Ridiculum profsus Bougeantii systema (quod leporis animique levandi gratia Zaccharia audacter testante (*b*) conscriptum defenditur) spiritale in Brutis principium tuetur quidem; verum ita rem comminiscitur omnem, ut in ipsorum corporibus non brutales animae, sed totidem daemoniaci spiritus operationum ministri, ac praefecti versentur.

## § 53.

(*a*) *Vide Amusement Philosophique sur le langage des Bêtes.*

(*b*) *Storia Lett. d' Ital. Vol. III. Lib. I. cap. 8.  
pag. 276.*

§ 53. Extremum tandem in hac persequenda veluti historia locum praestantissimo Viro Iohanni Lamio constituimus , cui secundum Florentia , olim scientiarum praeclarissimarumque Artium Mater atque Magistra , diu fortassis hodierna hac aetate , atque deinceps haerens praestolabitur . Ille ergo in omni disciplinarum genere summus , atque magnificus animantibus , postquam diu multumque rem penitus introspexerat , intelligendi eam largitur jure facultatem , quae a caeteris nequit rationalium proprietatibus sejuncta consistere : quare ipse pro sua egregia in veritatum nexus constantia pecudum omnium animas tot tantisque viribus instuctas , quae corpoream quamlibet excedunt penitus conditionem , ad germani spiritus indolem attollit , iisdemque immortalitatis nativum munus etiam impertiri nullatenus anceps formidat (a). Alia insuper multo ampliora præterire equidem debere me pro aqua brevitate sentio , quae omnem oretenus de Brutis ab Lamio mecum familiarissime colloquente acceptam philosophiam spectant , cuius nihilominus summa ab aliis item audientibus saepe saepius percepta idipsum demum conficit , quod præclaris verbis atque sententiis ab eodem prolata , atque decreta diximus paullo superius .

§ 54. Hactenus de philosophorum egimus circa spiritalem belluarum animam unanihi in omne ferme tempus consensu : Qua quidem in re nec otium perdidisse arbitramur , nec minus satis Peripateticorum ineptissi-

mae

(a) *Novelle Letterarie per l' Anno 1761. Firenze 2. Gennajo, 20. Febbrajo, e 6. Marzo.*

mae opinioni fecisse dubitamus, quamprimum hanc cum tot tantisque illustrium omniue exceptione majorum Virorum testimoniis contulerimus. Etenim si ab extrinseco, ut ajunt, argumentationis robore res nobis solum esset decernenda, neque alia multo validiora forent adsciscenda aliunde petita, quam a Scriptorum auctoritate, quisquis jam perspicit, haud leve profecto proposito scribendi scopo pondus fore addituros, si contra corpoream Scholasticorum animam eorum assertis praehabenda esse voluerimus quaecumque ab iis excogitata, & tradita perpetuis produntur memoriis, qui naturae vim atque effecta patienti studio, & ratione investigarunt. Multa ab omnium aetatum Philosophis prudenter fuisse & graviter disputata, multa etiam breviter, & commode dicta, multa denique ingeniose, & luculenter exposita, qui fuerint fortasse inficiati, isti certe non verbis, & ratione, sed contemptu; ne verberibus, & vinculis dicam; coercendi videntur. Attamen longe gravior est disputatio, quum non de unius, alteriusve Philosophi suffragio res est, sed de universorum pene hujusmodi Scriptorum unum idemque affirmantium placito quaestio vertitur, & eruditio. Ipsa nimirum naturae praescribit ratio, & disciplina; ad quam non docti sed facti esse videmur; ut quae viri graves, ingeniosi, eruditi acute diligenterque tradiderint, eadem omnes litteris non abutentes continuo excipient, mente complectantur, iisque proinde antistare curent, quae ab aliis paucis contra consignata perperam fuere, a quibus fieri nequeunt doctiores, ac prudentiores. Nihil itaque insanius intercedere nos inter, & Peripateticos posset, si

in

in belluarum animae investigatione eruditioneque paranda eos negligeremus Auctores, qui & summo ingenio, singulari cura, & diuturni temporis experimentis in cognoscendis Brutorum animabus elaborarunt; recteque propterea quum hic, tum in omni philosophia perdiscenda scientiae hujus professoribus in eamdem praesertim sententiam conspirantibus fidem habeamus operet, neque proinde singularia debemus placita communibus anteferre; quemadmodum Theodoretus etiam magna exemplorum vi patefecerat olim, atque monuerat (a). Quamobrem id quidem non est dubium, quin verum & satis exploratum sit, pecudum animas spiritales non secus atque homines res percipere, de iis deliberare, easque perinde expetere, de quo omnium Philosophorum natura consentit. Quomodo enim homines, & ambitiosi honoris, & gloriae, & caeci fere opinionum carpendarum cupiditate, & plurimi saecularum varietate maximisque locorum intervallis disjuncti in hanc unam, quam haec tenus ex eorum scriptis exhibuimus, persuasionem concurrissent, nisi in eamdem veluti naturae conspirationem impulsu quodam, & evidentissimae veritatis stimulis accendentibus acti fuissent? Quae profecto etsi majori philosophicae eruditionis ubertate absolvi a nobis potuissent, quam quae priori hocce Commentariorum Capite comprehensa breviter esse voluimus, ea tamen satis superque exposita fuisse confidimus, ut inde pataret, communes sapientum conceptiones non minoris esse faciendas, quam si universorum hominum essent communes; & Peripateticorum de pecudum anima sententias

(a) *Lib. I. de Graecor. affect. curat.*

tias tanquam deliramenta, & nullius pretii dicta fote du-  
bio procul habenda. Utriusque propositi veritas critices  
solum animadversionibus, atque illo argumentationis ge-  
nere, quod extrinsecum vocant, detegenda nobis fuerat;  
quemadmodum haud dissimili orationis methodo alia per-  
inde nonnullis proximis succendentibus Capitibus perse-  
quemur; donec illa tandem attingamus, quae intimam  
rei nostrae indaginem, pressioremque ab altioribus phy-  
sices mysteriis disputationem efflagitabunt.

## C A P U T XX\*

*Totius humani generis omnium temporum suffragatur  
consensus , quum de immateriali Brutorum cogni-  
tione instituitur inquisitio .*



I nemo aequius bellua-  
rum animam valet inter-  
noscere, atque ab eo fon-  
te ita petere argumen-  
tationes suas qui Scho-  
larum effato extrinsecus  
est, ut pro ea adseren-  
da vehementer trium-  
phet, quam si ad uni-

versalem hominum consensum gentium omnium, ac tem-  
porum sermocinationem suam pertinere curet; ideoque  
efficiat, ut spiritalis illa naturae totius veluti voce ad-  
struatur; supervacaneum fore propterea reor lectorem  
pluribus modo erudire quantopere hujusmodi vox sapien-  
tiorum judicio ad fidem faciendam re ipsa conferat: qua-  
re hujus suadendae omni cogitatione penitus abjecta il-

lud

lud continuo adgredior , quod fuit paulo ante maximo-  
pere propositum .

§ 56. Nunc itaque operae pretium esse existimo tan-  
quam ratum confirmatumque tenere , apud cultas omnes ,  
& barbaras etiam nationes illud pro Numinibus religio-  
se colendis in maximo pretio fuisse , quod sui excellen-  
tem ingeneraret mentibus opinionem , quod caeteris re-  
bus praestaret humanis , quod universum suo regeret , at-  
que administraret imperio , quod ut nulla re indigeret ,  
ita maxima sui potestate omniumque rerum copia singu-  
lis opitularetur exorantium egestatibus , quod demum  
illud sapientia tantum , & ingenio polleret , quantum cae-  
li teraeque ordinata varietas , ac mirus plane universorum  
concentus in regimine promovendo rationis , ac  
consilii efflagitare videretur . Itaque si terras pene om-  
nes , ut animo , sic etiam oculis lustrare , gentiumque  
orientalium potissimum , vel studia , vel mores proprius  
inspicere , singularumque colligere per nos ipsi senten-  
tias facili negotio potuissimus olim ; quomodo monu-  
mentorum praesidio , quae a veteribus Philosophis poste-  
ritati sunt reicta , inprae sens contemplari commode  
valemus ; non esset alia ratione nobis in investiganda ea  
de Brutorum natura opinione laborandum , quam priscae  
aetatis nationes permultas persuatione , & sacra etiam  
consuetudine fuisse amplexatas historicorum litterae do-  
cent , de quibus non sine temeritate dubitare nequimus .  
Attamen , quum historiis solum omni exceptione majo-  
ribus contenti modo esse debeamus , quo rem hanc de-  
finire possimus , ita retroacti temporis populos quamplu-  
rimos , ne dicam universos , indoctos , atque sapientes in-

can-

tanta pro spiritualibus belluarum animabus, tamque firma opinione fuisse per video, ut tanquam Numinia perpetuo coluerint, pro iis sacra & caeremonias instituerint, & quae reliqua sunt ad Religionem condendam necessaria. Quid porro Arae sibi, quid Delubra, quid Nemora, quid vota animantibus effusa volebant, quid preces, quid totus rituum sacrorum apparatus, quos ubique viginisse deprehendimus, declarat, nisi aliqua a populis haec usurpatibus spectari, quae magnam gererent rerum suarum assiduamque curam, quae bene pro meritis caperentur, quae poenas, quae praemia dividerent, quae ferrent implorantibus opem, quae denique cuncta virtute, consilio moderarentur suo Sapientissima, ac Praepotentia Numinis? Quae quum ita esse totius antiquitatis suffragentur memoriae, atque ad divinam usque naturam elata animantia universa fuisse doceamus, haud certe difficile erit ingenuo lectori futurum libenti persuasioque nobis animo dare, recentiorum de Brutorum spiritualitate sententias cum veterum nationum eadem super re placitis omnino consentire.

§ 57. Haud profecto nos ea latet suspicio, quae ab indoctis nec acutis quibusdam disputationibus afferri fortasse valeret; hominum videlicet genus universum in sententias de natura Divinitatis admodum varias, discrepantes, & absurdas facillime scindi confuevisse, quas inter recenserri non absque humani ingenii probrofa nota debeat, quae in supremam Numinum majestatem extulit animantia; neque tamen a fatuis id genus reprobandisque cogitationibus inferri legitime posse, Bruta re ipsa in spirituum classem referri debere; tametsi Nationes

bar-

barbarae , atque incultae , sive ferarum potius quam sapientum more vitam degentes , eo usque furere incredibili vesania passae fuerint , ut in tot partirentur Deos , quot belluarum sunt genera , quae rationalium ritu vivere , & cogitare videntur .

§. 58. At de hac difficultate aliquid est , quod jam in hoc Capite primum commentemur , antequam propositum nostrum experiri aggrediamur . Evidem non inferior stultitiae maximum , atque impietatis supremum esse argumentum illud belluis velle per summam nefariamque inscitiam attribuere , quod etiam indignissimum esset vel multo perfectionibus rebus adjudicare . Verum non hic de jure deque dogmatis hujuscce ratione a nobis quaeritur , sed de re tota est disputatio . Sane quod unanimis hominum concorsque sententia Bruta velut Numinis colenda esse aliquando statuerit , est veritas , quam factum Jureconsulti , tum Critici appellant . Si igitur animalia omnia ita perperam existimabantur antiquitus , mente tamen atque omniscientia carere ipsa nullatenus poterant . Quis autem nesciat , id nobis solum in praesens verum esse , quod testibus in medium allatis probetur iis , quorum neque fides , neque sapientia niter aliquando ? Porro qui generis humani communi quasi decreto , quod pecudes Deorum immortalium veneratione dignae habitae ab innumeris gentibus fuerint , declarari confirmant , ex omni memoria sunt actatum , temporum , civitatum Viri gravissimi , quorum in monumentis colligendis diligentiam , neque fidem in afferendis , neque prudentiam atque doctrinam in explicandis desiderare possis . Itaque quum permulti Scriptores aperte docuerint

rint, ab omnibus ferme regionibus retroactis temporibus divinam in Brutis agnitam cultamque fuisse aliquo modo substantiam, quid aliud cuiquam credere permittitur, quam eas belluas veterum judicio spiritalis indolis esse prorsus, quae supremam ab iis observantiam excipiebant. Expendendum supereft ergo, an rem ita se habere perspicue videamus; an inquam vetusti, quod firmum esse asseruimus, Auctores diserte testentur: in qua certe amplissima peragranda provincia non eum consecutabor orationis ordinem, ut de quadrupedibus primum, de avibus deinde, deque piscibus demum majorum nostrorum testimonio sim loquuturus, quomodo posteriori Capite faciendum esse existimavi; verum ad solipedes aliquando, atque inde ad aves, nunc ad bisulcas, nunc ad multifidas belluas, deinde ad pisces, postmodum ad insectorum genus vario sermone me forsitan convertam; quò potissimum juxta scopum nostrum in universum animantium regnum Relligio olim, & nunc etiam a populis bene multis instituta ostendatur, atque in longa neptum successione devotissime custedita.

§ 59. Principio itaque superstitionem Aegyptiorum gentem, aliasque Orientales finitimas animantia pro Diis habuisse exhibeam, antequam caeteros Orbis populos sub eadem rerum specie proponam. Ad rem porro spectare non arbitror qua via, & ratione tam turpis in eas, & tam late patens Nationes Idololatria fuerit mirum in modum progressa, ac continuo ex Strabonis fide omni exceptione dignioris consentaneum est auspicari. Hujus illustris patet locus e græcis fontibus in latina conver-

sus (a). Sunt quaedam animalia ( ita scribit ), quae Aegyptii colunt universi ; ut de terrestribus tria , bovem , canem , felem ; e volatilibus , accipitrem , atque ibim ; ex aquatilibus duo , lepidotum ( sive squammatum ) pissem , & oxyrynchum . Sunt & quae seorsim coluntur . Sic Saitae , & Thebani , ovem ; Latum vero , qui pisces quidam est in Nilo , Latopolitani ; Lupum Lycopolitan , Cynocephalum Hermopolitani , Cepum Babylonii qui sunt juxta Memphim . Cepus faciem habet Satyrosimilem , caetera inter canem atque ursum ; in Aethiopia nascitur . Aquilam Thebani , Leonem Leontopolitani , Capram , & Hircum Mendasii , Mygalem Athribitae , alii aliud . Caussas vero adferunt inter se non consentientes . Bovem ab Aegyptiorum vulgo tanquam Numen veneratum testatur quoque Plinius (b) ; cui ritè colendo Sacra in Templis dicari praeterea docet . Bos in Aegypto etiam ( ejus sunt verba ) Numinis vice colitur : Apim vocant . Et mox subdit : Sunt delubra ei gemina , quae vocant thalamos , auguria populorum . Alterum intrasse laetum est , in altero dira portendit . Responsa privatis dat , e manu consulentium cibum capiendo . Germanici Caesaris manum aversatus est , haud multo post extincti . Caetero secretus , quum se proripuit in coetus , incedit summotu lictorum , grexque puerorum comitatur carmen honori ejus canentium . Feles autem in divino honore in omnibus Aegyptiorum terris habitos refert Herodotus ( In Euterpe ), qui addit praeterea , eos , ut primum domibus interierant , solitos saliri , atque ita Bu-

ba-

(a) *Lib. XVIII.*(b) *Lib. VIII. Cap. 46.*

bastim deferri, ut sacra in Urbe sepelirentur. De hujusmodi in Aeluros sive feles ejus gentis Religione testim quoque Tulliem possumus advocare (*a*) ; cui insuper adjiciendi sunt Diodorus Siculus (*b*), Juvenalis (*c*), atque Plutarchus (*d*). Qui item sub Clementis Romani nomine *Recognitionum* vulgo censetur vetus Auctor eandem Aegyptiorum narrat vesaniam, quae cum dictis hoc usque consentit omnino. *Alii Aegyptiorum bovem* (*e*), qui *Apis* dicitur, colendum tradidere, *alii Hircum*, *alii Gattas*; nonnulli *Ibam*, quidam *Serpentem*, *Piscem* quoque, & *Caepbas*, & *Cloacas*, *Crepitus ventris* pro Numinibus babendos esse docuere, & *alia innumerabilia*, quae pudet etiam nominare. Simias insuper, & Ceropithecos ab eadem natione in Deorum concilium; quippe animantia admodum ingeniosa; fuisse relata consuli potest Iuvenalis (*f*): quod etiam ab aliis assertum Scriptoribus, atque probatum ostendi haud difficulter posset, nisi aequo longiores esse vereremur, Capreas, absque ulla tamen hircorum existimatione, ab Urbis Copti incolis divinis prosequutas honoribus fidem facit Aelianus (*g*), quorum e graeco verba subjiciunt: *Copti ex Capris feris faeminas colunt*; *divinitatem etiam iis tribuunt*: *mares autem comedunt*; *faeminas vero ajunt*, *esse oblectamentum ac delicias Isidos*: tametsi alii ex to-

e 2

ta

(*a*) *De Legibus Lib. I. De Natura Deorum Lib. I. Qaestio[n]e, Tuscul. Lib. V.*    (*b*) *Lib. I.*

(*c*) *Satyr. XV.*

(*d*) *Symposiacon Lib. IV. Quaest. V.*

(*e*) *Lib. V.*    (*f*) *Satyr. XV.*

(*g*) *De Animalibus Lib. X. Cap. 23.*

ta Aegypto populi hircos etiam pro Numinibus habuisse, legi potest apud Maximum Tyrium (a); cuius rei praeterea caussam exponit Diodorus Siculus (b) hisce verbis: *Hircum inter Deos retulere ob genitale membrum: sicut Graecis propterea ajunt venerationi esse Priapum:* Alia plura Brutorum genera apud Aegyptiorum gentem, quadrupedum, avium, & aquatilium infra Deorum censum fuisse, & magnis Religionis observantiis alte suspecta, res est exploratissima juxta omnium Scriptorum fidem; quod exinde ingens haurire se posse commodum atque aemolumentum arbitrarentur, ut diserte Tullius affirmat: *Ipsi, qui irridentur Aegyptii, nullam belluam, nisi ob aliquam utilitatem, quam ex ea caperent, consecraverunt (c): velut Ibes maximam vim serpentium consciunt.* Possum de ichneumonum utilitate, de crocodilorum, de felium dicere; sed nolo esse longior. Ita concludam tamen, belluas a barbaris propter beneficium consecratas. Verum ab hujusc Nationis ineptissimo in belluas cultu in alias transmigremus oras, in quibus similis viguerit in hujusmodi Numina existimatio.

§ 60. Si Democrito historico apud Suidam danda fides est aliqua, quemadmodum decere videtur, Judeorum genus quorundam animantium veneratione captum fuisse docemur. Asinos ac fues potissimum ab aliquibus ejus nationis adoratos, & cur utrumque animal ab iis honorum divinorum significationibus spectaretur olim,

aperte

(a) *Serm. XXXVIII.*

(b) *Bibliothecae Lib. I.*

(c) *Ita laudatus Aucter de Natura Deor. Lib. I.*

aperte explanat Plutarchus (a): *Ac fortasse id ratione nuditur; ut sicut asino, quia fontem iis aquae com-monstravit, sic & sui, quia sationis, & arationis est magistra, cultus apud eos sit religiosus.* Ab Aegyptiis tamen, qui certe principes hujusmodi cultus propagatores habiti facile sunt, ad aliarum gentium ritus hac super re institutos dicendo progrediamur, & quid Judei re ipsa de Sue & Asino senserint Criticis interea severioribus maturius disquirendum committamus.

§ 61. Eorumdem Aegyptiorum exemplo sive traditionibus Pitheciis Simias colere, ac pro Numinibus venerari caepisse a Diodoro Siculo scribuntur. *Easdem domos Simiae* (hujus en verba e graeca origine accurate convertsa) *quas homines frequentant, & pro Diis habentur apud illos, ut apud Aegyptios canes.* Paratos etiam in cellis panariis cibos, quandolibet nemine prohibente, hae bestiae sumunt, nominaque, ut plurimum, a Simiis, sicut apud nos a Diis, parentes liberis suis imponant. Qui animal hoc interficerint, in eos ut nefariae impietatis reos, suppicio capitum animadvertisse. Ideo apud nonnullos proverbii vicem obtinuit, quod in magnifice se efferentes dicitur: *Simiae cruorem bibisti.*

§ 62. Magna item fuit priscis temporibus ad nostrum usque saeculum in India Orientali in Cerco-pithecis observantia: quam perinde in Boves ibidem non minorem fuisse, diserte Scaliger adversus Cardanum affirmat (c). *Quemadmodum Isis olim ab Aegyptiis, ita*

nunc

(a) *Sypos. Lib. IV. Quaest. V.*

(b) *Lib. XX.*

(c) *Exercitat. 258. Sect. I.*

nunc ab Indis, qui Cucbin regnum incolunt, Bos peculiari cultu pro Deo habetur, & nuncupatur Tambaran. Cui veteri cultui novus hic ut respondet, ita priscum Graecorum institutum novi memoria representatur in Celoim, quae ab aliis locis haud multum distat Orientem versus. Haec quidem divinae in haec animalia venerationis ex veterato Indorum more confirmatae perspicua commemorati Scriptoris sunt verba: at tamen ad Cercopithecos redeamus. Scilicet Balbus imprimis in eo, quod italicice prodidit, rerum multarum, & magnarum Itinerario majori qua per se potuit tum sedulitate, tum fide & judicii acie collecto, a se, dum Macaum inter & Pegu medium iter perageret, visa fuisse testatur Idola permulta, quae vulgo Pagodi iis Regionibus dicuntur: inter ea vero innumera pene reperisse Cercopithecorum simulacra in sacris earum Gentium Fanis elata; secus autem eorum fores, seu in eorumdem viciniis ipsamet Bruta viventia servari alligata tradit, quae cum honore & tanquam Numina ab Indis suspici, ad eaque praeces fundi semel iterumque testatum habet.

§ 63. Aequa nobis se se offert a Ichanne Ugone Linschotano tradita in Simias ab iisdem Populis impensa Religio; quae Cercopithecis simillimae cuique videntur. Id Lusitanis anno 1654. compertissimum fuisse ab eodem Scriptore edocemur, quum ipsi post captam Seylon Insulam Templum in summo Adamitici Montis vertice magnifice extructum vastare, ac ejus pretiosa quaeque diripere adorsi sunt. In eo itaque, ad quod ingenti multitudinis frequentia, tanquam ad divinitatis perfugium Insulani adscendebant illi, quorum ibi etiam sacra om-

nia

nia celebrabantur, nihil viatores invenisse feruntur, praeterea Cistulam quandam calathi instar auro gemmisque fulgentem, in qua Simiae Dens caute recondebatur. Hunc igitur abstulisse Hugo narrat, quem incredibili Regulorum maerore inde adsportandum quum ii decrevissent, missi a Seylanis legati continuo sunt, qui Lusitanis pro eodem Dente redimendo septingenta Ducatorum millia solverent, ne tantum divinae substantiae pignus per summum dedecus pollueretur. At de Indorum moribus jam pro nostra brevitate satis: nunc autem sacrum Graecorum cultum tantisper investigemus.

§ 64. Mustelas coluisse Thebanos, easque pro totidem Diis habuisse testem afferre possumus Aelianum (*a*): qui practerea Tenediis mures sacros fuisse ibidem scribit. Samiis quoque Oves pro Numinibus fuisse, Delphiis Lupos, Ambraciots Leaenas; praeter alios, quos silentio praeterite consulto volumus; idem nobis praeclarus omnique exceptione major Aelianus Auctor est. Idem Plutarchi (*b*) testimonio afferamus oportet de Echiniis terrestribus, quos velut Deos tota Zoroastris Schola imprimis venerata est.

§ 65. Creberrimae item occurrunt aliorum Scriptorum memoriae, quae Nationum pene universarum exhibent, in excolendis sacra observantia non quadrupedibus solum, verum etiam volucribus, serpentibus, piscibus mirum plane consensum, quorum testimonia brevitas causa praetermittimus. Earum vero praecipui ha-

ben-

(a) *De Animalibus Lib. XII. cap. 5.*

(b) *Symposiacon lib. IV. Quaest. V.*

bentur pro retroacta antiquitate testes Clemens Alexandrinus, Eusebius, Strabo, Plutarchus, Plinius, Diodorus Siculus, aliquique non pauci, quorum plerique, tametsi ethnica superstitione occupati tam late pervagatam in toto pene orbe Brutorum Religionem haudquaquam sensu intimo, & sincera persuasione commendarent, quid nihilominus omnium gentium vulgus de animantium natura sentiret perpetui fuere ipsi atque constantes, ut scriptis exacta fide consignarent.

§ 66. Antequam vero ad Romanorum in Religionis negocio mores, & ad Romae delubra & simulacra accedamus, praetereundum haud fore arbitramur qua (licet foeda) superstitione Mexicanii tenerentur, ex Paulo Grissaldo, heic referre (*a*); scilicet Vespertilio*n*es iis Populis sacri adeo elapso saeculo visi sunt, ut eos velut suprema Numina celebrarent, atque in magnificentissimis Aedibus custodirent. Quae sane ut in ea Orientali plaga, ita etiam in reliquis hucusque commemoratis nationibus tantam in Bruta venerationem non comitarentur, nisi omnes animo ab ipso nutricis lacte altius imbibissent, omnia & singula animantia iis reipsa mentis potissimum characteribus supra quaeque alia pollere, qui Deorum immortalium majestatem apprime decerent.

§ 67. Haud igitur mirum cuiquam sapienti erit certe futurum, qui Romanae Republicae Religionem ex omnium exterarum Gentium ritibus collectam, permixtam, atque congestam contemplando varium perinde animalium genus in ejus sacris, caeremoniis, symbolis, Temporum

(a) *Histor. Indicae Lib. 3.*

rum insignibus, Lucis, Atriis, Numismatibus, aliisque similibus facile detexerit, quibus maxima ejus Gentis Italiae totiusque etiam orbis Reginae celeberrimae Theologia constabat, & omnis pene Pontificum, Augurum & Aruspicum scientia continebatur. Quamquam hoc in loco quae ad Romanorum consuetudines sacras spectant potiora quaedam praetereunda non esse arbitramur, ne argumentum nostrum ab inductione petitum mutilum sit, & nobis ab adversariis velut inane tandem objicitur. Mihi quidem induc<sup>t</sup>io illa completa esse videtur, cui nihil ex iis desit, quae a celebriorum Gentium historia mutuamur, unde hoc in negocio inferre demum valeamus, omnium populorum consensum belluatum spiritualitati adstipulari, quotiescumque ii plerique ad Brutal sacra veneratione quoquomodo prosequenda mira plane concordia conspiraverint. At de hoc alibi opportunius: nunc ad gentis nostrae mores, & placita exponenda convertamur.

§ 68. Sed priusquam singula pene animantium genera, quae Romanis olim sacra fuere, percenseamus, aliquantis per in eo laborandum putamus, ut Marci Tullii judicio (a), tria illa Numinum pervulgata aequa genera constituantur, quae toto qua patebat eorum Imperio magna Religione spectabantur. Horum quaedam Caelestia Numina sive *Consentia*, alia *Indigeta*, alia demum *Laudabilia* dicebantur: quae duo posteriora versare quum ad nos minime vel parum pertinere videantur, priora solum pro re nostra usurpabimus. Porro Con-

sen-

(a) *De Legibus Lib. II.*

sentes Dii Romanis duodecim fuere, quorum sex Mares totidemque Foeminae duodenarium numerum ex aequo complebant. Inter Mares princeps Juppiter, frater ejus Neptunus, ac liberi Jovis, Apollo, Mars, Vulcanus, & Mercurius censebantur: Foeminae autem inter Deas relatae hisce vocabulis Juno, Vesta, Ceres, Diana, Minerva, Venus appellari solebant. Attamen quid haec cum Brutorum cultu commune habeant necessum est ut aperiantur.

§ 69. Itaque qui a nostris Iuppiter priscis temporibus colebatur, quum ethnicae superstitionis feditate delectabantur, Aquila quoque, tanquam avis illi maxime sacra, magna honoris existimatione suspiciebatur, quippe in illa velut Numinis majestatisque ejus symbolum, atque imaginem ipsi spectarent. Hujuscē religiosi ritus geminam exponit cauſsam Eustatius (a), quae in unum idemque cum scopo nostro sensum conformari legenti patet. Similia caeteri fere omnes, qui de Ethnicorum Religionibus litteris cogitationes mandaverunt suas.

§ 70. Idem praeterea, qui in Consentium Deorum veneratione toti erant, non Neptuni simulacra solum affabre efficta, & varia ornamentorum expressione decorata adorasse publice in eorum fanis leguntur, verum etiam in pluribus animantibus illius divinitatem agnoscabant, iisdemque vota fudisse ipsamet, quae Maris Numini, res est graviorum Scriptorum testimonio confirmata. Inter ea vero ex quadrupedibus Equum Neptuno devotum fuisse, atque ideo ab iis Populis perinde

exo-

(a) *Iliad. pag. 87. Edition. Rom.*

exortatum, testis est Virgilius (*a*): in quem locum Servius ethnicae doctrinae mysteria selectis animadversionibus plura ad rem docet. Quae autem fuerint animantia reliqua ejusdem Numinis symbola consuli libere possunt in aliis, qui in Mythologia & in omni Gentium Theologia ita praestantes sunt, ut nihil in iis desiderari valeat, in quo debeant accusari (*b*).

§ 71. Magnum insuper caussae nostrae praesidium in eo positum esse putamus, quod alia fuerint tum Graecis, tum Romanis animantia Apollini sacra, quae testibus in medium prolati omni exceptione majoribus culta a nostratis ostendantur. Lupum hujusce Numinis symbolum eidemque dicatum, ipsumque adorationis obsequio prosequutum, Aelianus est Auctor (*c*); quem Eustatius item ejus ritus caussam afferendo comitatur. Ex avibus autem Apollini sacri haberri solebant Cygnus, Corvus, Accipiter, Gallus, horumque Sacraenta explicant Eustatius saepe laudatus, Apulejus (*d*), Pausanias in *Elias Prioribus* (*e*). Eidem Divinitati attributum fuisse praeterea ex piscibus Thynnnum, atque in sacris adhibitum ex Antigoni Carystii Libro de Dictione docuit Athaeneus (*f*).

§ 72. Iстis autem omnino similes illi ritus in beluis excolendis dicendi sunt, qui circa ea versabantur

ani-

(*a*) *I. Georgic.*

(*b*) *Eustatius ibid.*, *Athaeneus Lib. VII. cap. 7. pag. 282.*, *Pancreas Arcas in libro*, quem *Marina Opera inscripsit*, *Homerus Iliad. XI.*

(*c*) *Histor. Animal. lib. XII. cap. 40.*

(*d*) *Floridor. lib. II.*    (*e*) *Lib. V.*

(*f*) *Lib. VII. cap. 20.*

animantia, quae Marti adjudicabantur. Vultur impri-  
mis huic numini facer, Phurnuto teste (*a*), praedica-  
batur, atque ab ethniciis nostris inter religiosas observan-  
tias legitur amandatus, quod ejus rapacitas tanta sit, ut  
infectetur corpora, quae bello ceciderunt. Picum quo-  
que e volatilium regno; non hyperboreum ac fabulosum  
illum, quem *Gripbem* vulgo dicimus, sed obvium ac  
naturalem, Plutarcho suffragante (*b*), ad idem Belli Nu-  
men pertinere novimus. Sed & illud hic addere juvat  
ex alterius Operis Plutarchi testimonio (*c*); Romanos vi-  
delicet volatile hoc animal idcirco in sacris habuisse cae-  
remoniis, & ab illius esu magnopere cavisse, quod au-  
dax, & viribus validum sit; ac proinde Martis ipsius sym-  
bolum, & imago iis facile conspicienda offerretur.

§ 73. Sed ex iis, quae hactenus sunt de animanti-  
bus illis scripta breviori qua potuimus oratione facilis  
lectori patet ad cetera percipienda aditus, quae reliquis  
Numinibus Consentibus erunt deinceps accommodanda.  
Mercurio videlicet Spinum avem sacrum fuisse, atque ad  
hunc Religionis honores olim relatos affirmat Aelianus (*d*).  
E piscium genere apud Athenaeum (*e*), atque Eustatium  
Boax legitur ad Mercurii ejusdem cultum spectare: *Mer-  
curio sacratus Boax*, ut *praeconi*, ob clamorem, unde &  
*Bootes praeconis nomen*; ita posterior laudatus Auctor (*f*).

## § 74. Len-

(*a*) *De Natura Deorum.*

(*b*) *In Romulo.*

(*c*) *Quaest. Romanar. Sect. XXI.*

(*d*) *De Animalibus lib. X.*

(*e*) *Lib. VII.*

(*f*) *In Iliad. pag. 87.*

§ 74. Longius hac in re progreditur oratio quum Deas etiam , earumque animantia pergitus juxta propositum enucleate , ne quid infra brevitatis nostrae fines pro absoluto inductionis argumento deesse cernatur . Iuvenca , Ovis , Capra ex quadrupedibus , ex alitibus vero Pavo , Anser , Cuculus , Monedula , Struthiocamelus , atque Ciconia tot erant Bruta , quibus Junonis festivae celebritates & sacra siebant , quibusque Religionis jura solvebantur . Horum qui expostulet testimonia colligere , & Scriptorum fontes adire , unde hujusc veritatis hauriat narrationes , Wossium consulat eruditissimum de Gentilium superstitione fuse scribentem (a).

§ 75. Haec omnia admodum probabilia dicuntur , & rei praepositae optime consentanea sunt ; tametsi populorum illorum vel impietas , vel stultitia nobis satis superque sit cognita . Quis neget id totum vesania & mentis perverositate vel maxima contineri ? Non tamen , si verum fateri volumus , nunc illud constare non debet , in ipsa errorum pravitate , & cultus faeditate universas Gentes , nedum Romanos , Bruta permulta , quum divinitate gaudere opinabantur , tanta animi dignitate reipsa praedita sibi persuasisse , quanta velut Dii totidem sua curarent omnia , ad exorantium vota praecesque fleterentur , & insita eorum naturae divinae bonitate capti gratia , & obsequiis deliniti bona mortalibus impertirentur , ab iisque mala propulsarent . Sed propositi ordinem repetamus .

§ 76. A Junonis animantibus ad alia veniamus necesse est , quae caeterarum Consentium Dearum propria

(a) *Lib. IX. cap. 21.*

pria esse vetustis dicebantur, iisdemque sacrorum ritibus quibus illae, a Romanis coli solebant; ut, hisce exactis, majora adhuc ejusdem generis absolvantur: quippe aliae Gentes praeter illas similis pene impietatis accusantur, ac adeo depravatis hac in re opinionibus imbutae, ut belluas sacris institutis, & positis etiam altaris venerari non erubuerint. Quae Cereri sacra olim haberi a nostris solerent ex quadrupedibus animantia, nonnisi obiter dicere attinet, quod disertissimis narrationibus apud Catonem (*a*), Agellium (*b*), Porphyrium (*c*), atque Eusebium (*d*) descripta exhibeantur. Ex avibus autem Turtures albi, necnon Grues pro una eademque Religionis in Cereris Numen materia, Aeliano (*e*), & Athenaeo (*f*) docentibus, ethnici nostri usurpasse scribuntur. Obvia pene omnibus sunt, quae Minervae adjudicari sub animantium schaematibus symbola antiquitus solerent, quaeque sacris honoribus dignarentur. Noctua cum primis, Aristophanis testimonio (*g*), Divae hujusce emblema ferebatur, in cuius simulacri capite quandoque imposita, aliquando vero ad illius pedes haec effingebatur. Vitulum alterum perinde ejus divinitatis symbolum notare atque religiosis obsequiis prosequi penes eos Idololathras, docente Arnobio (*h*), mos erat, ut

alia

(a) *De re rustica* cap. 134.

(b) *Lib. III. cap. 6.*

(c) *In Libris Responsor.*

(d) *Praeparat. Evangel. Lib. IV.*

(e) *De animalibus* cap. 40.

(f) *Lib. VII.* (g) *In Avibus.*

(h) *Lib. VII.*

alia brevitatis ergo animalia diversi inter se generis sacra praetereamus silentio, quorum meminere Aristoteles (*a*), Agatharchides (*b*), atque Eustatius loco saepe laudato.

§ 77. Consonant haec, aut illis proximè accedunt quae Pausanias (*c*) de Diana Simulacro diserte habet; scilicet quum Divam describit cervina pelle indutam, cuius una manus lampadem, altera dracones gestaret geminos, atque ad ejus levam canis adstaret venaticus. Canes iterum, & Cervi pro venerandis Diana simbolis existinati a Veteribus fuisse traduntur; quemadmodum meminit Apulejus (*d*), & Ovidius (*e*). Ex Piscibus autem Mullus Diana sacer ab Athenaeo (*f*) consignatur; & de Paguro Capacii Viri magna fide digni verba lubet in praefens exscribere: *Pagurus item Diana sacer est, quoniam inter venatores testaceos numeratur, ajunque eum praeципue vim Lunae sentire, qua crescente succulentior fiat, & melior. Aliqui Apollini sacrum faciunt, quoniam Musica delectatur. Apud Mystas prudentiam Pagurus significabat, ideo Diana Ephesiae collo fuit suspensum, & apud Brutios Diana caput Paguro ornatatur. Prudentiam ea de causa illi tribuunt, quod quum crustam exuit, veluti armis spoliatus latet, viribusque diffusus nullos aggreditur, donec novam recuperaverit. Sic ille (*g*).* Hinc ergo consequitur

(*a*) *Histor. Animal. Lib. IX. cap. 1.*

(*b*) *Lib. de Mari Rubro apud Photium in Biblioth.*

(*c*) *In Arcadicis.* (*d*) *Metam. Lib. XII.*

(*e*) *Fastror. Lib. I.* (*f*) *Lib. VII.*

(*g*) *Histor. Neapolit. Lib. II. pag. 645.*

tur, ut quicumque ex Romanorum ethnicis Pagurum velut Numen aut Numinis symbolum prudentia praeditum venerari studerent, optimae simul praestantisque Naturae notionem animo ipsi conceptam in eodem animante sibi comminiscerentur, quem laudibus divinisque obsequiis dignum putarent. Etenim, ut detracta prudentia reliquae omnes animi virtutes, & Numinis dignitas, quin & caetera tandem omnia corruant oportet, sine quibus neque meliorem homine Deum, neque fortasse praestantiorem Brutis animantibus intelligere quisquam potest, ita quis eorum esset animus facile conjectare debemus, qui & animantia Dianaee consecrata, & reliqua etiam aliis Numinibus devota colenda fore tum verbis, tum religiosa caeremoniarum consuetudine testabantur.

§ 78. Sed jam extrema Brutorum exempla attingamus necesse est, quae ad Venerem relata memoriae veterum tradunt, quaeve Romani Graecorum institutis imbuti in Sacrorum censum habere caepere, iisque vota, & obsecrationes saepe longa saeculorum successione solvere studuere. Ex avibus passeris, cygni, atque columbae magna Religionis existimatione spectabantur, ejusdemque Veneris divinae totidem veluti imagines sibi comminiscabantur ethnicae superstitionis cultores; atque horum mentionem agunt Sappho (a), praeter alias permultos, Propertius (b), Apulejus (c), Horatius (d); quibus

et-

(a) *In Canticō amoris apud Dionysium Alicarnassensem libro de Structura Orationis.*

(b) *Lib. III.* (c) *Metamorph. Lib. VI.*

(d) *Lib. III.*

iam hirundines tanquam Deae illi gratissimas adjicit Aelianus (a). Hujuscem ritus variam explanare studet institutionem Placidus Laetantius (b); ut plures insuper rerum ethnicarum praetermittamus interpretes alios, quorum scribendi ratio a proposito nostro nequit ullatenus alegari. Plura ergo, quae essent ad scriendum reliqua, eadem ducti causa nolumus in orationis hujuscem incrementum proinde advocare, ut exitum proprius adspicere tandem aliquando incipiamus.

§ 79. Ista igitur si teneamus, jam satis ut arbitror confecta videtur ab inductione argumentatio; universorum hominum nimitum de belluarum animis sententiam in eo perpetuo fuisse versatam, ut illi substantiae spiritalis natura donati crederentur, quibus, ut haec tenus visum est, vota & sacrificia devovissent. Quid autem est Bruta sacris, & exquisito rituum apparatu venerari, atque erga ipsa velut Numinia illustrioribus Religionis exercitationibus impense ferri, quam Deos sapientissimo consilio praeditos, & bonis affluentes, & fortes, & beatos, & immortales existimare? Quid non obscure hujusmodi Gentium omnium in animantia cultus cuique, vel mediocriter sapienti debet innuere, quam bonam iis, atque perfectam Dei visam esse naturam, quae omni genere praestantior esset humano? Nonne sacra illa omnium gentium, & temporum in belluas inveterata consuetudo satis per se indicat anticipatam earum divinitatem, quae mente atque imperio cuncta administraret suo, & rebus opitularentur humanis, & quarum denique digni-

f

tas

(a) *De Animalibus Lib. X. cap. 34.*(b) *In II. Thebaidos.*

tas atque perfectio , qua major esse aut concipi nequeat , atque adeo summa , vel rudioribus etiam ingeniis , & indoctioribus obversaretur ?

§ 80. At non ignoramus quae hoc loco sapienti atque erudito lectori suspicioni esse fortasse valeant , quominus ethnicorum pro animantibus cultui velit assentiri . Quid enim ? nonne , forte inquiet , nonne totum fere Gracos potissimum inter atque Latinos vulgus tam stupidum plerumque fuerat , ut , praeter ea , quae de suis Numinibus indigna quaevis & abjecta sentiebat , quae a divinae Naturae excellentia longissime absunt , Deorum notionem rudi quadam , ut ita dicam , & pingui Minerva aestimabant ? Nonne Philosophi plures , & eorum temporum Sacerdotes , quum Brutorum Religionem promoverent , diversum quid plane sibi persuasum habebant , quam ab imperita multitudine excogitari ea stulte posset ? Inter eos vero , qui de ethnica Romanorum , & totius Imperii in belluas Religionem scripsere , existunt nonnulli , qui caeteros , tametsi eruditos , solent reprehendere quod Genti illi ejusmodi superstitionibus distinctae usque adeo insanam imposuerint de Brutis opinionem , ut ea totidem Numina re ipsa existimaverit , & non potius Deorum symbola , quemadmodum isti , qui hoc idem argumenti genus pertractarunt , se moderatius egisse ita autumando putabant . Illius etiam testimonio , qui *Recognitionum* sub Clementis Romani appellatione Author ubique praedicatur (a) accedere eò amplius patet , quod in animantium cultu Aegyptios , aliosque Orientales

(a) *Lib. V. Fol. 63. Edit. Parif. an. 1568.*

les Populos , inter & Graecos Romanosque magnum intercederet discrimen : scilicet quaeque Orientis Natio , atque Aegyptii potissimum , coram viventia Bruta se prosternerent , Romani autem ac Graeci , quum sacris eorum interessent , nonnisi artefactis animantium simulacris fletabantur : caeterum ea omnium utrobique animis opinio insedisse conjicitur , ut nonnisi pro Deorum symbolis sive viventia sive hominum artificio efficta animalia potuissent usurpare ,

§ 81. Verum haec non ita pro brevitate sunt transfigenda , ut iisdem , nisi fiat merito satis , id totum consulto videamus voluisse negligere ; quod certe vitium esset in philosophia gravissimum , cuius etiam probrum nobis non iniuria verti posset . Haud certe nos latet , Deorum veluti signa in pluribus sive viventibus , sive arte conflatis animantibus expresse unum idemque cum in iis non esse Numinibus , quorum illa symbola censebantur : nonnisi probatissimum perinde cuiquam sapienti jure esse debet , omnes retroacti temporis Brutorum ethnicos cultores , si sapientiores tantum excipias , non adeo acri ingenii viguisse virtute , quae , ob insitam errorum anticipationem mentisque perversitatem , ut mendaces , quas profitebantur Relligiones , ita absurda quævis potuisset facile internoscere , atque unius rei ab altera discrimen acie mentis attingere : illud denique postremo loco constituendum ducimus , non heic nobis , ut supra monuimus , de jure sed de facto duntaxat inquisitionem fore instituendam , atque ethnicae hac de re Relligionis historiam adornando Veterum nos monumentis inniti solum , quorum verba Nationum omnium gesta ,

non jura consignant; nisi non modo loquendi, sed & judicandi rationem omnem vel a sacris, vel a prophanis Auctoribus usurpatam inverttere velimus.

§ 82. Vel ergo animantia a Veteribus superstitionis tanquam Numisa recto, ut ita dicam, intuitu esto cole-rentur, vel ut Divorum symbola habenda fore putaren-tur, illud unum tamen extra dubitationem constituitur, stupidas gentes rerumque meliorum ignaras nullum pene inter utramque cultus rationem agnovisse discrimen, quum varia illa Divinitatum genera venerarentur: quem-admodum nec satis arguti, nec ad discernendum erant com-parati quid contra sanam philosophiam rectamque ratio-nem, quid vero acquitati honestatique consonum esset habendum; ii scilicet Deos immortales ingenio, consilio, rerumque omnium copia ditissimos existimabant, siem-que perfectiones attribuendas fore quasdam arbitraban-tur, quae nos Christianis institutionibus initiati perturba-tiones animi, & vitia foedissima, vel in homuncione vitu-peranda, jure autumamus. Simili mentis perversitate du-cebantur ut Deos esse corpore instructos, licet immor-tali quodam, atque pulcherrimo, judicarent. Quid por-ro haec cum germana divinae naturae perfectione? Nul-la plane inter opposita invicem extrema haec communis est ratio. Nihil itaque mirum perinde erit profecto, si eodem Religionis sensu obstricti olim erga sua Nu-mina fuisse credantur illi, coeteroqui vecordes homines atque stultissimi, quorum tanta certe non erat ingenii acies, quanta erat opus, ut Bruta Deos non esse, neque obsequiis digna non intelligerent solum, verum etiam neque ut Deorum signa factis prosequerentur honoribus.

§ 83. Ac-

§ 83. Accedit eodem, ethnicos illos avitis traditionibus ad patriam Religionem informatos propterea nullam philosophiae unquam dedisse operam, qua aut errores dominantes superarent, aut unum ab alio rite in hisce rebus captu aliquatenus difficultibus discernerent: ipsi quinquo uno ducti suorum exemplo institutoque majorum, qui in permultis animantibus divinam plane vim potestatemque acceperant, inconsulta quadam credulitate arctissime animo custodiebant, sacrificisque exercitationibus festabantur, quae vulgi more peragi solent; & piaculare etiam fore rebantur fortassis, ne dum inquisitiones de sacris instituere, de futilibus iis ethnicae fidei negotiis vel hilum dubitare, quod esset inventatae in colendis Idolis consuetudini quoquomodo contrarium.

§ 84. Supervacaneum est itaque, & plane ridendum de vulgarium ethnicorum mente velle serio disputatione, & rectum in iis sensum contendere, quorum erat in omni Deorum cultu incredibilis stupiditas, & obtusa penitus ingenii ad difficillima quaque capienda vis atque potestas; nisi forte illos, qui diligentiores intet eos sapientiae operam impenderant, debeamus excipere, qui delirantium populorum in Brutorum veneratione quam somnia adsparentur, eosdem tamen ex industria in errore continere delebatabantur. Cacterum de facto si quaeratur; quae madmodum Scriptorum dicta omnia, & historiae eorum monent, qui acciti a nobis superiori laudatione fuere; sive ipsamet Numina, sive eorum symbola in animantibus ab ethnico quovis cultore spectata dicantur, perinde est: quippe in utrisque nonnisi id pertinuerunt.

sum esse poterat, quod mente, consilio, & voluntate viget, caeterisque materia praestantioribus attributis, quae Numinibus plane digna existimantur.

§ 85. Hisce itaque, quantum Commentariorum nostrorum ratio patiebatur, exactis, superesset modo, ut de iis quoque Gentibus ageremus, quarum etsi in Brutacultus infra Europaeos fines contineretur, ipsae tamen extra vetus Romanorum Imperium censebantur, quaeque barbarorum nomine notari consueverant. Pauca nihilo minus attingere necesse habemus, ne manca hac etiam ex parte ab inductione argumentatio nostra videatur. In Martis cultum a Scythis Asino sacra celebrabantur: Veneris simulacrum cygnis geminis, totidemque columbis a Saxonis ornabatur; quippe animantia hujusmodi infra Religionis gentilitiae mysteria continerentur. Illius consuetudinis veritatem testatur Aenobius (*a*); hujus vero meminit Lilius Gyraldus (*b*). Saxones demum eosdem belluas sive pro Numinibus, sive pro symbolis habuisse fidem facit amplissimam Sebastianus Munster (*c*). Qui tamen ampliora consulere & expendere cupiat de horum populorum Theologia Julium Caesarem Capacium a-deat (*d*), Clementem Alexandrinum (*e*), aliosque plures, quos nec etiam pro aequiori brevitate permittimus indicare.

§ 86. Quid reliquum ergo esse poterit plausu utique dignum, quam ut absque haesitatione ulla affera-mus

(*a*) *Lib. IV.*    (*b*) *Histor. Deor. Syntagmat. XIII.*

(*c*) *Cosmographiae Lib. III. cap. 433.*


(*d*) *Hist. Neap. Tom. I. par. I. c. 14. pag. 182. & seqq.*

(*e*) *In Admonitione ad Gentes.*

mus, belluas omnes pro Diis quoquomodo a Gentibus  
 perpetuo saeculorum cursu constanter habitas pro toti-  
 dem spiritualibus substancialiis simul fuisse suspectas? Tam-  
 et si enim absurdissima quaeque de divina earum Natura  
 comminiscerentur superstitiones omnium temporum lo-  
 corumque Nationes, immortalem nihilominus, & intelli-  
 gentia quadam singulari praeditam atque virtute eam  
 certe constituere cogebantur, quamprimum genere quo-  
 vis honorum a mortalibus coli debere sibi met persuade-  
 rent; dummodo ut Bruta Deos esse, quos exorarent, quos  
 votis sacrificiis, caeterisque caeremoniis fleterent ea-  
 dem dicerent ipsae atque sentirent. Quaecumque ergo  
 vel barbaris praeteritorum temporum mentibus de Deo-  
 rum natura absurdia invaluerint; quum belluas sacratio-  
 ribus prosequerentur ritibus, atque mysteriis; inde ta-  
 men facile inferri posse putamus, hujusmodi Numina  
 ab iis perspecta fuisse veluti substantias quasdam, quae  
 tum bonis affluerent, & bonis acque universa comple-  
 rent, tum fortes, & pulchrae, & sapientes, & beatae,  
 & immortales iisdem, licet rudibus atque indoctis, visae  
 perspicue fuissent. Caetera vero, quae cum perfecta  
 Dei Opt. Max. notione non cohaerent, cuius tamen  
 licet crassis obductam tenebris cognitionem imbiberant,  
 ipsa quidem humani imbecillitatem ingenii, illasque in  
 maximarum rerum ignoratione fuisse versatas satis su-  
 perque demonstrant; quae tamen saeculorum, atque se-  
 ctarum vitio potius concedenda esse videntur, quam  
 animorum cogitantium Deosque colentium perversitati:  
 omnis scilicet errorum monstrosa in ejusmodi Relligio-  
 nibus turpitudo multo amplius principiorum, ut ajunt,

fal-

falsitati innitebatur, quam philosophandi rationi, quasi a receptis institutionibus abhorrenti. Quapropter quum ita rem se habuisse ab Historiis Monumentisque omni exceptione majoribus huc usque collegerimus, quid ergo reliquum est, quam ut Commentariorum nostrorum Capiti huic juxta propositum coronidem imposuisse non nos modo putemus, sed & quotquot erunt lectores plane cognoscant?



## C A P U T X I I I \*

*Quid iis praestandum esset, qui belluarum animam  
omni sensu, & ratione carere vellent dilucide de-  
monstrare.*



Pportune locus hic ef-  
flagitare videtur, ut  
qui adversus Bruta di-  
micant a nobis libere  
doceantur quid tan-  
dem praestandum ip-  
sis esset, quo non in-  
vieta solum, sed vel sa-  
tis probabili oratione  
corporis omnino in suis obeundis functionibus Bru-  
torum eorumdem mechanismus suaderetur. Scilicet  
haud satis est, quod nonnulli, nec majoris subfellii,  
Scriptores, omnium saeculorum spreta veluti antiqui-  
tate, & ponderoso suffragio philosophorum pene con-  
culcato, ad commentitium pro uno novitatis lubito  
systema sese converterint; non satis est praeterea,  
quod in eodem sibi configendo tradendoque, seclusa et-  
iam

corporis omnino in suis obeundis functionibus Bru-  
torum eorumdem mechanismus suaderetur. Scilicet  
haud satis est, quod nonnulli, nec majoris subfellii,  
Scriptores, omnium saeculorum spreta veluti antiqui-  
tate, & ponderoso suffragio philosophorum pene con-  
culcato, ad commentitium pro uno novitatis lubito  
systema sese converterint; non satis est praeterea,  
quod in eodem sibi configendo tradendoque, seclusa et-

iam retroactae Philosophiae auctoritate , possibile fore asseruerint , ut eadem Bruta absque ullo intimo sensus rationisque principio , quemadmodum artefactae machinae , elateris viribus universa eorum opera compleantur ; sed alia quaedam , nisi fallor , multo majoris operis , atque laboris ipsi efficienda supersunt , nempe docendum , & idoneis argumentis ostendendum primo , nullius esse momenti quaecumque sapientum libri atque voces , exemplorum vetustas , & recentior ipsa historia suppeditant ; deinde quasi digito monstrandum iisdem est reliquum , universa sive ad vitam , sive ad miram animantium solertia pertinenter una partium textura ac fibrarum ordine fieri reipsa , non metaphysica tantum possibilitate contenti . Ipsi nempe , ductis ab anatomes belluarum omnium scientia , atque a physiologiae studio argumentis , admirabilem prorsus industriam , qua cibos exempli grat . formicæ aestatis tempore inquirunt , in horrea congerunt ; ubi frumenti grana humiditate marcescere viderint ; è cryptis illa in apertum aerem siccanda edificant , aut , si fortasse germen ex ipsis oriri conspiciant , illud dentibus continuo corrodunt ; ipsi inquam Brutorum sentientium , & cogitantium perpetui adversarii ( nisi omnem rationis curam abjecisse videantur ) haec omnia obiter recensita , aliaque innumera infectorum , pecudum , volucrum , & serpentium specie tenus rationis plena , atque consilii cum sola mechanica partium solidarum liquidarumque dispositione revera conciliare , ejusque non umbratiles causas , sed firmissimas debent philosophico more cunctis proferre . Eos praeterea late re non potest ( ut rem altero exemplo delibemus ) quanta

&amp;

& quam eximia sedulitate aviculae complures incumbant, ut in suis construendis ad nidificationem cubilibus nihil desit artis atque industriae singularis, unde se suosque pullos tueantur. Illae videlicet primum alas proximi fontis aquis madefacere cernuntur, tum ad parietem volantes, in quo nidum velint miro artificio fabricare, alas ipsas ita agitant, atque concutunt, ut paries ipse madefiat, ideoque terrae, vel luti particulae, quas volucres ore translatas sensim admovent, eidem tenacius adhaereant; paleis etiam, ac plerumque plumis mirifice intextis interiorem nidorum partem vestiunt, deinde vero maxima, & incredibili sollicitudine & providentia ova natosque pullos fovent, nutriunt, atque demum ab exterioribus hominum voluerumque injuriis intentissimo studio defendunt.

§ 88. Neminem vero existere posse autumo, qui perfida fronte omnem ab hominibus fidem audeat coneturque detrahere; qui nimirum blaterare potius velit, quam validis argumentorum momentis multorum & magnorum ab orbe condito Philosophorum dicta eorumque vim infringere quoquomodo adgrediatur. Attamen etsi aliqui fortasse fuerint, aut etiam futuri indociles sint, minimeque ad rectum sensum informati, qui tantum adversus rationem facinus patrare valeant; ne causa, quam semel defendendam suscepere, cadere ipsi videantur; ii profectò non tam philosophiam omnem, quam hominis naturam temere exuisse dicendi sunt, neque istis propterea nobiscum ad colloquendum disputandumque, velut indignis, ulla debet ratione patere facultas. Quamobrem una superesse potest nobis altera, quam paulo

su-

superius constituimus, difficultas; utrum nempe quae-  
cuinque Brutorum propria esse dicuntur, & mirum in  
modum cum hominum operationibus prorsus affinia adeo  
satis hic usque fuerint ab adversariis nostris perspicua  
demonstratione in Automatum gratiam exhibita, ut &  
quae contra pro spirituali Brutorum natura a nobis mul-  
tiplici argumentationum genere bene stabilita contendim-  
us falsa, & futile esse penitus appareant, & quae ipsi  
proferunt cum sanctoribus philosophiae legibus & ani-  
madversionibus perbelle cohaereant, nec inde incommo-  
da, aut absurdula ulla fluant, quae aut cum ratione pti-  
gnent apertissime, aut quod in ipsa philosophia, & Re-  
ligione supremum & sanctius est, labefactent.

§ 89. Evidenter non perspicio quid Automatum pa-  
tronis, qui nulla sufficienti ratione eorum systema tan-  
quam probabile circumferunt, objici acrius valeat,  
quam plures è diversis animantitum generibus decerpentes  
veluti solertiae operationes; quae cum mechanicis vi-  
ribus conferantur primum, deinde vero cum antiquiori  
semperque inter sapientes constanti bene cogitandi ra-  
tione, utrum consonae, vel dissonae sint discernantur.  
Atque hujuscce methodi instituto me perbelle facturum  
confido, ut disputatio nostra triumphet, & omnis de-  
mum, quae fortassis reliqua est adhuc de belluarum Au-  
tomatibus, opinio a sapientum animis auferatur.

§ 90. Animalium itaque, a quibus illustriora sag-  
citatis & ingenii exempla ad rem nostram petenda fore  
diximus, tria veluti suprema genera satis apte distingui  
valent; ut alia terrestria, alia volatilia, alia denique  
aquatilia dicantur. Una rerum illustrandarum cupiditas  
me

me magis magisque compellit, ut a proposito aliquantisper digressus, quin Lectori gravis, ut spero, sim futurus, Bruta ipsa singillatim percensendo ad constituta genera iterum referam. Quae terrestria sunt animantia ideo sic appellata continuo intelliguntur, quod solo insistentia super ipsum dupli ratione moveantur. Aut enim pedibus gradiuntur, aut reptant super terram; unde gressilium reptiliumque Brutorum divisio orta est. Gressilia primum sunt aperienda, & quae reliqua sub hoc genere continentur; de reptilibus deinde. Haec igitur vel quadrupedia sunt, vel bipedia potius, quam ad quadrupedum genus pertinere putas. Porro quadrupedia aut solipedia sunt, ut equus, asinus, mulus, & elephas, quod nimirum ungula incedant indivisa; aut bisulca vocantur, quod eamdem gerant pedibus ungulam in duas ex aequo partes divisam; ut bos, ovis, lupus, aliaeque belluae. Quae autem solipedia non sunt, aut nonnulla cornigera apparent, ut bos, capra, aries; aut aliqua cornibus destituta, ut camelus, dromedarius, aliaque; aut denique multifida sunt, & digitis quatuor saltem quoddammodo communica; ut canis, lupus, ursus, tigris, felines, pluraque hujusmodi; quorum quidem alia vivipara sunt, ut canis, leo, mus, alia autem ovipara, ut crocodilus, lacerta, salamandra, rana, nec pauca praeterea, quae brevitatis ergo recenseri non debemus. Quae deinde in reptilium censum Bruta referri necesse habent ea primum naturalis philosophiae historici in perfecta, atque imperfecta partiuntur. Illorum itaque quaedam vivipara sunt, ut coluber, cerasta, aspis, vipera, aliique serpentes, qui humi semper, dum gradiuntur,

pere

pere videntur; alia vero ovipara. Caetera reptantia, quae insecta vulgo appellantur; quorum plura pedibus carent, ut lumbrici, vermesque omnes, qui in homine, caseo, plantis, vestibus, leguminibus, & fructibus ortum habent, indeque alimentum accipiunt; eorumdem vero alia pedes habere cernuntur; ut eruca, bombyx, scolopendra, cimex, & omnia illa, quae, quum cysalides fiunt, pedibus simul, atque alis sua sponte quocunque feruntur. Hactenus levissima de terrestrium animalium generibus manu; nunc ad volatilia pari transeamus brevitate.

§ 91. Ex volucribus itaque id genus Brutis aliqua necesse est ab aliis ab alimentorum diversitate ut distinguamus. Etenim existunt nonnulla, quae tametsi rostro, aut unguibus ab invicem secernantur, in carnem nihilominus aucupandam diu noctuve feruntur; quae carnivora propterea vocant; ut aquila, ossifraga, vultur, accipiter, asterias, falco, corvus, cornix, pica, & quae sunt reliqua plura, quorum est in carnes quascumque perpetuus appetitus. Ab hisce differunt deinde Bruta illa volatilia, quae vermis solum pascuntur; atque idcirco vermivora dici consueverunt; ut luscinia, hirundo, upupa; atque ab his quoque dividuntur quae baccivora appellantur; ut turdus, sturnus, merula; & quae demum granivora nominant; gallinae scilicet, columbae omnes, pavo, perdix, passeris; ab hactenus memoratis omnibus discrepant.

§ 92. Aquarilium vero, quae aquis tantum innatant, genus superest ionuendum. Horum porro varietas ex diversis, quas incolunt aquis; in marinos videlicet pisces

sces, in fluviatiles, nec non lacustres distingui plerumque ab historicis solet. Ex marinis praeterea littorales alii pisces dicuntur, saxatiles alii, pelagii autem nonnulli; propterea aqua hanc potius, quam alteram maris partem aliquam amare videantur. Caeterum aquatilium marinorum, quae modo commemoravimus, alii squammosi, crustacei aliqui, cartilaginei alii esse cernuntur: quae horum divisio fluvialibus etiam, atque lacustribus piscibus accommodari facile poterit. Ad idem quoque marinorum genus revocari posse videntur conchilia, ostreæ, alectorides, aliaeque illae plurimæ eorumdem species, de quibus fuse, & accuratis lucubrationibus Lister, Vallisnerius, Wodvardus, Bonannus, aliique etiam plures nostra hac tempestate summa cum philosophorum laude differuerunt. Inter tria demum recensita Brutorum omnium genera medio quodam naturae gradu consistunt quae amphibia animantia nuncupantur; quorum tamen quia cunctis notissima conditio est, neque nobis ex instituto propositum in praesens fuit longiore animalium universorum texere narrationem, quam ad supremum Capitis hujusce consilium pertinere, referrique commode debeat, iis proinde praetermissis, ad id, unde digressa oratio est, revertamur.

§ 93. Juxta constitutum Brutorum ordinem de eorum in plerisque operibus mente, & sagacitate a terrestribus primum pauca quaedam huc illac delibata dicere ergo auspicabimur: in qua quidem re, ut in duobus etiam reliquis animantium supremis generibus, nihil meo judicio factum melius existimari debet, quam indaginem

no-

nostram, iuxta Plutarchi adhibitam acri ingenio partitio-  
nem, congruo loco metiri: *In universum vero* (inquit  
in eo Opusculo; Terrestria ne an Aquatilia animalia sint  
callidiora) quando quibus demonstrant Philosophi ani-  
malia ratione esse praedita, haec sunt proposita: ap-  
paratus memoriae, animalium motus, pro sobole procu-  
ratio, gratiarum actio pro acceptis beneficiis, medita-  
tio ultionis in eos qui laeserunt, inventiones rerum ne-  
cessariarum, indicium virtutis alicujus.

§ 94. Nos igitur non haec singula argumentandi ge-  
nera ex Plutarchi vestigiis persequemur, ut ad exitum  
pervenisse cogitemus, atque absolutum numeris omnibus  
praesens Commentariorum Caput absque exceptione ulla  
legentium obiciamus judicio: attamen eorum nonnulla  
aliquot ex tribus Brutorum sive volatilium, sive terre-  
strium, sive marinorum naturis exempla accommodare  
satagemus; unde rite argumentatio progrediatur, nullius  
nimirum esse roboris, nulliusque sensus quidquid a Bru-  
torum rationalium hostibus inepte dici quacumque de-  
mum ratione soleat. A terrestrium animantium or-  
diemur ergo memoria, cuius lumine pervium deinde  
fiet qua mentis virtute illud animal possit, quod in se  
polleat rerum repetendarum libertate.

§ 95. Facile profecto est equorum expendere meti-  
rique memoriam, quamprimum eorum ingenium, doci-  
litatem, & ad omnem educationem aptitudinem conspe-  
xerimus. Et enim, ut apud omnes est in confesso, nemo  
ad virtutem, nec ad qualemcumque rerum agendarum  
peritiam informari unquam potest, nisi mentis acumen,  
reminiscentia, rerumque praeteritarum cum praesentibus

com-

comparatione, tanquam ministris & adjutoribus fuis, quam saepissimae exerceat. Itaque, singularibus equorum ad rem firmandam relictis exemplis, in equestri ipsi disciplina qui eruditissimi equi sunt, optime discernunt statim, Ovidio teste (*a*), utrum qui supra se habenas regere vel insidere incipiunt equitandi aurigandique petiti sint, aut contra imperiti. Stupendam quoque eorum, quae semel didicere, memoriam equi se indelibili impressione retinere tum maxime ostendunt, quum tubarum auditu sonitu, aut facta tormenti bellici explosione aliqua, aures continuo attollere, nares inflare, nitrire, frena cum strepitu veluti mandere, pedibus terram quaterere, & loco difficulter manere cernuntur; quippe ipsis ex assueto alias fragore pugnandum esse recordantur, atque ad repetendam bellicae artis disciplinam continuo iis excitati signis toti se comparant. Quid vero in causa esse debet, nisi perspicua, ac distincta eorumdem reminiscentia, cur ipsis ad omnem saltationum, gesticulationumque concinnitatem ab equitum magistris, mirum in modum informentur? Ipsi nempe ad quarumdam vocum nutum, sive alio quopiam ex disciplinae instituto signo posito, aut ad certum numerum progrediuntur, aut sese illico erecti pedibus attollunt, aut saltibus, & choreis ad musices numeros obtemperant, aut quidpiam demum perbelle conficiunt, quale ab homine liberalibus, & equestribus artibus exercitato expectari unquam posset.

§ 96. Memoriae praeterea vim cum phantasiae facultate conjunctam equorum somnia aperte commendant,

g

quum

(a) *Trist. Lib. I. Eleg. 3.*

quum illi nempe hominum more sopore oppressi ea recognit maxime, in quibus assuevere. Ita luculenter canit Lucretius (*a*), non poetices praestantia solum fide dignus, verum etiam de abditiōri naturae sapientia optime meritus.

*Usque adeo magni refert studium, atque voluntas,  
Et quibus in rebus consueverunt esse operati  
Non homines solum, sed vero animantia cuncta;  
Quippe videbis equos, fortes, quum membra jacebunt,  
In somnis sudare tamen, spirare que saepe,  
Et quasi de palma summas contendere vires.*

§ 97. Ab equorum memoria ad mulorum vafritiem convertamur, quae nonnisi illius facultatis ope decerni potest. Huic animalium generi tametsi vitio verti etiam soleat pertinacia, nec non rabida ulciscendi libido, attamen rei nostrae non minus appositum censeo ejus astum animadvertere, quem unus olim p̄ae caeteris ostendit, eorum de numero, quibus advehendi salis negocium dabatur. Is enim, ut diserte narrat Plutarchus (*In comparatione terrestrium cum aquatilibus*), quum flumen trajecturus in aquam forte lapsus esset, & sale liquefacto, atque exhausto inde surgentem multo expeditiorem se esse comperisset, certam continuo rei causam attigit, atque notavit. Hinc factum est, ut, quoties aquam deinceps transiret, ex industria in amnis medio sese penitus mergeret, & paulatim deinde surgeret, donec sale sem-

per

(a) *De rerum natura Lib. IV.*

per liquato, & onere prorsus absumpto alteram fluminis ripam alacer illico attingeret. Verum detecta animantis in herum pravitate, pro consueto salis pondere lana spongiisque onerare, eumque versus eamdem viam urge-re caeperunt. Ille quum se ex more in aquas demis-  
set tantum paulo post gravamen sensit, & incommodum, ut deinceps absque dolo, & caute aquas transeundas fore aequius putaverit.

§ 98. Qui tot tantaque nihilominus de terrestrium providentia Butorum solertia, virtute, & accurata rerum agendarum multimodis egimus haec tenus, illud tamen animantium genus pene obliti praeteriisse visi sumus, quod calliditate caeteris omnibus praestare merito praedica-tur; vulpem inquam, de qua quidem insita prope-modum ab iis, qui in omni naturali historia differue-re, enarrantur. Seligendum tamen de illa unicum no-bis lubet a Plutarcho *de animalium solertia* deprom-patum: Vulpes nimirum in Thracia quum rigente hye-me flumen aliquod trajecturae se comparant, admo vere ipsae prius auriculas alveo cernuntur; unde cau-te experimentum faciant, utrum aqua sub glacie delite-scens sonitum edat, vel cursu tacito feratur. Si aquam forte resonantem nimis exaudiant, continuo scite conjiciunt, adeo tenuem glaciei fore superficiem, ut non tuto pedes valeant promovere: verum ubi strepitum aquae subterfluentis nullum percipient, recte inferunt, tantae esse altitudinis gelu, ut neutquam corporum suorum ponderi sit cessurum, ideoque sumptis animis flumina audacter transmeare conspiciuntur.

§ 99. Tam certum est demum de Elephanto, quod ex Cicerone superius innuebamus; esse illi videlicet quamdam cum genere humano societatem; ut quamplura propterea in causa sint, cur belluae huic mens, & affectus, hominum instar, adjudicanda esse fateamur. Nimirum ipsi primo, Acosta quamplurimis exemplis testante (*a*), beneficiorum memores esse deprehenduntur, quo etiam tempore furore correpti ab amico hostem discernere haud posse viderentur. Quantopere autem puerulos ament ex alia historia, quam Athenaeus ex Plutarchi libro vigesimo recitat, satis superque docemur. Eadem exemplorum narratione utitur Aelianus (*b*) ut ostendat hoc animantium genus quam bona polleat memoria, quamque sedulo praeceptum officii teneat, & quam simul eorum, qui illud disciplina gubernant, vel expectationem, vel fidem non fallat. Puellarum quoque amore ex Plutarcho (*c*) capiuntur adeo, ut teste etiam Plinio (*d*) eadem exhibeant animalium argumenta, quae ab hominibus desiderari unquam deberent: earum nempe conspectu improviso gaudio gestiunt; si forte reddant statim, moerore dejecti acerbe ferunt, ac quum redeunt illae blanditias suas ostendunt inconditas; munera etiam iisdem servant, atque in sinum effundunt. Quantum vero amore in homines exardescunt, tantundem pro expianda illata sibi iniuria aliqua, vel ignominia saeviunt,

&amp;

(*a*) *De Bello Hispanico.*

(*b*) *Lib. XVIII. cap. 44.*

(*c*) *De solertia Animal.*

(*d*) *Lib. VI. cap. 30.*

& vehementi vindictae cupiditate vincuntur; quemadmodum iisdem testibus haec tenus laudatis non haec modo tradita solum, verum etiam multo illustriora magisque admiranda; quae consulto in brevitatis gratiam reticemus; decerni facile possunt.

§ 100. Quae item nobis non ad ingenium sed ad pastum destinata prae caeteris animantia illa videntur, Sues nempe, quibus ex Chrysippi sententia Cicero de *Finiibus*, ne putrescerent, animam ipsam pro sale datam scribit, & quo pecude, eodem affirmante, nihil genuit natura foecundius; nec ipsa profecto sua carent mente, atque solertia. Bruta ista videlicet humanas voces cum primis optime intelligunt, easque attentissimis auribus, quas ignotas percipiunt ab iis villicorum probe admodum discernunt, cum quibus saepe aut per arva perque montes ad pastum vagantur, aut a quibus in similibus locis propinata quotidie pabula expectant. Usque adeo vero humanis vocibus citissime parent, ut, experientia passim monstrante, quin ullius Scriptoris testimonia ad fidem faciendam advocemus, easdem buccina quadam testacea articulatas, ut in rurali more positum est, comprehendant, ejusque sonitu ad heri, vel ductoris arbitrium congregentur, & ad alterius extranei inflantis, quem nondum noverunt, fragorem fortasse non obtemperaturi. Nihil de eorumdem amore, & ferocissima in venerem libidine, quam ingeniose ad majus temporis spatium, praeter omnium pecudum morem, protrahi, decurrere que, Lucretii affirmatione (a), procurant; a nobis seriptum volumus, propterea quia ex Plinio (b), ex Virgilio

(a) *Lib. IV.* (b) *Lib. VIII. cap. 51.*

gilio (a), aliisque pluribus de promi multa valent tan-  
tum fide dignissima, quantum indubia sunt quae omnium  
pene oculis harum belluarum gesta contemplantibus fae-  
pe obversantur; quapropter aliorum Brutorum mentem  
deinde, versutiamque animadvertisamus.

§ 101. A terrestrium Brutorum miranda plane in  
rebus suis bene obeundis prudentia ad volatilium aliquo-  
rum solertiam enarrandam paulisper modo sermone nos-  
metipso convertamus oportet: quorum et si mores Scri-  
ptorum celebriorum suffragio, atque animadversionibus  
potius, quam nostro sensuum testimonio describantur,  
haud tamem fas erit ulli jure opinari, quae animantia  
olim egisse solertissime tot veteres produnt historici; at-  
que ab una mentis vi universa eorum profecta fuisse tu-  
ta persuasione testantur; dissona ab iis forte belluis nunc  
temporis reperiri posse, quae aut nobiscum versantur,  
aut quae de communi cum nobis vita participant. Tan-  
tum a sano capite hujusmodi cogitatio ab hominibus otio  
& philosophiae luce non abutentibus haberetur aliena,  
quantum natura omnis cuique constat iisdem semper le-  
gibus firma, aequa, nec incertis unquam vicissitudinibus  
obnoxia. Quae igitur retroacti temporis Bruta omnia fue-  
rant, eadem neque hilum dissimilia modo quaecumque  
vitam agant credere necesse est.

§ 102. Corvorum primo ea est sagacitas, ut testibus  
Thucydide (b), atque Lucretio (c), quum de cadaveri-  
bus ad eorum cibum deligendis causa est, ea diligentis-  
sime

(a) *Georgicorum Lib. III.*

(b) *Lib. II.*

(c) *De rerum natura lib. VI.*

sime inquirant, ac perquam bene olfactu internoscant, & appetant deinde quae minus graveolentia esse sentiunt, & quae contra foetida nimis atque in saniem pene diffluentia percipiunt, continuo respuant, & aversentur. Id caute observatum a memoratis Scriptoribus traditur in celeberrima, illa, quae Athenis olim grassata est pestientia. Ipsorum item avium ad cibum parandum, tuendumque vaferimum est ingenium; quomodo compertum aper-te enarratur a Plinio (*a*), & Alberto Magno (*b*); quo-rum tamen verba brevitatis causa praeterimus. Pruden-tia non minus Corvi p<sup>r</sup>ae volucribus multis pollere, & Vultures etiam acuta ciborum discretione donari viden-tur; quippe carnivori, abstinere tamen noscant ab ani-mantibus venenato serpente interemptis; quemadmodum Nicander in Theriacis gravissimus Auctor est. Ad ani-malium omnium vietum aeris etiam pertinet respiratio; in cuius sane delectu Bruta volatilia ab infecto salubrem acri sensu & cognitione discernunt. Potissimum vero p<sup>r</sup>ae aliis caeli immutationem Galli persentiunt, qui immi-nente pluvia, aut tempestate aliqua, crebrius, horisque insolitis canere, aliasque inconditas voces promere au-scultantur. Huc insuper spectare debet quod constanter agere consuescunt Grues, Ciconiae, Anseres, atque Olores (ut Hirundinum notissimarum morem praetereamus) quum sibi accommodatam magis coeli temperiem qua-re magna cura nituntur. Nempe cuiquam eorum avium generi congenita fuit aeris aspirandi exspirandique illius

cu-

(a) *Lib. X. cap. 43.*(b) *De Animalibus Lib. XXIII.*

cupiditas, atque necessitas, qui nativo fui temperamento consentiret: quare factum quotidie pene conspicimus, ut quae recensuimus volatilia juxta temporum vicissitudines ab una turmatim in alias transeant regiones; de quorum oeconomia, ac prudentia Plinium fuse differentem quisque consulat (*a*) ne aequo major nostra fiat oratio. Quacumque demum ratione aerem immutari contingat, tam cauta sedulaque volucrum plurimerum est tamen natura, ut illius haustu, & pro tuenda valetudine a pessima avolent atmosphaera in meliorem continuo commigratura, & homines simul admoneant quid factum sit opus, ut suae quoque incolumentati quantocius prospiciant. Itaque Laurentius Jaubertus (*b*) elapso saeculo medicinae laude praeclarus, attendere non absque magno studio jubet quod aves concedant, ut & ipsi earum monitu in salubriora loca extemplo proficiscantur.

§ 103. Quanto cum ingenio Halcyon, avis notissima fecus mare, aut in scopulis nidum construere laboret, Plinium ex Aristotelis historia audiamus (*c*): *Nidi eorum admirationem habent pilae figura, paulum eminenti, ore perquam angusto, grandium spongiarum similitudine: intercidi non queunt; franguntur isti valido, ut spuma arida maris; nec unde configuntur invenitur. Putant ex spinis aculeatis; piscibus enim vivunt. Tanta scilicet nidorum fabricandorum ars eò nonnisi spectare certe debet, quam ut pullos suos ab omni quacum-*

que

(*a*) *Lib. X. cap. 23.*

(*b*) *Lib. de Pestilentia cap. 5.*

(*c*) *Lib. X. cap. 32.*

que adversitate tueantur; quod profecto amoris in eos palmarum est argumentum.

§ 104. Pauca interea ex aliarum avium proprietatibus delibemus, quum pullorum suorum tutelae, solatio, alimentisque parandis follicito intenti amore diu nocturne inservire videntur. Columbae in filios caritas a Plinio commendatur (*a*), cui etiam suffragatur Oppianus (*b*): tanta est nimis, ut non foemina solum, verum etiam mas vicissim natorum curandorum studium partiantur. Grues quoque, Cardano referente (*c*), pro eadem filiorum cura contendunt ambo; ac propterea a se visam foeminam a mare undecim confosam vulneribus fuisse testatur, quod a se pullos passa esset abduci.

§ 105. Si Bruta quaedam volatilia, ut suos, ita & homines amore prosequuntur, ira tamen non minus, ut captu proclive est, & odio corripiuntur. Irae indices pugnae illae sunt, quae pertinacissime inter alias aves perseverare diu contemplari quotidie possumus. Columba ipsa, quae lenitatis dulce praefere videtur argumentum, qua, teste Varrone (*d*), nihil inter volucres timidius habetur; nec iracundiae prorsus est expers: eorum autem, qui Columbas felle destitui existimant merito opinionem ridet Galenus (*e*), eamdemque plane refellit Aristoteles (*f*).

## § 106. At

(*a*) *Lib. X. cap. 58.*

(*b*) *Lib. III. de Venatione vers. 116.*

(*c*) *De rerum varietate lib. VII. cap. 34.*

(*d*) *De re rustica Lib. III.*

(*e*) *De atra bile cap. 9.*

(*f*) *Histor. animal. lib. 2. cap. 15.*

§ 106. At quum de Brutorum virtutibus sit agendum acri cautoque judicio mihi sane incedere opus esse video, ne forte quis ratum iis vocibus habeat, animantia pleraque germanae virtutis, quae a legum omnium norma atque imperio vim habet, capacia fore dicenda. Nemo certe ex Philosophis omnium temporum, qui de Belluacum praestantia disputationes instituere, extitit adhuc quem noverim, qui eo usque ad Supremi Numinis cognitionem extulerit, easque proinde legibus ab eo latis obnoxias esse decreverit: quare quum de Brutorum virtutibus sermo profertur, de earum indiciis, & quadam cum hominum officiis similitudine tantum dictum maxime volumus. Igitur recte ea virtute animantia praedita esse praedicavero, quae juxta propositionem ejus normam cum generosa quadam animi vi in Accipitre, Falcone, Gallis, aliisque avibus, & quadrupedibus praeferuntur. Usque adeo Accipitris magnanimitas commendatur, ut Isidoro Hispalensi (*a*), atque Aeliano (*b*) fidem facientibus plus animi audacia, quam unculis cum aquila saepissime congrederiatur. Falconis item generositas tam est insignis, & tanquam invictae fortitudinis exemplar illustre proponenda, ut ipsum a se conspectum Caesar Scaliger (*c*) aliquando fuisse asseveret, solertissima primum declinatione aquilae e sublimi irruentis conatum irritum reddere, deinde vero strenuitate, & constantia comitantibus haudquam fugere, sed post ali-

quot

(*a*) *Origin. Lib. 12. cap. 7.*(*b*) *De Animal. lib. 7. cap. 45.*(*c*) *Exercitat. CCXXXI.*

quot circumgyrationes aquilam provocantem adgredi , atque ad fugam demum turpem compellere . Gallos vero contemplaturi , eos non tam nativa animi ad pugnandum fortitudine praeditos laudare debemus , quam ad prae- lium ineundum sustinendumque educationis ope admodum comparatos . Porro Chrysippus , in eo , quem *de Iu- stitia* edidit Librum , Laertio teste , homines ad fortitudinem gallorum exemplo censuit excitandos . Atque ante ipsum Temistocles , quum exercitum contra Persarum milites instrueret , & gallos gallinaceos pugnantes conspexisset , non ipse dumtaxat substitisse memoriae proditum est , sed bellatores suos consistere jussit , eorumque pugnam speculari , ut inde persuasum haberent illi , quanto magis conari debuissent pro Patria , Libertate , pro Penatibus , ne hostibus quidquam , eorum animantium more , vel minimum cederent . Hoc ipsum , quod iis Graeciae militibus ante commissum bellum incitamento fuerat , id superato tandem Persarum exercitu Atheniensibus sanciendae legis occasio fuit illustris , qua Aeliano Auctore (a) praeceptum in posterum fuit , *gal- li ut quotannis die uno in theatro decertarent* : cuius etiam Gracchanicae late deinde per omnes Graeciae re- giones propugnatae consuetudinis meminit , inter plures Scriptores , Columella (b) disertissimis verbis . Evidem arbitror ab hujusmodi legislatione deinde , cum primis ve- ro a pervio volucrium horum more , illam fluxisse lau- datissimam Anglorum consuetudinem ad nostra usque tem-

(a) *Variarum Historiarum* Lib. II. cap. 28.

(b) Lib. VIII. cap. 2.

tempora vigentem; Gallorum nimirum spectacula, atque acerrimas pugnas multitudini saepe proponendi. In Londonensi enim Urbe, & in toto amplissimo Britanniae Regno cerebrima celebrantur Gallorum certamina, pro quibus rite populo turmatim confluenti exhibendis amphiteatra idcirco extructa, calcaria quibus galli armati invicem congreguntur, peculiaris disciplina, ad quam, militum instar, multo ante Bruta illa informantur, & pugnantium denique virtus mirum in modum conferre quisquis intelligit. Quorsum vero isthaec in Anglia, nisi ut a summa & vere egregia eorum Brutorum generositate strenuissimae genti illi proposita suorum animi ad bellicam laudem eo magis in dies inflammentur?

§ 107. Quid igitur hominum status a Brutis discrepanciae praesferat, a nemine profecto statui poterit, neque perinde nisi a vesana mente in dubium tamen verti poterit, non iisdem prorsus de causis utrinque hominum, belluarumque affectus pendere, quum iis vehementissime ambo aestuare, experientia quotidiana suffragante, cernantur. Bona quaevis nimirum si auferantur, incenduntur ira oculi, pilique eriguntur: tantumdem spectare in Fele poteris, cui catuli fuerint subrepti, aut injuria alia istiusmodi fuerit illata. Metu deinde, quo ex mortis praesentia homo concutitur, contremiscunt artus universi, ac hebetudine deinde languescunt; eadem ratione leporem concuti compries ad amissim, quem canes venatici cursu insequantur pernicissimo. Homini demum, quem fausta circumdent, aut boni cujuspam praesentia delectetur, ridet omnino facies, corpusque totum exilit, atque subsultat; idem nihilominus animadvertere in Canne

ne ex aequo poteris, qui hero suo advenienti eminus occurrat, vel apponi sibi conspiciat obsonium.

§ 108. Qua igitur ratione hominum operationes pleraque, nulla mechanica vi exterius impellente, fiunt, sed spontanea voluntate cientur, eadem sane in belluis affirmari haberique debet, suas quoque ab intimo voluntatis principio fore descensuras. Spontaneas autem appellamus actiones, quae ex animae nutu pendent; seu quas anima ipsa vi, atque imperio suo potens est excitare; quaeque tamdiu sunt perennes, quamdiu perennis est animae idem nutus; atque ex adverso cessant, statim ac pro lubito suo anima ipsa ab imperio indicendo cessaverit. Si ergo in animantibus non minus, ac in hominibus eadem utrimque vigeat rerum discernendarum vis atque potestas, nullus erit proinde in homine motus spontaneus, qui in pecude locum non habet: eadem nimirum capitis commotiones, eadem ferme oculorum conversiones, pedum elevationes; tensiones, contractiones eadem perinde utrimque reipsa spectantur, quae nonnisi ab animae arbitrio dependent. Quamobrem affectuum humanorum vires quum nonnisi ab imperante voluntate valeant excitari, jure propterea nequit ipsa aut bonis praesentibus, sive eorum opinione delectari, aut contra malis urgentibus angi, tristari, ab iisque vehementissime refugere, nisi voluptatis, dolorisque stimulis exagitetur. Recte itaque pecudes, quae bonorum malorumque discretione variisque animae pathematibus donantur, pluribus spontaneae voluntatis impulsibus sive ad amorem, sive odium, pro doloris voluptatisque discrimine, compellantur. Si ergo aequabilis fluidorum,

foli-

solidorumque in belluarum corporibus commotio fiat; qua una machinae harmonia, & sospitas, ut in homine, continetur; aequabilis perinde voluptas, vel grata animae affectio contingent necesse est: si vero eadem harmonia perturbetur, pro majoris minorisve perturbationis gradu, dolor sive ingrata animae passio minor intensiorve a Brutis percipietur. Quum igitur pecudes omnibus, qui in homine ambabus passionibus affecto patent, signis agere videantur, nullum hac de re fateri cogimur hujus ab illis interesse discrimen. In animantibus sane cujuscumque generis eadem ac in nobis in fame nimirum explenda cunctis cernentibus sese offert cupiditas; eadem contra corporis contorsiones, gesticulationes, atque clamores in vehementissimis doloribus quum in homine, tum in Bruto.

§ 109. Qui ergo contra Belluarum spiritum disserunt, motusque omnes earum spontaneos ad quasdam elateris vires, ac leges referunt, non adhuc ipsi rem bene attigisse videntur, neque praeterea ulla gravi ratione mechanicam Brutorum ad agendum necessitatem aperte ostendisse dicendi sunt. Quippe motus, qui determinati ad unum fiunt, quique ab inanimatis rebus absque ulla; ut cum scholis loquamus; *spontaneitate* efficiuntur, certis tantum atque immutabilibus naturae legibus peraguntur. Corpus videlicet in motu positum eadem velocitate, eademque directione moveri perseverat, nisi ab externa aliqua causa aut cohibeatur, aut alias in partes fleatur. Ita se habere corporum quorūlibet motum, universorum philosophorum consensu probata sententia est; de qua etiam consuli possunt quae

re-

recentes Newtonus , Gravesandus , Musschembroeckius ,  
 aliquique scriptis prodiderunt . Quum itaque pecudes spontaneis motibus sese dirigere videantur , nulla certe externa caussa inveniri potest , quae belluas ad motus quoslibet determinatas aut cohibeat , aut in alias partes a determinatione ipsa deflecat : quum nimur Bruta quotidie a somno surgunt ; postquam mortuis simillima humi strata jacuerint ; nisi vis aliqua admittatur in iis , qua surgant , fateri quisque debet , ingentem exempli grat . Elephantis machinam a quiete ad motum suapte natura excitari . Id provenire autem si dicatur ex motione ab objectis externis in illius Bruti corpus impacta , ineptum est prorsus : experimento quippe didicimus , easdem fieri plerumque inde commotiones , immobilibus interim animalibus . Ostendatur scilicet jacenti Cani corpus panis , aut etiam obsonio simile , surget , accedet , ac continuo oculis , naribus , aut forte gustu fraudem imposturamque comperiet : itaque recumbet iterum . Eidem denuo jacenti fictus exhibetur panis , fortassis surget secundo : at fraude demum melius detecta , si centies insuper idem porrigas esculentum , ne aures non solum attollere aut quatere videbitur , verum etiam oculos avertet , atque dormitabit . Quid plura ? Iisdem positis objectorum motionibus externis , eademque existente animalis machinula , cur non eadem in Cane operationes , nisi ex spontanea sui deliberatione , quae ex vario de rebus perceptis iudicio discrimen agendi manifeste prodit ? Accedit huc eadem ratio , quae suadet , cur belluae quamplures in ipso sui velociori motus impetu repente consistere cernantur , si aut viderint aliquid , aut audive-

rint

rint, aut olfecerint, quod conspectum a se antea non fuerat. Aves nonnullae, nempe Grues, Anseres, Palumbes, aliaeque turmatim volitantes, vel sibilo, vel voce hominis audita, aut venatore eminus, cominusve conspecto, confestim velocissimum volatum aliò divertunt, aut forte in adversam dirigunt partem. Canes, Equi, Damae, Lepores, aliaque animantia quoque motu perniciissimo praedita, vel aquae conspectu, vel rupis, hominis, alteriusve animalis sibi infesti inopinata praesentia, aut statim a rapido eorum cursu desistunt immobiles, aut motus ipsius directionem statim solent immutare. Si motus igitur spontaneos pecudibus denegare, atque automaticam in ipsis tantum vim agere legitime, ac perspicue eorum adversarii, ut par est, vellent demonstrare, ostendendum perinde illis maneret, tantam reipsa extra Bruta illa confluxisse virtutem, quae eorum concitatisimos impetus superasset: haud quippe motus exemplò per se extinguitur, neque validissima idcirco, quae semel caepta est, directio unquam distrahi in commemoratis belluis potuit, nisi aequa validissimi saltu obiecti alicujus conatu, qui sibilum, vocem, aut rupis, fluminis, aliorumque id genus effluvia plane excesserit adeo, ut ea phoenomena, aliaque multo miranda producere per se tandem aliquando potuerit. Utrum mechanicarum legum patroni, quum de belluis agunt, tam impossibilita praestiterint adhuc, aut deinceps sint pro sua caussa facturi, eorum esto judicium, qui tum in horum Scriptorum lectione sunt apprime eruditи atque versati, tum ab illorum expungendi sunt numero, qui vesano partium studio potius sapientiam, quam praeclara rationis usura metiuntur.

§ 110. Om-

§ 110. Omne itaque animantium genus sagacitate praeditum, atque affectibus, perinde ac homines, corruptum; quemadmodum hucusque exhibitum accurate fuit; haud ipsum sane tantis polleret facultatibus, nisi hominum eorumdem more objecta rerum varia distingueret; utilia nimirum a noxiis, amica ab infestis facile internosceret. Negari siquidem a nemine poterit ex voce, sibilo, odore, aliisque signis cuncta a Brutis optime discerni, quae externorum sensuum organa feriunt: quare iis semel perceptis, si amica aut sibi consentanea esse dignoscant, toti continuo se comparant, ut blande amiceque excipient; contra vero si inimica persentiant statim in praelium erumpunt, exasperanturque adeo, ut in extremum vitae discrimen, si res ferat, prodire non paveant. Canes scilicet; quos inter innumera Bruta familiarius arctiusque inter nos versati usuvenit; haud prius dissitum incertumque rumorem auscultarunt, quam ipsi erectis adsurgant auribus & adstant ancipites, quo usque amici ne adveniant, an inimici eminus internoscant: propterea aut in illos insilire furentes, aut his blandientes occurtere quisquis passim intuetur.

§ 111. Itaque propter hujusmodi discernendi vim, quemadmodum injuriae, aut mali cuiuslibet instantis opinio in iram metumque hominem adigunt, ita iisdem affectibus belluas corripi necesse est, quae, facta inter plura collatione, malum aliquod instare sibi quandoque judicabunt. Porro quae iram in homine antecedunt, vel consequuntur, eadem exacte omnino in Brutis quam plurimis apparent. Irae haec in homine signa: excande-

scunt vultus, & oculi; contrahuntur pili, gestiunt artus. Inde violenti motus; adversus pericula impetus; in id quod caepere pertinaces, ac necessitudinem immores esse deprehenduntur. Pervium est quoque in Cane irato intueri quam cito rubescant oculi, corripientur undique pili. Tardi initio patent quidem, gravesque motus; ejusque ira oculorum capitisque agitacionibus deinde progrederitur: mox immanis consequitur, ferusque impetus; nullius periculi metus, nulla aequa in familiares reverentia.

§ 112. Quapropter, quomodo non potest animal ul. lum non illud sponte appetere, quod accommodatum ad naturam appareat, sic non potest objectam rem perspicuam, probeque distinctam non approbare. Quae enim quid percipiunt Bruta, adsentiuntur statim; propterea quia rerum praeteritarum memoriam cum presentibus conferant, deinde earum similitudines dissimilitudinesque quam cito comprehendant: Aut si forte ipsa adsensionem sustinere ex incertis nonnullis eorum actionibus grossibusque videantur, id aliquando rerum obscuritate, metu, aut memoriae imbecillitate evenisse dicamus; quod tamen in earum perspicuitate, atque integra animantium ad res tenendas virtute non est, cuius omnis constantia, & firmitas ex his rebus constat, quibus adsensa est, & quas semel adprobavit. Ad rem maxime facerent immensa, quae mihi recentissime contigerunt hisce diebus Canum, aliorumque Brutorum exempla; unde superiora hucusque de eorumdem perceptionibus, affectibus, virtutibusque firmarentur, indeque adversus pecudum impugnatores argumenta apodi-

Etica

etica peteremus. Attamen mihi pro brevitate sollicite consulenti unum maxime ex tot tantisque liceat diligere, quod pridie dum haec Florentiae Commentaria persequor calamo gestum esse me cernente, & stupente profiteor. Redux ex Britannia elapsis diebus in Patriam advenerat Claris. Vincentius Martinellius septuagenario major; Vir in omni Philologia, atque in Historiae ratione celebratissimus. Ut primum Florentiam petierat, Alexandri Dodswardi illustris familiarissimi sui invisendi gratia extra Urbis moenia illius Villam continuo adire properavit. Huic Martinellius quatuor ab hinc annis Canem apud se blanditiis altum, atque educatum, Londini quum ambo manerent, dono commenderat, eumque secum Alexander ex Anglia discedens adsportatum festivitatis atque excubialium caussa intra domicilii sui septa quam amanter custodiebat. Advena itaque amicus Villae ostium attingit, pulsat, eique non multo post, Cane eodem comitante, laetabundus ad fores aperiendas occurrit idem Dodswardus. Dum inter amicos prima, quemadmodum adsolet, ingentis laetitiae, ac urbanitatis officia dividuntur, gestientem, ejulantem. saltibus inusitatis Vincentium adgredientem eique mirum in modum blandientem Canem vidisses, quomodo, multoque amplius agere bellua ipsa confueverat, quum in Londinensi domo praeteritis temporibus apud herum pristinum versaretur. Itaque supervacaneum ulterius animadvertere existimo ex proposita historia quae, & quantum fide digna juxta susceptam argumentationem erui possent ad rem nostram, nisi aliò convertenda esset oratio.

§ 113. Quaerendum est ergo in animantibus cunctis quid sit eorum extrellum, quid ultimum bonorum, ad quod omnia eorum gesta, & vota referri oporteat, ipsum autem nusquam. Porro omne animal, simulatque natum sit, voluptatem appetere, eaque gaudere ut summo bono; dolorem adsperrnari ut summum malum, & quantum possit a se repellere nisi quotidiana edocti experientia intuemur. Nos autem quoniam detractis de homine sensibus reliqui nihil esse quod appetamus, sive fugiamus intimam conscientia sentimus, quidnam Brutis inesse putabimus, quod aut ea ad quaerendum pelliciat, aut ad reprobandum vehementissime urgeat, si sensus omnis vigor, ut in nobis est agendorum summa ratio, ita ab iisdem repellatur, ejusque loco mechanicum prouersus atque exanime naturae opificium in ipsis comminiscamur.

§ 114. Quantum vero futilis illa sapienti viro videri debet difficultas, quae belluas inter & homines affert in rebus sentiendis ingens discriminis, fuse demonstrandi hic locus, tempusque non est; nisi quaedam obiter attingamus, quas caeteris mox dicendis iter facilius patefaciant. Existunt nimirum Cartesiani asseclae nonnulli adhuc, qui subtiliter admodum disputare videntur, neque inficiari dubitant eum in Brutis voluptatis dolorisque intimum sensum, qui, ut homines, in amorem vel fugam animantia omnia compellat: quippe dicere audent illi, eatenus nobis de eodem sensu licere tuto deceraere, quatenus abditissima rerum perceptarum conscientia experiemur quid nobis prodesse, aut arridere, quid contra officere, aut displicere quoquomo-

do

do possit; caeterum nemo huc usque pecudum mente  
ejusque statum potuit unquam per se se introspicere,  
aut ab ipsis sciscitari, quidnam diversum teipsa percipi-  
perent quum sibi voluptuosa contingent, quod in do-  
loribus non sentirent, vel molestissimo cruciatu potius  
sufficeretur. Paucis tamen dimitti a nobis deberent  
istiusmodi disputatores, nisi indeciles, & ab omni ve-  
ritate extortes perfracte vellent ipsi consistere. Nonne  
ergo exilientis corporis perspicua argumenta, laetitiae  
compertissima indicia, rerum compatandarum cura; con-  
tra vero moerores, metus, famis sitisque explendae an-  
gores, in cruciatibus clamores, omniumque eorum re-  
pulsio, quae noxia & inimica sibi belluae intimo discen-  
nunt judicio, id tandem cuique bene instituto persuas-  
debunt, & appetendi, & refugiendi, & omnino rerum  
gerendarum initia, aut a vera voluptate, aut dolore pro-  
fici? Quapropter qui nullo proorsus fulti argumento  
temere in vulgus jactare non verentur, Bruta ita se ha-  
bentia nihil continere cum extremo agentium rationa-  
lium sine commune, tum sanae mentis usum desereret  
ipsi dicendi sunt, tum eo usque se se protipiunt in  
praeceps errorum pessimorum exitium, quibus nihil &  
homini, & philosopho evenire pejus potest. Quidni &  
homines nulla unquam germana voluptatis dolorisque  
perceptione perculti eadem peragere absque fine asse-  
rentur, quae pecudes elateris corporei legibus, & me-  
chanica sanguinis humorumque excurrentium oeconomia  
solum horum iudicio absolvuntur, qui animam omnem  
ab illis abjiciunt?

§ 115. Restat modo locus huic nostrorum Commen-  
tario.

tariorum Capiti vel maxime necessarius, de Brutorum in  
 homines amicitia; quemadmodum inter nos ea nihil ma-  
 jus, nihil uberior, nihil ipsa jucundius fore universi  
 testantur sapientes: quam fortassis qui ab animantibus  
 auferre conantur, ii quidem non cum belluis, sed cum  
 ipsis hominibus dimicant. Mutuum autem inquam ho-  
 minum Brutorumque non solum amorem, quum benefi-  
 ciis, ac solatiis invicem deliniuntur, verum etiam ad  
 eam me confero oratione caritatem, qua semetipsa vi-  
 cissim, intra sum praeferim quibusque genus, arctissime  
 dulcissimeque complecti saepe conspiciuntur. Itaque quum  
 solitudo, & vita sine amicis infidiarum, & formidinum  
 plena sit; quibus item accedant egestates permultae, a  
 quibus levari absque alterius auxilio quisque non va-  
 leat, recta ratio monet, ut de aliorum comparando amo-  
 re perpetuò cogitemus, quo adepto & malorum pericu-  
 lo liberetur animus collatisque commodis confirmetur,  
 & a spe pariendarum voluptatum non sejungatur. Quae-  
 cumque igitur de amicitiae laudibus, atque utilitate di-  
 cta a sapientibus habentur, ea certe nonnisi a naturae  
 fonte hausta idcirco dicantur, quod instituendarum ami-  
 citiarum consuetudo a voluptate rerum humanarum do-  
 mina, nec non a malorum depellendorum opinione flu-  
 xerit; quae duo in ipsa natura viventium maxime do-  
 minantur. Itaque nihil esse prosperum nisi voluptatem,  
 nihil inprosperum, aut injucundum nisi dolorem quum  
 vel ipsae ferociores helluae a magistra, & duce natura  
 fuerint primitus edoctae, quænam caussa intercesserit,  
 cur amicitia ab ipsorum animis evelleretur, nisi insana  
 philosophiae reformandæ, aut forte vituperandæ, cupi-  
 ditas,

ditas, equidem non intelligo. Verum de Brutorum amore, deque iis omnibus eorum animi motibus, qui spontanei recte dicuntur, alibi agemus deinde opportunius.

§ 116. Nunc ergo sermocinemur oportet de iis animae signis, quae externam portendunt judicandi speciem; quidquid nimirum oculis, pedibus, aurium erventione, vocibus, sibilo, aliisque velut totidem instrumentis exprimunt pecudes, id demum evidentissime innuere, quod nobis perinde affectibus variis praecoccupatis solet evenire, quum isdem aut pene simillimis utimur argumentis. Inanis omnino appellaretur investigatio, quomodo nempe animantium loquela fuerit instituta, quibus adhibetur legibus, in quo a multiplici hominum idiomate discrepet, & si quae sunt alia ad disputandum supervacanea non minus, quam chachinnis dignissima. Tot siquidem tantaque a perfecto Fabricio edita fuere in suo peculiari de *Brutorum loquela* volume ab auctoritatibus, historiis, ratione, atque experimentis multis petita, ut, et si vox Brutorum articulata non sit, nec tanta forte tonorum varietate discreta, quemadmodum nostra est, ipsam tamen tum humanam aemulari, ac tum maxime id demum omne significare, quod a nobis ejus ope peragitur, dilucide ostendit ejus argumentatio. Dicere praetermitto quod peculiarem animantium attinet educationem, cuius auxilio & aliquorum patientissima sedulitate factum quandoque fuit, testantibus eodem Fabricio, atque Rotario (a) ut ipsa ad verba fundenda articulate sonantia pervenire saepe potuerint; ne illud tanquam rei nostrae consentaneum usur-

(a) In *Opusc. supr. laudato* pag. 76.

usurpare velle videamur, quod non a naturae institutis sed ab una hominum in pecudes arte profectum est. Quamobrem non ab artificio, sed a natura ipsa expiscari necesse est quid pecudes loquendo valeant, & quid eorum vocibus animo affectibusque comprehensum vere respondeat. Illa autem, quae est omni dubio procul doctorum indoctorumque magistra, unumquemque bene in praeclaram veritatem affectum, neque ullo partium studio praeoccupatum docet, hasce a Brutis plerisque edi voces pro diversis eorum occasionibus caussisque impellantibus, quarum indiciis amorem, cupiditatem, aut contra odium, iracundiam mente conceptam manifestare consuescunt. Iure propterea Theodatus Ossius ad rem nostram plura habet, quae ut expendantur dignissima quidem sunt (*a*); inter quae sequentia maxime teneantur. Certum est autem bruta suos conceptus exprimere, aliisque manifestare, non solum gestu, visu, sed etiam voce multiformi, diversimode articulata: verum non pronuntiant illas litteras alphabeti, aut vocales, aut consonantes, quas homines exprimere constat; quamobrem hominibus loquutio proprie adscribitur. Verum aliquibus deinde interjectis alia non minus animadvertenda subdit: *Eruta quoque, & aves suas passiones mutuo explicant.* quum diversimode ad cibum, ad societatem, ad fugam, ad coitum, ad viam incidentur, vocesque immutent. Addit ulterius eodem loco: *Verum mirari subit sapientis naturae providentiam, quae variis modis, & instrumentis singulis animalibus sua distribuit signa, quibus animi affectus de-*

(a) In Cadmeja Segea pag. 24.

demonstrent, vocem nempe, sonum, gestum, adspectum tactum, loqueland, &c. Ita vero cogitationum affectuumque patentia utique argumenta in omnium ferme Brutorum & tibus, aut animae spiritualis, quae hujusmodi exterioribus notis apparet, constitutionem cuique non indocili philosopho debet facile persuadere, aut Brutorum eorumdem animam simulato quodam tantum affectus homini caeterisque belluis prodere sine antecedenti ulla cogitatione temere atque ineptissime dicamus oportet, aut frustra naturam aliquid fuisse molitam, quod super vacaneum prorsus reipsa sit, quum pecudibus multa humanis vocibus similia, & gestus varios, & signorum multiplicatatem concesserit, non minus stulte effutire cogamur. Quae profecto opinari, eaque elateris, & mechanismi viribus explicare quamprimum quisquis a sus fuerit; nisi ad insaniam quam proxime velit accedere, non tam inanibus verbis, quam firma paeclaraque argumentatione debet confirmare. Attamen quis eorum huc usque Cartesii dogmatibus addictissimus illud attigit demonstrationibus fastigium, unde si non mathematica, satis probabili nihilominus evidentia constaret, absque ullo penitus sensus mentisque principio tam magna, tam mira pecudes efficere posse quanta reipsa multiplici signorum specie intuentibus quotidie objiciuntur, quae item ab homine sine intimo rationis affectuumque imperante simili principio non fiunt. Nemo sane: nec injuria id affirmari ab unoquoque debet, cui non verba atque una Cartesiani systematis doctrina pro apodicticis argumentis valeant. Qui autem rem a sinceras minimeque suspectis veri cujuslibet fontibus indagi-

dagine sua petere exoptant, nec fucatis larvatisque veritatis veluti simulacris inanissime delectantur, si procul dubio non tam flocci pendere id genus systemata constuevere, quam de Brutorum anima multo saniori philosophia non temere audent disputare. Sed de animantium vocibus, caeterisque animae sentientis notis indubbiis adversus Automatum somniatores, dicam ne potius, quam disputatores multo uberiori, multoque validius alibi dissertatio triumphabit. Nunc itaque alia aequa Capiti huic magis consentanea versare curemus.

§ 117. Nos itaque, qui non ab industria, sed ab illiberali labore deterremur, studii multum, multumque ratiocinationis impendere deinceps necesse habemus, ut ab animae corporeae veluti coeno ad germanam intelligenti conditionem, atque nitorem Brutorum ingenia transferamus: quod et si non adhuc viritim fecerimus, nobis tamen ne faciamus imposterum non interdictum putamus. Cur autem eo usque, quin praestiterimus, de ventum fuerit, causae intercessere quamplures, quae captu difficultimae haud sunt, quamprimum ad ea mentem converterit quisquam, quae in hujusc Capitis lumine pollicebamur. Nescii nimicum haudquaquam eramus totum quedcumque sermonis nostri robur, quod latinis Commentariis mandaremus, fore ut in varias reprehensiones incurreret, nisi primum per omne animantium genus multiplici animadversione excurrisslemus.

§ 118. Praetermissis itaque pluribus aliis pene infinitis, quae quum in volatilibus, tum in terrestribus variis animantibus ingenii ad res hautiendas facultatem, memoriae vim, ac voluntatis potestatem apertissime,

sime, multoque actius decernerent, atque firmarent, quam quae uberi admodum oratione nostra perfectum haecenit fuit, superest demum ut aquatilia etiam animadversionibus saltem nonnullis attingamus, ut ex omnium Brutorum generibus illud absolvamus quod nobis metipsis fuerat sermonis hujusc initio constitutum. Inter innumera piscium genera eos tantum deligemus, qui plerumque compertiores sunt, quique ab unoquoque Philosophero propria valeant experientia tentari, quare Scaurus Piscem Philosophiae Naturalis Scriptoribus notissimum, ejusque ingenium haud hebete ex Claris. Ulyssis Aldovrandi elucubrationibus eruditis & uberrimis primo inter aquatilia mente aliqua praedita constituamus. Ipse namque juxta Aristotelis, Athenaei, Plutarchi, Oppiani, Aeliani, Plinii, aliorumque fidem tradit, eum prudentia, vafricie, amicitia pluribusque cogitantis alicujus substantiae dotibus institutum tam bene a natura, ut intuentes homines atque animadverentes ipsum prorsus agendi morem eidem animantium generi debeamus pro sanae mentis aequitate attribuere, quem homini exculto animaeque viribus exferendis expedito conferre nullatenus dubitamus. Hujusc Piscis mores enucleatius tradere praeterea quia aliorum aquatilium sermoni propediem habendo locum relinquamus oportet, antequam Capiti huic coronidem supremam imponamus.

§ 119. Infra pelagiorum Piscium censum, qui squamosi non sunt, comprehensa describuntur Pelamydes, quarum carne divitum mensae, ea qua ad vescendum salubres sunt tempestate, lauto apparatu instruuntur.

Ha-

Harum tamen, quemadmodum & Thynnorum omnium, ingenium nostra cum primis interest patefacere. Utrumque gregale Piscium genus esse ex Aristotele, Plinio, caeterisque in tota antiquitate classicis scriptoribus notissimum est, qui turmatim ex magno mari Pontum intrare memoriae prodiderunt; idque passim audiuntur piscatores confirmare, qui maximo collecto agmine vagari migrareque utrosque conspiciunt. Quum itaque teste eodem Plinio (*a*) gregatim isti ex uno in aliud mare vagantur, calliditatem adhibent hac ratione, atque solertiam: scilicet sensu exquisito tempestatum immutationes percipientes eo consistere aquarum loco deletantur, quem suae sospitati, voluptatique accommodatum magis esse dignoverint; neque inde dimoveri in alium migraturi patiuntur, nisi temporis conditio, quam probe discernunt, ad iter suscipiendum invitet. Ventorum quoque flatus ita sentire videntur, ut ad eorum directionem se ferri saepe permittant, & secundo vehi fluetu nonnisi consulto velint, quum sibi discedendi opportunitatem proponunt. Thynnorum autem in natando ordinem atque disciplinam plane admirandam sic describit Plutarchus, ut nisi de hisce aquatilibus alia ex Oppiano (*b*) atque Aeliano (*c*) non minus ingeniosa haberemus, ea supra fidem non ab intemperantioribus solum criticis ad veritatis tribunal fortassis traherentur aut in assentiendo haererent suspensi. Itaque praeter alia pluta, quae horum animantium propria ab eodem

Plu-

(*a*) *Lib. VIII. Cap. 13.*(*b*) *De Piscat. lib. 3.*(*c*) *De Animal. lib. I. Cap. 40.*

Plutarcho affirmantur, illud ab ipsis singulari astu & consilio fieri inficiari nequimus, cur ex oriente canicula, & ingravescente aestivo calore in Euxinum mare natare ita contendant, ut inter se veluti contextis turmis huc illac circumeant sibique hac corporum coniunctione umbram invicem praebent, seque a calescentibus solis radiis commode tueantur. Ab horum vero marinorum Brutorum soleptia ad alia brevi investiganda transgrediamur,

§ 120. Amias pisces è gregalium numero perinde commendemus oportet, quod ipsae videlicet, Aristotele narrante, (a) ament se invicem, opem propterea sibi mutuam ferant, & quum necesse fuerit ab aggressoribus acerrime se se defendant. Quare audaces, & celeres esse, & saltu valere admodum luculenta Oppiani (b) atque Aeliani (c) suppetunt testimonia. Illarum vero contra Delphinos pugnae pertinacissimae postulant ut in memoratis nuper Auctoriibus perlegantur; ut inde quae quantaque sit mentis ad verae rationis regulas institutae in iisdem aëies atque facultas arguamus. Si profecto a prospero certaminum exitu de earum versutia, & ingenio decernere fas esset, utrumque in Amiis tam subtile, atque ad exquisitiores prudentiae constantisque animi regulas tam bene inveniretur compositum, ut fortassis in multis tantumdem desiderari posset ex nostris, quibus affatim semper fuit cacteroqui intelligendi, cupiendique praecipuum munus a Deo

Na-

(a) *Histor. Animal. Lib. VIII. Cap. 2.*

(b) *De Piscat.*

(c) *De Animal. Lib. VIII. Cap. 13.*

Naturae Auctore supra omnia Bruta collatum. Ista tamen longiorem a nobis postulant orationem; quare rem persequi, & magis opportunum erit in praesens, & aliarum belluarum aquatilium histotiam nequaquam prætermittere.

§ 121. Murenae audax in aggrediendis non aliis piscibus solum, verum etiam hominibus, saevitia satis superque nos docere valet, eam certe exseri non posse nisi industria, cogitatione, & appetitu adjutoribus atque ministris. Ea quippe, quae, Plinio scribente, humanae carnis avidissima est (*a*), omnem propterea calliditatem interponit, atque furorem, quo pescatores adoriatut incautos, atque in sicco etiam littore, amphibiorum more, hianti ore, venenatisque dentibus persequatur. Mirò insuper ingenio astuque in evitandis periculis a natura donatam ex Oppiano (*b*) aliisque didicimus adeo, ut corporis sui lubricitati robotisque confisa paratos sibi retium hamorumque dolos facile vincat. Tantam esse autem hujusce piscis simulationem, atque vafritiem, si quando ad certamen cum Polypo, & Locusta se comparet, ex Aeliani historia (*c*) erudimur, ut tantumdem nec amplius a dolosis acutisque hominibus expectare debemus.

§ 122. Delphini autem cognitio a nobis praeteretunda non est in pluribus, quae illam liquido suadere videntur; tametsi nonnulla veluti fabulosa ab emunctac naris scriptoribus debuerint olim, quum omnia

ab-

(*a*) *Lib. IX. Cap. 13.*

(*b*) *De Piscat. Lib. III.*

(*c*) *De Animal. Lib. I. Cap. 32.*

absque examine & inconsulta gestorum veritate exciperentur. Porro nobis ex pluribus, quae traduntur, ea magis yero similia viva sunt, quorum habet historiam Aelianus (*a*) accuratam, utpote sedulus eorumdem Piscium investigator. Delphini, scilicet juxta aetatum rationem dispositi gregatim natare conspiciuntur; adeo ut parvuli in primo ordine locentur, quos natatione proximi sequuntur: deinde qui sunt aetate magis confirmati. Quippe natu majores, quum parvulo<sup>m</sup> suorum sint amantissimi, pro iisdem vigilant adeo, ut, tanquam in militari cuneo, alii in prima acie, alii secunda, tertia alii constituantur, & seniores ipsi demum extremum agmen ducentes filiorum uxorumque natationem inspicient, atque gubernent.

§ 123. Dimitti sane a nobis Disputatio ista vero non debet, antequam pauca quaedam de Crustaceorum primum ingeniis agamus ad rem hocce in Capite propositam magis - magisque attollendam; deinde autem de Testaceis sermocinandum brevi calamo nobis erit; quae duo ad aquatilium regnum aequa referri ab unoquoque, vel mediocriter hisce in rebus versato & sapiente videntur; ne scilicet vel minimum aliquid desiderare possis scribendi scopo consentaneum quod fuerit, vel horum ignorantia, vel disputantis desidia praetermissum. Inter primi generis illos; quos ideo ita vocari consueverint, quod tenui crusta contegantur, ob quam a reliquis Piscibus discerruntur; Locustae marinae principem locum sibi vendicare jure posse videntur: quippe major in hisce se praebat animadvertenda in diligendo

cibo

(a) *De Animal. Lib. X. Cap. 8.*

cibo prudentia, major in persequendo fugiendoque hoste ingeniosa adhibita celeritas, & majas denique elucet robur in pugna; ad quam praeterea apta ipsis praestato sunt instrumenta; hastae videlicet; quibus nonnunquam, non aliter ac equites hastati tanto concurrunt impetu, ut rumpere eas prius, prae constantia in pugnando vehementi, velle videantur, quam ab acie vel tantisper remitti. Earum in committendis viribus ordinem, & veluti rei militaris disciplinam describunt pluribus Plinius (*a*), Aristoteles (*b*), Aelianus (*c*), aliqui non pauci: quae sane omnia vesanum etiam hominem, & pene stipitem acernum nos vocare compellent, si ab hisce Brutis, quum ita bene se gerunt, mentem, ejusque peritum usum sejungamus, atque in obfirmata Cartesianorum sententia absque ratione ulla forte consentiamus. Illud item video in iisdem animantibus tum rerum percipiendarum facilitate quas sibi adversas esse persuadent, tum pathematum eorum, quae horribilium cognitionem consequuntur in homine, vi, atque imperio mirum in modum evenire saepenumero; aut quoties fortuna ferat ad Polypi marini conspectum; quod nobis inermibus ac inopinato accideret, si saevissimae & tetricimae belluae minitantem imminentemque rabiem declinare ullo pacto nequiremus; iisdem inquam, si fides Plinio accommodanda est (*d*) accidere prae ingenti illius pavore repentinum interitum, quamprimum juxta se Polypum ipsae

con-

(*a*) *Lib. IX. Cap. 30.*

(*b*) *Histor. Animal. Lib. VIII. Cap. 2.*

(*c*) *De Animalib. Lib. IX. Cap. 25.*

(*d*) *Lib. XI. Cap. ultim.*

conspexerint. Hujusce admirandi eventus tum historiam, tum caussam potissimum, praeter laudatum Scriptorem, reliqui insuper paulo ante advocati testes conceptis verbis conspirantes asseverant; quibus accedit quoque Plutarchus (*a*), quem non minori dignum existimatione pensamus. Progrediamur vero ad alia hujus generis, quae non minus de Crustaceorum ratione decernunt.

§ 124. Squillae etiam in Crustaceorum censum haberi debent, quarum tamen rationale aequa est ingenium. Quae enim cum Lupo marino bellum perpetuum gerunt, adversus illius astum earumque vorandarum appetitum magnam ipsae perinde ejusdem aut superandi, aut interimendi sagacitatem interponunt, & fraudes. Totum in utramque belluam commissum saepe praelium Aeliani verbis lubet enucleare. *Quum se interceptas* (ita ipse Squillas commemorans (*b*)) *sentiunt, fastigium* *quod eminet a capite, quodque simile est acutissimo* *triremis rostro, atque in summa parte secturas habet,* modo serrulae uncinatae, *hoc inquam animosae illae* bestiolae *quum incurvaverint, summa levitate saliunt,* & tanquam saltatorium versant orbem. Lupus ore maxime biante, atque imminenti, quae est pelle tenera, & molli, squillam ex lassitudine viribus defectam comprehendit, atque prandium fore arbitratur. Squilla primum in guttulis laxitate saltat, post aculeos in misericordem venatorem defigit; & lupum interficiens interficitur.

§ 125. Magna, & admiranda quoque Cancrorum

i

om-

(*a*) *De Solent. Animal.*

(*b*) *De Animalib. Lib. I. Cap. 30.*

omnium est calliditas, deque eorum mente bene cogitante conspicuum argumentum, quum sive ipsi inter se dimicant, sive aquarum vim frangere tentant, sive demum quum ostreis conchisque marinis diligentissime capiendis, ut saepe adsolent, delectantur. De eorum certaminibus, caeterisque ingeniose gestis tum Plinius (*a*), & Oppianus unanimes agunt (*b*); potissimum vero D. Ambrosius (*c*) cuius verba hic referrentur concinne, nisi Orationem nostram nimium infarcire vereremur. Quare pro brevitate solliciti ad alia transgredi simillima evolvenda toti continuo nosmetipso comparamus.

§ 126. Testacea inquam animantia, quorum etsi genus a Crustaceis differt videatur, versutia tamen, atque intelligendi facultate ita inanimatis omnibus praefat, quomodo hominum genus omne a Peripateticorum secta ferarum universitati antecellere maximopere dicebatur; neque propterea, quantum ad rationem adtinet, utrumque aliquid habere discriminis manifestis narrationibus affirmare jure poterimus. Cochleae itaque turbinatae, sive aquatiles, sive terrestres, in singulis earum, qua late in Testaceorum natura patent, generibus animantia aliqua habere quae formident inimica, & cum quibus congregiantur, tradi a scriptoribus solent. Lacertis Cochleas universas inimicissimum genus esse testatur Plinius (*d*; contra vero Perdices, & Ardeas aves, tanquam adversarios suos a Cochleis agnosci, timerique,

scri-

(*a*) *Lib. IX. Cap. 32.*

(*b*) *De Piscat.*

(*c*) *Histor. Lib. V. Cap. 8.*

(*d*) *Lib. VIII. Cap. 39.*

scribit Aelianus (a). Atque e Cochlearum genere , quae Ariones vocantur , majorem praefere in agendo versutiam circumspiciuntur , ut earumdem avium persequentium calliditatem decipient . Eorum siquidem ita est a caeteris Cochleis disjuncta natura ; ut absque laesione ulla , quum voluerint , ab eorum testis egrediantur ; quas suffragante eodem Auctore potissimum vacuas dimittunt , & aliò abeunt , quamprimum hostes suos praevident imminentes , nec iterum redeunt intro , donec volucres illae ab eorum viciniis recesserint fraudatae , & de capienda praeda desperantes .

§ 127. Ex tot igitur , aliisque pene infinitis , quae de Brutorum omnium indole in singulis quidem varia , semper autem ad ostendendam mentis vim bene composita , disputata haec tenus sunt , illud mihi videor posse legitime confidere , quod belluae rationem habeant a natura largitam , mentemque , & acrem , & vigentem celerrimeque multa simul agitantem , & ut ita dicam sagacem , quae ut caussas rerum , & consequuntions videat , & similitudines transferat , & disjuncta conjungat , & cum praesentibus futura copulet , omnemque complectatur vitae consequentis statum : unde & quae ipsis delectabilia apparent sollicite quaerantur , & quae contra noxia , tristia , & incommoda eorum menti offerunt se se , non respuantur solum , verum etiam tota virium contentione ab iisdem fugiantur . Ut nos itaque de spirituali hominum ingenio ex suis operibus probe argumentari dicimur , ita de belluarum anima ad cogitandum aptissima decernere jure nos posse videmur .

i 2

§ 128.

(a) *De Animal. Lib. X. Cap. V.*

§ 128. Si Brutorum igitur anima, quae ex illorum operibus satis superque philosopho docili minimeque cavilloso spiritalis deberet esse comperta, per se loqueretur, nec ea quidem tam pertinaces habuisset adversarios, neque jam tam praeclarissimae ob institutas huc usque demonstrationes eius veritati diutius vietas demum concedere manus repugnarent. Itaque quanquam in superiori sermone, qui cum Cartesianis est habitus, non remissi fuerimus, tamen haec acrior est cum iisdem parata disputatio, atque contentio. Quae enim de belluarum Anima, juxta recensitas per tria singula eatum genera operationes sunt disputata, ea nec acutissime neque profunde sunt pertractata. Qui praeterea mechanicam animantium in agendo vim defendunt, neque admodum versuti in differendo sunt, nec qui contra dicunt causam difficultem repulerunt. Attamen ad obstruenda penitus detrahentium ora nihil aptius aut conducibilis fore existimo, quam illis temere sententiae nostrae contradictibus objicere, Brutorum nempe operationes, voces, gesticulationes, aliaque ab iis saepe adhibita ad vitam externa praesidia nonnisi illorum amplissimo generi a natura uberi & provida fuisse largita, quam ut se corpusque bene tuerentur; & animam in iisdem latentem, rerum plurimarum indigentem, sibi utilia perquirentem, & noxia quæque praecaventem, eorumdem omnium ope patifacerent. Belluarum omnium animam nobis hac ratione tam diversimode de se loquentem ex iis quae illarum undequaque patent, quisquis argumentetur, vereri non debet ne, nisi forte a stultis, reprehendatur; quum ipse differendo a more

in-

institutoque majorum neutquam aberraverit, qui aequae disputationis leges non verbis solum, verum etiam opera ipsa ad omnem futuri temporis aeternitatem custodiendas tradidere; tum etiam quod ipse haec ad eos scribat, qui tum in Philosophia tum in optimo genere Philosophiae magnopere processisse existimantur.

§ 129. Quo igitur exactae rationis argumento ii semper progressi fuisse dicuntur, quorum assidua cura fuit ex effectibus purgata mentis acie perpensis, & inter se collatis in alicujus causae vim cognitione se se attollere, cuius cum iisdem effectibus constans intercedat relatio ( quemadmodum nos in decernenda spirituali Brutorum anima legitime ita differuisse gloriamur ) contra ii perperam se gessisse & adversus dialectices praecepta turpiter peccasse liquet, qui nullo probato fulti theoremate in alterius causae cognitionem ex belluarum operibus adscenderunt, quae nullam prorsus copulationem cum iisdem habere videtur. Aut igitur Cartesiani exhibeant Philosophis necesse est quoniam denique rationis nexus tam mira, tam ingeniosa, tam solertia, & affectuum plena, quae in animantibus constant cum corporibus organicis omni anima destitutis; quae mechanica non sit; probe cohereant, atque consistant, quin quamplurima sequantur incongrua philosopho vere ingenuo vitanda; aut desinant autem opinionem carpere nostram, eamque ejus imbecillitatis insimulare, quam nonnisi Cartesiana sententiae propriam esse, velint ipsi nolint comperire debent, atque fateri; aut neverint demum nullius pretii esse quidquid ad placitum nostrum infringendum non minus inconsulto jactare solent, quam

im-


imperite. Effutiunt ipsi nimirum, haud esse idcirco in belluis cogitantis loquentisque animae indicia quaecumque ab illis peragi tanquam ab anima prodeuntia specie tenus objiciuntur, quod non perspicue omniq[ue] dubitatione semota intelligamus quod iis sibi velint Bruta argumentis ostendere, quae forte a mechanicis legibus, atque a naturae necessitate absque ullo animae sentientis imperio exorientur. Oh praeclaram disputandi rationem; quae primo turpe usurpat pro argumentatione mendacium, & illud deinde infert, quod est ab usurpato principio penitus alienum! Quis cum primis audeat inficiari, & pro judicii sanitatem puram putamque temeritatem opponere, animantia videlicet haud tantam mentis & ingenii sui intuentibus copiam facere, ut propterea quisque, non stupidus & animi impotens, sed eruditus, & ad aequiorem Philosophiam jure prae harum rerum obscuritate dubitare queat ullam reipsa Brutorum intercedere cum hominis mente communionem? Attamen isthaec Cartesii sectatoribus in praesens prae nimia indulgentia aliquantis permittamus, atque universa in belluis animae vigentis, sentientis, imperantisque magnopere perspicua caeteroqui signa tanquam involuta, incerta, & obscura dicere ultro hallucinati patiamur. Itaque & Dialectici & Physici, quemadmodum verbis utuntur iis, quae non indoctioribus etiam nota non sunt; Geometrae vero, Musici, Grammatici, isti quoque more quodam loquuntur suo prophanis imperio; ipsae item Rhetorum artes, quae sunt totae forenses, atque populares, verbis tamen in dicendo quasi privatis utuntur ac suis; atque omissis hisce artibus ele-

gan-

gantibus atque ingenuis, ne opifices quidem tueri sua articia possent, nisi vocabulis uterentur nobis incognitis, usitatis sibi; ac denique sicuti agricultura etiam, quae abhorret ab omni politiore elegantia, tamen eas res, in quibus versatur, nominibus notavit novis, ita nihil mirum videri posset, si forte Bruta difficulti, obscuru, agresti, & sui generis proprio uterentur quodammodo vocabulorum promptuatio, quod nonnisi ab iis teneretur exploratum & bene perceptum, quae communem cum reliquis animantibus fuissent sortita natu-ram. Porro quum nihil insanius fingi queat, neque magis a recto Philosophorum sensu abhorrens quam inge-nuatum, & mechanicarum earum artium propterea, non dicam parvipendere, sed inficiari veritatem, utilitatemque, quod a plerisque suorum mysteriorum imperitis, atque nominum insciis earumdem vis ignoretur, atque praestantia, inde consequi praeclarissimum est, nemini quoque, citra mentis vesaniam, fas esse de spiritali Bru-torum anima ambigere, deque valida in suas operatio-nes potestate contradicentem opponere audaciam, aut pro explanandis eorum phaenomenis ad ineptissimum systema configere, propterea quia non aliquibus conti-nuo, & dilucide ea animantium innotescant operantium indicia, quae alii quamplures recte philosophantes, & egregia imbuti ratione pro tutissimo animae spiritalis veluti idiomate usurpant. Si quid igitur non habeant Cartesiani reliquum majus, quo placitum tueantur suum, in hac philosophia adeo inopes fore deprehenduntur, ut continuo illos deferendos esse decernamus; unde ad alia praestantioris pretii, atque momenti sequenti Ca-

pite

pite versanda progrediamur. Interim verò moneamus oportet, nos ea perfecisse hactenus, quae extimam quodammodo disputationis hujusce naturam contingebant, ut primo pollicebamur Commentariorum limine. Quae autem scribenda modo sunt reliqua diversum ab iis plane aliquid statuunt, cuius veritas non testium numero, & historiae fidei solum innititur, sed aliunde dependere deinceps videbitur.



## C A P U T X V \*

*Brutorum operationes, & quae ipsorum animales dicuntur functiones cum germanis sensus, atque irritabilitatis notionibus universem receptis confunduntur; atque inde ad adstruendum eorumdem spiritale principium progreditur Oratio.*



Rutorum qui nullum esse animantium genus rationis capax, atque ad omnia fere intelligenda, quemadmodum homines possunt, a natura comparatum insicari solent, ii profecto omnem cogitandi cu-

ram a se penitus abjecisse videntur; neque nisi lippis oculis eorum operationes expenderunt. Illorum quippe causa majoris quam ipsi putabant momenti arctissime efflagitabat per se se, ut eos aut vitiosae desidiae insimularet, qui easdem funditus animadvertere nollent, quum bene ingenii acie valerent, aut summae verteret

illo-

illorum stultitiae , qui affectum imperio & partium zelo  
praeoccupati , non prudentiae minus , quam eruditionis  
inopia , de difficultimis id genus inquisitionibus , veluti  
ex tripode , tumenti , & putida simul magisterii impo-  
stura responderent . Quamebrem qui belluarum grave  
admodum in Philosophia negocium , earumque ad inge-  
nii opera aptitudinem mordicus adspernari , & pessun-  
dare se velle tuentur , iis mihi Atheis simillimi esse vi-  
dentur , quorum tanta est sollicitudo ne supremum ali-  
quod Numen amplissimae naturae universitati praeficia-  
tur , quod colant , quodque merito debeant formidare ,  
tametsi ad illud reprobandum neque sapientissimorum  
Virorum auctoritas ulla , neque firma eas argumentorum  
vis aliqua impellat , aut praeclare suadeat . Isti nimirum  
ita Solis , & Lunae conversiones , & ratos perennesque  
cursus ; ita syderum pulchritudinem varietatemque ; ita  
telluris hujuscce adspectabilis venustatem , amoenitatem ,  
atque divitias , dum floribus , herbis , arboribus , frugi-  
busque exornatur ; ita fontium gelidas perennitates , ma-  
ris aestus , riparum viridissimarum apparatus , camporum  
immensitatem , speluncarum concavas altitudines , mon-  
tium proceritates ; ita varia genera bestiarum , ferarum ,  
volucrum , aquatilium , atque serpentium , quorum ad  
pastum inquirendum vita solum condita esse a natura  
videtur ; ita corpus hoc nostrum , cuius omnia membra  
vel ad commodum , vel ad venustatem aptiora esse non  
possunt magisque concinne conformata ; ita demum em-  
nia & singula in hoc orbe nostro terraquo ea ratione  
constituta , ut neque ad usum meliora esse potuerint ,  
neque ad speciem pulchriora quotidie inquam contem-

plan-

plantur, quin intelligere tamen velint inesse aliquem in hujusmodi ordinatissima rerum multarum, & magnarum administratione supremum Moderatorem, & tanti operis, tantique muneris principem veluti Architectum. Quare ut isti nebulones tam pravo philosophantes ingenio seu mavis in tanta philosophiae perversitate insanientes dicendi merito sunt; quum fortunae potius, quam sapientissimae mentis consilio universa committunt; sic non immerito ad vesaniam ii videntur non minus accedere, qui de Brutorum anima perperam sentire adeo profitentur, ut universa eorum opera plena caeteroquin rationis atque consilii vel ad equivocum & escio quod ventientis animae principium referant, vel, quod est multo inconsultius atque deterius, organorum mechanico plane concutui, sanguinisque circulationi penitus attribuant. Itaque si quando a germana philosophia prophani id genus Scriptores in animantium rebus audeant aliquid effutire, ipsi profecto aut eorum nihil reipsa scire demonstrant, aut nescire dissimulant, quae Physiologia docet, quae experimenta compertissima tradunt, & quaecumque tandem a solertioribus Vi-  
ris detecta hodierna sunt tempestate de fibrarum impe-  
tu, elatere, elasticitate, de fluidorum omnium perni-  
cissimo in quolibet animantium corpore perpetuo cir-  
citu, deque aliis pene infinitis, quorum necessarius  
est cum animae sensationibus mentisque incorporeae  
operibus nexus, & mutua relatio. Igitur in hisce ana-  
lytice exquirendis expendendisque versabimur deinceps;  
indeque ad propositum denique Capitis hujuscce scopum  
elucubrandum reverti curabimus.

§ 131. Quemadmodum Physiologia ergo omnis, ejusque leges a naturae viventis contemplatione derivatae id habent cum hominibus Brutisque commune, ut partium organicarum dispositiones, ac vires simul in illis acres, maximeque operantes utrisque viventibus absoluta pene analogia congruant, hoc nobis proinde constituendum erit in praesens, ne pro animalium cogitantium causa facturi ab hisce accuratissime expendendis accommodandisque pro re nata vel hilum discedamus. Etenim praestanti Viro Georgio Baglivio docente (a), qui analogice ab anatomia Insectorum ad anatomiam Brutorum, ab hac ad illam hominum philosophantur, optime philosophantur: siquidem sub genere viventium analogizant. Et quoniam attributa unius, facta sufficienti partium enumeratione, optime respondent attributis alterius, ideo observata anatomica in Brutis, non solum faciem praebuerunt observatis anatomis in homine, sed iisdem adamussim congruunt: imo ex certa hac, & mutua analogia utrinque, & circulatio sanguinis, & structurae viscerum, & alia innumera detecta sunt tanta saeculi nostri felicitate.

§ 132. Non est autem supervacaneum nobis, quantum loci hujus patiuntur brevitates, animantium fibras investigare earumque deinde activas facultates expendere, ut inde in Hallerianam irritabilitatem commodius transeamus. Illarum porro duo esse genera ut in homine, ita in animantibus pene omnibus universi Anatomici atque Physiologi fidem praebent latissimam; quarum unum membranaceum, carneum alterum dicunt.

Quae

(a) *Praxeos Medic. Lib. I. Cap. 6.*

Quae membranaceae existunt in utrisque viventibus fibrae a cerebro cum pia & dura menynge, carneae vero a tendinibus ortum propaginemque suam ducere res est jam compertissima. Earumdem texturam, ac bene firmam compagem oculari experimento deprehendit olim praeclarissimus idem Georgius Baglivius (*a*) de re medica optime meritus, quum anno 1701. Gallinam, Canem, & Cuniculum fame consulto interemptos, in Theatro Anatomico cultro subjecit; in quibus etiam robur firmitatemque detexit, quamprimum intra plures disparis naturae liquores illas rite disseatas apprimeque lotas maceravit: quarum denique constantissimam soliditatem in leonina carne comperisse luculenter affirmat. Eorum vero piscium, qui velocitate natandi praeceteris valent, ut Delphini, Thynni, Xipiae &c. duriores animadvertis fibras, crispatas, tensasque multo magis, quam quae in aliis aquatilibus animantibus apparent, quorum tardior est semet movendi caeteroqui facultas. Par in terrestribus nonnullis, atque volatilibus Brutis exploravit discrimen ab aliis ejusdem generis Vir eximius, quorum non habetur tanta currendi volandique celeritas, quanta in utrisque functionibus illorum est exercitatio. Quare expeditiorem in belluis omnibus cursum petendum fore ille autumat non a majori circumgyranti fluidi solum vi, verum etiam a peculiari solidorum structura firmitateque pendere testatur.

§ 133. Quantum vero ad elateris vim, resistantiam, & impulsu spectat, quibus membranaceae potissimum fibrae

(a) *De Fibra Motrice Lib. I. Cap. 2.*

fibrae in vivente quopiam animali donantur, paucis ne-  
 cessè est ut scribamus. Quum primis vero duræ matris  
 membrana ( quae tota fibrillis contexta sub cranio sita  
 latet ) robusta, crassa, atque dividua iis praedita facul-  
 tibus comperitur, quarum autem vim experimenta dili-  
 genter a magnis Anatomicis facta perpetuo decreverunt.  
 Quippe ipsa peculiari fibrarum structura quum constet,  
 ut tota ad constringendum exprimendumque facta videa-  
 tur, inde est cur a Scriptoribus *cerebri cor* fuerit ap-  
 pellata: siquidem membranacei ejus villi, quibus un-  
 dequaque vestitur, crispentur saepenumero atque con-  
 trahantur, non aequabilibus systolis atque diastolis nisi-  
 bus tantum, verum etiam multo vehementius magisque  
 inordinate, quamprimum illam corpuscula quaeque acria  
 præsertim fluida contingant. Id compertissimum habuere  
 patientes permulti animantium Brutorum sectores, qui  
 tentamenta a se inita posteritati etiam præclaris me-  
 moriis tradidere: in Ovibus scilicet recens natis in Ca-  
 nibus, aliisque quampluribus detexerunt primum; si  
 quando acubus tenuissimis duram matrem pungerent,  
 aut in eam acidos infunderent liquores; per omnes ea-  
 rum machinarum partes vehementissimos excitari con-  
 vulsivos motus, tremores, jactationes, paralyses, eju-  
 latus, aliaque horrenda symptomata; deinde in eadem  
 menynge, quae a cerebro progreditur, totamque infra  
 dorsi vertebrae medullam vestit oblongatam, patefacta  
 iisdem simillima sunt phoenomena a Clar. Viro Georgio  
 Baglivio (a), cuius verba, tametsi fusius quam propositi  
 aequitas finat, exscripta fortasse videantur, praeterire

non

(a) *De Fibra Motrice Lib. I. Cap. V.*

non debemus. Canem molossum vivum debite ligavi  
 ( en illius historia ) cum amico meo Dom. Pallilio Viro  
 sincero, & moritus vere Romanis praedito. Separavi  
 diligenter cutem, & musculos dorsales prope dorsi ver-  
 tebras: denudata una ex vertebris, terebravi eam ma-  
 xima cum diligentia, quousque terebrando perveni ad  
 cavitatem spinalis medullae suis menyngibus involutae.  
 Hoc facto solvimus canem, ut videremus an posset in-  
 cedere: incedebat itaque ut prius, saltabat, ac bene  
 se movebat. Denuo ipsum ligavimus, sed tali modo, ut  
 libere movere se posset hinc inde post experimenta, quae  
 meditabamur. Foramen terebrationis in vertebra erat  
 tantae capacitatatis, ut Siringae foramen intrudi com-  
 mode posset. Puncta per acum menyngie spinalis me-  
 dullae in loco terebrato, canis statim, fortiter, ac  
 per totum convellebatur; deinde paulo post quiescebat.  
 Siringato Spiritu vini tepido velocius respirabat, levi-  
 ter veluti borrebat per totum. ac veluti paulo post  
 somno corripiebatur. At quando in majori copia liquor  
 hic injiciebatur tepidus, tremebat fortius, sed cum  
 hilaritate. Post duas horas siringatione iniiciebamus  
 guttas aliquot Spiritus nitri soluti cum pauca aqua:  
 tremebat vehementius, ejulabat, torquebatur: stupore  
 primò corripiebatur; deinde motibus convulsivis, modo  
 in partibus superioribus, modo in inferioribus, prout  
 acidus liquor modo partes superiores, modo inferiores  
 spinalis medullae magis vel minus alluebat, ac velli-  
 cabat. Comedit interea frustula panis ea nocte, &  
 mane sequenti stupidus videbatur, sed magis expeditos  
 motus peragebat parte posteriori, quam anteriori cor-

poris. Mane igitur siringa injecimus Spiritum nitri purum in majori copia. Statim horrendi ululatus, ventris intumescentia, aliquando vomitus, aliquando spuma ex ore, motus convulsivi ingentes, lamentatio, & ululatus magnus. Factis aliis siringationibus, debita semper, sed pauca cum liquoris praefati quantitate, crescentibus sensim convolutionibus de repente obiit, & rigidus statim evasit veluti truncus. In aliis canibus terebravimus vertebrae colli, in aliis vertebrae ultimas versus os sacrum; & pro varia siringatione liquorum modo spirituorum, modo acrum & acidorum varia. Subnascebantur accidentia tremoris, convolutionis, paralysis &c. modo in partibus circa caput, & pectus, modo in partibus circa viscera naturalia. In catulo terebrato in vertebra tertia colli, facta siringatione decocti vitrioli in spinalem medullam, eoque injecto valde calido, ne dicam fervido, statim periret convulsus. In pecude musculum coxae diligenter cum eodem Dom. Pallilio a reliquis vicinis separavi, pauca tantum non separata ejusdem portione, per quam possit vicinus adhaerere: abscissis hinc inde tendinibus hujus musculi, eoque leni contractu adhaerente musculo vicino, observavi separatum musculum, licet abscissi sint tendines, obscure moveri, contrabi, suas fibras crispari, oscillare, sed obscure. En quomodo per elaterem proprium, per vim in fibris elasticam innatam moventur musculi: id enim tentari poterit in Anate viva, aliisque volatilibus, vel quadrupedibus.

§ 134 Fibrillarum muscularium in iis praeterea tam potens est actio, ut, semel ac contingantur, quolibet

mu-

musculus rapidissima confessim contractione brevior, densior, durior, atque rigidior efficiatur; & ossa etiam, uno temporis punto, quibus adnectitur, diversimode moveat, humoresque suis canalibus comprehensos in pernicissimum motum impellat. Musculorum hujuscemodi contractio postulat itaque, ut animales qui passim dicuntur spiritus virium suarum diversa efficiant incrementa. Fac igitur, eos spiritus majori ubertate celeritateque in nervos immitti aliquos, haud erit sane operosum, neque explicatu mirum, cur musculi tanta vi polleant, ut ad resistentiam ingentium quandoque ponderum superandam magnopere valeant; tametsi debilissima eorum sit cauffa; materia nimirum juxta fibrarum confinia tenuis admodum, cujusmodi spiritus iidem esse concipiuntur: poruli namque, quos materia ingreditur illa, in infinitum pene dixerim multiplicantur, & musculi simul ob incredibilem fibrarum copiam coalescunt, ut microscopia liquido ostendunt, & acutissimus Iohannes Bernoullius integrali calculo demonstrationem adjectit. Quae insuper vis eo magis credibilis se se offert philosopho, si nervei ejusdem fluidi elasticitatem cum eorundem organorum elatere conjunctam animo ipse complectatur.

§ 135. Quae igitur de humani corporis valetudine infinitis propemodum voluminibus post restitutam medicare artis facultatem haetenus sunt exarata, eadem omnino Brutis, eorumque incolumitati servandae harum, quae nuper attigimus, theoriarum lumine facili debent analogia a nobis jure accommodari. Pecudum scilicet corporeae machinae, ut pene iisdem aut simi-

libus morbis obnoxiae comperiuntur, ita contra eorum sospitas ab iis pendet singulis aequabilis sanitatis momentis, viribusque plane comparibus, unde hominum vigor, & vitae constantia definitur. Sanguinis aliorumque fluidorum per omne organicum corpus circuitus, alterni aeris inspirandi exspirandique conatus, alimentorum coquendorum infra ventriculi claustra labor assiduus; & quae inde plura consequuntur; chili separationes, atque nutritiones innumerae, somnus denique, & si quod est aliud, cūjus perfectio muscularis iis adintentibus fieri debet, qui passim involuntarii appellantur, ita haec omnia sunt in nobis, ut animantibus reliquis non deesse experimentorum historia deinceps afferenda perspicue, ut reor, constabit. Quae autem animantium omnium absolvendae functiones sunt, quarum ea vis est, & naturalis disciplina ut voluntariis efflagitent muscularis imperari, nihil erit profecto, quod adversetur quominus aliorum tentaminum ductu in Brutis aequa ac in homine eadem reipsa exerciti praecclare a nobis ostendantur.

§ 136 Quidquid ergo animantibus, sive noxiū sive salubre evenire persaepe solet, quod per se se vel iis bene valentibus opituletur, vel sanitatem laedat quoquomodo, ad duo principiorum genera revocari debere omnium me eorum praecepta compellunt, qui in tota Physiologia classici sunt Scriptores, de eaque Principes optime meriti. Horum alia *nonnaturalia*, quaedam vero tam prosperae quam adversae valetudinis *praeternaturalia* dicuntur initia; quorum tamen utrobique non numerus solum, verum etiam ad utrumque Brutorum

rum statum relatio patefacienda nobis erit inferius.

§ 137. Inter ea, quae viris etiam doctrinae pulchritudine praestantibus stuporem conciliare saepe solent, ea est corporis humani structura, tantaque illius in absorbentibus venis structura, ut earum orificia; quippe mollissimis, delicatis, & admodum irritabilibus fibrillis coalescentia; illico vehementer, rigentibus sphynteris, contrahantur, quemadmodum celebratissimus docet Dom. Albertus Haller (*a*), quamprimum vel minima aliqua actris fluidi sive biliosi particula iis forte admoveatur: eo namque natura ipsa ita constituta sibi quodammodo prospicere adverso nisu videtur, ut beneficus humor ille valetudini maxime infensus continuo a circulatione repellatur. Haec autem constans naturae oeconomia tum primum viget, & ordinata progreditur quum corpus nullis praepeditur obstaculis, & consuetis valetudinis legibus libere obtemperat: verum secus rem se habere experiuntur periti naturae animalis investigatores, si quando ea sanguinis excurrentis vasa elastica vi sua, morborum vitio, destituantur: siquidem istericis, nec non hypocondriacis maxime affectionibus perculta, & debilitata membra tam pervium iis iter parant humoribus, quanta acrioris stimuli vis est & acies, quae infirmam valeat facili negocio orificiorum vincere resistantiam. Si vero stagnans liquor (eximii Viri de Gorter ad rem nostram est animadversio) sensim sit acrior, ut irritamento suo in ambitu haerentia oscula possit commovere, id quod diu quietum haesit ingreditur

(a) Praelect. Academ. § 91.

*ditur circulantia vasa, & inficit corpus. (a)*

§ 138. Attamen quae sint morborum in animantibus caustae non est hic quod tempestive dicamus, nisi primum sanitatis fisciendae leges & munia nonnullis animadversionibus magis magisque constituantur. Solidae quippe in viventibus corporibus partes tum vasculorum multorum aggregatione, tum suis membranis sive vaginis totidem constant tenuissimis, utrobique etiam ex tubulis per quam exiguis textura earum admiranda penitus a Clariss. Ruischio sedulitate ingenti detecta fuit (b). Itaque quo solidae hujusmodi partes suis fungantur quaeque muneribus, elasticitatis vi pollere ea debent, quae illarum capacitatib[us] sit accommodata. Porro hujus haberi exacta notio solet in ratione composita ex impetus momentis, quibus liquida per singula animantium vasa excurrunt atque circumveunt, ac tum etiam ex tubolorum resistentia, qua donati ipsi a natura fuere. Etsi vero Brutorum morbi nec tam multipli-  
ces, nequè tam frequentes eveniant, quemadmodum hominibus usuvenire solet, eorundem tamen sospitas rebusque membrorum tenor nobiscum est aequa communis.

§ 139. Valetudinis autem, quae saepe latitudo vulgo appellatur, a pluribus in animantium organis pendet motionum principiis, quarum vigore ut tota sanguinis humorumque caeterorum circulatio probe perficitur, ita eorundem imminutione non ita late distenta sive hominis, sive Bruti sanitas jure appellari. Ne vero

hac

(a) *Exercit. Medic. IV. de Siti §. 14*

(b) *Epist. Anat. Problem. Tab. III. Fig. 1. 2. 3.*

hac in re vitium obrepatur aliquod, non tam cordis, quam omnium, quae sanguifera vasa dicuntur, motus vividus & constans servetur oportet adeo, ut ab eo tanquam a principe earundem motionum fonte per totam corporis organizationem sibi semper similis propagetur. Pro tuendis vero hac ratione machinae animalis motibus peculiaris ipsius cordis structura maxime confert, cuius intertextae fibrae tam energica elasticitate valent, quanta satis superque est, unde elateris virtus vel iis minutissimis canaliculis quaquaversus communicetur, per quorum diametrum vix globulis sanguinis rubris transitus patere posse concipitur. Quae itaque in homine fieri Physiologi docent, eadem belluis omnigenae pene classis rite accommodantur.

§ 140. Tam late vero per omne animantium organicum corpus distenta elasticitatis virtus, quae humerum circulationi suppetias affert maximas diversum quid plane esse ab irritabilitatis momentis affirmemus oportet, de qua nobis propediem erit fusius agendum; tamen si utraque in singulis animantibus vis, atque natus mutuum sibi auxilium praebeat, atque vigorem: quippe irritabilitas alternis, ut dicemus, fibrarum motibus se se exserat; quorum tamen nulla esset potestas, nisi membrorum, vasculorumque omnium elateres compressionem primum, & pristinam deinde compressarum partium restitutionem exakte perficerent. Neque ergo irritabilitas absque elatere, neque absque illa elasticitas ulla in animantibus vigeret. Attamen non ita sibi mutuo utraequae istae opitulantur vires, ut nullus inter eas existat principiorum & causae ordo: quinimo facili-

lis illa in quampluribus animantium partibus semet contrahendi potestas, quamprimum ab externo aliquo corpore contingentur, in caussa est, cur earundem elasticitas alternis suis compressionis restitutionisque motibus citissime obtemperet.

§ 141. Omnis itaque animantium Physiologia a membrorum irritabilitate ortum dicit, sine qua nec homines, nec Bruta aut aliquid agere, aut sentire unquam suasque vires omnes exferere potuissent, quibus a stipite & a rebus sensu carentibus secernuntur. Hujus porro veritas non ab Hallerii solum doctrina atque elucubratione pendet (a quo Hallerianae irritabilitatis nomen habet) neque commentis pto ejus lubito adinventis innititur, sed una potissimum naturae indagine tota consistit. Rationis est igitur rite compositae illius systemati fidem accommodare omnem; & si forte systematis vocem tantae doctrinae famae aliquid detrahere suspicemur, ab hoc etiam nomine libentissime abstineamus; eamque propterea legum constantissimarum perpetuam in animantibus a sapientissimo Viro factam animadversionem appellabimus, quibus natura sibimet continenter similis & aequabilis efficit, ut quae ab ipsis animantibus, aut pro delectabilibus appetendis conquirendisque, aut pro rebus dolorificis posthabendis fugiendisque exercentur, nonnisi huic uni utriusque invicem adversi conatus latissimam vim referant penitus acceptam.

§ 142. Operae demum pretium fore intelligimus, membrorum in animantibus irritationem ita in praesens describere, & ad rem propositam usurpare, ut tamen

ac-

accuratius singula perlustremus, & nonnulla ab aliis  
 conspicue secernamus. Tria porro existere in quopiam  
 sive pecudum, sive hominum corpore non dubitamus,  
 quorum momentis non sanitatis viror tantum adstrui  
 posse dicitur, verum etiam vitae animalis constitutio  
 omnis cuique probata est atque comperta. Quippe Cla-  
 rissimor. Virorum Hallerii, Zimmermanni, Castelii sci-  
 tis apprime instituti nonnullas primum corporis viven-  
 tis partes a reliquis debemus secernere, quae irritabi-  
 litatis solum labore instruuntur; existunt illae deinde,  
 quae sensu tantum sunt praeditae, quin ulla exhibeant  
 contractionis indicia; atque eae denique in organizata  
 viventium machina inveniuntur partes, quae viva tum  
 sensus, tum irritationis simul signa portendunt. Quae  
 ad tertium hujusmodi genus spectant cor praecipue re-  
 censent, cujus contractio per systemam diastolemque  
 praeceteris vehementior apparet; neque minus eadem  
 semet contrahendi potestate valent diaphragma, ventri-  
 culus, intestina, vasa lactea, ductus thoracicus, vessi-  
 ca, mucosi sinus, uterus, genitalia, & ea generatim  
 organa, quorum ex muscularibus fibris totus est nexus.  
 In iis autem, ubi sensus tantum absque irritatione do-  
 minatur, locari debet cerebrum, nervi, stomachus, lin-  
 gua, ureteres, penis, aliaeque partes, quas pro brevi-  
 tate praeterimus. Reliquae vero neque sensum, neque  
 contractionem in se habent, quum ab aliquo extraneo  
 corpore continguntur; cujusmodi sunt cuticula, cel-  
 lularis textura, adeps, tendines, membranae omnes,  
 ligamenta, periostium, pericranium, ossa, medullaris  
 substantia, cornea, iris, omnesque etiam venae, & ar-

te-

teriae ; tametsi in hisce , si forte sensus aliquis quandoque excitetur , hoc propterea fieri putandum est , quod utraeque cum nervis confertae teneantur .

§ 143. Neque vero arbitrari debemus ab irritabilitatis , & tensibilitatis facultatibus eos solummodo in singulis animantibus excitari ac vigere motus , qui vulgo necessarii dicuntur , & ab immutabili vitae animalis ordine prodeunt : ipsae etiam spontaneae , quae passim vocantur operationes earundem virium ministerio ita peraguntur , ut anima voluntatis affectibus careret omnino , nisi utrisque adjutoribus in amorem , spem , odium , atque timorem vehementer impelleretur . Evidenti siquidem in nobis metipsis , experientia duce atque magistra , certiores fieri facili negocio possumus quantum urgeri animi pathemata soleant , quo sensus in homine magis est exquisitus , & ad membra convellenda mobilior est constitutio . Quare in Brutis par aut similis a Zootomicis quum fuerit detecta partium organicarum fluidorumque dispositio , atque periodus , quemadmodum in humanis corporibus jamdiu est demonstrata , jam ergo nihil reliquum superesse videtur , quam ut belluas & cogitare , & sentire , & animantium fungi munebus , & affectibus ita exerceri variis haud incongrue opinemur , ut in earum diversis irritabilitatis momentis illorum omnium causa sit reperienda .

§ 144. Quum vero de irritabilitatis causa res est & inquisitio ab accuratissimis scriptoribus instituta ; de illa autem cum primis , quae a sensationis appulso sejungi nequit ; illud videmus plausu dignum eorum placitum , quod a mucosa quadam substantia petendum fore

con-

constituunt, cuius copia, gelatinæ instar, fibrae madefactæ atque refertæ carum semet convellendi energiam explicant, quampliū exterorum corporum vellicatione pungantur. Porro non pro lubito confusa haec videtur exponenda irritabilitatis opinio, quod ut in Brutis plerisque, ita etiam in hominibus tenerioris aetatis, & in omni eorum adolescentia appareat conspicua magis hujusmodi tremoris alterni mobilitas, quam in iis, quorum adulta & obdurata corporis aetas gelatinoso humore aut careat omnino, aut imminuat necesse est. Siquidem illi facile ab omnibus pene objectis percelluntur, ideoque toti aut subsultant laetitia, aut iracundia exardescunt, nec nisi magna difficultate seipso temperare, aut cohibere valent, quin vel in deletabilia quaeque rapiantur, vel ab asperis ingratissimis rebus vehementissime refugiant; contra autem in animalibus aliis rem se habere quotidie cernimus, quorum inveterata est corporis constitutio; in qua nimirum lubrica desideratur illa materies per omnes fibrarum anfractus effusa, & universae irritationis origo.

§ 145. Si igitur in Brutis eadem sit cum organiza-ta hominum machina communis vasculorum, fluidorum, viriumque animalium omnium aeconomia, nihil dubitationis reliquum superesse poterit, quominus in ipsis sensus vere vigeat ille, quo viventia quaeque a substantiis vita carentibus omnino discernuntur. Evidem non de illa sentiendi amplissima facultate loquimur, quae sensus internos singulos complectitur; quorum etiam ratio nobis seorsim disputandi copiam facient; verum eas solum in praesens vires intelligimus, quae sen-

sensus vulgo externos, ad animae sensationem usque constituunt, quorum praeterea initium tota qua ubique patet corporis viventis superficie continetur, eorumque incrementum penitiores corporis partes cerebrum usque pervadit.

§ 146. Sensus autem in viventibus duplex genus esse nemo optimis philosophiae elementis institutus adhuc ignoravit; cuius unum jucundas, alterum molestas animae comprehendenteret sensations; qua quidem in re paulo fusius ut immoremur oportet, ne illud tandem nos praetereat, quod in hoc Capite maximum est disputationis nostrae consilium. Porro quotquot sunt partium organicarum peculiares in animantibus functiones, quae ad animalis vitae statum pertinent ita in iis singulis peragi solent, ut, si aequa atque ordinata earum sit oeconomia, quin perturbatio contingat ulla, grata illico sensatio consequatur, & animal omne de sua sospitate laetetur; contra autem injucundas multiplicis generis toties in anima affectiones experiatur, quoties ex leges sint corporis cuiuscumque viventis functiones, neque singulis, quas obiter commemoravimus paulo antea, viribus exactissime ad perfectum naturae pondus obtemperent. Harum quidem praeclarum sensationum discrimen eo est in Brutis omnigenis cuique patulum, quo externa carundem signa aequa ac in hominibus sunt decretoria: quare hisce nonnisi is certe refragari debet in clarissima nostrorum temporum luce, qui, tametsi domesticis atque infinitis pene perfusus exemplis, perfecta noluerit tamen ratione optimique sensus instinctu philosophari. Haud exiguis exemplorum in superioribus

Ca-

Capitibus accersitus est numerus , unde cuiquam res patefieri potuerit ; nec minor erit deinde futurus , quum de belluarum vocibus , ejulatibus , gesticulationibus , aliisque affectae sensu aliquo mentis indiciis ad propositum multo acrius suadendum sermocinabimur . Hoc itaque in loco non alia superest nobis promovendae disputationis tuta via , quam Mathematicorum more id totum velut indubium constituere , atque ab aequissimis lectotibus , ut sepe adsolet , postulare , permulta illa videlicet laetitiae , aut contra doloris argumenta , quibus Bruta vel nunc exilire , vel aliquando angi videntur , totidem re ipsa fore intimi sensus ab anima profectas , ut ajunt , perceptiones , quemadmodum erit alibi nobis ex instituto demonstrandum .

§ 147. Quamprimum ergo hoc ipsum constituerimus , pervium maxime fore existimamus ulterius arguendo progredi , posteaquam alia quaedam non minus sapientioribus firma atque patentia hic opportune edixerimus . Scilicet non intima solum conscientia unicuique definitum esse debet , verum etiam Augustini (a) , Tertulliani (b) , atque Plutarchi (c) dictis , ab eodem principio habere iure in se hominem ut sentiat , & simul intelligat : ita nempe sensus animam petit atque unus est , ut eodem ipsa tum affiliatur ac immutetur , tum rerum omnium cognitione potiatur . Quare gravissime eos falli putamus , qui aut animam in homine ipso veluti bipartitam intelligunt , aut duplicem docent in-

tel-

(a) *Lib. de quantitate Animae* num. 58. alias Cap. 30.

(b) *Lib. de Anima* Cap. 18.

(c) *De industria Animal.*

*tellectum*, ut Peripatetici omnes mordicus tuebantur, aut ideas rerum, quas *innatas* vocant, nonnisi ab ea animae veluti portione hauriri posse contendunt, quae a sensibilium objectorum notionibus, & ab omni materiae vel umbratili schaemate disjuncta penitus est, & segregata.

§ 148. Quamobrem rite mihi videor cum Clariss. Volfio (a) posse demum argumentari; qui ut evincat bellugas non sentire solum, verum etiam suarum perceptionum conscientia spirituum more teneri, ita disputationem instituit: *Brutis perfectioribus eadem sunt organa sensoria quae hominibus, & constat eorundem eandem esse structuram, quae in organis corporis humani deprehenditur.* Nervi quoque eodem modo ex organis sensoriis ad cerebrum propagantur, & cerebrum ejusdem structurae deprehenditur, quam in humano visu distinguere licet. Nullum igitur est dubium, quin *sensibilia in organa Brutorum perfectiorum agentia eandem mutationem iisdem inducant, quam hominum organis inducunt, & motus nervis sensoriis impressi eodem modo ad cerebrum propagentur, quo in hominibus propagari solent, ut adeo species impressae, & ideae materiales eadem esse debant, quae in hominibus; consequenter dubitandum non est, quin eadem quoque ipsis respondeant ideae sensuales.* Enimvero nobis sunt *perceptiones sensibilium clarae, & distinctae.* Tales igitur quoque esse debent Brutis perfectioribus. Quoniam itaque *perceptiones clarae, atque distinctae ad hoc sufficiunt, ut rerum perceptarum sibi conscientia sit anima, quam Bruta quo-*

que

(a) *Psycholog. rational.* § 751.

que perfectiora sibi rerum perceptarum conscientia sint dubitandum non est. Quia vero, ut philosophum decet, mutila Volfii argumentatio expectari nullatenus poterat, non ipse satis proposito consilio fecisse est arbitratus, nisi, praeter mutationem in organis Brutorum sensoriis factam, consonam quoque ejusdem mechanicae mutationis cum ipsorum Brutorum sensationibus relationem scite constitueret. *Quum enim* (inquit § 754. ibid.) *istiusmodi organa sensoria habeant, qualia sunt hominibus, supra jam collegimus, quod sibi repraesentent sensibilia in organa ista agentia, convenienter mutationibus in his ipsis organis factis.* *Enimvero lex* *sensationum haec est, quam animae humanae observare tenentur: si in organo aliquo sensorio ab objecto sensibili quaedam producitur mutatio, in mente eidem inexsistit sensatio per illam intelligibili modo explicabilis, seu rationem sufficientem in illa agnoscens, cur jam animae insit, & cur talis sit: Animae igitur Brutorum legem sensationum observant.*

§ 149. Sed ex iis quae dicta sunt hactenus nihil esse videtur amplius, quod aliquem deinceps suspensum, quominus adsentiat, haerere faciat; belluas nimirum inter ea viventia censi, quae exterorum objectorum in organa sensoria appulsi sensationes in anima excitari quum experiantur, res ipsas, quarum sunt sensations, revera, perinde ac homines, percipiunt. Atqui neque sensum eorum perciperent, quae extra seiphas sunt, neque eorundem discrimen agnoscerent ullum, nisi intimum lateret intelligendi principium, ad quod universa per mechanicas vires referrentur; nisi scilicet

earun-

earundem anima sensorii cuiuslibet ministerio excitaretur, & ab iisdem veluti totidem nunciis sensationi compandae praesens fieret. Intendit se anima ita ad rem Augustinus (a) in tactum, & eo calida, frigida, aspera, lenia, dura, mollia sentit, atque discernit. Deinde innumeras differentias saporum, odorum, formarum gustando, olfaciendo, auaiendo, videndoque dijudicat .... sed haec omnia posse animam etiam in bestiis, nemo negat.

§ 150. Haec omnia quidem, ut ingenue fateamur, haud nobis videntur ad arbitrium hocce argumenti generi conficta huc usque, vel solum adumbrata; quamquam fusiori fortasse sermocinatione potuerint non inconcinne explanari, nisi & lectorum ea pedagogico stylo docere voluisse videremur, quae vel vulgaribus, ut ita dicam, philosophis pervia sunt atque compertissima, & aequos Commentariorum nostrorum fines nimium transiliendo violaremus. Sed ad multo majoris raboris argumenta convertamur modo necesse est, quae cum superioribus arctissimo sunt rationis vinculo conferta, & penitus cohaerentia. Quaerendum scilicet est, & pressa argumentatione investigandum cujusnam indolis five substantiae, ut in philosophiae scholis fertur, illud haberi principium debeat, in quo animantium omnium sensationes perceptae tenentur.

§ 151. Quod ut facilius intelligatur axiomatis instar habeamus oportet, animale illud intelligendi principium, nisi in turpissimo errore versari velimus, & ingentia in Metaphysica, quae traduntur monstra, probare exinde alia cogamur; haud ex eorum fore genere

& na-

(a) *Lib. de quantit. Animae Cap. 33.*

& natura, quae materiae concretione constant, quemadmodum usitata illa omnia sunt corpora, quorum in hoc adspectabili orbe immensus est numerus. Iam ergo si ratione tantum nobis est quaestio dirimenda, nihil esset profecto reliquum modo, quam Brutorum animas sensu, nec non intelligentia instructas, & ab omni corporeo pondere segregatas, eas inquam affirmare ediceretque spiritales; quomodo de generis humani intima substantia ubique praedicatur.

§ 152. Ista nihilominus nimium haberentur jejuna, neque illud praeclarum efficent pro spirituali Brutorum anima argumentum, quod a nobis juxta propositionem legitimo jure poterat expectari: quare sic argumentari pergamus. Quae belluarum anima materiae cujuscumque expers esse statuitur, ejus item operaciones ulla nequeunt ratione cum corporeis naturis copulari: quippe percipiendi vis corporea aut materialis intelligi prohibetur, quin ipsa pluribus integralibus constare partibus itidem intelligatur; sive quin totidem in illa distinctae sint motiones, quot ad perceptionem efformandam postulantur. At quis, nisi vesana mente deceptus hoc sibi comminisci unquam poterit? Vel enim quaelibet earum integralium particularum, in quas ponitur vis perceptiva reipsa posse secari, seorsim ab aliis sumpta, vi percipiendi praedita est, vel hac virtute penitus est destituta. Non primum dicere fas est: etenim si quaelibet illarum particularum, seorsim ab aliis sumpta posset percipere, quaelibet ex aequo tota esset perceptio: porro nisi percipiens illa particula constitutatur integralibus catere partibus, instauratur iterum ar-

gu-

gumentum, & ad infinitum, ut ajunt, usque producitur. Non deinde secundum dici valet: si namque nulla illarum partium, divisione posita, vi percipiendi pollet, tota quoque substantia ex illis conflata, eadem vi penitus careat necesse est; quum ab inertibus, ex veteri philosophorum adagio atque experientia teste, fieri nequeat totum integrale vi activa donatum.

§ 153. Haec, nisi fallamur, quod tamen impossibile existimamus, adeo sunt pressae acriterque prolata, adeoque etiam Brutorum caussae juxta praecognitum scopum accommodata, ut, nisi dementes homines aut stupidi, nulli sint futuri, qui tam apertae demonstrationi velint immerito repugnare. Spiritalis est igitur belluarum anima; neque nos ab hac demum ferenda propugnandaque sententia deterret, quod aliqui adhuc sint reliqui, qui eidem pravo potius partium suarum affectu, quam veritatis instinctu contradicant. Etenim ut nulla foeditas sine amatore, quod vetere proverbio docemur, ita nullus error sine probatore fuit, quem saepe sophismatibus atque clamoribus omnino futilibus multi commendarint.

§ 154. Spiritalis inquam, neque ex eorum genere sive fluidorum, sive solidorum corporum, quorum proprietates a philosophis ad discreta quaedam capita plane redactae ita materiae naturam contemplantibus offerunt, ut si iisdem carere res quaelibet menti rite cogitanti obversetur, quae suimet indole tum aliquid esse, tum per se se operari inveniatur, continuo haec disparis plusquam intelligi valeat naturae esse decernatur; ac propterea spiritus nomine eam appellant qui-  
cum-

cumque neque rem adhuc neque nomen, materiam inter & spiritum, medium scire neverunt.

§ 155. Sed haec omnia fusius hisce in Commentariis persequi non debemus, ne suo preventur jure & commendatione qui hominum animos non tam spiritales, quam aeterno sempiterno duraturos invictissime demonstrant ex instituto nostrorum & superiorum temporum Metaphysici Scriptores. Iam vero si materiae cuiuslibet proprietates; scilicet extensionem, divisibilitatem, inertiae vim, motum, figuram; cum mentis humanae viribus, affectionibus & officiis scite isti comparant, atque inde licet invitatos ac reluctantes homines eo pertrahere conantur, ut materiam neque aliquid agere suapte natura posse, neque cogitare fateantur, sed spiritum in homine existere, qui motu cieatur suo, nulla profecto ratio prohibet, quin assentiri debeamus, vivendum animantium principium nonnisi actuosum esse spiritum, omniumque sensationum & operationum moderatorem; eadem quippe utrobique paria momenta hoc ipsum unicuique ratione non abutenti ita suadere videntur, ut repudiari ullo pacto sine maxima sapientum reprehensione non possit.

§. 156. Sed antequam hujusce capitinis vela contrahantur omittere certe non debemus sine magna vel inscitiae vel negligentiae nota eorum explanationem, quae morborum atque eversarum sensationum haberi solent in animantibus caussae, quorum superius ut in duo suprema genera partiendas fore innuimus, ita mentionem fusiori stylo habituros conceptis verbis fuimus ibidem polliciti. Primum de *nonnaturalibus* eorum principiis,

de *praeternaturalibus* agemus deinde, atque omnem  
demum hujusc Capitis argumentationem absolvendam  
satagemus.

§ 157. Quod primum spectat scribendi propositum  
dubitare profectò absque rationis injuria non possumus,  
vehementiores potissimum affectus sive pathemata ita in  
organica viventium corpora perniciissimo ferri motu, ut  
illa aut nimium aequo constringant, aut dire convellant,  
aut etiam a suis functionibus perturbent. Ab iis animi  
curis exempla primo petamus oportet, quibus ut fidem  
luculentissime conciliemus necessum fore haudquaquam  
arbitror Recentiorum testimonia (ut fieri a nonnullis  
aliquando adsolet) congerere multa: vel ipsa siquidem  
diurna in singulis ferme hominibus nocturnaque expe-  
rientia, & magni insuper Galeni doctrina de dicendo-  
rum veritate satis superque definit (a). Quae vasa &  
fibrillas a nativo eorum diametro pathemata constantissimis  
naturæ legibus coarctant, timores, & mestitiae  
sunt, aliaque hisce analoga, quae passim anxietates ap-  
pellantur. Contemplari facile eos valemus, quos curae  
illae divexent: horum nempe corpus mirum in modum  
extenuant, perpetuisque vigiliis conficiunt. Viribus ita  
confactis ciborum nullus appetitus accedit, & macies  
toto corpore patens: quae ut immutata sensationis atque  
irritabilitatis principia decernunt, ita gravioribus etiam  
morbis aditum parant. Etenim febres persaepe accen-  
dunt, nativum calorem extinguunt, & melancholiæ  
solent augere, quæ quo diuturnior dominabitur eo plus  
peri-

(a) *Aphorism. Lib. II. Com. 28. & Lib. III. Com. 31. & de tuenda sanit. Cap. II.*

periculi afferet atque incommodi. Tantus demum membrorum supervenit languor & macies, ut ipsa paulatim extabescant; quibus nisi tempestive consulatur, animal ab omni recuperandæ sanitatis spe sejungi, eodem Galeno (*a*) suffragante, debeat: scilicet, affecti ea ratione, & lacerfici quandiu novis in dies morborum incrementis fatiscant, biliosa quaedam humoris copia in ventriculum defluere consuevit, quae sane molestiam patienti assert adeo injucundam tamque pertinacem, ut non prius a maestitia & cruciatu cesseret, quam supervacanea illuvies illa vomitu fuerit ejelta. Horum affectuum perdurante vehementia artus universaque pene corporis membra contrahuntur & rigent, pulsus tum arteriarum tum cordis minimi ac maxime imbecilli sunt, tremor supervenit, vox interrumpitur, & vires denique convelluntur omnes. Quamobrem ob timorem, ingentemque moestitiam nonnulli repentina morte interiorunt, quod nimirum imbecilla suapte natura animula multorum simul symptomatum sub valido affectu oppressa, confertim extincta & suffocata fuerit; quemadmodum luculenter docet Galenus (*b*): quorum etiam id genus eventuum insignia reperi poterunt apud Plinius (*c*) & Stephanum Athenensem (*d*) exempla. Universa haec & singula, quae obiter attigimus, incommoda absque inversae animalis aeconomiae discrimine

l 2

con-

(*a*) *Aphorism. Lib. VI. Comment. 50.*

(*b*) *De Causis symptom. Lib. II. Cap. V.*

(*c*) *Natural. Historiae Lib. 7. Cap. 36.*

(*d*) *Lib. I. ad Glauconem Comment. 12.*

contingere sane non debent; quae item cum systematis totius nervosi immutatione sive perversitate fieri quum soleant, ordo proinde sensationum totus in unoquoque animali confundatur necesse est, quamprimum commemorata pathemata vigeant. Etsi vero ab iis disparest machinae animalis perturbationes contingent quum vehementis ira fervet, quantum nihilominus sensus inordinatam pertinet constitutionem, eadem utrobique ratio proposito suffragatur nostro: quippe effaerata iracundia, quae brevis etiam furor appellari passim solet, caloris sui perniciitate è corde in extremas omnes corporis partes sanguinem diffundat, atque intestino motu rarefaciat, quemadmodum praeclare docet Galenus (*a*); inde corpus immodice incipit inflammari, & exsiccari; a quo praeterea fervore febres succenduntur ardentes in iis potissimum hominibus, qui semel in seipsis conceptum ignem diu continere natura solent, aut prae hujusmodi furoris vehementia atteniti ferme ac etiam extra se positi esse videntur.

§ 158. Itaque dissimulare aut inficiari nisi pessime quum nequeamus, Bruta affectibus haudquaquam destitui posse (quomodo capite Commentariorum nostrorum Tertio ubique elucubravimus) qui ab hominum affectibus aut nihil plane, aut parum differant re ipsa, quemadmodum pro corundem varietate sensationes illorum discrepant; quas insuper patefaciunt signis admodum conspicuis; ita eorum principia disparis esse naturae dicamus oportet. Perturbari autem atque immutari ani-

(a) *De different. Febr. Lib. I. Cap. 4.*, & in *Lib. de causis morbor. Cap. 2.*

animantium fibras, pro fluidorum irritantium & convolentium discrepantia, non tantum apud omnes medicae artis cultores est in comperto, verum etiam nonnullis animadversionibus superius (§. 132. §. 133. §. 134.) aperuimus: nihil ergo reliquum supereft unicuique philosopho, quin in belluis quoque germanum, ut in hominibus recipit viget, sensum fateamur. Atque haec brevi stylo ad primum nonnaturale principium suadendum scripta satis esse dicamus: nunc alia deinceps eadem brevitate persequamur.

§ 159. Aeris ratio; quo homines & belluae simul, quae aquis innatantes non sunt, aluntur & vivunt; morbosis eversarum sensationum cauſis ad censerri perinde debet. Illius ut pro sanitate tuenda, ita etiam pro multiplici morborum genere parando operosa & ferax est virtus. Attamen nullam esse animantibus perniciōrem atmosphaeram, omnium Medicorum suffragante testimonio, dubio procul existimamus, ingratisque sensationibus procreandis aptiorem, quam quae humida, aut contra calorifica nimium vulgo appellatur. Quo utrique aeris rationi exemplis aliquot respondeamus, neve supervacanea hic opera universarum regionum, juxta uberem ejusdem varietatem, instituamus historiam, ab aere tantum Romano petendum erit ad rem nostram argumentum. Ejus dilucidam exhibet narrationem celeberrimus Georgius Baglivius (a), cuius etiam verba haud importuna fore arbitramur. *Aer Romanus, septem Collibus Orbis Dominis hodie interclusis, natura humidus est, & gravis: experimento namque constat, quod si quis*

*pau-*

(a) *Praxeos Medicae Lib. I. Cap. XV. §. 3.*

paulo longius a frequentia tectorum processerit, quan-  
dam caeli gravitatem atque intemperiem manifesto con-  
cipiet. Salibus vitriolicis, & aluminosis potissimum a-  
bundat; ut ex plantis, quae in eodem vegetant, mi-  
neris aluminis & vitrioli, & aquis solum Romanum  
irrigantibus deducimus. In saluberrimis Austris, Afri-  
ci, atque Euronoti flatibus obnoxius. Ab aestivis ca-  
loribus interdum tantopere exardescit, ut mirum non  
videatur, si, Coss. Lucio Valerio Potito & Marco Man-  
lio, pestilentia orta sit in agro Romano, ob siccitates  
& nimios solis calores, teste Livio Lib. V. His aliisque  
de caussis infra dicendis, incolae Urbis temperamento  
praediti sunt melancholico, sulfusco & nonnulli sub-  
pallido cutis colore, habitu corporis macilento potius  
quam pingui. Levi de causa capite officiuntur, & iis  
morbis potissimum subjacent, quos aeris gravitas solet  
producere; sicuti sunt pulmonis vitia, febres malignae,  
cachexiae, pallores vultus, incubus, tabes, & confi-  
miles. Porro aer Romanus squallidus quoque est, &  
insalubris, non quidem omnibus in locis, sed iis po-  
tissimum, quae deficientibus aedificiis pigro atque im-  
moto aere sordescunt: multo magis si Tyberi adhae-  
rent, vel, vallium instar, montibus obsepiuntur, aut  
exhalationibus subjacent, quas veteres parietinae cry-  
ptae, & antiquorum aedificiorum rudera emitunt.  
Ex quo patet Regionem Circi Maximi inter Palatinum  
atque Aventinum sitam, omnemque illum campum,  
qui inter Aventinum ac Tyberim, Portamque Ostien-  
sem jacet, plane noxiā esse, & damnabilem. Haec  
diserte Vir ille insignis de aeris Romani effectibus in

me-

medium effert, cuius deinde caussam longius repetere ntitur paulo inferius (a). Inde vero colligitur, iisdem aut similibus obnoxia fieri viventia quaeque animantia, quae infecto aliorum Orbis locorum caelo inspirando exspirandoque nutriuntur. Haec inpraesens, quantum ad aeris perniiciem attinet, attigisse sufficiat; nunc reliqua nonnaturalia malorum initia festinare debemus, quibus demum suprema consequatur argumentatio ex singulis theorematibus absolvenda.

§ 160. Cum caeteris id genus morborum caussis copulari jure debet magna illa plus aequo sanguinis humorumque circulantium copia, a qua premuntur saepe animantium vasa, violenterque cum molestia distenduntur. Is nimirum perpetuus est naturae conatus, ne viventibus liquidorum circumgyrantium defit aliquid, neve contra iisdem ipsa vascula cum excessu ut ajunt inferciantur. Quantitas liquorum (ita fidem facit praeclarissimus Auctor Baglivi (b) paulo ante laudatus) determinata est in quolibet temperamento; debet enim esse proportionata, & aequilibrata cum corde impellente, & cum partibus per quas pellitur: si excedat, vel deficiat, statim mutatio nascitur in oeconomia animali. Hac de caussa quando excedit, ac proinde solidorum superat resistentiam; uti succedit in succipennis, & sanguineis; natura per haemorrhoidas, vel per narium haemorrhagiam eandem minuit. At plenioris hujusmodi non semper natura ipsa opitulatur, neque propterea quod supervacaneum in corpore animali circuit

(a) Ibidem §. IV.

(b) De Fibra Motrice Lib. I. Propos. I.

cuit, ac nexum est foras prodeundi facilem sibi aditum parat; quinimo, si impedimentum intercedat aliquod, quominus quae in temperamento superfluunt valeant natura adjuvante exonerari, pessima consequuntur incommoda, ut, ipso Baglivio teste (a), ab unoquoque experientia comperiuntur. Juvenes nimium sanguinei (ita animadvertisit), nisi haemorrhagiis in juventute subleventur, corripiuntur febribus, fistulis ani, pectoris inflammationibus, & mille id genus, nec non sputo sanguinis; quibus viis redundans a nutritione sanguis exoneratur: qui idem sanguis, quoniam in pueris in nutritionem impenditur, dictis malis non subjacent. Quamobrem non ipse solum cavendum esse docet, ne quo natura velit prohibeatur effluere, verum etiam sinnendam liberrime, neque a caeplo fluxu supprimendam quoquomodo, Medici universi (b) commendant. Infinita apud Auctores funesta legimus exempla intempestivo suppressi in aliqua parte morbosí sanguinis, vel alterius liquoris. Nam quum pleno alveo per ea feratur loca, & jam solutus sit a compage reliqui sanguinis boni, necesse est ut effluat quæ primum caepit fluere; aliter, retrocedendo interiora versus, vim facit incredibilem. Sic Iuveni prope Collegium Mattheaeum in Quirinalis radice, ubi sunt Viridaria Pontificis, bae-

mor-

(a) *Ibidem.*

(b) *Vide inter reliquos plures Victorem Faeventinum Pract. Mag. Tract. II. Cap. 15., Galenum Lib. III. de hum. commend. ad Text. 26. Cornelium Celsum Lib. I. cap. 3., Prosperum Calenum Lib. de atra bile, ac Rodericum Fonsecam Tom. II. Consult. cons. 85.*

*morrhagia laboranti, suppresso sanguine per cucurbitulas spleni applicatas, ibidem sequuta est inflammatio.* Viro prope Collegium Urbicum de Propaganda Fide in Foro Hispanico ad radices Pinci, suppressa haemorrhoidum evacuatione, sequuta est apoplexia laethalis. *Mitus sanguinis periodicus, ac menstruus incaute suppressus laethalis fuit ex Salmuth. Hist. 47. Cent. 3.* prout videre est apud Etmullerum Tom. I. Prax. Fol. 309. ubi plura hujus generis recensentur exempla. *Ulceræ imprudenter clausæ, mille mala pernicioſa parvunt.* Hinc saepe succedit, quod fluidum licet excrementitium, si per vias sibi proprias evacuari non potest, locum sibi faciat per vicinas. Ob id Monialis Pontavina per sex menses ischuria laborans vixit comode, quia quotidie sudabat in abdomen, teste Etmullero Tom. I. Prax. fol. 314. Haec tenus scriptor egregius & quidem apposita oratione adiscendens (a).

§. 161. Ad idem morborum ingratarumque sensationum principium facillima sermocinazione refertur cohibita Venus, quae vel voluntario caelibatu, vel testium amputatione turgescit. Neminem eorum latere debet philosophorum, qui sunt in Anatomiae ac Zootomiae scientia aliquantis per versati quam dira dominentur in iis animantibus symptomata, qui vel deliberatione Veneris cursum compescere velint, vel naturae necessitati ob evirationem debeant subjacere. Istis videlicet contingere solet; Oribasio (b), Arculano (c),

Hie-

(a) *De Fibra Motrice Lib. I. Prop. II.*

(b) *Medic. Collect. Lib. VI. cap. 37.*

(c) *In Lib. IX. Rbasis cap. VI.*

Hieronymo Mercuriali (a), Ludovico Mercato (b), Roderico a Castro (c), aliisque Veteribus Testibus caeteroquin fide atque observantia dignissimis; ut quamprimum ad pubertatis annos pervenerint, & definita quae-dam virium momenta fuerint ea vitae aetate consequenti, a reliquis peculiare infra spermatica vasa decurrens fluidum secernatur; quod ut generationi peragendae a natura est potissimum institutum, ita irritatione sua fi-bras corporis convellit, easve constanti lege vehemen-tissimis stimulis pungit, si, eodem compresso, aut in caeterorum fluidorum circuitum transire, aut forte, quod deterius esset, stagnans illud fieri adigatur. Lu-etuosa nimium exempla id genus ab experientia non de-sunt plurima, quibus item ea subiiciantur, quae tum laudati nuper tradunt scriptores, tum Daniel Senneg-tus (d) pluribus exhibet luculenter.

§ 162. Alterum non minus grave spectare merito possumus in animalibus quibusque pro vario eorundem genere perturbatae sospitatis exordium; alimentorum scilicet omnigena natura, quibus ad vitam tuendam at-que ad animalem aeconomiam in recto officio continen-dam abuti illa non deberent, nisi in deterius amitten-dae salutis vellent adduci discrimen. Quamquam vero existant plura, quae perdendis potius quam alendis ani-mantibus sint consentanea (in quo quidem exploratissimo

ve-

- (a) *De Melancholia Cap. singulari.*
- (b) *De Mulierum affectionib. Lib. II. cap. 4.*
- (c) *De morbis mulier. Lib. II. cap. 3.*
- (d) *De Melancholia Virginum, Monial. & Vidua-rum Lib. I. Part. II. cap. 13.*

veluti axiomate universi conspirent) huc tamen illaque abire videntur permulti, quum de specifica, ut ajunt, ciborum pravitate statuenda res est, & disputatio. Aliorum tantum inter se diserepantium opiniones propterea attingam, quo Scriptorum hocce in negocio discordia detegatur. Quod lacuum fluviorumque pisces attinet, Franciscus Bonfuetus (*a*) eos velut ad aequam animalis succi elaborationem admodum noxios studio & vicibus reprobat omnibus; contra autem Paulus Jovius ille percelebris rerum Italicarum Historiographus ab ea exitiali universitate lampretas putat excipiendas, quas mirum in modum commendat, eorumque insuper que-  
titur, quos iisdem tanquam pernicioſis noverit adversari (*b*). Celeberrimus Dom. Johannes Blanchius Arimi-  
nensis (ob cuius nuperrimum interitum, quo nunc tem-  
pore hasce elucubrationes absolvimus, ardentes exo-  
riuntur controversiae, neque tamen altiorum litterarum  
culturibus prorsus indignae) non lacustres solum pisces,  
verum etiam marinos promovendae hominum incolumi-  
tati existimat consentaneos; eosque praeterea suis qui-  
busdam permotus argumentis terrestrium Brutorum car-  
nibus prachabendos esse arbitratur (*c*): hisce autem A-  
riminensis Philosophi placitis quod modo objiceret jam-  
diu protulerat Gomesius (*d*) qui marinos fluviatilibus ad  
rectam animalium functionum methodum antistare san-  
civerat. Par, aut dissimile parum nobis occurrit cele-

brio-

(*a*) *Lib. de Aquatilibus.*

(*b*) *De Piscibus Fluvialib. cap. 34.*

(*c*) *Discorſo del Vito Pittagor.*

(*d*) *De Sale Lib. I. cap. 22.*

briorum etiam Scriptorum inter se dissidium, quum de herbarum, pomorum, aliorumque id genus vegetabilium, ut inquiunt, ratione differere aggrediuntur. Aequo longior hic esset tamen singulorum invicem contradicentium hac super re historia, si tantundem hic scribere, ut paulo ante, vellemus. Inter eos, qui vegetabilium quorundam viatum tanquam ordinatae animalium constitutioni adversum, adsperrnantur & damnant, Galenus unus nobis esse valet, qui multa arborum germina, Brassicas, Legumina, aliasque fructus hortenses propterea vituperare legitur, quod in eos haec omnia nutritios succos secerni plerumque soleant, qui aequabilibus sensuum operationibus haudquaquam cohaerent (*a*). Ipse quoque magni nobis momenti Author & testis est ut credamus (ut ad aliud alimenti genus oratione transgrediamur) carnem quadrupedum quorundam, & potissimum bubulam ob perdifficilem eorum digestionem nonnisi melancholie aliisque morbis ingenerandis idoneam inveniri (*b*). At quid haec cum Brutorum prava sanitate consertum habent atque commune? Magnum tamen, ut putamus, ex hisce omnibus, quae hactenus praehabenda esse curavimus, argumentationi nostrae praesidium peti posse constabit; quam idcirco in Capitis hujusce calcem consulto conjectam nemo sapiens jure poterit parvipendere. Antequam vero eidem absolvendae consulamus alterum ex *nonnaturalibus* Caput enucleare tantisper studeamus.

## § 163. Prae-

(*a*) *De locis affect.* Lib. III. cap. 7.

(*b*) *De Alimentor.* Facult. Lib. III. cap. II.

§ 163. Praetermissis itaque silentio caeteris, quae superessent adhuc aperienda, animalis inconstantiae capitibus ad *uonnaturalia* perinde pertinentibus, postremum adeamus, quod in ciborum excessu situm tradunt. Nihil est profecto, quod homini & Brutis exitio magis esse valeat, quam si a perdendis hac de caussa aut minuendis naturalium sensationum viribus non sedulo cauteatur. Nemine quippe Medicorum diffidente competta jam satis experientia est, multo plures extitisse a conditis hominibus usque adhuc, quos crapula atque effraenis cibi potusque ingluvies praecoci interitu abstulerit, quam qui fuerint a multis saeculis, jure ne an injuria, aliena vi aut armis interfecti. Propterea Plinius animadvertere docet, & scite admodum ipse retur, plerosque generis humani morbos non tam ab uniformi esculentorum copia, quam ab ipsorum varia & multiplici natura in ventrem simul ingestâ erui legitime potuisse. Ab esculentorum diversi generis intemperantia ortum ducere existimavit Fernelius (*a*) cur tot insperatae apoplexiae contigerint, cur tot perinde prematurae senectutis incommoda jamdiu fuerint inter homines multiplicata. Apposite censuit proinde Cornel. Celsus (*b*), multo majus iis obvenire contra sanitatis aconomiam certiusque detrimentum a calore, a frigore, a laboribus, aliisque vitae humanae ponderibus, qui in omne sunt crapulatum genus effusi, quam quibus mensa frugalis est & castigata ingluvies. Consula-

tur

(a) *Pathemat. Lib. I. cap. 14.*

(b) *Lib. I. cap. 2. De Medicin.*

eur propterea Santorius (a) unde manifesto dignoscatur quid boni a sobrietatis methodo pendeat & quantum animantibus ex adverso officere valeat aepulis inferiri. Atque pauca haec veluti delibata proposito satis esse nostro aequus lector non invito animo ferat: tametsi & singula quae brevi calamo protulimus uberius scribi potuissent, & alia non inutilia *nonnaturalium* principia pari stylo compleri. Utrumque nihilominus vi quodammodo coacti silentio praeterimus, atque ad *praeternaturalia* convertimur.

§ 164. Itaque morbi animantium, atque symptomata, quae aliunde fluere dicuntur, quam ex *adiaphoris* principiis hactenus enucleatis, ea singula esse decerni solent, quae ab animalium functionum laesione, abolitione, imminutione, atque depravatione potissimum pendent. Atque haec vel inde solum cuique possunt satis praeclare ostendere quot quibusque malis eorumque successionibus quocumque animal pateat, quamprimum intestina hujusmodi vitia dominantur. Hisce accedunt praeterea eorum laesiones, quae in animali corpore aut retinenda sunt, aut contra excernenda; si nimirum utraque quantitate, qualitate, loco aut tempore peccent. Porro a depravatis id genus veluti fontibus pene impossibile dictu est quantopere saeviant incommoda animantibus ingratissima, quae omnem aut pene omnem sensationis atque irritabilitatis statum ordinemque pervertant, easque in anima efficiant perceptiones, quae toto, ut ajunt, genere ab aliis discrepare sentiuntur, quae aequabili, ut par esset, sanitati consentaneae censentur;

que-

(a) *Static. Medic.* 12. 52. 88.

quemadmodum animadverti exinde poterit. Horum non pauca sensibus etiam apertissimis perspici discernique valent, quum nempe vel visu icterum, chlorosim, guttam rosaceam, erysipelas, tumores; vel auditu raucedinem, stertorem, singultum, ructus, murmura, flatus, aut crepitus; vel olfactu sudores, urinae, oris, ulceris foetores; vel caeterorum sensoriorum ope alia multa aegri corporis argumenta iis similia comperimus. Hacc tamen hactenus patefacta uberiori sermone, atque ex professo, ut inquiunt, ea complectitur peculiaris Medicinae pars, quae Pathologia nuncupatur, a qua nihilominus ampliora eruere modo prohibiti sumus, ne magis, quam fas est a potissimo scribendi scopo digrederemur.

§ 165. Ab utroque ergo malorum fonte profecta haberi merito poterunt quaecumque in posterum in Brutis permultis detegenda nobis erunt deperditae, aut infirmatae incolunitatis argumenta: quae tamen ita persequemur, ut indiscriminatim ab uno in aliud simus transgressuri. Etsi vero inter *praeternaturalia* morborum mortisque principia Venena etiam soleant computari, ea nihilominus ad rem nostram hic parvipendere idcirco voluimus, quod non omnibus animantium generibus nexia sint atque mortifera, & quae eorum unianecem afferunt, alteri sint medicamini aut alimento. Amigdalae amarae (ut rem exemplis illustremus) si non prosint universis, nulli simul nocere plerumque solent: eae tamen volucribus Canariensibus subitum gignunt interitum, juxta Durrii animadversiones (a), si illis aliquan-

(a) In *Ephemer. Academiae Naturae Curiosor. Decad.*  
*II. An. I. Observat. 156.*

quando vescantur: Ipsa item semina intestinorum vermes quam cito interficere testantur Eruditorum Lipsiens. Acta (a). Verum haec minoris sunt pretii, neque proinde a potiori orationis scopo digrediamur.

§ 166. Volatilium itaque mox facta a nobis obiter mentio sermonem pro re nata quodammodo compellit, ut ab Accipitrum morbis exordiamur. In hisce quidem multiplices sunt adversae sanitatis conflictus quos singillatim describunt, praeter alios Veteres Scriptores, Petrus Crescentiensis (b), & Plinius (c). Deterior vero omnium morbus, quo male animantia quaeque affligi valeant, febris nempe, Accipitrem haud raro aggreditur; a qua tametsi flagrantissima ipsum plerumque ejus venae sectione, quae sub ala dextera latitat, convalescere faciunt, quotquot id genus avibus curandis peculiarem havant operam, ac venationis sunt cupidissimi.

§ 167. Quemadmodum Accipitres, ita & Falcones, qui de avium rapucium perinde sunt genere alkalescentium humorum vi febres saepe sepius corripiunt, quibus ad aegrotantium statum cum vitae discriminis perducuntur. Etenim qui prius bene valentes, alacres in sublime attollebantur, praedamque unguibus effaerati atque exultantes coarctabant, omnem deinde sanitatis speciem dimittunt, quamprimum vel minus certa febribus impetus indicia anteferriri videantur. Comperiri autem possunt evidentissima ejus argumenta, si animal tremere, alasque relinquere pendulas, & caput deorum

sum

(a) Tom. XV. pag. 409. An. 1720.

(b) Lib. X. cap. 6.

(c) Histor. Lib. XIX. cap. 7.

sum languens ferre incipiat. Plumae praeterea tenues illae, quae sub mentum desinunt, barbae instar, contorqueri solent, atque eo plerumque tempore ut cibum resquere conspicuntur, ita etiam calentes admodum persentiri valent, si cujuspiam manibus per omnem corporis superficiem attrectentur. Alia item recensentur mala, quibus Falcons ipsi identidem laborant; ut apothemata, vertigines, tumores, oculorum suffusiones, asthmata, ventriculi vitia, podagra; quibus etiam accedunt plura, quae fuse haberi in censu ab iis solent, quorum est accuratum sanandis Brutorum vitiis studium, atque ingenium.

§ 168. Ne vero cunctos singillatim sub distinctis capitibus Avium quorumcumque languores persequamur brevitati nostrae accommodatius fore existimamus excerpere multa, atque in unum veluti sinum colligere, quae ad diversa volucrum genera pertinere scripserunt Veteres, & nostri etiam de singulorum Brutorum aegritudinibus Tractatores. Pavonem cumprimis, qui ad gallinaceum genus vulgo refertur, iisdem ferme omnibus obnoxium esse vitiis, quibus caeteri Gallinarum pulli laborant, affirmat ab experimentis Columella (a): horum autem vitiorum cognitionem assequi liquido poterunt lectores, si deinceps scribendis mentem vel hilum admoveare voluerint. Phasiani itaque commune cum pluribus ejusdem generis ferre coguntur incommodum, pituitarium nempe, ut ajunt, humorem, quomodo latius constare posse videbimus. Quemadmodum eas Aves male se habere, ita remediis quibusdam convalescere pos-

m

fe

(a) *Lib. I. De re rustica cap. 28.*

se testis est Palladius (*a*), quem neminem hisce etiam  
in rebus adsperrnari debere praeclara suadet auctoritas.  
*Coturnices epilepsia* saepe prosterni ac divexari praete-  
rea norunt omnes, qui eas vel volitantes viderit ali-  
quando. Frequenti diri hujusce in easdem symptomati-  
cis experientiae accedit Galeni laudatissimum testimo-  
nium (*b*); qui illius caussam quoque proferre conatur,  
quum epilepticam vim Veratro sive Helleboro accepto  
refert, cuius passim *Coturnices* sunt avidissimae. Ut ve-  
ro alia hujusmodi de volucribus dicere prosequamur  
praetermitti Gallorum Gallinarumque vitia singula de-  
bent, quae non pauci Scriptores litteris commendant  
suis; potissimum vero quae tantopere noxia appellatur  
pituitae copia, cuius medicamen perspicue exhibet ce-  
lebris ille de Arretina Natione Andreas Caesalpinus (*c*):  
quare Columbarum mala persequi non tam brevi cala-  
mo praestabit. Harum maximum varioli appellantur,  
quos sedulus Petrus Crescentiensis circa oculos ex ori-  
ri tradit (*d*) mense praesertim Augusti. Si Herodoto  
fides esset adhibenda lepra insuper inter Columbarum  
morbos enumerari deberet; atque idcirco Persarum le-  
gem quandam, & bellum aeternum hisce avibus, ma-  
xime albis, indictum consignat memoriae, quod hujusmo-  
di lue infici illae quandoque possent (*e*). Hoc ipsum ta-  
men

(a) *Lib. I. De re rustica cap. 29.*

(b) *In Com. Lib. VI. Hippocr. De Morb. Comitial. Tex. 36.*

(c) *Lib. III. De Plantis cap. 13.*

(d) *Lib. IX. cap. 90.*

(e) *In Elio: Lib. I.*

men pro commentitio habere propterea debemus, quod nonnisi ab eodem Scriptore traditum legamus, neque item experientia doceat Columbas reipsa leprosas, aliove simili purulento vitio maculatas. Quod aves attinet canoras, quae in caveis domesticis voluptatis ergo solent enutrir, tametsi varia illae patientur incommoda, comitiali tamen morbo frequentius coripi videntur. Cardueles, Lusciniae, Passeres Canarienses, & aliae hujusc generis ejdem subjacere malo, una experientia satis superque docet, quin Scriptorum suffragia inquiramus. Corvi item, Plinio referente (*a*) ab aestivo tempore in autumnum morbo confluentari cernuntur, alvi scilicet profluvio: Cotnices scabie & lepra male haberi identidem tradit Porphyrius (*b*); quorum praeterea morborum causam tum maxime operari, & mortem etiam iisdem parare diserte enarrat Aelianus (*c*), quum illae carnibus vescantur, quas lupi ore attigerint aliquando, ac suo infecerint halitu, sive saliva. Gracculi tandem, & Accipitres (ut volatilium aegrotantium historiam absindamus brevitati prospecturi) morbo epileptico frequenter prosternuntur, quemadmodum Jacobus Dalechampius (*d*) gravissimus Auctor est; eodemque capi idcirco utraeque Aves illae creduntur, quod veluti extinctae ex arborum tectorumque culminibus in terram praecepites ruere passim videantur. Sed antequam quadrupedum aliquorum aegritudines paucis tradamus ne-

m 2

cesser

(*a*) *Lib. XXIX. cap. 3.*(*b*) *Libro de abstinentia ab animalib.*(*c*) *Lib. VIII. de animalib. cap. 46.*(*d*) *Comm. in Plin. Lib. III. cap. 22.*

cesseret fore rebusque pertractandis opportunum existimamus tantisper ex dictis sermocinari, qua interim ad extremum disputationis propositae scopum facilior aditus pateat.

§ 169. Universa itaque animalium vitiorum, & multiplex origo, quibus satis pro nostra brevitate fecisse superius rati certo fuimus (§ 157. § 159. § 160. § 161. § 162. § 163. § 164.), si rem penitus contempleremus, adversus sanitatis integrae conditionem ideo agunt, ferrosque morbos in animantium corporibus efficiunt, quod vel fluida sint per se se, vel in liquida chylosis ope convertantur, quae acribus, salinis, biliosis, vitriolicis, atque aluminosis particulis sive moleculis nimium abundant, quae nativa figura in membris viventium solidapleraque extimulent, dividant, atque erodant; aut alia efficient praeterea, quae animae torquendae solum aptissimae sunt dum organizatae machinae partes varia ratione immutantur, earumque fibrillae & vascula quaeque tenuissima percancelluntur.

§ 170 Attamen nihil melius aut conducibilius rei propositae perspicuitati fore autumamus, quam si ex celeberrimi Philosophi Caroli Bonneti *de Corporibus Organizatis* meditationibus nonnulla delibemus, quae ut corpora quaeque organis instruta, ita etiam omnes animantium machinae quomodo rite enutriantur & incrementum capiant digito veluti monstrant. Ipse cumpromis quantum ingeniosa, tantundem verosimiliori philosophandi ratione universa augeri animantium corpora, & ad aequam usque magnitudinem vitiumque reparacionem pertingere spirituum, sulphurum, salium, necnon

aque

aquae & terrae subsidio ab eodem Clatiss. Viro concipiuntur (a). Horum porro elementorum temperata mixtione succi illi elaborantur nutritii, quibus tota animalium sospitas continetur; contra vero sanitas laedatur oportet quam maxime, si humores, quibus Bruta & homines in valida incolumente servantur, etherogenis virulentisque moleculis inficiantur. Quum itaque Corporum organizatorum fibrillae arctae primum constrictae, & retis instar involutae suis interstitiis paulatim a saluberrimo nutritio succo occupantur, non tam incrementum, verum etiam jucundam animantibus praebent sensationem (b). Atomi praeterea, ipsius magni Viri iudicio, quae ex benefica spirituum, sulphurum, salium, aquae & terrae natura conflantur, tribus fluiditate sua compositorum generibus praebent alimentum, fluidis nimirum & solidis iis, quae vocat inorganica, ac solidis tantum organicis (c). Atomi quoque, quae fluidorum ope solidis organicis vigorem parant & incrementum, tum a specifica earum figura, magnitudine, & qualitate dependent, tum a varia Corporum organicorum censeri debent textura, cur quae evolvuntur in viventibus partes ab eorum pristina exiguitate ad nativam magnitudinem demum perveniant, & sanitatem eo magis amplificent (d). Scilicet non in singulis animantium Corporibus eadem reperitur fibrarum textura; quippe alia reticularibus sunt instructa fibrillis, quae latiores

funt;

(a) *Ibidem Cap. II. §§ 3. 4. 10.*

(b) *Ibidem § 13.*

(c) *Ibidem § 85.*

(d) *Ibidem § 84.*

sunt; contra nonnulla existunt, quae angustiorem praebent succo nutritio transitum: non eadem est in omnibus insuper spirituum, sulphurum, salium, aquae, & terraee figura, quae fibillis, ut evolutio recta compleatur, recte cohaereat. Tanta itaque nutritii succi varietas ita per organica solida circulationem absolvit, ut pro varia eorum textura, & reticularium fibrillarum ordine aequem vario, dum paulatim ejusdem succi secretiones fiunt, animantia ipsa aut amplificantur & crescant, aut a vitiis organorum morbis convalescant. Ex qua insuper theoria consequens esse putat Vir ipse eximus, secretionis organa eo diametro a natura fuisse condita, ut propterea peculiarem sibi succum hauriant, quod illius molecularum figurae se habeant congruentia omnino, & ad invicem cohaerentia (a). Elegantissimam hujusmodi oeconomiam depingit, quum secretoria organa liquorem semper absorbent sibi analogum, quae experientia demonstrante, panni sericei aut lanei (quamprimum in vas aliquod multiplici succorum mixtione repletum immergantur) non aliud singuli ex tot ad se adtrahunt, nisi illum, quo prius fuerant imbuti.

§ 171. Animantium igitur aegritudines, organorum incommoda, & quae inde consequuntur molestissimae animae perceptiones aut venefica fluidorum natura exortiuntur; quod nempe nutritii humoris secretio saepe depravetur ab aere, alimentis, a nimia sanguinis copia, aliisque principiis; aut quod non omnes fluidorum moleculae organorum diametris & variae texturae bene respondeant; unde proficiuntur necesse est multiplices illi

(a) *Ibidem* § 85.

illi aegrotantium hominum & Brutorum status, quibus arte medica tametsi quandoque consulatur, plerumque tamen ob rerum meliorum & Physices abditioris ignorantem irrito prorsus conatu morborum vim frangere aut propulsare aggrediuntur, qui se medicinae professores esse, non re quidem, sed verbis solum gloriantur. Verum haec satis fuisse arbitramur in praesens, ut ab incepto animalium aegritudinum labore tantisper quiesceremus; nunc autem institutum earundem cursum repetamus.

§ 172. Inter omnia, quae variis subjacent morbis, Bruta, dubioprocule qui censerit debent, a quibus etiam quum aegrotant certiora eorum signa petuntur. Eleganter Virgilius aegrotantium equorum statum paucis complectitur versibus (a).

*Labitur infelix studiorum atque immemor herbae  
Victor equus, fontesque avertitur, & pede terram  
Crebra ferit, demissae aures, incertus ibidem  
Sudor, & ille quidem moriturus frigidus: aret  
Pellis, & ad tactum tractanti dura resistit:  
Haec ante exitium primis dant signa diebus:  
Sin in processu caepit crudescere morbus,  
Tum vero ardentes oculi, atque adtractus ab alto  
Spiritus, interdum gemitu gravis; imaque longo  
Ilia singultu tendunt; it naribus ater  
Sanguis, & obseffas fauces premit aspera lingua.*

Haec sunt potiora in equis febrium acutarum indicia, quas Vegetius epidemicas plerumque esse arbitratur. Attamen si eidem non solum, verum etiam Pelagonio,

Bu-

(a) *Georgic. Lib. III.*

Busio, Theomnesto, Columellae, Plinio, Petro Crescentio, Absyrto, Hierocli, aliisque permultis Mule-Medicinae magistris fidem accommodemus, tot plura sunt equinae incolumitati adversa, quae a pabulis, ab aquis, aere, aliisque nonnaturalibus nec non praeternaturalibus caussis prodeunt, ut illa singula vix complecti in praefens valeamus. Equi cum primis varios hauriunt morbos lassitudine, aestu, frigore, vel si post concitatiorem motum confessim bibant, aut si, quum steterint aliquatenus, ad repetendum cursum extimulentur: qui tamen non equis solum, verum iis etiam pecudibus, quorum solidae sunt ungulæ, communes esse dicuntur. Quae vero istiusmodi Brutis peculiaria ferme sunt incommoda obiter sat erit recensuisse: scilicet capitis dolores, ventris atque intestinorum cruciatus, nervorum laesio, oculus cruore suffusus, ejus inflammatio, lippitudo, caligo, atque albugo; dentium dolor, tonsillæ, haemorrhagia, strumæ, tussis, strangulio, asthma, lumbri- ci, nephritis, stranguria, mictio sanguinis, tumor testium, urinae difficultas, artritis, podagra, atque, ut reliqua pene innumera praeteremus, langium in cava- da, a quo nimicum veluti a cancerosa pravitate caudæ pili, & ossa defluunt atque marcescunt.

§ 173. Ovillum pecus, post equorum mala summatim enumerata, suis non caret aegritudinibus. Ipsum febris faepe correptum, earumque signa tradit diserte Virgilius (*a*). Pestilentiae item venefico infici halitu testatur ibidem; quem *ignem Sacrum Scriptores vulgo dixerent*. De ovium hujusmodi epidemica lue egerat

Se-

(a) *Georgicor. Lib. III.*

Seneca (*a*); quam nimium grassantem in Pompeis celebri Campaniae Urbe oves invasisse adeo ipse docet, ut sexcentarum ovium grex inde fuerit exanimatus. Hujusce caedis causam ab aere praeferit frigido, & ab aquis etiam merito putat esse repetendam; a cuius philosophandi ratione neminem arbitramur fore dissidentem. Quae alibi eodem Seneca referente olim contingere, eadem anno Christi 1552. visa fuisse Vierus enarrat (*b*) in Lucensium agro circa Pagum Menapiam; in quo nimirum tam ferox grassata est in oves contagiosa tabes, ut mortuae repente conciderent, & earum sanguis, si nudum contigisset hominem, anthraces illico produceret. Praeter oves ipsas, morbo comitiali capreas etiam misere obnoxias esse praeclarissimam fidem facit Hippocrates (*c*), quem conculere quisque pro lubito poterit. Alia plura morborum genera ad oves pertinentia persequuntur Aristoteles, Columella, Albertus Magnus, aliquique deinde Recentiores de Arte Veterinaria Tractatores, quorum tamen neque verba neque scita proficeruntur, ne brevitatis fines excedamus.

§ 174. Porcorum greges suis afflictantur ex aequo morbos eventibus, quorum genera pleraque enumerat potissimum Aristoteles (*d*). Raucedine saepe laborant, qua, eodem affirmante, maxime fauces maxillaeque inflammantur: sed idem malum vel qualibet alia corporis parte contrahi potest; jam enim plerumque in pedem,

(a) *Natural. Quaestio[n]n. Lib. VI. cap. 27.*

(b) *De Praestig. Daemon. Lib. VII. cap. 28.*

(c) *Libr. de morbo sacro.*

(d) *Histor. Animal. Lib. VIII. cap. 21.*

dem, alias in aures incumbit. Putrescit protinus membrum, & ulcus serpit, donec ad pulmonem deveniat; quo tacto, mors sequitur. Tam late patentis incommodi caussam affert autem eodem loco; quae profecto non videtur esse negligenda: scilicet fues raucescunt potissimum anno, quo montes abunde tulerint, & pinguisimi sint. Ipsos praeterea pulmonarios fieri, atque spleneticos luculenter docet Columella (*a*); quorum item morborum caussam a diversis repetit initiis: quippe primum evenire ait, si suillum pecus somnos aestivo sub sole captet, alterum vero fieri in magna siccitate. Toto vero corpore non tantum ob ciborum inopiam seu parsimoniam in iisdem Brutis macei dominari, verum etiam si ipsi coitu prohibeantur, qui in Venerem, ut alibi (§ 100.) diximus, sunt ardentissimi, idem nobis est Auctor. Tussi quoque anhela corripiuntur aliquando illa, quae totum eorum convellat concutiatque corpus; quemadmodum loco laudato Virgilius hisce verbis afferat. ,

„Tussis anhela fues, & faucibus angit obaesis.

§ 175. Boum latissimum per armenta quaeque genus febribus, perinde ac quadrupedia alia multa, haud raro torquetur. Earum quae sint certissima indicia, quaeve caussae non a philosophis, sed ab experientia atque a bubulcis solum necesse est ut exponamus: etenim quotquot boves iisdem febribus aegrotari contингunt, omnem respuere cibum manifesto conspicuntur, deorsum toto capite nutant, lacrymantur, sordescent oculis, horumque cavitates altius depressae cernuntur.

Qua-

(*a*) *Lit. VII. cap. 10.*

Quatuor vero definiti febrentium boum vulgo a Mulo-Medicis solent physica principia; immoderatus nimirum labor, aut si contra otio nimium in stabulis diffluant; frigus, aestus qua tempestate utrumque supremis gradibus polleat, ac si demum absque intervallo ullo post diurnam exercitationem continenter exactam cibus iis potusque praebeatur. Gravissimum tamen illud teterimumque malum existimatur, quum pecus hocce contagiosa lues adoritur; cuius aliquando tanta est tamque saeva pestilentia, ut ejus non pauci inter arandum, tametsi pingues, sospites, viribusque exultantes, subita morte exanimes saepenumero concidant. Graphice suo more Virgilius eodem, quem superius commendavimus Libro, rem carminibus exhibet, ejusque caussam indiget videtur; cuius tamen verba, ne brevitati obsint, consulto volumus praetermittere.

§ 176. Haec de quadrupedibus nonnullis, etsi atque illima historia a nobis scripta fuerint, aequus lector nihilominus animadvertat loco huic ita fuisse omnino consentanea. Nunc igitur restat, ut antequam graviora sermonis propositi momenta colligere studeamus illud potissimum statuatur, quod cum antecedentibus copulatum praeclariorē dicendis lucem valeat conciliare: scilicet nutritium illum succum, cuius paulo superius mentio saepe a nobis est habita, haud alium sapientioribus in arte medica Viris posse jure videri, quam lympham, serum, sive gelatinosum quendam humorem, cuius haustu, ut animantia cuncta aluntur & crescunt, atque in optima incolumitate perseverant, si ad componentium elementorum aequilibrium diu ille servetur,

ita

ita contra ipsa morbos experiuntur multos, quamprimum ab equabili eorundem elementorum aggregatione desciscat qui gelatinosus humor est appellatus. Porro in salutiferam hujusmodi naturam idem in anima i machina ab alimentis permultis ideo secesserit, quod, teste Clariss. Geoffroy (a), *omnia mixta ex animalium familia desumpta succum gelatinosum continent, ex sale falso ammoniacali, & oleo crasso constantem, qui ex eorum pellibus, carnibus, ossibus, aut cornibus ebulliendo cum aquae uberiori copia, sub gelatinæ vel glutinis specie extrahitur.* Quare ipse dicere legitime prosequitur quod rei nostræ bene est accommodatum: *ab hoc gelatinoso succo parum differunt sanguis, serum, & lympha.* Hisce vero animadversionibus illae etiam accedunt, quae a celeberrimo & eximio Philosopho Hermanno Boheravio (b) in eundem humani Corporis nutritum liquorem factæ leguntur his verbis: *Serum hoc (ita inquit) saporem blandum, occulte salsum habet, odorem fundit ingratum.* Ex quibus verbis facile colligitur, non parum in hac serosa substantia tum salis ammoniaci, tum volatilium spirituum contineri, qui aliis flogisticis moleculis commixti non recensita solum saporis odorisque phoenomena explicant, verum etiam (si in definito contineantur aequilibrio) membris omnibus alimentum præbent consentaneum.

§ 177. Ampliora supra quam censi ab unoquoque valeat supereffent de terrestrium, ac volatilium Brutorum morbis vel obiter attingenda; quae nihilominus

elu-

(a) *De Materia Medica Tom. I. cap. 5. pag. 25.*

(b) *Elemen. Chemiae Tom. II. Part. II. pag. 192.*

elucubrare certe prohibemur, ne legentium plerique nobiscum jure succensere cogantur. Quisquis itaque ab instituto efflagitaret nunc nostro, ut Piscium quoque vitia opportune explanarentur, illud se petere una simul ostenderet, quod vel summis accuratissimisque Virtutis factu impossibile visum haec tenus fuit. Si non nihil conjecturis indulgere fas est iis, quae non umbratili inituntur argumentationi, primo dicamus necesse est, ea tum maxime aquatilia aegrotare posse, quum aquam simul & aerem respirare feruntur. Horum numero ad censeri ea plerumque solent, quae ut de Caetaceorum sunt genere, ita respirationis opus absolvunt pulmonum & asperae arteriae praesidio, quemadmodum homines, & quadrupedia universa. Quare Balenae omnes, ut Plinio Auctore (*a*), siphone quodam in frontis vertice a natura donatae aquam ore haustam rejiciunt, atque in sublime efflant quaquaversus, ita easdem aerem etiam respirare arguento est apertissimo, quod saepe saepius summis aquis erectoque capite huc i lac fluitare, atque ita somnum capere conspiciantur: cuius rei perinde fides propterea augetur, quod ipsae matis belluae facile suffocationis discrimini committantur, si diutius sub aquis detineantur, quin aeris quoque inspirationi exspirationique in earum pulmonibus relinquatur locus atque facultas. Consulatur apposite Rondeletius (*b*), quem primum fuisse omnium nemo refragatur, cuius studio patefactum sit quomodo aspera arteria in easdem Balenas mirifice disseminetur. Quamobrem haud illegitime

(a) *Lib. IX. cap. 6.*

(b) *Lib. III. de Piscibus Marinis cap. II.*

time nobis inferre posse videmur, caetaceos Pisces suis affligi, probabili cuiquam philosopho opinione, sanitatis detrimentis, iis quidem similibus, quibus obnoxium esse ob variam aeris temperiem universum animantium genus alibi asseruimus luculenter (§ 159.)

§ 178. Quum vero Pisces universi sanitatis mune-  
re, ut Bruta omnia, gaudere debeant a natura largito,  
suis quoque contrariis ipsam labefactari opinemur ne-  
cessa est; tametsi in quibus sint constituta ignoremus  
plane. Latissimus sospitatis vigor tum primum aquatilia  
cuncta animantia comitari cuiquam appareat, quum cor-  
pore toto fleti exilentes, & per quaecumque aquarum  
spatia discurrentes pro suarum fibrarum vi, elasticitate,  
& orgasmo conspicuntur. Supervacaneum est enarrare  
quae quantaque sit in eorum singulis natandi currendi-  
que celeritas: existunt nihilominus ipsorum non pau-  
ca, quae non tantum natare sed etiam volitare incre-  
dibili pene virium nisu dicantur. Qui sint prae aliis po-  
tissimum tam valida pisces fibrarum elasticitate instru-  
eti Plinius (a) verbis hisce consignat: *Loligo etiam vo-*  
*litat extra aquam se efferens; quod & Pectunculi fa-*  
*ciunt, sagittae mode.* Alia insuper piscium genera tan-  
tudem firmissimo valere corporis totius jactu tradit  
Rondeletius paulo antea laudatus (b), eademque ita re-  
censet: *Vidi equidem birundines marinas ad lapidis*  
*jactum extra aquam in aere volitasse, & milvos, &*  
*mugilum genus alatum.* Hujuscce rei locupletes sunt  
testes, qui ad Herculis columnas navigant, quo in lo-

co

(a) *Lib. IX. cap. 29.*

(b) *Lib. IV. De Piscibus Marinis cap. 8.*

*co* *birundines multae volare videntur.* Plura ibidem de Exocaeto saltante, nec non de Salmone aquarum fontes citissimo i<sup>c</sup>tū petente docet, quae facillima lectione in eodem consuli possunt. Quis vero omnium maxime ad pernicissimum motum sit expeditus ex aquatilium regno universo Plinius (*a*) diserte hisce verbis prodit: *Vele-*  
*cissimum omnium animalium, non solum marinorum,* est *Delphinus, ocior volucre, ocior telo: ac nisi multum* *infra rostrum os illi foret, medio pene in ventre, nul-*  
*lus piscium celeritatem ejus evaderet.* Ejus robur item,  
& facilis semet jaculandi in sublimiora navium usque  
fastigia potestas (praeter alios quos saepe laudavimus  
Auctores) ab Aeliano (*b*) scite admodum commendatur.

§ 179. Verum qui ha<sup>c</sup>tenus levi solum, ut ajunt, vestigio Brutorum aegrotantium historiam hinc inde excerptam delibavimus nostra summopere interesse tandem aliquando debebat, ut ex praehabitis supremum illud colligere latissima argumentatione satageremus, quod fuit potius Capitis hujusc<sup>e</sup> consilium. Omnium itaque animantium naturales quae passim functiones dicuntur, quum duabus maxime legibus peragantur inter se admodum adversis, inde nobis propterea acriora sunt petenda sermocinationis nostrae momenta. Scilicet viventibus sensu donatis, atque ad percipiendum instructis sensus duplex contingere genus alibi exposuimus, quod invicem haudquaquam cohaeret (§ 146.): hoc autem fieri idcirco inficiari non possumus, quod a principiis utrumque pendeat inter se pugnantibus, quorum unum

vi

(a) *Lib. IX. cap. 8.*

(b) *Lib. XII. De Animal. cap. 12.*

vi sua aequabiliter, alterum vero tumultuariò corporis  
 viventis fibras artusque commoveat. Caussae porro hu-  
 jusmodi per se se operantur, & organa tum hominum,  
 tum Brutorum idecirco immutant, quod utraque habeant  
 a nativa conditione mutuam in excipiendis immutatio-  
 nibus analogiam (§. 131.) Viventis igitur animalis stru-  
 ctura omnis fibrillis mollissimis & admodum irritabili-  
 bus constans, aut ordinate percellitur, nec non humori-  
 bus irrigatur ubique salubribus (§ 137. § 138.); atque  
 inde voluptuosae ad animam deferuntur sensationes; aut  
 causticis, ac irritantibus fluidis vasa eorumque orificia  
 tanguntur, unde diversis impellentium liquidorum quum  
 legibus obtemperare adigatur, dispares necesse est pro-  
 pterea ut anima ipsa ab animali aeconomia tam arcto  
 nexu dependens, invito animo percipiat sensationes.  
 Utrumque nihilominus perceptionum genus rigentibus  
 ac semet contrahentibus musculis elasticitatis vi, &  
 principe cordis motu semper administris perfici debet  
 (§ 138. § 139. § 140.). Sensationum igitur caussae om-  
 nes a sanitatis ac morborum principiis haudquaquam dif-  
 ferre inter se posse videntur: quippe animantium epi-  
 positus hujusmodi status a varia membrorum irritabili-  
 tate ortum ducat, cuius opera sibimet natura continen-  
 ter similis & aequabilis efficit, ut quae ab ipsis animan-  
 tibus aut pro delectabilibus appetendis conquirendisque,  
 aut pro rebus dolotificis posthabendis fugiendisque e-  
 xercentur nonnisi huic uni utriusque invicem adversi  
 conatus latissimam vim referant penitus acceptam (§ 141.)  
 Si ergo in Brutis eadem vigeat irritabilitatis facultas  
 (§ 143.) eademque perinde in istis detecta jamdiu fue-  
 rit

rit cum organizata hominum machina communis vasculorum, fluidorum, viriumque animalium in ambobus perceptionum generibus oeconomia (§ 145.), unius proinde sensationis ab altera belluae ita sentientes discrimen agnoscent; utpote quae a diversa prorsus causarum virtute sui corporis organa sentiant immutare. Harum quidem praeclera sensationum discrepantia eò est in Brutis omnigenis cuique patefacta, quò externa extundem signa (de quibus inferius uberiori differere calamis pollicebamur) magis decretoria fore afferimus (§ 146.)

§ 180. Iure igitur affirmemus oportet, singulas Brutorum functiones, quas superius commemoravimus (§ 135.) eorum membrorum exercitationibus perfici, in quibus aut sensus aut irritatio solum, aut utraque vis dominatur (§ 142.). Hujusmodi autem virium exercitatio à dupli principiorum *nonnaturalium*, & *praeter-naturalium* genere omnino pendere merito dicitur (§ 136.). Quamobrem si caussae utrinque in Brutis operantes aequabilem haud invertant naturae methodum, muscularum omniumque organorum nisus illud efficiet deletabile, quo homo incolumis magnopere gaudet: pecudum siquidem flospitas ab iis pendet singulis sanitatis momentis viribusque plane comparibus, unde hominum vigor & vitae constantia definitur (§ 135.)

§ 181. Bruta igitur a rectae sanitatis finibus discedere coguntur, & alias pati sensationes solent injundas atque dolorificas, quamprimum gelatinosa lympha immutetur illa, cuius beneficio, ut animantia cuncta aluntur & crescunt atque in optima incolumitate per-

severant, si ad componentium elementorum aequilibrium diu ipsa servetur, ita vicia quamplura consurgunt ut primum ab aequabili eorundem elementorum aggregatione desciscat (§ 176.). Inficitur autem, atque immutatur illa, quum ejus per arteriosos lymphae ductus circulatio ita perficitur, ut non ut antea singulis machinae animalis partibus saluberrimum praebeat affluxum, sed suis potius moleculis acribus, salinis, biliosis, vitriolicis, atque aluminosis vasculorum eorundem internam superficiem extimulet, dividat, erodat, atque alia efficiat praeterea, quae animae torquendae solum aptissima sunt (§ 169.) Quum neminem itaque ex dictis haec tenus latere amplius debeat, ab animi pathematibus (§ 157.), ab aeris varia atmosphaera (§ 159.), a magna plus aequo sanguinis humorumque circulantium copia (§ 160.), a cohibita Venere (§ 161.), ab omnigena alimentorum natura (§ 162.), a ciborum excessu (§ 163.), & a quamplibus reliquis (§ 164 § 165.) morborum principiis pleraque (nisi omnia dicamus) petenda fore sanitatis detrinenta, inficiari proinde nulli profecto fas erit, ab iisdem caussis serosi ejusdem humoris omnem proficiisci reipsa immutationem; a qua demum omnis perinde fluit naturalium functionum perditio, aut imminutio.

§ 182. Sed haec, nisi forte fallamur, non adeo perspicue proposita videri nobis certe poterant ad extremam ex constituto consilio sermocinationem, nisi alia quaedam è Physiologiae Scientia loco huic admodum consentanea peterentur. Horum primum (quemadmodum caetera deinceps) ut a Medicorum nemine in su-

spi-

spicionem adducitur, ita nobis certissimum manet; arteriosos scilicet lymphae nutritiae ductus; tametsi universis corporis partibus satis congruum deferant robur & incrementum; non aqua tamen largitione efficere, ut membra humorē sibi; quomodo & Physici loquuntur; absque ullo discrimine gelatinosum assimilent. Solidae videlicet humani & belluini corporis partes in duo genera secernuntur; quorum unum illas ambit, quae regulari cavitate donantur, ut ossa nonnulla venae, arteriae, aliique ductus humoriferi, alterum vero, quod eas complectitur, quae hac cavitate a natura privantur, ut fibrae omnes carnosae, membranaceae, & quae sunt reliquae in tota machinae structura. Pro varia itaque solidorum textuta, & fibrarum situ quaedam adtrahuntur per immechanicas vires è gelatinoso humore moleculae, quae dilatandis reficiendisque artibus apte respondeant; quemadmodum rem perspicue experimento sunt assequuti Viri Clariss. Wanswieten (*a*), & Hallerus (*b*) in ossea substantia, quae frangi contigerat: testantur ipsi nimirum, è quolibet ossis confracti puncto gementem succum quandam fuisse spectatum, qui paulatim, sufficienti soliditate comparata, par satis per se fuerat ad pristinam continuamque segmentorum duritatem tribuendam.

§ 183. Facile ergo captu videri cuiquam debet, cur tot tantaeque dolorificae sensationes animam torqueant hominum atque Brutorum: ab immutata nam-

n 2

que

(*a*) *Comment. ad Boherav. Aphorif. de cognoscend. & curandis morb. Tom. I. § 294. pag. 40.*

(*b*) *In notis ad Boherav. institut. § 476. pag. 370.*

que gelatinosa lympha ob quamplur<sup>m</sup> morborum principia omnes pervertuntur assimilationes, quae contra naturae ordinem operantur; ac ipsae proinde fibras, musculos, & nervos acriter, motuque irregulari vellicant, ac suis veluti spiculis pungunt per omnes corporum animalium anfractus vel tenuissimos, quā serofus ille beneficus humor in sanitatis integræ statu permeare deberet. Porro experimenta recentiora docent, ita per immechanicas vires a diversis organici corporis partibus alentem lympham in sui adtrahi beneficium sive perniciem, ut ossae, musculares, alteriusve generis partes peculiaribus quibusdam sibique accommodatis vestiantur a natura membranis, per quarum poros, veluti per cribros totidem secretarios, eae solum molecularum trajiciuntur portiones, quae aut unicuique augendo visceri, aut ipsi contra male habendo, pro peculiari materiae ratione, sint apte cohaerentes. Id compertissimum fore universi medicae facultatis testantur cultores in multiplici illo fluidorum genere, quae per membranas veluti cibrata sub bilis, salivæ, urinæ, succi gastrici, aliorumque plurium nominibus designantur. Quae praeterea in pluribus tumoribus, qui *Cistici* appellantur, materia depascitur purulenta, non aliunde repetenda est, quam ē membrana illa, quae *Cisti* dicitur; per cuius porulos moleculæ quaedam a reliqua teri massa secernuntur, quae demum in tumidam coeunt superficiem vitioque carnem reddunt obnoxiam. Mirum quidem est quantam necesse sit in hisce extirpandis diligentiam adhibere! Etenim ut optime expendit celebris Daniel Sennertus de re medica inter Veteres

teres benemeritus (*a*), si vel exigua hujuscē membrinae portio, post extirpationem, supersit adhuc, satis per se est ad novam tumescētis carnis materiam iterum producendam.

§ 184. Gelatincsa igitur seri substantia, quae ubique Brutorum per organizata corpora assimilatur, ut benefica apte est, & delestabilibus sanitatis sensationibus animae reddendis idonea, quum prece est elaborata, ita contra, si in eodem seroso humore vitium cōrēpat aliquod, tam acriter grāffatur, ut solida quaque paulatim perdat, aut emaciātū corpus efficiat, omnesque proinde eorum sensations dolorificae fiant & injucundae. Porro existunt plura, quae Physicorum communi sententia impediunt, quominus gelatinosus humor in pristina salubritate diu perseveret, quorum pleraque superiorius attigimus (§ 157. § 159. § 160. § 161. § 162. § 163. § 164.). Acerrimus nimirūm, & causticus, aut etiam nimium aqueus succus exprimitur, qui vel interna ad animales functiones vasa ulceribus absūmit; quemadmodum in *Tbisi* evenire omnes norunt; vel partes cuti solum contiguas eredit; ut contingit ex Sennerti animadversionibus (*b*) in multiplici Graecorum *Lepra*, nec non in Arabum *Elephantiasī*; vel demum, quia solida aquae humoris copia nimium sunt distentae ac debilitatae, nequeunt proinde niti, ut stagnantem quodammodo, in minimis praefertim tubis, liquorem expellant, & per circulationem ad aequām densitatem perducant: ex quo noxiū humoris confluxu, aut Hidrops, aut Ede-

ma-

(a) *Medic. Practic. Lib. V. Part. I. cap. 35.*

(b) *Oper. Medic. Tom. II. Lib. V. Part. I.*

matosi morbi ortum habent, qui ut in homine, sic etiam in Brutis, ac, teste Clariſs. Haleſio (a), in plantis reipſa gignuntur. Quamobrem legitime inferre poſſe videmur, omnia morborum genera, quibus varia volucrum & quadrupedum genera affligi cernimus quotidiana edocti experientia, nonniſi a duobus nuper expositis supremis capitibus fore repetenda. Scilicet, si Falco[n]es (§ 167.) alkalescentium humorum vi febres aliquando patiantur, ideo ipſi diversa animae sentientis indicia praebent, perseverante aut etiam incipiente febrentis materiae orgasmo, quod nutritia lympha a molecularum ſalubri aequilibrio recesserit, & in acriorem ſubſtantiam fuerit ob multiplicem recenſitarum cauſarum rationem conversa. Eadem methodo de Equorum febrentium aegritudinibus philosophari debemus (§ 172.) atque immutatas idecirco animae perceptiones dicamus oportet, quod diversa ſint eo ſtatu muscularum irritamenta a depravatis fluidis prodeuntia, quemadmodum signa ibidem ex Virgilio exhibita fatis ſuperque decernunt. Ita etiam opinari tuto debemus quum ovillum pecus universum non tam febribus, quam pestilentia nimium misere laborare dicebamus (§ 173.). Tantundem de Suibus dicere tuto poſſumus, ſi quando inflammatoria angantur raucedine, aliove poffimo effervescentium humorum morbo (§ 174.). Ad eundem sermonis hujusce scopum converti facile poſſunt quae de Boum febribus, & lue contagiosa, & dira admodum obiter innuebamus (§ 175.): quippe, quum febris dominatur, infecta lympha moleculis suis internam superficiem va-

ſcu-

(a) *Statique des Vegetab.* pag. 274.

sculorum omnium, quæ ipsa circuit, exstimulet, dividat, erodat atque alia efficiat praeterea, quae animae torquendae solum aptissima sunt (§ 181.) Deest itaque animantibus cunctis febribus & quacunque contagiosa lue exagitatis gelatinosus ille succus ex sale falso ammoniacali, & oleo crasso constans, quem ut ex Clariss. Viro Geoffroy (§ 176.) animadvertisimus, ita incolumitati diu servande perditisque viribus reficiendis necessarium atque opportunum fore universi de arte medica optime meriti atque periti calculo testantur unanimis. Si vero iidem, qui paulo ante commemorati sunt, Falcones aposthematibus, tumoribus, oculorum suffusionibus, aliisque non admodum dissimilibus morbis laborent; si pituitario humore inferciantur Phasiani, si scabie, & lepra male habeantur Cornices, si Equi oculorum lippitudine, strumis, sanguinis mictione, testium tumore, artridide, podagra, pluribusque aegritudinibus torqueantur, quemadmodum (§ 171.) animadvertisimus; si quaecumque demum eorum morborum genera recensentur, quae paulatim prohibent, ne solida aquei humoris copia nimium distenta bene nitantur, ut stagnantem quodammodo, in minimis praesertim tubis, liquorem expellant, & ad aequam densitatem perducant; illa inquam omnia, si in animantium corporibus saepe contingent, ideo in eorum perniciem atque moerorem parantur, quod non tantum succi nutritii incongrua mixtione virulenta dominetur circulatio; quae omnem animalium aeconomiam perturbat, quae irritabilitatis atque etiam elasticitatis tantopere necessariae vires frangit; verum etiam, quod non omnes fluidorum molecu-

lae

iae organorum veluti cibrantium diametris & variae  
texturae bene respondeant ( § 171 ) Sed haec rudiori  
quam rei gravitas per se se efflagitare videbatur, ca-  
lamo & philosophia absolvisse dicemur; quamquam non  
satis nobis, caeteris autem multo minus, fecisse vide-  
mur. Omnem itaque Capitis hujuscce materiam paucio-  
ribus ita complectamur, ut eo demum urgeatur quo  
scopus scribendi noster primum spectabat.


§ 15. Bruta igitur, quum multiplicem dolorum  
sensum percipere videantur; quem repellere a se pro-  
viribus student; illud etiam se sentire testantur, quod  
voluptas tota est; cui nanciscendae diuine servandae  
cuncta eorum vota & studia videntur esse conversa. Si  
nihil itaque sensus belluis inesset, nullum perinde inter  
utrumque perceptionum genus ( § 146. ) monstrarent  
discrimen; ideoque si non doloribus moerere, neque  
voluptatibus lattari ipfi dubio procul essent dicendi.  
Quisquis haec tamen vesana cogitatione sibi comminisci  
voluerit, equidem ignoro quanam exotica priusphi-  
losophandi ratione inter sapientes Viros versari audeat,  
& sua etiam effutire colloquia. Quisnam quaeſo infi-  
ciari jure poterit, Bruta reipsa gaudiis exilire, atque  
in recta valetudinis delectatione quiescere, quae paria  
cum hominibus voluptatum principia fortiuntur? Quippe  
in ipsis irritabilitatis servantur leges, & musculi &  
fibræ omnes iisdem continentur naturæ officiis, quibus  
hominum incolumitas, vigor, & vitae voluptas defini-  
tur. Quæ ergo bonæ valetudinis constantiae, quemad-  
modum humanum genus omne, vehementi cura & ju-  
cunditate obtemperare compertissima jam experientia  
cer-

cernuntur, ipsa etiam ex adversis depravatae sanitatis momentis illa etiam percipere dubio precul cogi poterunt, quae nonnisi invito sensu, & voluntate ab anima excipiuntur.

§ 186. Jam ergo illa repetamus, quae orationi huic coronidem tribuant, & rebur extremum concilient. Quae sint constantis in animali corpore sanitatis leges, & munia; unde sensus jucundi vis ad animam pertingit; paucis complexi fuimus alibi, & praeclare exhibuimus (§ 138. § 139. § 140. § 141. § 142. § 143. § 144.): Hisce vero quamplura adversantur quotquot uberi elucubratione aegritudinum principia definivimus (§ 157. § 159. § 160. § 161. § 162. § 163. § 164.) Quum itaque utriusque corporum suorum immutationi Bruta ex naturae imperio subdantur, dubitare jure non possumus, quin in ipsis (quorum est cum organizata hominum machina communis vasculorum, fluidorum, viriumque animalium omnium oeconomia (§ 145.) sensus germani perceptio pro diverso eorundem statu efficiatur. Potro belluae, si percipient vim sensus, ab eodem principio habere in se debent ut sentiant, & simul intelligent (§ 147. § 148. § 149.); quod quidem ita ratione quemlibet urgere debet philosophum, ut non solum fateri & probare illud cogatur, quod pressae sermocinationi fuit alibi (§ 152.) commendatum, verum etiam renuere non debet, ob rectum rationis nexum, illud ipsum intelligendi in Brutis principium tanquam spiritale spectare, quod nulla prorsus materiae concretione constet, & a qualibet corporis ratione sit segregatum.

§ 187. Huc demum nostrum spectabat disputationis  
con-

consilium; quod etsi lectori acuto in primo ferme Capitis progressu satis fuerit adumbratum, & praecoci etiam sermocinatione conflatum (§ 152.) illius tamen latius incrementum a caeteris educendum existimavimus, quae rem in paeclariori lumine constituerent. Hactenus disputata quamquam magni sint ponderis habenda, magnique apud philosophos pretii, ista tamen reliqua postulant, quae sequenti Capite publico committemus judicio.



## C A P U T V\*

*Quaecumque a Brutis eduntur signa vocibus, ejulati-  
bus, aliisque doloris aut voluptatis argumentis ve-  
ram in ipsis sensationem fieri decernunt.*



Aecuare nos aut ha-  
rere suspensi certe non  
debemus, quin inpra-  
sentiarum praeclaro e-  
rectoque ingenio in  
hac ipsa disputatione  
progredi debeamus, qui  
amplissimum hactenus  
iter ex superioribus

haud interclusum fore pervidemus. Erit igitur philo-  
phi non tam gloria, quam vera quaerentis a Bruto-  
rum nostrorum signis de germana eorum sensatione mul-  
to facilius posse definire: quippe animales illorum, quae  
dicuntur functiones, cum perspicua sensus & irritabili-  
tatis natura collatae, ita iisdem quum fuerint bene ad-

judi-

judicatae ut nulla adversus eorum spiritualitatem reliqua fuerit difficultas, ipsae profecto in medium iterum advocantur, ut cum multis animae sentientis argumentis comparatae magis magisque vel invitatos ad adsentiendum vehementer compellant.

§ 189. Itaque unusquisque praestans ingenio & diligentia, qui nullum ab exterioribus actionum humanarum signis discriminem inveniat, quod Brutis etiam commune non sit, arguere facile poterit, sentire nimirum, & cogitare, & providere, & discere, & docere, & invenire aliquid, & tam multa alia meminisse, amare, odisse, cupere, timere, angi, laetari, aliaque in lucem proferre similia ita esse spiritalis animae propria, ut quemadmodum hominibus spiritus attributa idcirco est natura, sic Belluis omnibus cib eadem argumenta spiritale prorsus operationum suarum principium fuerit a supremo Conditore largitum.

§ 190. Porro nisi in utroque animantium genere, hominibus nempe atque Brutis, parem dicturi exinde fuerimus intercedere animorum indolem sive substantiam; equidem non perspicio, cur Dicaearchus ille sapientioribus Viris debeat, ut jure contendunt, accusari, qui apud Tullium (a) nihil esse omnino animum asserebat, & hoc esse nomen totum inane, frustraque, & animalia, & animantes appellari, neque in homine inesse animum, vel animam, nec in bestia; vimque oram eam, qua vel agamus quid, vel sentiamus, in omnibus corporibus vivis aequabiliter esse fusam, nec separabilem a corpore esse; quippe quae nulla sit; nec

sic

(a) *QQ. Tuscul. Lib. I.*

sit quidquam, nisi corpus unum & simplex; ita figuratum, ut temperatione naturae vigeat, & sentiat. Ista vero quum nimium absurdum fore nemo non noverit eruditus atque cordatus, ad saniores propterea philosophandi rationem revocanda mens est, & quid de Brutorum ingenio nosse debeamus ex sensibilibus eorum indiciis patefaciendum nobis est tandem.

§ 191. Universorum igitur numerum et si complesti & percensere omnem singillatim nequeamus, quibus Bruta quid velint, & quid contra respuere conentur, apertissime ostendunt, ad duo tamen suprema genera referriilia debere brevior me dicendorum methodus admonet. Ea quippe aut voces caeteroqui inconditae sunt, & sibili, & ululatus, qui aliquem edunt articulatum oris sonitum, aut gesticulationes & diversi generis motus sunt, quorum ope satis superque ipsa Bruta declarant, eos non aliunde, quam ab aliquo mentis instinctu reipsa prodire. Quae vero voces quoquomodo ab iisdem adhibitae latratus, barritus, hinnitus, rugitus, mugitus, balatus a Grammaticis vulgo dicuntur; quibus tamen vocabulis nil aliud innuere belluae solent & volunt, quem variam loquendi rationem, quam suo more & natura fundunt canes, elephantes, equi, leones, boves, oves, aliacque pecudes, quas silentio obaequam orationis brevitatem praetermittere volumus, quum pro eorum multiplici necessitate urgentur, aut rerum sibi congruentium desiderio.

§ 192. Plura autem existunt in omni qua late patet natura Brutorum genera, quae ululatu discernuntur; quemadmodum Lupi, & Aves nonnulli; alia vero sibilis

tan-

tantum, ut amplissimum serpentium, & volucrum pene omnium regnum, in quibus utrisque tamen tantum tamque latum intercedit discrimen, ut a nonnullis uniformi sibilum, ab aliis numerosum & frequenti vocum conversione modulatum quisquis facile valet experiri, quamprimum attentiores iis accommodet aures suas aviculis etiam, quae aut nobiscum saepe versantur, aut statim transvolare solent temporibus alio turmatim commigraturae.

§ 193. Nihil de Piscibus dicere attinet, qui mutorum animantium attributo a Scriptoribus, & ab ipso rerum meliorum ignaro vulgo appellantur. Ipsi nihilominus solent, ut erimus exinde dicturi, tantundem portendere motibus permultis, eaque idcirco supplere, quae a reliquis terrestribus, & volatilibus animantibus vocis praesidio sunt. Vocibus carent utique Pisces omnes; neque tamen, si illis istae aliave id genus similia desint, hoc propterea putandum est, nihil eos unquam habuisse a natura, unde sensationes patefacerent suas, atque pathemata. Quare excutiendum aliquid fore videatur, ut liquido constet quid sit carere, nec quid relinquatur erroris in verbo. Ex Tullii itaque monitis (a)

„ carere hoc significat egere eo quod habere velis . . .  
 „ Dicitur enim alio modo etiam carere quum aliquid  
 „ non habeas, & non habere te sentias, etiamsi id fa-  
 „ cile patiare. Carere enim in morte non dicitur; non  
 „ enim esset dolendum. Dicitur illud in morte carere,  
 „ quod est malum; sed ne vivus quidem bono caret,  
 „ si eo non indigeret; sed in vivo intelligi tamen non

po-

(a) *Quæst. Tusc. Lib. I.*

„ potest regno carere. „ Itaque marinis caeterisque aquatibus animantibus et si vocis qualiscumque usus fuerit pro suarum necessitatium postulatione denegatus, eo nihilominus ita privari illa patiuntur, ut nihil inde consequatur, quod sibi aut moerorem afferat, aut egestatem, aut ad bona conquirenda angustiam; habent quippe tot alia a natura praefidia, quibus semet bene tuerantur a malis, & delectabilia atque utilia nanciscantur quot in reliquis terrestribus Brutis desiderari a nemine queant. Haec tamen obiter dicta volumus: nunc eo, unde coepta oratio est, regrediamur.

§ 194 Taurorum cumprimis mugitus, quum in juvencas libidine furunt atque exardescunt, tot quidem voces esse animi amore correpti indices perspicue ostendunt, quoties ipsi infensissimos alios ex eorundem genere armentis accedere vel eminus videant, qui parem in vaccas aestum explere aggrediantur. Alia praeterea signa ipsi produnt, quae nonnisi animi cogitantis acriterque affecti esse queunt. Singula completemur pro ea quam locus hic patitur aequissima brevitate, quae tum a laudatissimis Scriptoribus, tum ab ipsa saepe obvia experientia petuntur. Quamprimum ergo alter alterum cernat, uterque continuo taurus mugire incipit, cervicem jactat, & truculento obtutu tum acerrimam utrinque instate pugnam minitatur. Concurrunt ambo deinde, posteaquam pedum pulsu, pulveris jactatione, & frequenti effuso naribus spiritu seipso ad certamen provocarint: effraeni demum impetu invicem ruentes semet eosque vulneribus cedunt, quo usque eorum alteruter è prelio victoriam retulerit, & adversarium penne prostraverit.

§ 195.

§ 195. Quantum Feles insuper inter se dimicent, atque inconditis ululatibus se invicem increpare videantur, non est qui ignoret, nisi qui eas belluas aut infra suas, aut in aliorum domibus familiares viderit nunquam, vel aliquando ejulantes non auscultaverit. Eae scilicet belluae mutuis se lacertere solent contumeliis quo tempore in venerem pronae urgeri se sentiunt, & de acquirenda foemina magnopere contendunt; eorum siquidem animantium masculi eo feruntur singuli, quo natura poscente abripi extimulantur; quare & majores tunc accedunt pro comparando eorum sine conatus, quem ardentissime expetunt, & flagantiori adversus sibi similes furunt iracundia; quos felicitatis extremae putant esse raptiores. Mirum certe est quot ipsi vocum modificationibus atque conversionibus persaepe utantur, quibusque insuper versutiis semet vicissim decipere studeant, quum immobiles vultibus conversis, & saepenumero ad mutuum contactum admotis non nisi lacrymabilibus questibus fundendis intenti esse videntur! Attamen tanta vocum varietate quid nisi patefacere invicem debent, quam affectuum eorum copia torqueri, qui amorem, & quidem vehementissimum, solent vel in hominibus comitari?

§ 196. Brevi duntaxat animadversione oves, agnos, haedos, hircos spectare obvia experientia debemus, quum isti balantes auscultantur, si potissimum nutantes, incerti, atque a reliquo grege fortassis disjuncti huc illac vagentur, & per arva, perque sylvas & sociis nuncium mittere geminatis tremulisque vocibus contendant, & se una ingenti amittendae incolumitatis pa-

vore

vore correptos esse demonstrent. Aut igitur frustra, atque ad judiciorum ludificationem eorum animantium a natura signa sunt instituta, aut eadem existimemus oportet ita ab iisdem emitti saepe solere, ut non verisimilius solum, verum etiam maxime certum & exploratum inde fiat, quod hujusce Capitis scopo est omnino cohaerens.

§ 197. Nunc deinde canum voces sive latratus expendamus, eorum vero cumprimis qui venatici sunt, quive feras turmatim vestigare ipsasque etiam apprehendere nituntur. Mirum prefecto apparet quot ipsi, quum feris iisdem accessere propriis, ululatibus prae earum capiendarum servore obloqui, gannire, maledicisque increpitare soleant! Ipsi autem mirandum plane spectaculum praebere debent philosopho; qui rerum specie tantum handquaquam delectatur, sed intimam naturae indaginem quaerit; quum suas voces non in consulto aut intempestive ostendunt, easque pro temporum locorumque circumstantiis adhibere, aut etiam continere scite valent. Porro quum venationi incipienda canum ductores prospiciunt, atque ab urbe ad arva, & nemora properant illos cernere & audire fas est latratibus ita exultantes atque perstrepen tes, ut idcirco eo majori tunc temporis se effterri laetitia testentur, a qua cohiberi non possint, quo leporum, cervorum, aliarumque ferarum persequendarum operi vicinius appropinquare dignoscant. Deinde vero sua venatoribus loca sive stationes quamprimum fuerint protiori belluarum capture constitutae, canes illico concilescere incipiunt, atque ore naribusque semper ad-

terram projectis a vallibus ad montes perniciissimo saliunt transcurruntque impetu, atque ita omnes lucorum latbras invisunt, ut si qua delitescat quae sita faera fugere, & coram venatoribus huc illac dispositis transire compellatur. Sed simul ac sive lepus, sive hinnulus eruperit aliquis, atque eorundem oculis apparuerit, absque mora latratus congeminant, atque venatores admonent quid illis facto sit opus, ne ipsos ab eorum iactibus aufugere patientur. Quamobrem neminem ista intuentem, aut ab ipsis venatoribus audientem, nisi per jocum, inficiari posse cerro arbitramur, canes ejusmodi iisdem ad illa constanter peragenda impelli re ipsa virium mechanicarum conatibus, quae sint in eorum affectuum, & cognitionum ratione, ut ajunt, directa, quibus pari caeteroquin agerentur impetu homines, si pro eorum calliditate variisque pathematibus propositum sibi quemlibet finem assequi ordinatissime contenderent. Ab hisce vero exemplis digressi aliorum animantium signis Commentaria nostra eo semper illustrius amplificare nitamus, quo uberioris natura ipsa doctorum indoctorumque magistra dicendorum materiam cui libet undequaque suppeditat.

§ 198. Quod alibi Elephantorum ingenium subtile atque humano simillimum diximus (§ 15. § 59.) rebusque, & affectibus percipiendis idoneum, hoc ipsum profecto externis vocum aliarumque significationum argumentis saepe se pandere Scriptores tradiderunt iidem, de quibus temperantioribus viris nullus fuit unquam sequus ambigendi locus, quum testes harum rerum accivimus illos, atque laudatores. Bruta porro hujusmodi quantum

ho-

hominum genus amare, tantundem ab eorum infidiis  
sollicite cavere dicuntur ob magnum libertatis amo-  
rem, in cuius desiderio etiam mansueti perseverant.  
Itaque noctu suam serviendi conditionem, non baritu  
solum deplorare ex Philostrato refert Gillius, verum  
etiam luctuosa alterius vocis, non quidem interdiu usi-  
tatae, murmuratione, quam gemitibus similem diceres;  
quibus ita lamentantibus si quis forte interveniat, illi-  
co questibus moderantur suis, perinde ac verecundia  
& hominum conspectu deterrentur.

§ 199. Quamquam non sumus ignorari, multos stu-  
diose contra esse dicturos; non nos tamen ista deterrent,  
neque a scribendi proposito valent ullatenus revocare:  
quae certe vitare nullo modo potuimus, nisi nihil om-  
nino scriberemus. Verum si isthaec philosophandi copia  
multitudinis judicio solum probanda litteris consignare-  
tur nostris, caecutire nos ipsi consulto vellemus: nul-  
lum siquidem latere potest eruditum rebusque litterariis  
apprime consultum, multes passim reperiri, qui nihil  
laudent, nisi quod se imitari posse confidunt; nonnul-  
los vero existere, qui ea vituperent omnia, quorum ut  
verum adsequantur otio, & studio affectibus vacuo abu-  
ti non debent. Haec autem de Brutorum ingeniiis ab  
eorum vocibus firmissima, ut arbitramur, demonstra-  
tione petitis qui adspernetur, ab universa philosophiae  
scientia longissime abest, atque eorum hominum nume-  
ro adcensi debere se probat, quorum modo memini-  
mus. Attamen nec philosophiae hujus nostrae vitupe-  
ratoribus respondendum fore decrevimus, neque item  
minus vera quaecumque hactenus scripta patent existi-

mare debemus, quod eorundem suffragiis careant, aut forte tanquam falsa & absurdā traducantur. Caeterum si cum aequioribus Commentariorum nostrorum judicibus sermocinatio hic esset habenda, praeter illa quae haecenūs methodo & ratione duce elucubravimus, hasce perinde, quae mox consequuntur, juxta propositum, animadversiones iisdem objicere valeremus.

§ 200. Cur homines aut in temperanda voluptate, aut in cohibendo ferendoque dolore moderate agant non amplissima solum philosophorum nos docent instituta, verum etiam ab intima nostrum conscientia atque experientia erudimur. Ipsa nimur ratio atque educatio praescribit optima; ad quam persequendam nos docti, dicam ne potius, quam facti a natura; ut in utrisque extremis nimium illud caveamus, quod honestati, quod decoro adversatur. Turpe siquidem ad rationis leges bene composito cuique apparet, aut voluptatum fruendarum motus nolle compescere, earumque effraenum signa praebere, aut in doloribus exasperatas voces emittere omnemque animi abjecere constantiam, quae ipsum etiam dolorem nescio quo pacto mitiorem facit. In omnibus denique officiis vitae obeundis, quemadmodum nobis animi adhibenda contentio est, ita in omni dolore atque voluptate maxime nobis est providendum, ne quid effuse, ne quid inconcinne, ne quid abjecte, ne quid ignave, ne quid serviliter muliebriterve faciamus: aut si laetitia exultare, vel ingemiscere vocibus non nunquam forti honestoque viro concessum est, utrumque tamen fieri quibusdam obnitentibus virtutis legibus sobrie permittitur. Quid haec igitur cum Brutorum vo-

cibus

cibus seu clamoribus quaeso commune? Illud profecto commune omnino intercedere posse censemus, ut quae ab hominibus propter honestatis disciplinam exerceri dicuntur una artis sive educationis ope ab animantibus belluis perinde fiant. Itaque Bruta a capiendis voluptatibus saepe avocantur, neque ulla earum appetendarum sive fruendarum proferunt argumenta, si quando exercitata, aut sub ductoris manu degentia malle se obtemperare ostendant, quam earundem spe allici nunquam patientur. Ita dolori non cedunt, neque gemitum aut ejulatum ullum lamentabilem, abjectum, imbecillum prodere sinent aliquando, si laborare juxta educationis morem, si ponderibus premi, si asperrima aggredi forte cogantur; et si ea animi contentione non agant, quam homines honesti atque fortes ob virtutis imperium tenere consueverunt, id tamen efficient vi, terroribus, & minis adacta. Quapropter equi nitrire desinent, aut nec oculos forte in equam convertent, neque ulla libidinis explendae cupiditate commoveri poterunt, quum habenis regi atque in gyrum agi caeperint, aut quum fortassis verbera & equitis imperantis voces senserint imminere, iisque ad usitatas exercitationes vehementer urgeri. Igitur si clamores, si gemitus, si contra deletionis belluae reliquae signa varia intuentibus objiciant aliquando, ideo pro animi eorum diversimode affecti usurpari tuto poterunt argumentis, quod ab iisdem semet abstinere penitus aut temperare aliquatenus soleant, quamptimum educationis vi, seu inveterato receptae disciplinae more cohibeantur, aut in adversam ab earum sensu, & voluntate consuetudinem sequabiliter flestantur.

tur. Etenim si secus virium mechanicarum legibus, ut Automata solent, aut sanguinis tantummodo per omnia vasa excurrentis elatere atque impulsu inania illa & umbratilia doloris voluptatisve, pro re nata, promerentur indicia, nihil sibi artes atque institutiones vendicare unquam possent, quominus perpetuo atque invariabili ordine illa perficerentur. Atqui si dolorum patientiam meditemur, quum belluae permultae sub hominum disciplina gubernantur, nihil certe habet illa, quod cum ejulatibus conferri possit iis, quos saepe ac moleste fundunt ipsae, quum sibi relictae agunt pro varia externarum rerum in organa sensoria dolorifica impressione. Latius manaret haec ratio, si idem in Brutis discrimen animadvertere vellemus quum ipsa oblectamentis hauriendis intenta esse videntur. Itaque in animantibus ratio & disciplina quum illud vehementer efficiat, ut ultro nec in prosperis atque delectabilibus ipsa nimium se exultare, nec in adversis & injucundis frangi ac desperare externis signis demonstrent, jam pervium esse quis non videat, nonnisi a spirituali & spontaneo animae principio profecta illa atque manantia quaecumque a Brutis exhibentur, si quando, nullo accedente praceptoris imperio sive timore, libere omnino operentur, & se propterea effusa in voluptatibus, aut contra in aegritudinibus dolorificis intolerantia esse sensibilibus permultis testentur argumentis?

§ 201. Attamen minora isthaec quae hactenus diximus fore certo putamus, quamprimum, caeteris omnibus Brutorum inconditis vocibus ferme neglectis, articulatam quorundam loquaciam expendere tantisper ag-

gre-

grediamur, atque ad idem propositum referamus nostrum. Quae quantaque Psittaci loquantur is solum potest ignorare, qui nunquam aut eos viderit, aut cum multis sciscitantibus colloquentes audierit. Tam mira ac solemnia de iisdem traduntur, ut etsi quinaria tantum rei istiusmodi historicæ pars vera esset minimeque suspecta, caeteræ autem exceptionibus laborarent, magnum tamen nobis, & firmum omnino suppeditaret ad rem praeclare decernendam argumentum. Atqui omni carere idcirco debent censura quotquot Psittacos miranda plane loquentes descripsere, quod in litteris consignaverint, quorum est in amplissimo totius orbis eruditæ conventu insignis auctoritas, & decus illustre.

§ 202. De hac itaque ave, quæ teste Plinio (*a*) supra omnia Bruta voces reddit humanas, Caelius Rhodiginus tradit (*b*) miraculum insigne suis temporibus vatum. *Psittacus*, inquit, fuit Ascanii Cardinalis Romæ centum aureis comparatus nummis, qui articulatissime continuatis perpetuo verbis Christianæ Veritatis Symbolum integre pronuntiabat, perinde ac *Vir peritus* enunciaret. Hoc autem ingenium, ac mira in addiscendis hominum eloquii facilitas eò magis patere videtur, quo ipsa promptius ad omnia proferenda instituitur quum inter imberbes pueros ac puellas versatur, cum iisque verba miscere permittitur: quippe tanto in utrosque fertur amore, ut ob eorum discessum tum saepe lugere, tum contra alios Psittacos aemulacione seu invidentiae stimulis agi quandoque visus fuerit,

(a) *Lib. X. cap. 42.*

(b) *Antiq. lect. Lib. III. cap. 32.*

rit, si forte illi eorundem puellorum conversatione fruerentur, quos secum colloquentes non haberet. Haec autem omnia vera se comperisse testatur Scaliger (a); quinimo frequenti diurnaque experientia, & animadversione docemur, non in pueros solum ac virgunculas Psittacum amore, verum etiam caeteris hinc minum more affectibus tangit. Siquidem laetitia exultat, sibi placet, odit, ira fervet, adulatur, gesticulatur, inebriator, maeret, atque haec aliaque permulta articulatis potissimum vocibus vel simillimis decretoriis argumentis praeclarissime ostendit.

§ 203. Quamquam vero tum ex hisce hancen traditis, tum ex dicendis Capite posteriori, neminem futurum ad veritatem bene institutum suspicari valcamus, cuius in spiritale Brutorum ingenium iniqua prorsus dimicata debeat voluntas, fateri tamen ultro compelli-  
musr, atque ea consulto praeferre volumus, quae fortassis objici ab adversariis nostris jam pervidemus: Psittacis videlicet humanum sermonem minime esse conge-  
nitum, nec eos, nisi arte & solertia instituantur, hominibus esse comparandos, qui articulatam vocem a na-  
tura singuli sortiti praedicantur, ac propterea expedito  
loquendi munere fruuntur, quamprimum organorum vi-  
tia defint, & frequens sermocinandi usus accedat; cae-  
terum Psittaci aponi pene & muti nascuntur, & qui nondum cicures sunt, quum in sylvis & natalibus locis degunt, nonnisi inconditam Parrocchet vocem emittere auscultantur; & qua deinde vulgare nomen ita ipsis im-  
positum manasse conjicimus. Huic nihilominus objecto

nos

(a) Exercit. 236.

nos quidem nequaquam respondere censemur, qui illud ex industria protulimus, & cui praeterea libenti adsentimur animo; tametsi nos inde rectam argumentationem inferre certo existimemus, adversarii autem purum putidumque paralogismum educere revera arguantur. Porro humanus sermo nec ipsis hominibus censeri debet congenitus, si ille pro expedita, & libera loquendi consuetudine usurpetur; quare & homines aphoni ferme in hanc lucem eduntur: Psittaci nihilominus non sunt nobiscum certe conferendi, si eorum articulata vox, sive cum amplissima verborum copia comparetur, qua ad declarandos animi motus utuntur facillime homines, sive eorundem verborum addiscendorum rationem contemplemur. Quid inde tamen erui legitime debeat, paucis absolvi posse existimamus: minus scilicet operosum esse hominibus, quam Psittacis articulatam loquendi methodum comparare; licet tamen ut lingua exserant exercitatione utrique indigeant atque magistris. Totum itaque nos inter easdemque aves discrimen haud alibi constitui jure debere affirmabimus, nisi in eo quod vulgo in scholis tradi solet *magis & minus*. Huc item animadvertendum accedit, quod anatomicam totius capitum inspectionem complectitur, quam in Psittaco solerti experientia adornavit ediditque Vir Clariss. Ulysses Aldovrandius (a). Porro in ea, quam ipse cum humano capite detexit analogia ac simillima organorum structura, non solum rebus verbatim pronunciandis in Psittaco accommodatissimam arguit natum insignis ille Philosophus, quum a praceptoribus

aves

(a) *Ornithol. Lib. XI. pag. 639.*

aves edocentur id genus, verum etiam illas saepe saepius voces reddere exacte solere testatur sponte sua, nulloque docente, sive hominum, sive aliorum animalium, quas è trivio semel hauserint, easque frequenter repetitas auscultaverint.

§ 204. Nos tamen qui Psittacorum exempla proferre aliqua non praetermissimus, Picarum perinde nonnulla a laudatissimis Viris deprompta tradere modo haudquaquam pigebit: quae tametsi a Criticis Cartesianis aut in deteriores eorum hypotheses verti, aut inter fabulas amandati fortasse debeant, eorundem nihilominus pleraque a primoribus Auctoribus accepta cum plausu excipienda videntur; nisi temere & contra temperatores critics leges fidem non ab hominibus solum, verum etiam a summis detrahere velimus. De Romano quodam Tonsore refert Plutarchus (*a*), ipsum in officina sua Romae multorum frequentia pervulgata Picam habere solitum, quae ut voce quidquid auscultare quotidie soleret aemulabatur, ita tubarum quarundam sonitum, & numerosum fragorem, quae fortuito secus eum locum personabant, fertur quandoque imitata. Qui pridie quam tubae accessissent Picam garrulam de more audierant, postridie non absque ingenti stupore obmutescerent, atque in insolitum quendam moerorem repente conversam animadverterunt. Hujusce eventus novitate factum est, ut quisque illam prae inaudito tubarum earundem strepitu obstupefactam ferme putaret: verum contra rem se habuisse exitus patefecit. Paucis quippe in silentio diebus continenter exactis cum majori

(a) *De Solent. Animal.*

jori audientium admiratione animal illud non vocem tantum, sed & tubarum sonitum repetere, nec non earum inflexiones, tonorum immutationes, reditus, pausas; aliaque ad eos numeros pertinentia omnino ex-auditum est aemulari. Quamobrem nonnisi scite admidum argumentatur ita Plutarchus ibidem, Picam vide-licet iis silentii diebus tantum imaginationem, memoriāque exercuisse suam, quoadusque rerum praeterita-rum cum praesentibus facta collatione totam harmoniam semel perceptam aptis modulationibus repetere se posse bene sensisset.

§ 205. Ne quis vero arbitretur inscite, Psittacos omnes, & Picas, quae sunt ad hominum loquelandam in-stitutae, articulatam verborum rationem ideo proferre passim solere, quod unius consuetudinis vi, & inanimi quadam naturae necessitate flectantur, quin pro earum voluntate variisque affectibus revera urgeantur, oppor-tunum fore proinde existimamus, ut ea adeant lectores diligenterque expendant, quae de Brutorum phantasias, memoria, de rerum perceptarum judicio, deque eo-rundem argumentatione erimus deinceps postremo Ca-pite disputaturi. Inde facillimum cuique profecto erit scite pressque arguere, eadem nempe & aequa omni-no ratione Bruta omnia posse animi cogitantis & affecti vocibus aliisque id genus argumentis germana signa portendere, quibus pro lubito & necessitate sua uti so-lent Psittaci, & Picae, & quaecumque alia animantium genera adhibent in articulata quavis ad hominum simi-litudinem dictione, quae arte nostra aliquo primum e-ducatorum labore loquelandam addiscunt, atque in suam

veluti naturam deinde convertunt. Verum ex hisce ex avium genere animantibus, quae articulatis sermonibus se, & velle, & intelligere aperte testantur, ad alia nonnulla è volucrum ordine suo more loquentia Bruta transamus, antequam Capiti huic finis imponatur extremus.

§ 206. Colluriones; qued vocem eorum spectat ingeniosam, ac venationis cupidam; ad rem nostram praetermitti non debent. Horum etsi plura recenseantur ab Ornithologis genera, illud tamen lubet heic usurpare, cuius singuli pennis atro colore maculatis depinguntur, quos etiam Aelianus merulas appellat venaticas. Isteiusmodi Aves, quae natura rapaces sunt ita, eodem teste, vocem impendunt suam, ut ea nonnisi exsaturandae famis utantur necessitate, atque desiderio. Merulis affine quoddam genus est (en ejus verba (a)) venaticum & captiosum, colore atro, splendide canorum; recte ex eo venaticum appellatum, quod ex avibus sui cantus permulgione ad se allicit & capit: cuius ingenitae sibi præstantiae haec Avis non ignara eo munere, ad se voluptate & cibo explendam, uti videtur. Nam ex sui cantus auditione, & bellissimas oblectationes habet, & aucupio, & venatione proxime ad se accentuum avicularum exsaturatur. Quod si quispiam hanc captam in caveam incluserit, non modo canere omittit, verum etiam, pro servitute sua a venatore poenam silentio sumens, muta permanet atque elinguis. Nihil sane est, quod animadversionibus dignum nostris addendum videatur, si quidquam Lectoris ingenio tribue-

(a) *De Animal. Lib. XI.*

re debeamus. Quare ex reliquis, quae adhuc super-  
funt, avium paucis exemplis eodem nostrum spectare  
argumentum deinceps validiusque nitamur.

§ 207. Noctuae vocem haud hic veluti ingenii in-  
dicem expendere volumus; tametsi commode hoc ipsum  
efficere, & ad unguem perducere possemus dubio pro-  
cul; verum alia obiter hujuscce Avis signa ad rem pro-  
ferre lubet, unde orationem ad eundem scopum per-  
belle referamus nostram. Porro ipsae, sive sibi relietae,  
sive cicuratae, & ad venationem comparatae specten-  
tur; utpote vitae rapinis degendae a natura assuetae;  
gesticulatrices sunt, ac variis proinde ridiculisque mo-  
tibus corpus totum, atque cervicem frequenter in or-  
bem contorquent; nunc torvo & defixe obtutu homines  
& aviculas adspiciunt, & salutationibus prosequuntur  
inclinatis; nunc demum capite huc illac aucto scurras,  
& histriones panthomimice aemulari videntur. Profecto  
eo variis hisce gesticulationibus non alia quidem spe-  
ctant ipse ratione, quam ut fami explendae, aut aliis  
animi affectibus facere valeant satis; quemadmodum ex  
Plinii (*a*), Aristotelis (*b*), Aeliani (*c*), Bellonii (*d*),  
aliorumque suffragiis praecclare suadere, ac sermonem  
illustrare facile valeremus, nisi aliò pro instituta brevi-  
tate evocaremur.

§ 208. Nolumus consulto Corvos hic inter loqua-  
ces aves recensere, ut Psittaci nuper sunt a nobis o-  
stenisi,

(a) *Lib. X. cap. 16.*

(b) *Hist. Anim. Lib. VIII. cap. 3.*

(c) *Lib. XI. cap. 74.*

(d) *De Avibus Lib. II. cap. 24.*

stensi, & alia quedam volatilia; quamquam praestantiorum Scriptorum suffragia minime desideraremus, quae Corvis ipsis facile attribuunt ingenium, & imitandae hominum loquelae satis accommodatum (a): attamen eorundem vocem pro re nostra magnificere debemus, eamque hic usurpari necesse est, quatenus animae in ipsis cogitantis luculentum apparet indicium. Ayes porro hujusmodi voluctum omnium maxime multos fundunt clangores, & vocum sexagintaquatuor genera numerantur; quarum varietatem Porphyrius (b) in diversos illorum affectus, quibus passim praeoccupari queunt, acute referendam esse decernit. Itaque ut Lucretius (c) innuit

*Longe alias alio jaciunt in tempore voces*

*Et quum de vietu certant praedaque repugnant.*

Quum vero post nubila atque imbres coeli serenitas est adventura, quemadmodum Virgilius (d) habet,

*Tum liquidas Corvi presso ter gutture voces,*

*Aut quater ingeminant .....*

Contra quum pluviae imminent, gravem ipsi subinde crocitum modulantur, & confusum, stillarum imbrum instar, sonitum edunt; vel ut inquit Plinius (e) *veluti singultiendo latrantes carptim vocem resorbent: quem insuper latratum repetunt, si ventosa forte immineat tem-*

(a) *Vide Varro. de lingua Latina Lib. V., Scaliger. Exercitat. 237., Macrobius Saturnal. Lib. II. Cap. 4.*

(b) *De abstinen. Animal. Lib. III.*

(c) *De rer. Nat. Lib. IV.*

(d) *Georgicor. I.*

(e) *Lib. X. Cap. 16.*

tempestas ; quippe illi hujusmodi clangorum immutatio-  
ne audientes velint commonefacere , se pro alternis  
atmosphaerae vicissitudinibus perinde affici , nec non ad  
eos urgeri clamores , quos semper raucedine , & strido-  
re quodam aures caeteroqui offendentes , & accrima  
asperitate veluti radentes ipsa patiens , & philosopho-  
rum , & vulgarium experientia testatur .

§ 209. Sed isthaec tandem aliquando exempla ha-  
bitenus enarrata , aliaque innumera relinquamus Bruto-  
rum , aut voluptate gestientium , aut moerore , multi-  
plici signorum copia , dolentium , atque in nervosam  
sermocinationis vim magis magisque erigamur . Itaque  
belluae omnes sponte aguntur affectibus , quos ea-  
rum anima vi atque imperio suo potens est excitare :  
earundem igitur anima bonis nequit praesentibus eo-  
rumve opinione delectari ; aut contra malis urgentibus  
angi , tristari , ab iisque vehementissime refugere ; nisi  
voluptatis dolorisque stimulis exagitetur ( § 108 . ) . Por-  
ro Brutorum signa universa ; ut ex refractariis cuilibet  
vel magis pervicaci patefactum esse debet ; vel animi  
aequabiliter , vel inordinate affecti totidem veluti in-  
dices esse videntur ; quorum ea constantia apparent , ut  
( quemadmodum in hominibus firma sensationum oeco-  
nomia usuvenire solet ) haud ea quidem horribilia , &  
commiseratione digna in iisdem cernantur , quum aequa-  
bilis fluidorum solidorumque in ipsorum corporibus com-  
motio efficitur , neque contra illa exhibentur ab iisdem  
argumenta festivitatis , & laetitiae plena , quum anima-  
lis harmonia perturbetur , aut aliquis in ea dolor do-  
minetur . Animantia igitur sponteis motibus donata ,  
quid-

quidquid oculis, pedibus, aurium unctione, vocibus, sibilo, aliisque velut totidem instrumentis indicant, id demum evidentissime innunt, quod nobis perinde affectibus variis, corporisque immutationibus praeoccupatis solet evenire, quum iisdem aut pene simillimis utimur argumentis (§ 116.). Qua ergo ratione stimuli in nobis vigent; & quidem vehementiores aliquando; quibus nunc voluptatem libentissime comprehensam, nunc dolorificos affectus invito animo nos ferre patefacimus; eadem profecto Bruta omnia pro re nata, juxta germanam animae sensationem aut delectabilia, aut injuncta experiri tot suis testantur signis, quae hactenus magno exemplorum apparatu retulimus. Scilicet Physiologia omnis ejusque leges id habent cum hominibus bellisque commune, ut partium organicarum dispositio-nes, ac vires simul in illis acres maximeque operantes utrisque viventibus absoluta pene analogia congruant (§ 131. § 132. § 133.). Pecudum praeterea corporeae machinae, ut pene iisdem aut similibus morbis obnoxiae compriuntur, ita contra eorum fospitas ab iis pendet singulis aequabilis sanitatis momentis viribusque ferme comparibus, unde hominum vigor & vitae constantia definitur (§ 135.). In singulis autem animantibus a duplii irritabilitatis ac sensibilitatis facultate excitantur, & vigent motus non ii solum, qui vulgo necessarii dicuntur, & ab immutabili vitae animalis ordine prodeunt, verum etiam spontaneae quae passim vocantur operationes earundem virium ministerio ita peraguntur, ut anima voluntatis affectibus careret omnino, nisi utrisque adjutoribus in amorem, spem, odium

atque

atque timorem vehementer impelleretur (§ 143.) Taurorum igitur mugitus, quum in juvencas libidine fuerunt atque exardescunt, & quaecumque praeterea ipsi animi cogitantis acriterque affecti patefaciant eo tempore argumenta (§ 194.), spontanei quidem motus sunt, & ab animae lentientis profecti imperio; quos tamen sensibilitatis atque irritabilitatis stimulis accendentibus effici nemo ex physices cultoribus poterit inficiari. Feles insuper, quo tempore in venerem pronae sunt, & de acquirenda foemina magnopere contendunt, tanta suarum vocum varietate eo se ferri declarant, quo tendere natura poscente extimulantur (§ 195.). Tauri igitur atque feles amoris vim sentiunt, quam tot tantisque indicijs manifestant: in quo certe amore plura concurrunt atque immiscentur, quae a diversis irritabilitatis, & sensibilitatis viribus atque conatibus efficiuntur. Etenim cum Veneris desiderio timores, atque iracundiae efferatae conjunguntur: cum incolumitatis aut libertatis servandae cupiditate mestitiae nectuntur atque furores, quorum latissime discrepantium affectuum operatione in organa Brutorum ad diversa penitus signa permoventur ostendenda. Quantae & quam late dispare organorum eae sint immutationes, quae ab hisce variis animi pathematibus ortum habent; unde infinita propemodum petenda est indiciorum eorundem discrepancia; satis pro brevitate diximus alibi (§ 157.): quamobrem difficile modo explicatu haudquam videri profecto debet quid oves, agni, haedi, hirci sibi velint, quum balantes auscultantur si nutantes incerti, atque a reliquo grege huc illac disjuncti forte vagentur


tur (§ 196.). Facili perinde negocio caussa ex dictis in promptu esse videtur, cur canes, venatici potissimum, tam mira & tam multa proferant affectuum suorum testimonia, quemadmodum superius innuimus (§ 97.); neque item minori perspicuitatis momento intelligi explicarique a philosopho poterit, cur Elephantes nocturno tempore baritu, & gemitibus suam serviendi conditionem deplorent (§ 198.). Quae quidem demonstrata hactenus celeri nimium calamo majorem sibi lucem ad eorundem signorum spontaneitatem adstruendam sibi conciliare valent, quamprimum ea huc opportune advocentur, de quibus paulo ante (§ 200.) fermocinabamur. Si non quadrupedia tantum Bruta, verum etiam volatilia permulta iisdem ut homines corripiuntur affectibus, eorumque actiones voce articulata aliisque signis acumulantur; quemadmodum Psittaci, Picae, & Colluriones esse nuper proposuimus (§ 202. § 203. § 204. § 205. § 206.), ab iisdem affectuum principiis ita pendere debent perinde, ut nullum aut pene nullum inter utrumque viventium genus intercedat discriminem. Porro aeris ratio, quo homines & belluae simul aluntur & vivunt, morbos eversarum sensationum caussis debet adcensiari (§ 159.). Cum caeteris praeterea morborum & affectuum quorundam principiis copulari jure debet magna illa plus aequo sanguinis humorumque circulantium copia, a qua premuntur saepe animantium vasa violenterque cum molestia distenduntur (§ 160.). Reliqua deinde silentio praeterimus tum *nonnaturalia* aegritudinum tum *praeternaturalia* principia, de quibus seorsim ac singillatim egimus Capite praecedenti (§ 161.

§ 162.

§ 162. § 163. § 164.) pro rerum tractandarum necessitate. Ista porro, quae animae cum corporis aegritudine molestum constanter sensum conciliant, naturae legibus, & ipsa ab animantibus quibuscumque efflagitant, & suo quodammodo sibi vendicant jure, ut peculiaria a belluis doloris & perperam affecti animi notas quasdam patefiant: quae quidem quum firmissimo oeconomiae animalis ordine contingere debeant, ab aliis contra principiis proficiisci ea necesse est argumenta, quae ut cuiquam pervia sunt, nonnisi laetitiae & jucundi sensus censeri in ipsis belluis solent argumenta. Eorum vero Brutorum, quae ab ejusmodi principiis perperam affecta redduntur, animadvertenda sunt signa, quae quidem, pro varia suorum affectuum ratione, penitus immutantur. Etenim qui prius bene valentes & alacres in sublime attollebantur, praedamque unguibus effaerati atque exultantes coarctabant Accipitres & Falcons, omnem deinde sanitatis speciem dimittunt, & tremere, & alas relinquere pendulas, & caput deorsum languens ferre incipiunt, quamprimum febribus corripiantur (§ 167.). Horum autem vel simillium indiciorum vicissitudo in caeteris animantium generibus spectari liquido potest, quum ipsa aliis quampluribus affectibus & corporis vitiis laborare alibi ostendimus (§ 168. § 172. § 173. § 174. § 175.), quorum hic supervacanea esset prorsus & molesta lectoribus repetitio.

§ 210. Itaque, ut orationem colligamus, quemadmodum ex multiplici morborum vi illud longiori veritatum nexu inferemus, germanam in belluis reipsa

fieri sensationem (§ 179. § 180. § 181. § 183. § 184. § 185. § 186.), ita ab earundem externis argumentis illud ipsum a nobis colligendum fore omni jure existimamus, quin majori in praesens sermonis prolixitate legentium perspicaci ingenio incommodemus. Quamobrem aequissimo hujusmodi consilio consentaneum profecto fore putamus, ut supremum tandem aliquando Commentariorum nostrorum Caput aggrediamur.



## C A P U T X V I \*

*Brutorumphantasia, memoria, de rebus perceptis iudicium, & argumentatio eandem consciunt demonstrationem, quae omnem Commentariorum rationem absolvit.*



Upererat demum ad omnigenam in hocce nostro argumenti genere materiam non concinne minus, quam preesse digerendam, ut extremam huc operam accuratissime conferremus; scilicet ex belluarum operationibus, quae unius mentis propriae esse dicuntur, earum genuinus adstrueretur spiritus; eademque cum hominibus compares propterea omni praedicarentur jure ab iis saltem philosophis, qui non nomine tenus salutari existimarique patiuntur, sed altioribus iniciati germanae sapientiae mysteriis difficilia multa

prae-

praeclarissimae rationis ductu pervestigare contendunt. Caeteros autem plerosque homines Commentariorum nostrorum ideo negligimus habere laudatores, quod publicae vel domesticae rei procuratione distenti, vel aliis impliciti curis, aut ingenii tarditate crassaque minerva impediti, aut molli demum otiosaque segnitie diffluentes liberales disciplinas, quibus ista continentur, ne summis quidem labiis attigerunt; ex quo fit, ut neque satis tam subtiliter investigata percipient, aut si forte haec a philosophis audiant, optimorum quoque copia verborum explicata, vel stupidi baereant, vel temere perhorrescant, horumque Auctores de haeresis veluti crimen ad tribunal etiam accusare conentur.

§ 212. Iam ergo id genus hominibus a disputacione nostra remotis ad rem propositam convertamur. Enimvero, si ut animis, ita oculis totam simul internorum sensuum in Brutis oeconomiam intueri possemus, nulla esset profecto insatiabilior species, nulla pulchrior adspicere, ut nulla est ad rationem, ordinem, solleritatem, celeritatem, aciemque praestantier. Nulla propterea est dicendi tanta vis tantaque copia, ut satis eorum phantasiae vividam ubermque potestatem, memoriam firmitatemque, & rectum in judiciis robur eousque exprimat, quo usque iners pene, & manca habita hactenus est philosophorum eloquentia, qui profidem in homine sensibus explanandis tantopere laborarunt, quin illud feliciter praefliterint, quod rerum tractandarum difficultati apprime responderet.

§ 213. Attamen quo minus ab infirmitate sejungamur, & quae de hominum viribus traduntur litteris aequab-

belluarum hujusmodi sensibus accommodata proferamus, dicendum principio est, eam, quae in nobis est, imaginandi virtutem, cuius ad pristina animo repetenda ac veluti pingenda dominatur late libertas, easdem ferme efficere mutationes, quae primo factae fuerunt quum mens sensoriorum vehiculo rerum hausit cognitiones, eorumque discrimina intimo sensu comparavit. In ipsis ergo animantibus vel quae magis despiciuntur, tantam esse conjicere possumus phantasiae ejusmodi amplitudinem quantae capax eorum quocumque patet ad ea omnia percipienda, quae exterorum objectorum in organa appulsi menti repraesentari contingunt.

§ 214. Itaque pro ejusdem phantasiae constitutione rerumque perceptarum judicio varia, ut omnibus philosophis in confesso est, in animantibus consequuntur ea, quae animi pathemata dici vulgo solent, quorum pene omnium, quanta in homine saepe dominantur, Bruta perinde totidem adoriuntur, quemadmodum tum superioribus exemplis (§ 99. § 100. § 105. § 106.) compertum apparuit, tum afferendis etiam in posterum res erit in perspicua veritatis luce futura. Ipsa autem pathemata ab eorum cupiditate potissimum petuntur, quae tanquam optima sibique apprime consentanea fore animantia persentient; cum quibus item ita perceptis, ac concupitis ea simul mente, & imaginatione copulantur, quae iis adversa atque nocitura concipiuntur. Quare animal omne, quod bene imaginandi vi polleat, nisi prudenti ratione seipsum regere noverit tribus supremis affectuum suorum principiis; unde caetera omnia diminant animi pathemata; cupiditate nimis ira,

atque

atque timore, exagitetur necesse est. Tametsi vero non aqua omnino homines inter, & Bruta interna vigeat divexatio, neque tantum haec alternis agantur motibus, quantum generis humani conditio quodammodo efflagitat; cuius est assiduus in majora conatus, eadem nihilominus & belluas vehementer percellit; quemadmodum erimus alibi disputaturi; adeoque plerisque, & ipsae laborant incommodis, quorum est nobiscum communis consensus.

§ 215. Cum imaginationis in animantibus facultate memoria item bonorum malorumque particeps & socia esse quidem cognoscitur. Ea nempe ita rerum praeteritarum ad animam vehiculo est, ut quae delectabilia olim fuere iterum concupiscere faciat, quae vero noxia atque infensa contigere exhorrescere, & odisse suadeat. Quandoquidem hoc solum differre a phantasia memoriam omnes doceant philosophi; quod illa rerum perceptarum imagines in se recipiat, easque semel ingentias servet, & pro re nata menti celeriter objiciat, haec vero ita praeterita verset animo, ut eadem aliquando percepisse perspicue cognoscat; caeterum ad excitandos animi affectus perinde esse facilime quisquis existimat sive ab imaginatione fluant, sive a reminiscencia notiones.

§ 216. Ut ista ergo cum Belluarum operationibus concilientur necesse cum primis haudquaquam fore dicimus recentia proferre ex iisdem monumenta praeter ea, quae alibi nec jejune nec obiter omnino illustria exhibuisse non ignoramus, qui de equis, elephantibus, deque suis agebamus ( § 99. § 100. § 105. ): illa quip-

quippe satis superque ad arguendum materiae suppeditant; qua insuper ad alia animantium genera facili non minus quam aequa analogia quisque referatur. Quamobrem equorum quisquis contempletur attentissime disciplinam, & quomodo mirum in modum tantopere se se exerceant, non id quidem praesentium objectorum impulsu totum fieri poterit existimare, sed earum in cerebro idearum celeri repetitione confici, quae primo sunt insculpta, quum magistri sensibili & sepe objecta institutione edocebantur. Nisi ergo ipsis magna virtus inesset, quae praeteritorum schemata reculeret, quae eadem inter se conficeret, quaeque ad agendum ordinate hisce animantibus stimulos admoveret quodammodo, inanis omnino fuisset priorum notionum ab iis facta comparatio nec quidquam proficerent; quemadmodum evanida perinde diceretur quaecumque pro heminibus ad omnem eruditionem informatio, nisi phantasia atque memoria supremis adjutoribus atque ministris, veteribus nova succederent, hisque alia deinde, atque ab extremis ad prima ascensum, nexus, omnemque scientiarum ordinem praeclare, & distincte pro eorum voluntate possent intelligere.

§ 217. Ex iisdem, unde tota animantium dimanat eruditio multiplex quoque profecta jure dicitur pathematum ratio, quibus voluntas in tot flecti transformarique solet quot occurrere iisdem posunt appetendorum fugiendorumque rationes. Hinc ergo pervium magis efficitur cur Elephantes ipsi ea, Sues & Cervi etiam ex quadrupedibus ( § 99. § 100. § 105. ) tum Halcyones, Columbae, ac Grues ex avium genere ( § 103. § 105. )

amore ut in suos ita in homines effervescent: neque minus propterea incongruum videri certe debet quid. quid de Accipitris magnanimitate, Falconis generositate, deque strenua Gallorum fortitudine ex probatissimis Auctoribus allatum superius est (§ 106.). Ipsa etiam animantia, atque ex vario genere alia plura, ira aequa ac amore furere, & excandescere visa a nobis magno exemplorum Scriptorumque apparatu fuere (§ 99. § 100. § 105. § 106. § 107.) quorum affectum alterna, & frequens vicissitudo non aliunde proficisci habenda merito est, quam a rerum perceptarum varietate, quae Bruta in amorem, nunc in formidinem, modo vero in iracundiam aliosque affectus impellant.

§ 218. De Belluarum judicio deinde si quaeratur a nobis aliquid, quod easdem spiritales esse confirmet, ut in hujusc Capitis limine pollicebamus, rem quidem in ancipiti statu haudquaquam versari posse statim pervidemus, quamprimum haec mox scribenda cum rebus huc usque elucubratis conferamus. Omnia itaque & singula a Brutorum gestis petita, quae sincerum re ipsa mentis judicium suadere videntur; cuiusmodi illa quidem fuere, quorum saepe habita historia est; nihil ad ambigendum per se se conferrunt, si semel comperta probe fuerit in ipsis germana sentiendi intelligendique potestas, & caetera omnia si demonstrata fateamur insuper, quae acriter, ut putamus, expensa superius fuere. Nulla igitur rei propositae ratio appetit consentanea magis, & quae concinnius cum illis consona censeantur, quam ea nunc pro animantium spiritu huc ac-

cer-

cerienda curare, in quibus ad veritatem rite informati docilesque philosophi, & cavilloſi ſimul conuenire leguntur, quum pro reformando hominum ingenio leges & ſcita scriptis conſignant.

§ 219. Verum moneamus oportet, ea modo a reliquis mox dicendis exceptione digna a nobis haberi, quae judicium omne ſpectant verbis quomodolibet enunciatum; quemadmodum agere homines perpetuo confueverunt, quum vario linguarum praefidio animi ſensus invicem pandunt; quippe animantia, eti aliquid loquelaſ uſu & ope non careant; ut ſuperiori Capite viſum perſpicue fuit; iſpis tamen ſingula nequeunt praecepta accommodari; quae paſſim Logici docent, qui hominum dumtaxat mentem ſibi iſtituendam ad philoſophiam proponunt.

§ 220. Caeterum judicium animi aetus ille censetur, quo, pluribus rerum notionibus ſimul comparatis, unum de alio animal quocumque cogitans vel affirmare, vel negare deliberat; ſive etiam uſuvenire ſolet, ut iſdem collatis unum, contrariis inter ſe affectibus, vel amplectatur, vel repuere conetur: quod quidem, ut Brutis omnibus conuenire propediem monstrabimus, ita ut ordinate perficiatur tria potiſſimum efflagitari docentur: opus ſcilicet primo eſt, ut duarum faltem idearum, ut ajunt, conſciū ſit animal iſum; ut illi nimirum innotescat tum id, de quo aliud vult affirmare vel negare, tum id ſimul, quod illi affirmando conjungit, vel negando cogitat removere: neceſſe ſecundo eſt mutua duarum iſparum idearum comparatio; quae nonniſi pondere earum utrinque cognito

men-

menti relucet: requisitum postremo est, ut earundem notionum relatio ita comperta fiat, ut luculenter funditusque animo videatur quanam ratione unum se habeat ad alterum; quod quidem acrioris est ingenij, & in quo suprema decernentis, & singulari laude philosophantis sita vis est, & rara praestantia.

§ 221. Ne ergo omnia, quae sunt innumera, belluarum ex singulis earum generibus vera judicia confe&temur hoc loco, jam brevi tum superiora illa comple&temur exempla, eaque acri expendemus animadversione, tum pauca quaedam ex obviis aliquorum Brutorum factis, quae nobiscum frequentissime veriantur, petita colligemus. Quamquam equidem puto, neminem futurum; nisi forte contradicendi magis ille sit, quam veri inveniendi cupidus; quomodo libenter concederet, nihil eorum cunctis animantibus non judicii solum deesse, verum etiam reliquarum mentis functionum, quibus homines a rebus sensu & cognitione parentibus discerni jure dicuntur. Posunt quidem ab acutis Viris plura sophismata excogitari, atque ineptissima quaedam absolutae huc usque argumentationi dicacite potius opponi, quam firma invictaque oratione: at qui ingenio valent, atque sollertia, iidem facile vident, ea sophismata, si non ab omnibus solvi valeant, ab omnibus certe rejici, & contemni debere. Statim namque manifesta suggerit experientia, Canes nimirum eundem sepe respuere cibum solere, si ab incognito exhibeatur aliquo, in quo dolum forte suspicentur, quem tamen alacres ac gestientes arripiant, si ab amici vel domestici cuiuspiam manibus

nibus praebetur: corundem preterea animantium plures tanta patent sagacitate a natura donati, ut non furtivos domorum homunciones solum a familiaribus magnis discriminis argumentis internoscant, verum etiam egenos ipsos pannosos a divitibus & nitido vestimentorum ornatu instructis, visu ne an olfactu dicamus, perfectissime discernant; ideoque ipsi, quamprimum utriusque heri fortibus accedant, aut hisce blandiuntur, aut in illos latratu & furore etiam vehementissimo influnt. Sues insuper, quos alibi commemoravimus ( § 100. ) eas optime intelligunt voces hominum, a quibus quotidie in pascua compelluntur, iisdemque attentissimis auribus parent, si illorum sint, cum quibus per arva montesque vagantur; caeterum quas ignotas auscultant testacea buccina editas sive articulatas haud aquam sequuntur. Corvi item in cibis diligendis ita se temperare dicuntur, ut nonnullos devorent avidissime alios vero continuo respuant, quos faetidos semel persenserint ( § 102. ). Ampliora prodere certe possemus, quae Brutorum aliorum cumulatissimam hac de re historiam conflarent, nisi rem per se se perspicuam, congestis veluti eorum factis, obscurare, ut saepe usuvenire adsolet, reveremur. Itaque sermocinationem absolvamus. Quae igitur in commemoratis animantibus judicia laudavimus plurium notionum praesentiam eorum animo objectam expetebant, ut earum una cum alia vel pluribus collata discrepantiam vel similitudinem agnoscerent, atque inde pro judiciorum varietate diversis affectuum motibus agerentur. Verum a re qualibet Brutis objecta, quae ipsis praefens

sens est, unam nonnisi ejus notionem sensoriorum exterorum auxilio valent certe comparare; reliquae igitur notiones, quae ad cedendum de omnibus judicium illis possunt tuto opitulari ab aliarum rerum notionibus peti debent, quae plerumque remotissimae etiam quam sint, eadem profecto a phantasiae, & memoriae subsidio atque potestate proficiscuntur dubio procul, & belluis pro eorum lubito & necessitate presto sunt.

§ 222. Hisce itaque exactis, quae sincerum animae belluarum judicium patefaciunt, minus profecto operosum fore arbitramur pestrem illam mentis operationem legentibus exhibere, & Brutis etiam, quin haereamus vel hilum, attribuere, quam Ratiocinationem Dialectici vocant. Quae hujus sit indeles, quod officium praeclarissimis Tullii (*a*), & Quintiliani (*b*) monitis eos ignorare non decet, qui de rebus philosophicis disputare contendunt, & aliquam gloriae mercedem a doctis Viris propterea assequi posse non dubitant. Ea videlicet conantur homines, ut ab exploratis rebus ad obscura detegenda gradiantur; quod quidem prospere obtinent, si sibi ordinate constent, & leges aliquot non pretermittant, ad quas a natura potius, quam ab artis alicuius in periis instituti esse reperiuntur. In omni itaque re dubia, quae liquidis duabus saltem distinctisque notionibus constare debet nodum solvere, & certam ejus assequi notitiam cuique fas est, si tertia, ut docent, aliqua idea in subsidium adsciscatur, quae cum duabus ipsis comparata rei definiendae lucem quotidiam-

(a) *QQ. Acad. Lib. IV. Cap. VIII.*

(b) *Institut. Orator Lib. V. Cap. X.*

dammodo praeferat, & rectum ad veritatem iter mentis ostendat. Haec brevi stylo innuisse duximus necessarium, antequam Brutorum argumentatio ab eorum gestis petita invictissime vindicaretur.

§ 223. A Mulo cum astu & solertia, atque ab eo potissimum exemplo, quod alibi ex Plutarchi historia attigimus ( § 97. ) apposite disputandi materiam possumus facile mutuari. Scilicet ab eo mulo querebatur qua via & ratione adsportandi salis pondere & negocio semet liberaret: detsi itaque levamen, cuius desiderio tenebatur, & sarcinae impositae privatio, binae erant in ejus animantis conceptae ideae quae alteram, ut prospere conficeretur argumentatio, efflagitabant, notionem; cuius luce cum iisdem collatio fieret, & necessarius nexus monstraretur. Salis igitur per aquam colliquatio forte ab eo oneris exuendi perdendique ratio comperta est, quae cum levaminis cupiditate, & sarcinae ejusdem privatione perbelle necestebatur. Hac ergo comparata ab experientia recenti cognitione, Mulus iste continuo hujusmodi syllogismum confecit „ Ni- „ si a dorso gravamen, quo premor, auferatur, leva- „ minis desiderium explere nullatenus valeo: atqui sar- „ cina exinanitur pene omnis, quoties in fluminis me- „ dio me peritus mergam, & paulatim deinde surgam: „ Ergo, ut mihi pro voto faciam satis, nonnisi hac in- „ dustria agendum mihi deinceps est, qua pondus onine „ perdatur „ Quod hic obiter in Mulum animadvertis- mus, ejusque argumentationis vim eruit, vix dicendo exhibere possumus quanta facilitate a Lectore acuto & ingenioso reliquis etiam Brutis omnibus debeat accom-

mo-

modari , quamprimum singulas eorum actiones velit non colligere solum , verum etiam analysis primum ope solvere , & synthesis deinde cura componere . Iejunum propterea , frigidum , & ingratum esset opus , si a nobis omnia & singula Brutorum exempla , quorum Capite tertio multa habita mentio est , in syllogismorum schema redigerentur , qui ad potiora pertractanda in praefens evocamur , & pedagogico more Commentaria nostra inferire merito prohibemur .

§ 224. Iam illa , quae in belluis omnibus mentis functiones ostendunt satis pro brevitate , ut arbitramur , complexi fuimus . Verum , antequam pro hisce Commentariis extrema vela contrahantur , necessum fore pervidemus nonnulla legentium oculis atque animadversionibus ex industria proponere , quae objici ab indoctionibus possunt , atque argumentis ab invidia ductis plura inferri , quae plerisque ut adsolet ineruditis imposita non parum existimationi nostrae fortasse incommodarent . Arguere autem potissimum valerent , atque in speciem non modo graviter & copiose dicta , sed etiam acute inventa , & subtiliter disputata viderentur , quae mox hac ratione consulto a nobis exhibentur .

§ 225. Si Bruta paris quidem ex dictis cum hominum indole naturae atque ingenii teneantur , aut omnia labuntur gravissima maximique momenti , quae pro Republica & Religione sancta testaque tuenda doceri saepe solent , aut Bruta decretis quibusdam legibus subdantur necesse est , quae nonnisi a constituto probeque comperto spiritualium operationum principio proficiscuntur omni quidem dubitatione remota . Scilicet ab ho-

mi-

minum spirituali prorsus ingenio, quo tum verum adsequuntur ipsi, tum de eodem semel percepto libera facultate deliberant, supremi colendi Numinis, nec non legum divinarum humanarumque necessitas adstrui a Metaphysicis solet; quae hactenus nonnisi uni hominum generi fuit a sapientibus proposita, eidemque perinde uni consentanea est attributa. Aut igitur nonnisi per inscitiam consultum hoc usque humano generi est ab iis, quorum in eo regendo suprema fuit potestas, & a quibus aliud animantium Brutorum latissimum aequum genus ab eadem necessitate haud esse excipiendum ignorari maxime dedecet; aut si Bruta ipsa ab utroque legum praescripto secreta ab iis ex industria dicantur; etiamsi aequo cognitionis ac voluntatis munere gaudere reipsa crederentur; haud immerito homines quaeri jam possent, se nimirum tam arctis vinculis fuisse pro lubito religatos, quantum liberrima est quidpiam agendi belluarum potestas, quae fibimet relietas prorsus ubique cernuntur, quin ullo valeant imperio legitime coerceri.

§ 226. Sed qui nobis haec objiciant, ex eorum erunt fortasse numero, qui de rebus ad haec liberalissima studia pertinentibus judicare non possunt. Etenim quotquot sunt in metaphysicis disputationibus diu multumque versati, aut proponere isthaec non audent, quae satis probabilem difficultatem neutiquam continere videntur; aut si forte objectis respondere pro instituto cogantur, hoc ideo efficiunt magno doctrinae apparatu, ut ostendant multo magis quam firmis rationum pendentibus veritas ipsa consisteret, & quam pudendum esset

adversariis illa preferre, quae vix tytonibus vel hebetioribus digna censerentur. Quamobrem nobis in praefens fas sit a proposito digredi multo magis, qui obiectam difficultatem non multum parvipendere ipsa ejus expositione siverimus.

§ 227. Itaque ad cohibendam morum pene incredibilem foeditatem, neve humanum genus, suapte natura in omnem vitiorum colluviem caeteroquin proclive, si ipsum sibi relinquoretur, certissimo labendi discrimini se se saepe committeret, veneranda legum auctoritas invecta principio est, quum homines in vitae societatem coire caeperunt, quibus horum incertae nutantesque operationes in tutissimo continerentur officio. Ipsi nimirum Rerumpublicarum, & Principum sanctionibus semet ultiro subdidere, quo non publica solum, sed & privata quies tuto servaretur, atque omnis actionum humanarum honestas juxta tationalium natum longe lateque vigeret. Hic locus quantum ad scribendum pateat, facile quisque videt: non est tamen, cur in eo diutius immoremur, si Lectoris ingenio quidquam tribuere velimus. At quorsum haec? Scilicet; ut multa praetereamus; hominum genus in omnia scelerá effusum, publica cervicibus suis imposita potestate, quam dies noctesque formidaret, cui obsequi in suae etiam nativae libertatis perniciem curaret, quae efferratam refraenaret licentiam, quae demum legibus sapientissimis simulque severissimis, totidem veluti loris, superbientes depravatae indolis motus coerceret, atque ad omnem honestatem informaret, volens libensque supra legum administratione statuit gubernari

po-

potius, quam perpetuo suorum ferociae semet exponere  
 discrimini, si exleges vivere diu homines sibi relieti  
 aliquando sinerentur. In quo rectissimo quidem consi-  
 lio, tametsi plura agnoscerentur sibi posterisque com-  
 moda, multo tamen majora gravissimaque detimenta  
 cernebantur, quae effraenibus voluptatibus, quae ni-  
 miae acquirendi cupiditati, quae explendaे iracundiae  
 & libidini adversabantur. Accedebant praeterea innu-  
 mera paenarum genera legum c vilium violatoribus pro-  
 posita, a bonis vituperatio, a lictoribus persequutio,  
 nec minus alia pene innumera, quae eos saepe nostris  
 etiam temporibus comitari videmus, qui utilitati suae  
 ac lubito legum earundem observantiam per nefas om-  
 ne censem posthabendam. Quis autem ignoret, aut  
 quis non potius intimo sensu incredibilem difficultatem  
 experiatur animique conflictum, quamprimum iis obtem-  
 perare cogantur edictis, quae, si non honestati repu-  
 gnent, suaemet tamen voluntati vim faciunt? Cu us  
 non continuo complebitur animus maerore, formidine  
 rerumque implendarum arduitate, qui sive publicas  
 colat sanctiones, sive ipse pessundet? Nihil hic de di-  
 vinis institutionibus, neque minus de christianis jussio-  
 nibus dicam: quippe non, ut hominibus Regum tem-  
 poralium subditis usuvenire solet, exterior solum le-  
 gum cultus inquiritur, sed is fane, qui ab invisibili  
 Legislatore vindicatur sincerus, castus, numerisque om-  
 nibus absolutus; cuius etiam si totum, vel pars defi-  
 ciat aliqua, transgressores nonnisi sempiterna paena pu-  
 niuntur. Quae quantaque fuerit a conditis legibus, &  
 a cohibita hominum libertate in animi pathemata vis,

facile intelligi ex superioribus posse videmus: inde tamen magnum putamus caussae nostrae praesidium fore petendum, qui modo desinitam Brutorum libertatem perinde aggredimur explanare, atque ad hujusc Capitis propositum probe referre.

§ 228. Itaque belluae omnes, et si publicae Legum auctoritati sint haudquam obnoxiae, neque infra politicum Rerumpublicarum Corpus, ut homines, contineri censeantur; quamvis ad eisdem Naturalis, aut etiam Revelatae Religionis praecepta vel minimum pertinere non constet, quibus in officio earum voluntas arctissime comprimatur, plurima occurunt tamen, quibus tantum earum mens torqueri saepe solet, quantum cohiberi & angi homines possunt, qui legitimae Regum maiestati obtemperare planeque morem gerere praecipiuntur. Non eas autem hic bellugas complectimur, quae venatorum insidias quum semper evaserint, & ab hominum conspectu atque consortio vitam sylvestrium ferarum more transegerint, illud perpetuo, pro liberrimo earum lubito, consecuti, & appetere, seu contra ab eo vehementissime refugere consueverunt, quod vel nativae illarum voluptati respondere apprime sentiebant, vel huic eidem adversa ratione vim irrogare intima veluti conscientia judicabant; illas tamen intelligimus, atque in disputationis hujusc argumentum heic usurpamus, quae in hominum potestatem quoquemodo redactae in alteram propemodum naturam educationis ope, atque asperrimae violentiae que cujusdam disciplinae praesidio transformatae videntur etiamnum; nos sine maxima item educatorum admir-

miratione. Hisce itaque Brntis terrores objiciuntur , & leges , aut etiam delectabilia quandoque praemia monstrantur , quibus utrisque ipsa vel a ferina voluntate revocemus , vel delinita in aliorum imperia pertrahamus . Nihil potro est , quod , tametsi arduum & operosum magnopere iisdem per se se sit , non eorundem ingenio accommodari demum videamus , atque a feritate in mansuetudinem pene incredibilem , hujusmodi adhibita legislatione & disciplina non transeat . Legum earundem praescripto equi videlicet a primigenia naturae superbia ita gubernari moverique sensim assuefcunt , ut non ferocientem modo virium suarum impetum non amplius praeferant , verum etiam quacumque flecti facile se finant , & saltandi perinde artem ad equitis nutum apprime calleant , si perito domitori instituendi tradantur .

§ 229. Quis praetera eorum potest ignorare , qui terum naturalium magnam se eruditionem possidere profitentur , quantum Simiarum , & Cercopithecorum differat conditio , & quam dispare horum animantium mores sint , quo loco in sylvis nascuntur , & ferarum libertate vivunt , ab iisdem , qui aliquando capti hominum legibus illico obtemperare compelluntur ? Illi namque a Scriproribus nativa calliditate semper abusi describuntur ut rapinis , caedibus , & volupratibus indulgeant suis , atque ea demum cuncta persequi current , quae libertati penitus servandae quoquomodo inservire posse pervident ; contra vero ita ab incommodis , & ab ipsa potissimum captivitate abhorrent , ut multa ingeniiosis conentur vitibus , qua vel hominum mancipia

non

non fiant, vel semel vincti nexibus, eorumque tyramnide quam citius solvantur; hi autem, quamprimum minas, verbera, inediam experti quandoque fuerint, praceptorum imperiis tam bene subiiciuntur, ut nihil pene sit ex moribus, & actionibus hominum vel maxime arduum atque pericolosum, quod ab ipsis aequa sedulitate & imitatione, veluti ad eorundem naturam accommodatissimum, non efficiatur. Nempe ad omnigenam saltandi disciplinam institutionibus, & fastibus simul comparantur, numerose choreas agunt, equitandi, habenas regendi, & canes, quibus plerumque insident, quocumque convertendi artem addiscunt, atque omnes (ut multo plura silentio praetereamus) ad gymnastices exercitium canones firma adeo servant mirum in modum memoria, ut non ita exakte tantundem absolvendum expectari ab iis vel juvenibus, vel adolescentibus forte valeret, qui in Ephebiis, sive in publicis urbium celebriorum Gynnaesiis ad singulas equestres quotidie institui artes solent; quibus caeteroquin nec liberalius deest magisterium, neque praeclarior ad ea perdiscenda persuasio. De rebus ab obvia experientia petitis sermonem ducimus, neque proinde legentium fidem quum fallere ulla ratione queamus, alteram continuo animadversionem proferre hoc loco tempestive monemur. Ursi scilicet omnes sunt nobis ad scribendum aequa propositi, quorum tam agrestis, ferox, cospulenta, & ad omnem operationem impar videtur esse natura, ut arte hominum, & legibus coerceri non possint: ipsi nihilominus, quamvis ingenti corporis mole, & viribus a natura contra eorundem hominum vires in-

stru-

structi, admirandum praebent servitutis specimen, simulque spectatoribus oblectamentum. Etenim pedibus isti, & toto perinde corpore erecti saltare, atque in gyrum agi sub ductoris imperio saepe in publicis viisi sunt compitis urbium nostris, atque plateis; baculis deinde innixi progrederi, pileum a capite ducere, & more nostro adfentes salutationibus prosequi, corpus mira prorsus ratione, circulatorum instar, contorquere, aliaque perficere militum evolutionibus simillima: quae profecto omnia haud eorum propria, & usitata fuissent, si suae tantum libertati consulentes in specubus montium, aut infra nemora latuissent. Nihil autem dicere attinet quantopere Brutorum animus variis hisce exercitationibus torqueatur: ipsorum quippe lamentabiles voces, & quos edunt saepe clamores, atque inanis insuper ad resistendum conatus quid sane sibi velle portendunt, quam invita omnino ad eas functiones voluntate pertrahi, atque ingenti angore illa idcirco divixerari? Nullum ergo discrimen intercedit, unde Brutus nec alienae vi, neque legibus subdi jure dicantur; ipsa quinimo multo deterius, quam homines pati soleant, Dominorum imperiis absque judicio, omnique humanitate prorsus abjecta, mancipiorum aut damnatorum ritu plerumque gubernentur.

§ 230. Cur ipsis vero civiles leges non aequa ut hominibus servandae statuantur, neque illa proinde infra politicum corpus censenda fore existimaverint, qui omnem publica auctoritate jurisprudentiam condidere; cur iisdem quoque supremi Numinis cum primis cultus, & quaecumque ad illud ipsum sunt sacra, & caeremo-

niae

niae nequaquam proponantur, res est profecto, quae nostrum plane excederet institutum, si eam pro dignitate pertractare deberemus. Istiusmodi, quas nunc attigimus, inter se consertae inquisitiones plura quidem efflagitant, quae sapientiores tradunt, eaque firmissimis demonstrant argumentis, tum Metaphysici, tum Theologi, tum Iurisconsulti superiorum, ac nostrorum temporum ferme innumeri: a quibus tamen si summatim potiora delibaverimus, & jam pro munere nostro heic satis superque fecisse putabimus, & iis etiam lucem conciliabimus, qui deinceps uberiori stylo de iisdem forte erunt disputaturi.

§ 231. Pervulgatum, ac celeberrimum primo Metaphysicorum dogma est, substantias, quae de cogitantium sunt genere, dum aliquid pro suae spiritualis naturae facultate agunt, ea perpetuo sequi morum, ut ajunt, principia, quae sunt, juxta scholarum effata, in ratione suarum notionum, sive idearum, adaequata; atque eo se se deferti quodammodo finere, quo verge-re suadet ipsa animi cogitantis virtus, sive constitutio. Hinc rite inferunt illi, unicuique cogitanti pro suae mentis statu definitam fore agendi rationem, atque inde ingeniorum omne, latissimeque patens discriminem pertendum esse decernunt. Ea est autem cuilibet adaequata idearum vis, quae ejusdem cogitantis statui respondet: quare qui majorem notionum nexum percipiunt, nec adeo arctis, ut alii plures, idearum inter se consertarum coercentur limitibus, amplioribus item viribus ad agendum distenduntur. Hoc ipsum inter hominum singulos haud raro usuvenire quotidie cernimus,

quo-

quorum nonnulli stupido cardoque ingenio desipientes pauca quaedam se se intelligere ostendunt, eaque ita jejune, ut nonnisi eorum viciniores tantum connexiones hauriant, alii vero vel longiores causas rerum videant, consequentes pene innumeratas, harumque invicem ordines plane asequantur, caeterosque antecedant. Illud etiam ad rem nostram pertinere jure suadetur, ut alterum statuimus assertum, cuius veritas tam Philosophorum, quam Theologorum calculis confirmatur; nemini videlicet, nisi per summam vim supremamque injuriam calendarum legum necessitatem imponi cui neque earundem praeclara sit dignitas & honestas, neque comperta videatur officiorum suorum ea cum legibus ipsis, quae vulgo proportio nuncupatur.

§ 232. Restat igitur ex hisce brevi calamo animadversis, ut germanis Philosophiae praescriptis Brutorum spiritale ac operosum caeteroqui ingenium a divinarum humanarumque constitutionum negocio omni quidem jure excipiamus, cuius tanta non est amplitudo, quanta in singulis viget hominibus, quibus ea omnia custodienda praescibuntur. Isti ergo conqueri immerito prorsus valerent, si forte adversariorum nostrorum objectis adsentirentur: ac propterea nec rei aequitas patitur ipsa, neque recta ratio suadet, ut & qui Brutorum libertati per vim prosligandae student, morali, ut ajunt, legum necessitati subjiciant, & homines contra ab earundem observantia ideo jure debeant excipere, quod ipsa, quemadmodum homines iidem spirituali principio agantur, & vigeant. Haec quidem summarissim. Multo

ma-

majora tamen disputanda contra propositam difficultatem supererent modo, si ex instituto omnem sermocinatio-  
nis hujusce materiam exhaustire quodammodo voluisse-  
mus: quod quidem adeo nobis praecavendum videba-  
tur, quantum Scriptori cuilibet est sedulitate omnimo-  
da connitendum, ne a propositi finibus nimium digre-  
diatur, aut in aliena jura se immisceat, quae vix pro  
re nata tractare deberet, rerum dicendarum solummodo  
necessitate poscente.

§ 233. Nunc igitur singulis Commentariorum no-  
strorum expletis Capitibus illud absque sermonis vitio  
praetermittere prohibemur, cujus ope in unum veluti  
centrum non inconcinno rationis ordine universa colli-  
gantur. Porro credibile cumpriniis non est homines,  
qui saecula nobis cognita tota aeternitate praecesserunt,  
quum de Brutorum spiritali natura unanimi pene sensu  
differuere, adeo vel antiquitatis vel communis sapien-  
tiorum de iisdem Bruris judicii, vel gloriae suae ne-  
gligentes fuisse, ut non ea litteris consignarent, quibus  
& suae, & suorum famae consulerent, si non saniori,  
minusque accurata philosophia pro Belluarum ingenio,  
& simili cum hominibus natura calamum acuissent.  
Porro Sapientissimi Viti quales ab orbe pene condito  
ad usque nostra postrema saecula patefecimus Cap. I.  
nihil ferme habere antiquius potuerunt, quam illa funditus  
investigare (ubi ingenio, litteris, & otio abun-  
daverint) quae philosophica animadversione pluribusque  
experimentis tota constant; quam vetustatis monumenta  
colligere, serioque perpendere majorum placita, eaque  
demum probare, & doctorum posteritati committere.

Quae

Quae certe omnia perfecisse singulos Scriptores prae-sumamus necesse est. quos juxta temporum rationem accurate laudavimus de Brutorum anima contra Peripateticorum nec non Cartesianorum dogmata scribentes. Sed quid ego ista persequor, aliaque exinde duobus elucubrata sequentibus Capitibus Secundo & Tertio argumenta, quum minoris illa sint ponderis, si cum reliquis comparentur, quae ab intima belluarum natura fuse petivimus? Constat nimis, belluas omnes in se habere quaecumque in organizata hominum machina sensus atque irritabilitatis dicuntur origines; quorum praeterea ea est structura, & fibrarum facultas, ut ex animadversionibus Georgii Baglivii inter utrosque viventes nullum intercedere posse idcirco discrimen facili negocio & attentione colligatur (§ 131. § 132. § 133.). Fibrarum itaque & muscularum elateres, & semet contrahendi in utrisque potestas cum irritabilitatis robore mirifice conjuncta, quemadmodum corporis valetudini tuendae maxime profundunt, & singulis animalium, quae vitae dicuntur, functionibus opitulantur, ita etiam in eorundem animantium perniciem vertantur necesse est, quamprimum vel minimum aliquid mollissimis, delicatis, & admodum irritabilibus fibrillis admoveatur, quod acre, & veneficum sit quoquomodo (§ 137.) quae quidem tam late a nobis sunt Capite IV. disputata, ut supervacaneum quisquis merito arbitraretur, si iterum proposita jam, & satis demonstrata quodammodo recta hic lectoribus objiceremus. Si ergo sensum Brutorum anima tam in jucundis, quam in invitis corporis immutationibus percipit (§ 146.), ab eodem quoque

ha-

habere illa debet in se principio, ut sensu afficiatur ac immutetur, tum rerum omnium cognitione potiatur (§ 147.). Ab eodem igitur fonte, unde in belluis sensus dimanat omnis, non a praeclarissimi Wolfi argumentatione solum (§ 148.) verum etiam ab aequo, & legitimo rationis nexu proficisci debet cur dicamus, easdem sentire & cogitare simul, & intima etiam suarum cogitationum conscientia pollere: Istud autem cogitandi principium in Brutis omnibus spiritale esse omnino alibi ostendimus (§ 152. § 153. § 154. § 155.). Eorum propterea spiritale vere esse ingenium sive animam asseramus oportet, quae percipere quamplura (§ 214. § 215. § 216. § 217. ) quae de perceptis judicare (§ 218. § 219. § 220. § 221. ) quaeque demum ex utrisque inferre alia multa sive hominum more ratiocinari (§ 223.) non admodum jejune differuimus quantum Commentariorum necessitas cum sancita brevitate copulata expetere, & sibi jure veluti proprio vendicare videbatur. Nihil ergo mirum sapienti cuiquam erit profecto faturum, si doctiores homines additioris philosophiae luce perfusi, & ii etiam nostrorum temporum (nedum retroactis saeculis celebratissimi & naturae totius scientia praestantissimi) qui nobiscum saepe hac de causa, tum de aliis permultis colloquuntur, hoc unum ipsum firma amplectantur persuasione, quod venerandae Majorum nostrorum meritò placuit antiquitati, quod constantissimis in universa Brutorum opera animadversionibus mirum in modum cohaeret, quod demum vel ipsi altioribus mysteriis, & scientiarum institutionibus destituto vulgo adridere & probatissi-

tissimum esse videtur, quum inter Bruta versatur quotidie varii generis, eaque vel ad solatium, vel ad opem, vel ad lucum arte & patientia instituere conatur. Quid nam quaeso de iisdem vel agrestior existimare videtur plebecula, quum saepe ea alloquentia sibi tot signis intuetur, quum eorum astus, affectus, aliaque infinita pene planeque miranda contemplatur, quae vel rudiorum hebetiorumque hominum visum praeterire non possunt? Ita cum iisdem agere ipsa appareat, ac si cum caeteris hominibus misceretur sibi similibus, quibus ingenium & cogitandi latissimam esse facultatem ex intima suarum operationum mentis conscientia nullatenus dubitat.

Haec hactenus elucubrata eò demum spectare nobis modo visa sunt, quod cudendi Operis totius nostrum rebeatur consilium, quum horis tantum subsecivis spiritali Brutorum Anima Commentaria haec ad unguem perducere potuisse cogitavimus. Illud unum nos recreat, eorumdem ope celeberrimae huic, perfectae jam, disputationi caeteris nos aditum philosophis aperuisse, unde meliora multo ad Litterariae Reipublicae commodum deinceps afferantur in lucem omnium, si forte haec non tam bene elaborata, expolita sint, atque illustrata, quantum rei gravitas, atque difficultas exposcere per se videbatur.

F I N I S .

IN-

## INDEX CAPITUM

## C A P U T I . p. 1

*Peripateticorum circa Belluarum animam sententia cum unanimi omium Philosophorum consensu comparatur, qui eam spiritalem esse constanter fassunt.*

## C A P U T II. p. 15

*Totius humani generis omnium temporum suffragatur consensus, quum de immateriali Brutorum cognitione instituitur inquisitio.*

## C A P U T III. p. 89

*Quid iis praestandum esset, qui Belluarum animam omni sensu, & ratione carere vellent dilucide demonstrare.*

## C A P U T IV. p. 137

*Brutorum operationes, & quae ipsorum animales dicuntur functiones cum germanis sensus, atque irritabilitatis notionibus universis receptis conferuntur; atque inde ad adstruendum corundem spiritale principium progreditur Oratio.*

CA-

## C A P U T V. p.203

*Quaecumque a Brutis eduntur signa vocibus, ejus-  
latibus, aliisque doloris aut voluptatis argumentis ve-  
ram in ipsis sensationem fieri decernunt.*

## C A P U T VI. p.229

*Brutorum phantasia, memoria, de rebus perceptis  
judicium, & argumentatio eandem conficiunt demon-  
strationem, quae omnem Commentariorum rationem  
absolvit.*




EX C U D E B A T F L O R E N T I A E  
CAJETAN. CAMBIAGI REGIUS TYPOGRAPHUS  
A N N O M D C C L X X V I .

P R A E S I D U M F A C U L T A T E .


*Errata.**Corrigē.*

Pag. 29. vers. 24. progres-	progressu	Idolatriæ
sus Idolatriæ		
Pag. 37. vers. 25. artificiosa	artificiosa	
Pag. 53. vers. 17. deinceps	deinceps	
Pag. 67. vers. 21. subjiciunt	subjiciuntur	
Pag. 75. vers. 1. exornatum	exoratum	
Pag. 76. vers. 5. infectetur	infectetur	
Pag. 121. vers. 28. non fiunt	non fiunt?	
Pag. 139. vers. 13. ventientis	sentientis	
Pag. 144. v. ultim. quolibet	quilibet	
Pag. 176. vers. 18. rapucium	rapacium	
Pag. 199. vers. 18. § 71.	§ 72.	
Pag. 205. vers. 12. ilia	illa	
Pag. 233. vers. 28. ea,	, &	
Pag. 240. vers. 25. grevissima	gravissima	










































~~724~~  
34 CH  
J.W.



